

ЎЗБЕКИСТОН МИЛЛИЙ ЭНЦИКЛОПЕДИЯСИ

3 ҲАРФИ

«Ўзбекистон миллий энциклопедияси»

Давлат илмий нашриёти
ТОШКЕНТ

Ушбу китобдан фақатгина шахсий мутолаа, танишиб чиқиши мақсадида
фойдаланиш мумкин. Тижорий мақсадда фойдаланиш (сотиш,
кўпайтириш, тарқатиш) қонунан тақиқланади.

З — ўзбек-кирилл алифбосининг тўққизинчи ҳарфи. Тил олди, сирғалувчи, жарангли ундош товуш. Сўзнинг боши (зар, зарур), ўртаси (озик, чизик), охира (куз, туз) кела олади. Сўз охирида жарангсизланиб «с» товушига томон бир оз ўзгарди (сиз — сис, кўрасиз — кўрасис), бу хол имлода акс этмайди. Туб ўзбекча сўзларда сўз бошида деярли кўлланмайди. Жаҳон ёзуви тарихида туркий халқлар, шу жумладан, ўзбек халқи учун умумий бўлган ёзувларда З ҳарфи ўзига хос шаклда бўлган.

ЗААНЕ ЭЧКИ ЗОТИ - сути учун бокиладиган зот. 19-а. ўргатарида Швейцариянинг Зане (Saane) дарёси водийисида чиқарилган. Эчкилари йирик, гавда тузилиши мустаҳкам, аксариятининг елини катта, сўрғичлари яхши шаклланган. Териси юпқа, асосан, оқ рангда. Такасининг яғрин бал. 75—80 см, вазни 70—80 см, эчкилари 50—60 кг, думғазаси тор, жуни калта, килтиклари ингичка. Эчкилари

бир йилда ўртача 600—700 кг сут беради (рекорд сут маҳсулотдорлиги 2235 л), сутининг ёғлилиги 3,5—4,5%. Ҳар юз бош эчкидан 180—200 улоқ олиш мумкин. Бу зот Фарбий ва Марказий Европада кенг тарқалган. Европа, Осиё, Америкадаги кўпгина мамлакатларда сут йўналишидаги эчкичиликни ривожлантиришга катта таъсир кўрсатди. 20-а. бошларида Россияга келтирилган, ундан кисман Ўзбекистонда тарқалган (шахсий хўжаликларда бокиласди). Маҳаллий жайдари рус эчки зотларининг сут маҳсулодорлигини яхшилашда фойдаланилган. Дурагайлари бир йилда 500—1000 кг сут беради. Россиянинг марказий ва шим.-фарбий вилоятларида кўп бокиласди.

Бозорбой Сувонқулов.

ЗАБАЙКАЛЬЕ — Байкал кўлидан шарқда жойлашган тоғли худуд. Шим.дан жанубга 1000 км га чўзилган. Аксари ўртача баландликдаги (1200—1300

м) тоғлар ўлкаси; шим. ва ғарбда баланд тоғлар (3000 м гача) б-н ўралган. З.нинг 2/3 қисми гранитлардан тузилган. Олтин, титан, темир, рух, қўнғир кўмир ва тошкўмир конлари бор. З.нинг шим.-ғарбий қисмida Байкал бўйи баланд тизмалари (Хамар-Дабан, Баргузин, Жида, бал. 2500—3000 м гача) ва З. тоғлари ҳамда катта сойликлар жойлашган. Бу қисмida 9—10 балли, шаркроқдаги ўртacha, паст тоғларда ва ясси текисликларда 6—7 балли зилзила бўлиб туради. Иклими кескин континентал. Янв.нинг ўртacha т-раси —20° (—35° гача), июлни-ки сойликларда 15°, тоғларда 7—10°. Йи-лига ўртacha 250 мм дан 1000 мм гача ёғин тушади. Йирик дарёлари: Витим, Олён-ма, Селенга, Шилка, Аргунь. Кўллари: Байкал, Торей, Баунт, Еравное, Гусиное.

ЗАБАРЖАД — минерал, заргарлик тоши, оливининг арабча номи.

ЗАБЖЕ — Польшанинг жан.даги шаҳар. Аҳолиси 200,1, минг киши (1999). Юкори Силезия агломерацияси таркибида. З. ёнидан кўмир қазиб олинади, кокс ишлаб чиқарилади. Металлсозлик ва оғир машинасозлик (кон ускуналари, пўлат конструкциялар, кўтарма кранлар), кимё, кокс кимёси, радиоэлектроника, озиқ-овқат, ойна саноати корхоналари мавжуд. Театр, тиббиёт академияси, музей бор. Шахарга 13-а.да асос солинган.

ЗАБОЙ (рус.) — фойдали қазилма бойликлари ва копловчи жинслар қазиб олинадиган иш жойи; кон иншоотлари (шурф, штольня ва бурги коваги)нинг энг пастки юзаси, мас, бурғи ковагининг туби. Кон ишлари натижасида З. сурилиши мумкин. Ишлар олиб борилаётган З. ишлаб турган ва, аксинча, ишлар тўхтатилган З. ишламаётган З. дейилади. Шахта ва конларда З. горизонтал (ётик), вертикал (тик) ва қия, очик конларда З. ёнлама ва фронтал (олд тарафда) бўлади. З.нинг майдони фойдаланиш мақсадига қараб 5 см² дан бир неча 100 м² гача боради. З.даги ишлар тайёрлаш ва тозалаш ишларига бўлинади. Тайёрл аш ишларида ҳамма кон иншоотлари фойдали

казилмаларни қазиб олиш учун маълум тизим асосида тайёрланади. Тайёрлаш ишлари фойдали казилмаларнинг жойлашиш қонуниятлари, қалинлиги ва б. физик хоссаларини аниқлашга ёрдам беради. Фойдали қазилмаларни қазиб олиш учун ўтка-зиладиган барча ишлар йигиндиси тозалаш ишларига киради; 2) кудуклар бургилашда бургилаш асбоблари б-н ковлаб боришда кудукнинг ўйиладиган ён сирти.

ЗАБОНИ ГОВ (форс.-тож. — хўқиз тили) — тандир нонининг қад. турларидан бири. Уни Самарқанд новвойлари темурийлар даврида кашф этишган. Инқилобга қадар ҳам бундай нон Самарқанд бозорида сотилиб турган. З.г. хамири ширмой нон хамири каби қорилган, одатдагича юмалоқ эмас, балки қайксимон-овал шаклида ясалиб, ўртаси нафис — 1 см, чекка ҳошиялари 2—3 см қалинликда бўлган. Ўртасига чакич урилган, чеккалари пичноқ б-н тилиниб, нақш берилган. Тандирга ёпиб гўзапоя чўғида пиширилган. З.г.ни пиширишни биладиган новвойлар ҳозир ҳам Самарқанд ва Шаҳрисабзда бор.

ЗАВОД (рус.) — 1) и.ч. жараёнлари механизациялашган саноат корхонаси. Сиёсий иктисадда З. ва ф-ка тушунчалари тенг маънода («корхона» маъносида) ишлатилади; 2) зотли ва наследор чорва молларини етиштирадиган хўжалик (мас, от з-ди; коракўлчилик з-лари).

ЗАВКИЙ (тажаллуси; асл исм-шарифи Убайдулло Солих ўғли) (1853 — Кўкон — 1921) — ўзбек шоири. Кўкондаги «Мадрасаи олий» ва «Мадрасаи чалпак»да таҳсил олган (1870—74). Махсидузлик б-н шуғулланган. Маълум муддат мирзалик қилган, Хўжанд, Самарқанд, Бухоро, Тошкент, Ўш, Андижон, Марғилон ш.ларида бўлган. Тоғаси Муҳаммад Сиддик б-н Мадинани зиёрат қилган (1900). 1903 й. Кўконга қайтган. З. мумтоз ўзбек адабиёти анъаналарини давом эттирган, Кўкон адабий мухитининг Муқимий, Фурқат, Нодим, Рожий каби намояндлари б-н ижодий

хамкорлик қилган. З.нинг ғазал, мухаммас, мувашшахлари («Айлаб келинг», «Радифи Завқий» ва б.)да ўзи яшаган мухит ва тузум, меҳнат ахлининг ахволи тасвирланган. У турмуш алам-изтироблари, ҳижрон азобига висол умиди, вадодорлик, садоқат туйғуларини қарама-қарши қўяди («Юзингни кўрсатиб аввал», «Бодаи васлинг» ва б.), қишиларни турмуш гўзалликларидан завқланишга, уни севишга чорлайди. З.нинг бир канча шеърлари («Каждор замона», «Ажаб замона», «Абдураҳмон шайтон» ва б.)да мустамлака тузумидаги ижтимоий тенгсизлик, адолатсизлик, чор маъмурияти химоясида бўлган айрим нопок амалдорларнинг кирдикорлари фош этилади. З.нинг «Мунча кўп» радифли ҳамда «Ажаб замондур, ахбоб, бош котиб колди» мисраси б-н бошланувчи мухаммаслари 19-а. бошлари шеъ-риятидаги энг ўткир ижтимоий асарлари жумласига киради. З. ижодий меросида ўзбек қишлоқларининг ахволи, дехконлар ҳаёти мавзуи ҳам катта ўрин тутади («Янги Кўргон қишлоғи», «Сув жанжали», «Шоҳимардан саёҳати» ва б.). Бу асарлар Муқимиининг «Саёҳатнома»си таъсирида ёзилган. З. Муқимиининг ҳажвчилик йўлини давом эттириб, ўзбек адабиётида ҳажвий йўналиш тараққиётiga катта ҳисса қўши («Обид мингбоши ҳакида ҳажв» ва б.). З.нинг «Воқеаи қози сайлов» (1909—10), «Қаҳатчилик» (1916) каби асарларида ижтимоий адолатсизлик фош этилади, ҳалқнинг зулмга қарши на-мойишлари акс эттирилади. «Ажаб эрмас» радифли мухаммаси 20-а. бошлари ўзбек шеъриятида мухим ходиса бўлди. Бунда шоир мустамлака асоратида эзилаётган юртнинг баҳтли келажаги ҳакида фикр юритди. Ижтимоий ҳаётдаги айрим носозликлар, қишилар фаолиятидаги салбий ҳоллар устидан бир қатор шеърлари («Таърифи калиш», «Отим», «Фонус», «Сигирим», «Пашшалар» ва б.)да заҳарханда б-н кулади.

Шоирнинг ишқий ғазал ва мухаммаслари ўша даврларданоқ ҳалқ ҳофизлари

томонидан куйга солиниб, ижро этилган («Ёр келур замона йўқ, келмаса-келмасун нетай?!», «Кулбам аро, эй маҳлиқо, бир йўл хиром айлаб келинг» ва б.). З.нинг шеърлари турли баёз, мажмуа, вақтли матбуот ҳамда оғзаки манбалар орқали бизгача етиб келган. Қўқон ш.даги бир маҳалла, қишлоқ, мактаб ва кўчага З. номи берилган.

Ас: Танланган асарлар, Т., 1958.

Ад.: Раззоков X., Завқий ҳаёти ва ижоди, Т., 1965; Абдуғафуров А., Ўзбек демократик адабиётида сатира, Т., 1961.

Абдурашид Абдуғафуров.

ЗАГОРСК ТОВУҚ ЗОТЛАРИ

- гўшт-тухум йўналишидаги зотдор товуклар гурухи. Собиқ Иттифоқ Паррандачилик и. т. ва технология ин-тида 20-а.нинг 50-й.ларида рус оқ товуғи, юрлов, нью-гемпшир ва род-айленд зотларини чатиштириб чиқарилган. Йирик, этдор, тожи гулсимон оқ товуқ ва тожи япроқсимон сарғиш-жигарранг гурухларга бўлинади. Товугининг вазни ўртacha 3,5—4 кг, хўрози 4,5—5 кг. Товуғи йилда 160—180 та тухум қиласи. Тухуми 58—60 г. Жўжа товуғи 180 кунлигидан тухумга киради. Ўзбекистонда ҳам боқилади.

ЗАГРЕБ — Хорватия пойтахти. Савадарёсининг чап соҳилида жойлашган. Ахолиси 707 минг кишидан зиёд (1990-й. лар ўрталари). Марказий ва Ғарбий Европадан Адриатика денгизи ва Болқон я. о.га борадиган т. й. ва автомобиль йўллари туғуни. Аэропорти ҳалқаро аҳамиятга эга. З. — Хорватиянинг энг йирик иқтисодий ва маданий маркази. Машинасозликнинг турли тармоклари (станоксозлик, электротехника буюмлари); кимё, енгил ва озиқ-овқат саноати учун ускуналар и. ч., шунингдек, нефтни қайта ишлаш, кимё, полиграфия, курилиш материаллари, ёғочсозлик, қофоз, тўқимачилик, кўн пойабзал ва озиқ-овқат саноатлари ривожланган. З.да ҳалқаро ярмарка ўтказилади. Фанлар ва санъат акаде-мияси, ун-т (1669 й.дан), ядро физикаси ин-ти, олий ўқув юртлари, йирик нашриётлар, театрлар,

мъеморий ва этнографик музейлар, бадиий ва хунармандчилик музейлари, картиналар галереяси бор.

3. тарихий манбаларда дастлаб 1094 й.дан тилга олинган. 16-а. ўрталаридан Хорватиянинг бош шахри. 1526—1918 й.ларда (нем. Аграм номи б-н) Габсбурглар монархияси таркибида. 1918 й.дан Серб, хорват ва словенлар кироллиги (1929 й.дан Югославия) таркибида, 1992 й.дан мустақил Хорватия пойтахти.

Мъеморий ёдгорликлардан Епископ қароргоҳи, собори б-н (13—15, 19-а. лар), шаҳар қалъаси (13—18-а.лар), готика черкови (14—15-а.лар), барокко ва классицизм услубидаги бинолар (18-а.) сакланган. Замонавий бинолар шаҳарнинг жан. кисмida.

ЗАГРЕБ УНИВЕРСИТЕТИ - Хорватиядаги йирик олий ўкув юртларидан бири. 1669 й. фалсафа-теология олий мактаби сифатида Лепоглав ш.да ташкил топган. Кейинчалик Загреб ш.га кўчирилган. 1874 й.да ун-т мақомини олган. Фалсафа, хукукшунослик, иқтисод, табиий фанлар, мат., тиббиёт, мъеморлик ва б. ихтисосликлар бўйича мутахассислар тайёрлайди. Бир нечта и.т. институти, кутубхонаси (17-а.да таш-кил этилган, 1 млн.дан ортиқ асар) бор. 40 мингдан ортиқ талаба таълим олади.

ЗАГРОС (форс. Патак, Поштекӯҳ) — Эрондаги тоғ системаси, Эрон тоғлигининг жан.-гарбида. Уз. 1600 км чамасида, кенглиги 200—300 км, аксар кисмининг бал. 2000—3000 м, энг баланд жои 4548 м (Зардкӯҳ тоги). З.войдий ва ботиклар б-н ажралган бир неча (15—20) параллел тизмалардан иборат. Тоғлар оҳактош ва сло-нейцлардан тузилган. Карст рельеф шакли кўп. Нефть конлари бор. Иклими субтропик, куруқ, катта кисмининг ландшафти чўл. Гарбий, сернам қис-мода дуб, қайраоч, заранг, акацияли ўрмонлар, юқорироқда альп ўтлоклари ва паст бўйли бутазорлар бор. Кичикроқ музликлар учрайди. Ботикларда шўрхок, кўл ва воҳалар (хурмо, цитрус ўсимликлар, токзорлар) мав-

жу. Баму ва Эржон миллий парклари ташкил этилган.

ЗАГУРСКАЯ Галина Николаевна (1905.27.4, Иркутск- 1978.16.11, Тошкент) — актриса ва реж. Ўзбекистон ҳалқ артисти (1944). Иркутск балет мактабини тутатган (1922). 1937 й.дан Тошкентда, М. Горький театрида актриса. Яратган образлари психологик чуқур ва жўшқинлиги, харакат ва нутқ маданиятининг мукаммалиги б-н характерланади. Ижобий ва салбий, фожиавий ва ҳажвий ролларни бир хилда маҳорат б-н изро этилган. Энг яхши роллари: Варвара, Кручинина («Момакалдириқ», «Айбизз айборлар»), Елена, Василиса Карповна («Мешчанлар», «Тубанликда»), Анна Каренина («Анна Каренина»), Раневская («Олчазор»), Сабурова («Ягона гувоҳ»), Диана («Ит пичан емайди, ўзгага ҳам бермайди»), Мирандолина («Мехмонхона бекаси»), Жамила, Майсара («Бой ила хизматчи», «Майсаранинг иши»), Тўлғаной («Момо ер») ва б. Реж. сифатида «Этик кийган мушук», «Ит пичан емайди, ўзгага ҳам бермайди», «Жиззаки», «Кичкинтой Доррит», «Уч хапдори» каби спектаклларни сахналаштирган. Ҳамза номидаги Ўзбекистон Давлат мукофоти лауреати (1971).

ЗАИР — Конго Демократик Республикасининг 1971—97 й.лардаги номи.

ЗАЙД ибн СОБИТ, Абу Хорижа (Абу Сайд) Зайд ибн Собит ибн аз Захҳок ал-Ансорий ал-Хазражий (тахм. 615-тахм. 665) — Мухаммад (сав)нинг котиби, Куръоннинг ёзма матнини жамловчиси. Хазраж қабиласидан. 11 ёшида исломга кирди, Мухаммад (сав) хузурида Куръонни ўрганди ва ёд олди. Саҳобаларнинг етук намояндларидан бирига айланди. Оромий (сурёний) ҳамда яхудийлар хати (ёзуви) ва тилини билган. Мухаммад (сав) вафотидан сўнг халифа Абу Бакр ас-Сиддик унга Куръон матнини жам қилишни буюрди. Халифа Усмон ибн Аффон даврида (650 й.дан сўнг) унга уч маккалик (Абдуллоҳ ибн аз-Зубайр, Саъд ибн ал-Асом, Абдураҳмон ибн ал-

Хорис) б-н бирга Куръоннинг расмий ёзма матнини тузиш топширилган. Тузилган бу тўплам «Мусҳаф», «Усмон мусҳафи» номи б-н юритилган. Уни халифа Усмон бирдан-бир тўғри ва барча мусулмонлар ўқиши учун мажбурий матн, деб эълон қилган. Ундан фарқ киласидан тўпламларнинг барчасини йўқотиши хакида бўйруқ берган. З. С., шунингдек, мол-мулкни тақсимлаш коидалари (фароиз) билимдони, ҳазрат Умар даврида қабилалар девонини тузувчилардан бири, халифа Усмон даврида Мадинада халифанинг хазинабони бўлган ва қозилик қилган.

ЗАЙДИЙЛАР — шиаликда вужудга келган фирмка тарафдорлари, 8-а. ўрталарида пайдо бўлган. Араб халифалигида зиддиятлар кескинлашиб, зодагонлар ўргасидаги кураш кучайган, умавийлар ҳокимияти инқизотга учраган даврда вужудга келган. Фирмка шиаларнинг 5-имоми Муҳаммад ал-Бокирнинг укаси Зайд ибн Али номи б-н аталган. Муҳаммад ал-Бокирнинг сустлигидан норози бўлган шиаларнинг ичидан Зайд ўз тарафдорларини тўплаб, умавийлар ҳокимиятига қарши 739 й.да исён кўтарди. Зайд 740 й. халифа Хишом (724—743) кўшинлари б-н бўлган жангда ҳалок бўлди. Унинг тарафдорлари кейин ҳам олий ҳокимииятни Али авло-дига беришни талаб қилиб, халифалар ҳокимиятига қарши кўп марта исён кўтардилар.

864 й.да З. қўзголони Шим. Эронда ғалаба қилиб, мустақил давлат вужудга келди. Табаристон, Дайлом, Гилюн вилоятларини ўз ичига олган бу мус-тақиқил давлатдаги З. имомлари 300 й.ча ҳукмронлик қилганлар. 901 й.да З. Яманда ҳам ҳокимииятни кўлга киритиб, мустақиқил давлат туздилар. Яманда З. ҳукмронлиги 1972 й. 26 сент. инқиlobигача, яъни Яман республика деб эълон килингунча давом этди.

З. Зайдни сўнгги 5-имом хисоблаб, ундан кейинги шиа имомларини тан олмайдилар. Улар ўз ақидалари ва ма-

росимлари жихатидан шиалар ва суннитлар ўртасида туриб, хар иккала оқимга нисбатан муросасозлик йўлини тутадилар. З. яширинган имом Маҳдийга ишонмасликлари, Алидан илгариги уч халифа (Абу Бакр, Умар, Ус-мон) ни лаънатламасликлари, такийя принципини ва мутья (ёки сийга) никохини инкор этишлари б-н шиалардан, авлиёлар ва мозорларга сифинишни ҳамда дарвишлиқ ва зоҳидликни инкор этишлари б-н суннитлардан ажралиб турадилар. Ўз ақидаларида мўтазилийлардан иродга эркинлиги ва Куръонни Аллоҳ яратганлигини, хорижийларлар эса диний эътиқодни амалий фаолият б-н мустаҳкамлаш коидасини қабул қилиб олганлар. Ҳозирги Яман аҳолисининг ярмидан кўпроғи З. фирмасига мансуб. З. Саудия Арабистонида, Покистон ва б. давлатларда ҳам бор.

ЗАЙДОН Журжи (1861.14.12, Байрут — 1914.21.8, Қохира) — араб ёзувчи, публицист ва олим. Байрутдаги тибиёт коллежида ўқиган (1881—82). 19-а. 80-й. ларида Мисрга кўчиб келиб, «Ал-Ҳилол» жур. (1892)ни ташкил қилган. З. янги араб адабиётида тарихий роман жанрига асос солган. У «Ислом тарихидан киссалар туркуми»ни ташкил этган 17 та тарихий роман муаллифи («Фассонлик қиз», 1895 — 96; «Хорун ар-Рашидинг синглиси», 1906; «Фарғона келини», 1907—08 ва б.). Мазкур романларда 7—13-аларда рўй берган тарихий воқеалар баён килинган. «Фарғона келини» романидаги воқеалар Марказий Осиёда араблар истилоси даври (7-а. охири ва 8-а. бошлари)да рўй берган. «Мамлуклар зулми», (1893) романи тарихий мавзуда, «Усмонли турклар давлат тўнтариши» (1911) романида эса муаллиф ўзи яшаган даврдаги воқеаларни қаламга олган. З. кўпгина илмий асарлар муаллифи: «Ислом маданияти тарихи» (1902—06); «Араб тили тарихи» (1904); «Араб адабиёти тарихи» (1911 — 14) ва б. Асарлари дунёнинг кўпгина тилларига, жумладан, ўзбек тилига таржима килинган («Фарғона келини», 1971).

ЗАЙНИДДИН ВОСИФИЙ - қ. Восифий.

ЗАЙНИДДИН ЖУРЖОНИЙ, Абу Иброҳим ибн Ҳасан ибн Муҳаммад ибн Маҳмуд ибн Аҳмад ал-Хусайнӣ (?—1137) — тиб олими, Ҳоразмнинг Журжон ш.да туғилган. Дастреб у отсиз Ҳоразмшоҳнинг шахсий табиби бўлган, сўнг Марвга кетиб, умрининг охири-гача шу ерда яшаган. Араб, форс тилларида ижод қилган. Олим тибга оид «Ал-аъроз ат-тиббия» («Касалликлар белгилари») асарини отсиз Ҳоразмшоҳнинг вазири, олим Мажидуддин Абу-Муҳаммад илтимосига кўра ёзган. У «Захирайи Ҳоразмшоҳий» («Ҳоразмшоҳ хазинаси»), «Таълиқ шайх ир-раис» [«Олимлар олими (Ибн Сино) шарҳи»], «Зубдат ут-тибб» («Тиб илмининг асосий мағзи») каби асарлар му-аллифидир.

ЗАЙНИДДИНБОБО, Шайх Зайнiddin бобо Кўхи Орифон Тошкандий (1164—1259, Тошкент) — шайх. Отаси Шайх Шаҳобиддин Абу Ҳафс Умар Суҳравардий Бағдоднинг катта мутасавиғларидан бўлган, суҳравардия тариқатини яратган. Ўғли Зайнiddинни Шош (Тошкент)га юборган. З. ҳоз. Кўкча даҳасида хаёт кечирган ва тасаввуф илми б-н шуғулланган. Тарихий манбаларда З. «саййидларнинг улуғи ва шариф кишиларнинг кароматлиси ва буюги», «орифларнинг кутби ва ишончли раҳнамоси» деб таърифланади. Амир Темур 1391—92 ва 1402 й.лар З. мақбарасини зиёрат қилган ва таъмир этирган. З. авлодлари «Шайх Зайнiddин бува» қабристони деб аталувчи зиёратгоҳ максан якинида яшаб келади. Шоир Хислат, академик Жорулла Файзуллаев, ёзувчи Нажибуло Ҳабибуллаев, навоийшунос олим Ҳамид Сулаймон ва б. ушбу шажара вакилларидир.

ЗАЙНУЛОБИДИН ҲУСАЙНИЙ, Зайнулобидин бин Муҳаммад ибн Маҳмуд ал-Ҳусайнӣ (тاخм. 1463 — Ҳирот — тахм. 1519) — мусиқа назариётчisi, бастакор, созанда ва шоир. Ҳиротдаги «Ихлосия» мадрасасида риё-

зиёт, фалсафа, мусиқа назарияси ва бадиъ илмидан таҳсил олган. Унга мусиқадан Ҳожа Абдуллоҳ Марварид, бадиъ илмидан Алишер Навоий устодлик қилишган. Навоийнинг буортмаси б-н форс тилида «Қонун» (замонавий адабиётда «Қонуни илми ва амали мусиқий» — «Мусиқанинг илмий ва амалий крнунлари») асарини ёзган. Асар Навоийга бағишлиланган қасида ва 24 бобдан (сўнгги икки боби сакланмаган) иборат. Ж. Султонов томонидан топилган унинг ягона нусхаси Ўзбекистон ФА Шарқшунослик и.т. интида сакланади. Рисола З. Ҳ. яшаган давр мусика санъатининг назарий ва амалий масалаларини ёритади. Мусиқа истилоҳоти, жумладан Ўн икки маком, ввоза ва шўъба тушунчаларига қатор аникликлар киритган. Охирги боблар чолгуларнинг сози ва усул туркумларига бағишлиланган. Шунингдек, «Қонун»да дуттор, унинг тузилиши, созланиши ва товуш қаторлари хусусида илк маълумотлар беради.

ЗАЙОНЧКОВСКИЙ (Zajaczkowski) Ананиаш (1903.12.11, Вильнюс — 1970.6.4, Рим) — поляк шарқшуноси. Польша ФА акад. (1952). Краков унтилинг шарқ фтида ўқиган (1925—29). Варшава ун-ти проф. (1935). Польша ФА Шарқшунослик инти директори (1953—68). З. туркий халқларнинг тили, тарихи, маданиятига оид кўпгина асарлар муаллифи. Мамлуклар давлати, Ҳазар хоқонлиги, Олтин Ўрданинг этник таркибига бағишлиланган тадқиқотлари мухим аҳамиятга эга. У туркий халқларнинг тарқалиш ўйларини, усмонли турклар адабий ёдгорликлари ва палеографиясини ўрганганди.

ЗАЙСАН — Қозогистон Республикасидаги кўл. Жан. Олтой ва Тарбагатой тоғ тизмалари оралигига, дengiz сатҳидан 395 м баландликда жойлашган. Майд. 1800 км², уз. III км, эни 30 км, чук. 4—10 м. З.га Кора Иртиш дарёси куйлади, Иртиш (Оқ Иртиш) дарёси оқиб чиқади. Ноябрдан майгача музлаб ётади. Иртиш дарёсида Бухтарма сув омбори курилиши

натижасида 3. шу сув омбори б-н туташиб, унинг сув сатхи 7 м га кўтарилиди, юзаси 5500 км² га етди. З.нинг суви чучувк ва тиник. Кўлда кема қатнайди.

ЗАЙСАН СОЙЛИГИ - Қозогистон Республикасидаги сойлик, шим.да Жан. Олтой, жан. да Тарбағатой ва Саур тизмалари оралиғида. З. с. тубининг баландлиги тоғлар этагида 370 м (Зайсан кўли) дан 900—1000 м гача. Ер юзаси кайнозой кўл ва даре балчиклари ва кумдан тузилган. Ондасонда сойлик текисликларидан қолдик тоғ массивлари кўтарилиб туради. Жан. Олтой ва Тарбағатоидан оқиб тушувчи дарёлар суви сугоришга сарфланиб, Зайсан кўлига етиб бормайди, факатгина Кора Иртиш кўйилади. Сойликда чала чўл ландшафти бўлиб, асосан яйлов сифатида фойдаланилади. Кора Иртиш дельтасида тўқайзорлар бор.

ЗАЙТУН (*Olea*) — зайдундошлар оиласига мансуб ўсимлик туркуми. 600 га яқин тури маълум. Факат бир тури — Европа зайдуни (*O. europaea*, З. дарахти) хўжалик аҳамиятига эга. Европа, Осиё, Америка, Африкада экилади. З. етиширадиган асосий мамлакатлар Яқин Шарқ ва Ўрта денгиз мамлакатлари — Испания (2 млн. га дан ортиқ), Италия (1,5 млн. га), Греция (500 минг га) ва Португалиядир. Озарбайжон, Грузия, Крим, Туркменистан, Россиянинг Краснодар ўлкасида хам зайдунзорлар бор. Экиладиган З. дарахти бал. (4—12 м), шохшаббаси тарвақайлаган. Барглари майда, учли ёки тўмтоқ, тўқ яшил, ялтироқ, пояди қарамақарши жойлашган. Гуллари икки жинсли, окиш, шингил ёки рўваксимон, 3—5 мм, хушбўй хидли. Меваси —резавор, данакли, туей қора, тўқ бинафша. Меваси этида 80% гача, мағзида 30% гача мой, оксил, витамин С ва каротин бор. Курғочиликка чидамли, 13—18° совукка бардош беради. 300—400 (1000 гача) йил яшайди. Ҳар тупидан 20—40 кг ҳосил олинади. Унумдор, қумоқ ва кумлоқ, оҳакли тупроқларда яхши ўсади. Данагидан етиширилган кўчати 10—12 кг, қаламчасидан 4—5 кг ҳосилга киради.

З. данаги, илдиз бачкиси, қаламчасидан кўпайтирилади, асосан пайванд қилинган 2—3 йиллик кўчати 10x10 м, 10x8 м (бута шаклида ўстирилганда 6x6 м) қилиб баҳорда экилади. Агротехникаси бошқа субтропик мева дарахтларнига ўхшаш. Зайдун: 1 — етилган мевали шохи; 2 — фўра меваси. Меваси маринадланади, фўраси ва пишган меваси консерва қилинади. З.нинг пишган меваси этида (25—80%) қуримайдиган мой бор. З., асосан, мойи учун етиширилади. Мевасини совуқлайн пресслаб олинадиган биринчи фракция З. мойи озиқовқат учун, шунингдек, консерва саноати ва тиббиётда ишлатилади. Турпи ва данагини қиздирив пресслаб олинадиган иккичи фракция З. мойи техникада ва совун пиширишда кўлланилади. Кунжараси чорва учун ем, ёғочидан қимматбаҳо буюмлар тайёрланади.

Рихсивой Жўраев.

ЗАЙТУНДОШЛАР (*Oleaceae*) — доим яшил дарахт ва буталар оиласи. Гуллари рўваксимон тўпгулда ўрнашган, тўғри, кўшгулкўргонли, икки, баъзан айрим жинсли, косачаси майда, кўпинча, тўрт тишли. Чангчиси иккита, уругчиси битта. Уругкортаги икки ёки ундан ортиқ бўлиб, одатда, факат биттасигина урукка айланади. Меваси ҳар хил — кўсакча, қанотча, данакча ёки резавормева. З.нинг 600 турини бирлаштирган 29 туркуми бор. Тропик, субтропик ва мўътадил иклимли мамлакатларда, асосан, Шим. ярим шарда кўп. Экиладиган З.нинг меваси тузланган ва консерваланган ҳолда истеъмол қилинади. Доривор ва йирик гулли зайдундан эфир мойи олинади. Наастарин, лигуструм ва б. манзарали ўсимлик сифатида экилади.

ЗАЙЦЕВ Александр Михайлович (1841.20.6, Қозон 1910.19.8) рус органик кимёгари, Петербург ФА мухбир аъзоси (1885). Қозон ун-тининг проф. (1871). Диэтилкарбинонли синтез қилган ва органик бирикмаларнинг янги синфи — лактонларни кашф этган (1873). Галогенводородларнинг тўйинмаган углево-

дородларга бирикиш ва галогенводородларнинг алкилгалогенидлардан ажралиш қонуниятини кашф этган (бу қонуният Зайцев қоидаси деб аталади). Алкилгалогенид б-н кетон аралашмасига рух таъсир эттириб, учламчи тўйинган спирт синтез қилишнинг янги усулини таклиф этган (1885). Рух органик бирикмалар ёрдамида кетонлардан учламчи спиртлар олиш усулини ишлаб чиққан (бу усул Зайцев реакцияси деб аталади). Шогирдлари б-н бир қанча тўйинмаган углеводородлар (бутилен, диаллил ва б.) синтез қилган.

ЗАЙЦЕВ Гавриил Семёнович (1887.13.3 — Москва — 1929.17.1) — рус биолог олими, селекционер, пахтацилик илми асосчиларидан бири. Москва дехкончилик мактабини (1909), Петровск қ.х. академиясини тутатган (1914), Мирзачўл қ.х. тажриба даласи селекция бўлими мудири (1914—18), Туркистон селекция стяси асосчиси вадиректори (1922—29). З. ғўза систематикиси, морфологияси, генетикаси, физиологияси, селекцияси соҳаларида тадқиқотлар олиб борди, шунингдек, маккажўхори, беда, ерёнфоқ, кунжут сингари экинлар селекцияси муаммолари б-н шуғулланди. З. Ўзбекистонда биринчи бўлиб ғўза қадимдан экиладиган мамлакатлардан йигилган жаҳон ғўза коллекциясини тўплади; ғўзанинг ривожланиш фазалари қонуниятларини аниклади; ғўзанинг ўсишида фотодаврийликнинг аҳамиятини очиб берди, натижада ғўзанинг кўп йиллик тропик шаклларни бир йиллик ўсимликларга айлантириш имкониятлари очилди. Ўзбекистон ғўза селекцияси ва уругчилиги и. т. интига З. номи берилган (1971). Ас: Цветение, шудообразование и раскрытие коробочек у хлопчатника, Л., 1924; Влияние температуры на развитие хлопчатника, М., 1927; К классификации рода *Cossyphium* L., М.—Л., 1928.

ЗАКАВКАЗЬЕ (рус— Кавказорти) — Кавказнинг Катта Кавказ ёки Бош (Сувайиргич) тизмасидан жан.даги қисми. З.га Катта Кавказ жан. ён бағрининг кўп

қисми, Колхид пастьекислиги ва Кура-Араке пастьекислиги, З. тоғлиги, Толиш тоғлари ва Ленкоран пастьекислиги киради. З.да Озарбайжон, Арманистон ва Грузия республикаларининг аксари қисми жойлашган.

ЗАКАЗНИК (рус.) — қ. Буюртма қўриқхона.

ЗАКАРИАДЗЕ Сергей Александрович [1909.18.6 (1.7), Боку 1971.13.4, Тбилиси] — грузин актёри. 1928—56 й.лар Маржанишвили ыомидаги, 1956 идан Ш. Руставели номидаги грузин театрларида актёр (1969 й.дан бадий раҳбар). Мураккаб характерли кишилар образини юксак санъат б-н яратган. Доментия («Учқундан...»), Гигаури («Унинг юлдизи»), Эдип («Шоҳ Эдип») ва б. театр сахнасида ўйнаган энг яхши ролларидир. Кинода эса Бараташвили («Георгий Саакадзе»), Багратион («Кутузов»), Георгий Махарашвили («Солдат отаси») каби бадий етук образлар яратган.

ЗАКАРИЁ — Куръонда тилга олинган пайғамбарлардан бири, Яхёнинг отаси. Куръонда 8 жойда зикр қилинган, унинг насаби қакида бирон нарса дейилмаган. Куръонда айтилишича, Марямни тарбиялаётган З. гойибдан кизга ҳар кун турли таому шарбатлар, янги мевалар инъом этилаётганини кўради. Бу Аллоҳнинг марҳамати эканлигини, унинг ҳар нарсага кодирлигини билади ва қариб, заиф бўлиб қолгани, бефарзандлик доги куйдираётганини арз этиб илтижо б-н Аллоҳдан фарзанд сўрайди. Аллоҳ малоикаларни юбориб, унга фарзанд ато этишлиги башоратини беради. Фаришталар унга нидо килдилар: «(эй, Закариё), Аллоҳ сенга Аллоҳнинг сўзини тасдиқ этадиган, (ўз қавмига) хожа бўладиган, (шаҳватлардан ўзини) тиядиган ва солиқ пайғамбарлардан бўладиган Яхё исмли фарзанд хушхабарини берур» (3:39). Шунда З., менга кексалик етган, хотиним туғмас бўлса, мендан қандай фарзанд бўлсин, деди. З.га белги берилди: уч кунгача З.нинг тили Аллоҳнинг зикридан ўзга сўзга айланмай қолди.

Одамларга эса факат имоишора б-н мұмала қылды. Бу З.нинг хотини хомиладор бүлганидан дарак эди. Ривоятда айтилишича, З. шайтоннинг сотқынлиги туфайли шахид бўлган.

ЗАКАРПАТЬЕ ВИЛОЯТИ Украина таркибидаги вилоят. 1946 й. 22 янвада (Закарпатье Украинаси Украинаға қўшилгандан сўнг) ташкил этилган. Майд. 12,8 минг км². Аҳолиси 1288,6 минг киши (1997), асосан украинлар, шунингдек, венгер, рус, румин, словақлар ҳам яшайди. Маркази — Ужгород ш. З. в. Шарқий Карпат тогларида ва Ўрта Дунай текислигида жойлашган. Вилоят худудининг 80% тоғ (энг баланд жойи Говерла тоғи, 2061 м). Фойдали қазилмалари: тоштуз, курилиш материаллари, кўнғир кўмир, темир ва симоб рудалари. Иккими мўътадил континентал. Янв.нинг ўргача траси пасттекисликда —2°, —3°, тогларда —5°, —9°; июлники пасттекисликда 19°—20°, тогларда 6°. Йилига пасттекисликда 600 — 700 мм, тогларда 1000—1400 мм ёғин ёғади. Вегетация даври 90—230 кун. Асосий дарёси Тиса. Минерал булоқлар бор. Тупроклари пасттекисликларда чимли ва аллювиал, тоғ этакларида кўнғирподзол, тогларда кўнғир тоғўрмон, чимли кўнғир ва чимли тоғўтлоқи ҳамда торфсимон тупроклар. Вилоят худудининг 50%и ўрмон, асосан, коракайин, қорақарағай, эман, оқ қарағай, граб усади. Ўрмонларда ўрмон мушуги, силовсин, бўри, тулки, кўнғир айик, ёввойи тўнғиз, европа елиги, асл буғу, сувсар, тийин, малла қуён яшайди. З. в. Украинанинг курорт ва туристик риҳларидан бири. Озиқовкат саноатида виночилик, мева-консерва, гўшт, мойсир ва сут, ун, мойёв ва б. тармоқлар мавжуд. Минерал сув қадокланади. Ўрмон кимёси, ёғочсозлик, мебелсозлик, картон и. ч. корхоналари бор. Енгил саноат тармоқларидан кўнчилик, пойабзal, тикувчилик, трикотаж корхоналари мавжуд. Машинасозлик, металлсозлик, асосан, станоксозлик, приборсозлик ривожланган. Пласт-

масса санитариятехника буюмлари, гулдор сопол буюмлар, гиштчерепица ишлаб чиқарилади. К. х. сутгўшт чорвачилигига ихтисослашган, кўйчилик, боғдорчилик, токчилик, фаллакорлик б-н шуғулланилади. Пичанзор, яловлар бор. Фалла экинлари, техника экинлари (асосан, тамаки, кунгабоқар) картошка, сабзавот, емхашак экинлари экилади. Қорамол, чўчка, қўй ва эчки бокиласди. Асосий т. й. линиялари: Чоп — Ужгород — Ужок — Львов, Чоп — Солотвина. Асосий автомобиль йўллари: Ужгород — Мукачево — Хуст — Тячев — Рахов — ИваноФранковск ва б. Ужгород ун-ти, жамоат кутубхоналар, 3 музей, мусикали драма театри, филармония, 800 га яқин клуб, Поляна ва Синяк бальнеологик курортлар, Ужгородда аэропорт бор.

ЗАКАРПАТЬЕ УКРАИНASI - Украина даги хоз. Закарпатье вилоятиниг худуди. 10—11.ларда Киев Руси таркибида. Қад. аҳолиси — славянлар. 11а. да Венгрия томонидан босиб олинган, сўнгра Австрия ва Австрия-Венгрия, 1919 й.дан эса Чехословакия таркибида; 1938 й. Венгрия томонидан ишғол қилинган. 1944 й. қизил қўшинлар томонидан озод қилинган, 1945 й.дан Украина таркибида.

ЗАКАСПИЙ АНТРОПОЛОГИК ТИПИ — асосий вакиллари туркмандардан ташкил тоғлан антропологик тип. Қоракалпоклар (Хоразм воҳасидаги), балужлар ва эронийларнинг таркибида ҳам учрайди. Л. В. Ошанин У рта Осиёнинг жан. вилоятларида, яъни Амударёнинг жан. гарбидаги яшайдиган антропологик типни З. а. т. деб номлаган. З. а. т. вакиллари баланд бўйли, боши узун мезоcefal (к. Бош кўрсаткичи), кўзи, соchlари ва баданидаги жунлар кора, юзи чўзинчоқ, тор ва ўрта кенгликда, бурни тўғри ва ўрта кенгликда. З. а. т.га мансуб одам аждодларининг суклари Жан. Туркманистанда неолит ва жез даврига оид. Тожикистон, Ўзбекистон, Оролнинг жан. томонлари ва Фарбий Козогистоннинг баъзи жойларида жез даврига оид ёдгорликларда ҳам

топилган. Жан. Помир саклари, Еттисув усунлари ҳам З. а. т.га мансуб бўлган.

Ад.: Ошанин Л. В., Зезенкова В. Я., Вопросы этногенеза народов Средней Азии в свете данных антропологии, сб. статей, Т., 1953; Ошанин Л. В., Антропологический состав населения Средней Азии и этногенез её народов, в 3х ч., ч. 1—3, Ереван, 196759.

ЗАКАТАЛИ — Озарбайжон Республикасидаги шаҳар (1840 й.дан). Закатали тумани маркази. Катта Кавказ этакларида жойлашган. Т. й. станцияси. Евлах — Шеки — Тбилиси шоссе йўли ёнида, Евлах т. й. тугунидан 152 км шим. фарбда. Аҳолиси 20 минг кишидан зиёд (1990й. лар ўрталари). Озиқ-овқат (мевасабзавот консерва, тамаки, чой қадоқлаш ва б.) саноати корхоналари, мебель фкаси, тарих ўлкашунослик музейи бор. Туризм ривожланган. З.га 1830 й. Янги З. сифатида асос солинган.

ЗАКОПАНЕ — Польшадаги шаҳар, Татра тоғлари этагида, 850 м баландликдаги төғ оралиғидаги сойликда жойлашган. Аҳолиси 30 минг кишидан зиёд (1990й. лар ўрталари). З. — төг иқдим курорти. Июлнинг ўртача температура 15° , янв.ники -5° , ўртача йиллик ёғин 1000 мм. Кишда күёшли кунлар кўп бўлади, қорузок сакланади. Санаторийлар, дам олиш уйлари, меҳмонхоналар, пансионатлар бор. Альпинизм, туризм ва қишки спорт мусобакаларининг миллий маркази. З. ёғочдан бадиий буюмлар ясаш ва спорт чанғилари ишлаб чиқариш б-н машхур. Татра музейи бор.

ЗАКОТ (араб. — тозаланиш, садака бериш) — молмулк ва даромаддан бериладиган садака, хайрэхсон. Исломнинг 5 асосий талабларидан бири. Шариатта мувофиқ, муайян бойлийка эга бўлган катта ёшдаги мусулмон З. беради. З. берувчи кишининг маблағи ўзи ва қарамоғидагиларнинг зарурий эҳтиёжларидан ортиқча бўлиши лозим. Бу маблағга кишининг жамғармаси, дўконда сотиладиган нарсалари, сотаман деб олиб кўйган нарсалари, бирорга берган қарзи

киради. Куръони каримнинг айрим сураларида З. намоз б-н ёнмаён зикр этилган. У йилда бир марта берилиши шарт бўлган хайрэхсон (садақа) қаторига киради ва айни вактда ибодат ҳисобланади. З. миқдори маблағларнинг 1/40 улуши (2,5%)га teng. З.ни закот беролмайдиган мусулмонлар олишга хакли. З. аввал қариндошлар орасидаги мухтожларга, бундай қариндошлар бўлмаса, камбагал, қарздор, мусоғирларга берилади. Дехқонлар ва чорвадорлардан олинадиган З. миқдори бир оз бошқачароқ белгиланган. З.нинг асл ҳикмати факир ва мухтожларнинг ҳожатини чиқармоқдир.

Ад.: Имом алБухорий, Ҳадис, 1ж. Т., 1991; Маргиноний Бурҳониддин, Ҳидоя, 1ж., Т., 2000.

ЗАКС Нелли (1891 — 1970) — немис шоираси. 1940 й.дан Швецияга эмиграцияга кетган. «Ўлим масканлари» (1947), «Фамгин юлдузлар» (1949), «Келажакни ҳеч ким билмайди» (1957), «Крчиш ва эврилиш» (1959), «Тирикларни излаш» (1971) каби шеърий китоблари бор. 1943—44 й.ларда линий мавзуда «Эли» номли драма ёзган. 1951 й. нашр этилган. З. шеърларида диний мавзу, христианлик мотивларига таяниш, шунингдек, Инжилга хос рамзларни қўллаш асосий ўрин тутади. Нобель мукофоти лауреати (1966).

ЗАКСЕНХАУЗЕН (Sachsenhausen) немис фашистларининг Потсдам ш. яқинидаги концлагери. 1936 й.да ташкил этилган. Лагерда 100 мингдан ортиқ маҳбус ўлдирилган. 1945 й. апр. да Совет Армияси томонидан озод этилган. 1961 й. да З.да ҳалкаро музей ташкил қилинган.

ЗАЛ (нем. Saal) — кўпчиликка мўлжалланган катта хона, хонақоҳ, талор. З.лар ҳашаматли саройларнинг асосий қисми сифатида барпо этилган. Бундай З.ларда кар хил кабул маросимлари, зиёфат ва тантанали мажлислар ўтказилган. З.нинг қурилиши ва безакларида турли ҳалқларнинг ўзига хос миллий меймурлик анъаналари ўз ифодасини топган. Ўйлониш даврида З.лар қурилиши юк-

сак даражада ривожланган. Кейинчалик З.ларнинг оммага ижтимоий-сиёсий ва маданий хизмат кўрсатадиган турли кўринишлари яратилди: мажлис З.лари, концерт, спорт, клуб, музей, кутубхона, кироатхона З.лари, вокзал, аэропот З.лари, кино ва театр биноларининг томоша З.лари ва х.к.

ЗАЛВАР МАССА, маҳовик — пўлат ёки чўяндан ясалган катта гардишли гилдирак. Поршенили двигателлар, компрессорлар, насослар ва б. машиналарнинг етакчи валига, валнинг бир текисда айланishiни таъминлаш учун ўрнатилади. З. м. айланувчи тизимнинг бурчак тезлиги ошган пайтдаги кинетик энергияни тўплайди (аккумуляциялайди), бурчак тезлик пасайган пайтдауни валга беради. Булардан ташкари З. м. поршенили двигателларда поршеннинг чекка ҳолатлар (юқориги ва пастки) ни ёнгиб ўтишга имкон беради. Инерциондвигателларда З. м. йиғган энергиядан машинани юргизиб юборишида фойдаланилади (қ. Жиробус).

ЗАЛЗАЛ Мансур ибн Жаъфар адДориб (721, Рай — 791, Багдод) хурросонлик созанда (барбат, уд). Тоғаси Иброҳим ал-Мавсилийдан таълим олган. Бағдодаги саройларда моҳир созанда сифатида шуҳрат топган. Машхур «Бағдод санъат академияси» асосчиларидан. Удни такомилластирган, уднинг 22:27 нисбатли нафасву ихтиро килган, кейинчалик у «вустаи Залзал» номи б-н юритилган.

ЗАЛИЛИЙ (тахаллуси; асл исмешарифи Мухаммад Содик) (тахм. 1674, Ёркент — ?) — уйғур шоири. Уйғур адабиётида реализм асосчиларидан. Ёркентдаги мадрасада таҳсил олган. Араб ва форс тилиларини ўрганганди. Бизгача битга тўплами етиб келган. Унга «Сафарнома» (1720), «Тазкираи чистой» (1736), «Тазкираи Мухаммад Шариф Бузуругвор» (1744) каби достонлар ҳамда 2 қасида, 133 ғазал, 19 муҳаммас, 26 рубоий, 5 мустаҳзод ва форс тилида ёзилган 46 ғазали жамланган. Асарларида ватанпарварлик ва халқпарварлик руҳи етакчилик

килади.

ЗАЛТИКАТ — Тошкент вилоятининг Зангиота қишлоғи ўрнида бўлган қад. шаҳар ҳаробаси (6—15а.лар). З. Бинкатдан Самарқандга борадиган савдо йўлидаги дастлабки йирик марказ бўлган (Истаҳрий). З. катта тепа (220x400 м²) ва унинг жан.шарқида жойлашган иккичик тепадан ташкил топган. Катта тепанинг шим.шарқий бурчагида арк (200 м²) жойлашган. Унинг қалин девори (1,5 м) хом гиштдан (40x40x10x14 куб см) ишланган бўлиб, 5 м гача баландликда сакданган. Туар жой қолдиклари, сопол идишлари, тақинчоклар топилган.

ЗАЛЬКАЛН, Залькалнс Теодор [1876.18 (30).11, ҳоз. Латвиянинг Рига тумани — 1972.6.12, Рига] — латиш ҳайкалтароши, Халқ рассоми (1957), БА нинг ҳақиқий аъзоси (1947), Мехнат Каҳрамони (1971). Петербург (189399), Париж (18991901, О. Роден устахонаси)да таҳсил кўрган. 1920 й.дан Ригада яшаган. Латвия БАда ҳайкалтарошлиқ кафедраси мудири (проф., 1944—58). З. асарлари умумлашма шакли, тектоникасининг катъиyllиги б-н ажralиб туради. Портретлар («А. Кирхенштейн», гипс, 1946; «Ф. Блумбах», терракота, 1956 ва б.), қабр тошлар («Я. Порук», гранит, 1930; «О. Лацис», гранит, 1945 ва б.), ҳайкаллар («Р. Блауманис», гранит, 1929; «А. Кронвальд», бронза, 1938 ва б.), анималистика асарлари, медаллар яратган.

ЗАЛЬЦБУРГ (нем. Salz—туз ва burg—шаҳар) — Австриянинг марказий кисмидаги шаҳар. Зальцаҳ дарёсининг ҳар иккى соҳилида, 1300—2000 м баландликда, Зальцбург сойлигига жойлашган. Зальцбург ерининг маъмурӣ маркази. Ахрлиси 144,2 минг киши (2000). Транспорт йўллари тугуни. Аэропорти халқаро аҳамиятга эга. Тўқимачилик, озиқовқат, машинасозлик, полиграфия, ёғочсозлик саноати корхоналари мавжуд. Мусиқа асбоблари ишлаб чиқарилади; мармар қайта ишланади. З. ўрнида қадимда кельтлар яшаган, римликлар З.ни Юавум деб атаган. 11—12а.лардан З. атрофидан кўплаб

туз казиб олина бошлаган. 1805 й.дан 3. Австрия, 1810 й.дан Бавария, 1815 й.дан яна Австрия таркибида. З.да В. Моцарт туғилган уй, Каролина Августа музейи бор. Меморий ёдгорликларидан эски шахар кисмидә (дарёнинг чап соҳили) барокко услубидаги собор (1611—28), архиепископ қароргоҳи (1120), черковлар ва б. сакданган. Янги замонавий бинолар дарёнинг ўнг соҳилида жойлашган. Фестиваллар уйида мусиқа ва театр санъатининг халқаро фестиваллари бўлиб турди. Туризм маркази. Унт бор.

ЗАМА — Шим. Африкадаги қад. шахар; ҳоз. АлКаф ш. (Тунис) якинида жойлашган. З. якинида Сципион армияси мил. ав. 202.19.10.да карфагенликларнинг Ганнибалинг кўмондонлиги остидаги армиясини енгган, натижада 2Пуни уруши (мил. ав. 218—201) Рим фойдасига яқунланган.

ЗАМАХШАР, Змухшир, Зумукшир — Хоразмдаги қад. шахар, баъзи маълумотларга кўра қишлоқ; Маҳмуд ибн Умар Замахшарий ватани. Ҳоз. Туркманистоннинг Тошховуз вилояти Тахта туманидаги қишлоқ ўрнида бўлган. З. араб географи Муқаддасий асарида шундай таърифланган: «... унча катта бўлмаган қишлоқ, унда девор, хандак, камоқхона, темир б-н қопланган дарвозалар, ҳар кечада кўтариб кўйиладиган кўпприклар бор. Уни катта йўл кесиб ўтади; жоме масжиди чиройли. У бозорнинг четига жойлашган». В.В. Бартольд фикрича, З. Хивадан 80, Кўхна Урганчдан 125 чақирим келадиган Зумукшир харобалари ўрнида бўлган. Туркманлар уни Измихшир деб аташган. З. харобаларини М.В. Воеводский (1934), Я. Ғуломов (1936), С.П. Толстов (1938) бошчилигидаги экспедициялар текширган.

ЗАМАХШАРИЙ (нисбаси; тўлиқ исмшарифи Абулқосим Маҳмуд ибн Умар ибн Аҳмад) (1075.18.3, Хоразм, Замахшар қишлоғи — 1144, ҳоз. Кўхна Урганч) — тилшунос, адиб, тафсир ва хадис олими. Оиласи исломнинг мұтасила таълимотига эътиқод кўйган бўлиб,

3. дунёкараши диндор, тақводор отасининг тъсирида шаклланган, дастлабки билимини ҳам ўз отасидан олган. З. илм-фаннынг турли соҳалари, айниқса, араб тили ва адабиётини, диний илмларни, шунингдек, ўша даврда илм ахли орасида қадрланган ҳаттотлик санъатини ҳам мукаммал эгаллади. Устози — тил, лугат ва адабиёт соҳасида машҳур олим Абу Мудар Исфаҳоний (1113 й. Марвда вафот этган) дан илм ўрганади. Талабалик ёшига етгач, билимини янада ошириш, ҳар томонлама камол топтириш мақсадида Бухорога йўл олади. Бу ерда у шайх улислом Абумансур Наср Ҳорисий, Абусаъд Шакқоний ва Абулхаттоб ибн Абулбатр каби олимлардан сабоқ олади. Бухорода ўқиши тутатгач, бир неча йил Хоразмшоҳлар хизматида бўлиб, котиблик б-н шуғулланади, хукмдорларга яқинлашишга уринади. Бироқ қобилияти, илми, фазилатига яраша бирор мансаб ва муносиб эътибор кўрмагач, ўзга юртларга сафар қиласи. Марв, Нишопур, Исфаҳон, Дамашқ, Бағдод ва Ҳижозда, 2 марта Маккада бўлади. Бу ерда илмий ишларини давом эттириб, араб тили грамматикаси ва лугатини ҳамда маҳаллий қабилаларнинг лаҳжалари, мақоллари ва урфодатларини чукур ўрганади, минтақа географиясига оид хилмаҳил маълумотларни тўплайди. З. кўп асарларини Маккада ёзади. Шу боисдан у Жоруulloҳ («Аллоҳнинг кўшниси») деган шарафли лақабга мусассар бўлган. З. араб грамматикаси, лугатшунослик, адабиёт, аруз илми, география, тафсир, хадис ва фикрҳа оид 50 дан ортиқ асарлар яратган. Уларнинг аксарияти бизгача етиб келган. З.нинг «АлМуфассал» («Грамматика бўйича муфассал китоб», 1121) асари араб тили нахву сарфини ўрганишда йирик кўлланма сифатида азалдан Шарқда ҳам, Фарбда ҳам шуҳрат топган. Шом (Сурия) ҳокими Музаффариддин Мусо кимдаким З.нинг ушбу асарини ёд олса, унга 5 минг кумуш танга ва сарупо совға килишни ваъда берган. Бир қанча кишилар асарни ёд олиб, мукофотга сазовор

бўлишган. «АлМуфассал»нинг ихчамлаштирилиб, мухтасар холатга келтирилган нусхаси «АлУнмузаж» («Намуна») номи б-н аталади. Грамматикага оид асарларидан «Шарҳ абйат китоб Сибавайҳ» («Сибавайҳ китобининг шарҳи») — араб тишишноси Сибавайҳ (796 й. вафот этган) нинг китобига ёзилган мукаммал шарҳдир. З.нинг Отсиз Хоразмшохга бағишилаб ёзилган «Муқаддимат уладаб» («Адаб илмига муқаддима», 1137) асаридағи арабча сўзлар остида форсий ва туркӣ таржималарнинг берилиши ўзбек тарихий лексикологияси учун қимматлидир. Асар 5 катта қисмга бўлинган бўлиб — отлар, феъллар, боғловчилар, от ўзгаришлари ва феъл ўзгаришлари ҳакида баҳс юритади. Ушбу асарда З. ўша давр араб тилининг истеъмолда бўлган барча сўзлари, ибораларини қамрашга интилган, уларнинг этиологиясига катта эътибор берган. Асар арабчадан форс, чигатой, мӯғул ва турк тилларига, биринчи марта 1706 й. Хўжа Исҳоқ афанди томонидан усмонли турк тилига таржима қилинган. З. асарларида услубшунослик ва шеършунослик ҳакида ҳам фикр юритилган; бадиий тасвир воситаларига қисқа, аниқ ва нозик изоҳлар берилган. Мае, киноя б-н таъриз санъатлари орасидаги фарқ кўрсатиб берилган. 3500 га якин араб мақолларини тўплаб, уларни изоҳлаган («АлМустақсо филамсол» — «Камолга етган макрллар»). «Китоб алжибол валимкина валмийоҳ» («Тоғлар, жойлар ва сувлар ҳакида китоб») асарида географик жойлар, тоғлар ва дengизларга дойр қимматли маълумотлар келтирилган. З.нинг бу асари Фарб олимлари ўртасида ҳам машҳур бўлган, 1856 й. голландиялик арабшунос олим Сальверда де Граве томонидан мукаммал тадқиқ қилинган ҳолда нашр этилган. «Асос албалогат» («Нотиқлик асослари») асари луғатшуносликка бағишиланган. Унда араб тилининг фасоҳати, мукаммаллиги ҳакида сўз боради. Фикрни чиройли ибора ва сўзлар б-н ифодалаш, сўз бойлигидан усталик б-н фойдаланиш учун

киши фасоҳат, балоғат илмларидан яхши хабардор бўлиши керак. Бунинг учун сўзни тўғри, ўз ўрнида ишлатиш, қоидага мувофиқ сўзлаш ва ёзиш ҳам керак бўлган. Бу асарда адабиётнинг асосий қисмлари, фразеологик сўз бирикмалари, уларнинг амалда тадбиқ этиш йўллари чуқур таҳлил этилган. «Алфоиқфи ғариб алҳадис» («Ғариб ҳадислар ҳакида қимматли китоб») асари ҳадисда учрайдиган, маъносини англаш қийин бўлган иборалар, сўзлар ҳакида. «Атвоқ уззахаб фильмавоъиз валхутаб» («Хутбалар ва ваъзлар баённида олтин шодалар») — насиҳатомуз мақолалар тўпламидан иборат. «Рабиий улаборор ва нусус улаҳийар» («Эзгулар баҳори ва яхшилар баёни») асарида адабиёт, тарих ва б. фанларга оид хикоялар, латифалар, сұхбатларнинг энг саралари жамланган. З.нинг аруз вазни ҳакида баҳс юритувчи «АлҚустос филаруз» («Арӯзда ўлчов») асари муҳим манбалардан ҳисобланади. «Мақомат» («Мақомлар») — 50 мақомдан иборат бўлиб, кофияли наср — сажъ услубининг нозик намуналарини ўзида мужассам этган муҳим асардир. З. ҳикматли сўзлардан иборат «Навобиғ улкалым» («Нозик иборалар»); дидактик руҳдаги «Аннасоух уссиғор вал баволиғ улкибор» («Кичикларга насиҳатлар ва улуғлар етуклиги») ҳамда лирик ва фалсафий шеърлар, қасида, фахрия, назмий мактубларни ўз ичига олган «Девон узЗамахшарий» каби асарлар ҳам яратган. «АлҚашшоф ан ҳақоқиттандизий ва уйун илақовий фи вужуҳ иттаъвийий» («Қуръон ҳақиқатлари ва уни шарҳлаш орқали сўзлар кўзларини очиши», 1132—34) асари Қуръон тафсирига бағишиланган. Дунёнинг турли кўлёзма хазиналарида «АлҚашшоф»нинг 100 га якин кўлёзмалари ва асарнинг ўзига битилган 20 дан ортиқ шарҳ ва ҳошиялар мавжуд. Қоҳирадаги машҳур АлАЗҳар дорилғунунининг талабалари ҳам бошқа тафсирлар б-н бир қаторда З.нинг ушбу асари асосида Қуръон ўрганадилар. Асарларининг кўлёзмалари Германия, Миср, Туркия, Эрон, Франция ва Россия-

да сакланади. З. асарлари немис, француз ва б. тилларда нашр этилган. Замондошлари Абусамад Мұхаммад Самъоний, Ёқут Ҳамавий, Жамолиддин Қифтий З. ижодига юксак баҳо берганлар.

З. ижодининг айрим томонларини шарқ (А. З. Валидий, Мұхаммад Козимбек), ўзбек (А. Рустамов, У. Турсынов, У. Уватов, З. Исломов, М. Ҳәкимжонов ва б.), рус (Крачковский, Боровков ва б.), ғарб (Броккељман, Зайончковский ва б.) олимлари тадқиқ этгандар. Тошкент кўчаларидан бирига, мактаб, жоме масжидига З. номи берилган.

Ад.: Рустамов А., Маҳмуд Замахшарий, Т., 1971; Уватов У., Нозик иборалар, Т., 1992; Уватов У., Маҳмуд азЗамахшарий, Т., 1995; Маънавият юлдузлари, Т., 2001.

Алибек Рустамов, Убайдулло Уватов.

ЗАМБАРАК, тўп — душманнинг жонли кучларига талофат етказиш, жанговар техникини ишдан чиқариш ҳамда мудофаа иншоотларини вайрон қилишга мўлжалланган артиллерия қуороли (қ. Артиллерия, Тўп).

ЗАМБЕЗИ — Африканинг жандаги (Жазоир, Замбия, Намибия, Зимбабве, Мозамбик ҳудуди) дарё. Уз. 2660 км, ҳавzasининг майд. 1330 км². Замбия ҳудудидаги Лунда платосидан, 1100 м баландликдан бошланади. Асосий ирмоқлари — Кафуэ, Луангва, Шире. Баъзи йилларда З. ҳавzasига Окаванго (Кубанго) дарёси хам кўшилиб кетади. Африканинг энг йирик кўлларидан бири Нъяса хам З. ҳавzasига мансуб. Юкори оқимида 1200 км масофада текисликдан оқади. Ўрта оқимида каттиқ жинслар устидан ўтган жойларда остона ва шаршаралар (Виктория шаршараси ва б.) ҳосил қилган. Қуий оқимида водийси ва ўзани жуда кенг. Мозамбик кўлтиғига 120 км қолганда дельтаси бошланади. Асосан, ёмғирдан сув олади. Ёғингарчилик даври (дек.— апр.) да тўлиб оқади. Йилига 100 млн. т оқизик келтиради. Қуилиш жойида ўргача сув сарфи 16 минг м³/с. З.нинг гидроэнер-

гия ресурелари ниҳоятда катта. Ўрта оқимида Кариба сув омбори (майд. 5200 км²) ва ГЭС (705 минг кВт) курилган. Кемалар, асосан, З.нинг Замбия ҳудудида қатнайди. Дельтасида Шинде порти бор. З. ва унинг ирмоқларидан балиқ овлашнади. З. ҳавzasини биринчи марта инглиз саёҳи Д. Ливингстон 1851—56 ва 1858—62 й.ларда тадқиқ қилган.

ЗАМБИЙ, замбар, занбил — 1) юк (ғишиш, тош, шағал, гүнг ва б.) ташиладиган хўжалик ва курил иш асбоби; тўқима З. ва тахта З. турлари бор. Тўқима З. ясашда 2 м ча узунликдаги икки параллел ходачани 80—100 см оралиқда ўрнатиб, унга тут, тол хипчини тўқиб чиқилади. Тахта З. учун параллел рейкалар ўртасига тахта қокилади. З.да юкни икки киши ташибди. З.нинг замбильгалтак тури хам бор. Унинг торроқ бўлган олд томонига ғалтак (ғилдирак) ўрнатилади. Замбильгалтак З.га нисбатан кулаги ва енгил, унда юкни бир киши ташибди; 2) бемор (ярадор) ларни даволаш муассасасига элтишда ишлатиладиган мослама. Бундай З., одатда, санитария З.и деб аталади. Уни икки киши кўтаради; 3) зилдай оғир, зил каби маъжозий маъноларда хам ишлатилади.

ЗАМБИЯ (Zambia) Замбия Республикаси (Republic of Zambia) — Марказий Африкадаги давлат. Майд. 752,6 минг км². Ахолией 10,3 млн. киши (2001). Пойтахти — Лусака ш. Маъмурӣ жиҳатдан 9 вилоят (провинция)га бўлинади. Давлат тузуми. З. — республика. Буюк Британия бошлигидаги Ҳамдўстлик таркибига киради. Амалдаги конституция 1996 й.да қабул қилинган. Давлат бошлиги — президент. У умумий ва тўғри овоз бериш йўли б-н 5 й. муддатга сайланади. Президент Вазирлар Маҳкамаси раиси ҳамдир. Қонун чиқарувчи ҳокимиятни президент ва бир палатали парламент — Миллий ассамблея, ижрочи ҳокимиятни президент ва ҳукумат амалга оширади. Табииати. З. Шаркий Африка ясситоғлигига, Жан. ярим шарнинг субэкваториал минтақасида жойлашган. Ҳудудида тоғ

ва тепаликлар учрайди, аксар кисмининг бал. — 1000—1350 м. Энг баланд жойи — Мучинга тогидаги Мумпу чўққиси (1893 м). Кенг яssi ботикдарининг купи Шарқий Африка синклари зонасига киради. З.да мис, рух, кўроғошин, ванадий, темир, уран рудалари, марганец, графит, олтин, қалай, тошқўмир конлари бор. Иклими субэкваториал. З.да йил давомида аниқ уч мавсум кузатилади: иссиқ ва куруқ (авг.—окт.), илиқ ва сернам (ноябр.—апр.), куруқ ва салқин (май—июль). Энг иссиқ ой (окт.)нинг ўртача траси 23—27°, энг салқин ой (июль)ники 15—20°. Йиллик ўртача ёғин жан.да 700 мм дан шим.да 1400 мм гача. Йирик дарёлари: Замбези ва унинг ирмоклари — Кафуэ ва Луангва. Дарёлари серостона бўлганидан кемалар дарёларнинг баъзи жойларидагина катнайди. Замбези дарёсида Виктория шаршараси бор. Энг йирик кўли — Бангвеул; Танганьика кўлининг жан., Мверу кўлининг шарқий қисми ҳам З. худудида. Ёғин кўпроқ ёғадиган жойлардаги қизил латерит тупрокли ерлар мавсумий сернам тропик ўрмон ва баланд ўсадиган ўтли саванналардан иборат. Куруқ иклими жойларида жигарранг қизил ва кизилкўнғир тупроклар тарқалган. Мамлакат худудининг 1/2 кисмини сийрак дараҳтили куруқ тропик ўрмонлар эгаллаган. Саванналарда фил, буйвол, каркидон (2 тури), зебра, кийик, арслон, қоплон, чиябўри ва б. бор. Куш ва судралувчилар (жумладан нил тимсохи, кобра ва б.) кўп. Дарё ва кўллари балиқка бой. Цеце пашшаси чорвачиликка катта зиён етказади. 20 га яқин миллий боғи (Кафуэ, Сиоманѓвези, Шим. ва Жан. Лунгва ва б.) бор.

Аҳолисининг 99% банту оиласининг тури гурухига мансуб африкаликлар; асосийлари бемба, тонга, лози, лунда, малави ва б. Европаликларнинг аксарияти инглиз ва африканерлар. Осиёликлар ҳам бор. Расмий тил — инглиз тили. Аҳолисининг 80%и христианлар бўлиб, уларнинг кўплари махаллий анъанавий динларга ҳам эътиқод қиласи. Шахар

аҳолиси 42%. Йирик шаҳарлари: Лусака, Китвениана, Ндола, Муфулира.

Тарихи. З. худудида узок ўтмишда одамлар яшагани маълум. Аникланган ёдгорликлар палеолит даврига мансуб. Кабве ш. атрофида ибтидоий инсон суюклари топилган. Гуишо булоғи яқинида ва Начикуфу горида истикомат қилган кишилар ов ва ёввойи меваларни териш, балиқчилик б-н шугулланганликлари аникланган. 17—18а.ларда З.да банту тилида сўзлашувчи қабилалар хукмронлик қилган. Бу даврда дехқончилик, чорвачилик ва темирчилик ривожланган. 18а. охирида З.га португаллар, кейинчалик инглизлар кириб келган пайтда кичикичичик давлатлар ва қабила уюшмалари бўлган. Уларнинг моддий маданияти юкори даражада ривожланган эди. 19а. нинг 90й.ларида З.ни Британиянинг С. Роде бошчилигидаги Жан. Африка компанияси босиб олиб, дастлаб икки худудга бўлиб бошқарди. 1911 й. бу икки худуд Шим. Родезия номи б-н бирлаштирилди. 1924 й. Шим. Родезия Британия протекторати деб эълон қилинди. Йирик мис ва полиметалл руда конлари топилиши б-н кончилик саноати ривожланди, шаҳарлар ва т.й.лар курила бошлади. Анъанавий дехқончилик таназзулга учраб, дехқонлар хонавайрон бўлди. 20—30й.ларда мустамлака тузумига қарши уюшган ҳолда кураш бошланди. 1935 ва 1940 й.лари мис конларида йирик ғалаёнлар бўлиб ўтди. Норозиликлар курол ёрдамида бостирилди. 2жаҳон урушидан сўнг Шим. Родезияда мустамлакачиларга қарши кураш кучайди. Бунга Африка миллий конгресси, Африка кон ишчилари касаба уюшмаси раҳбарлик қилди. 1953 й. Родезия Федерацияси ва Нъясаленд тузилиб, унга Шим. Родезия ҳам қўшиб олинди. 1958 й. З. миллий конгресси Африка миллий конгрессидан алоҳида партия бўлиб ажралиб чиқди. Кейинчалик унинг асосида К. Каунда раҳбарлигига Миллий мустақиллик бирлашган партияси тузилди (1959). 60й.лар бошида мамлакатда федерациядан чиқиш ва мустақил давлат

тузиш учун кураш кучайди. Натижада Шим. Родезия 1964 й. янв.да ўзини ўзи идора қилиш хукуқини олди. 24 окт.да эса мустакил З. Республикаси деб эълон қилинди ва президентликка К. Каунда сайланди. 1968—69 й.ларда З. хукумати мамлакат иқтисодиётини мустаҳкамлаш мақсадида энг йирик чет эл савдо, саноат ва мис конлари компаниялари устидан назорат ўрнатди. 1973 й.даги конституцияга кўра, «Замбия инсонпарварлиги» сиёсий дастури қабул этилди. У хусусий мулқчиликни саклаб қолган ҳолда оддий инсон эҳтиёжларини тўлиқ кондириш мақсадини кўйди. 1991 й. кўп партияли асосдаги сайловда Ф. Чилуба президента этиб сайланди. 1964 й.дан БМТ аъзоси. ЎЗР б-н дипломатия муносабатлари 1994 й. 1 фев.да ўрнатилган. Миллий байрами — 24 окт. — Мустакиллик эълон қилинган кун (1964). Асосий сиёсий партиялари, касаба уюшмалари. Кўп партияли демократия учун ҳаракат, 1990 й.да тузилган; Миллий мустакиллик бирлашган партияси, 1959 й.да тузилган; З. демократик конгресси, 1995 й. тузилган; Миллий партия, 1993 й. тузилган; З. кун тартиби, 1996 й. асос солинган; Демократия ва тараққиёт учун анжуман, 2001 й.да Кўп партияли демократия учун ҳаракат партияси парчаланиши натижасида тузилган. З. касаба уюшмалари конгресси 1965 й.да тузилган, Умум Африка касаба уюшмалари федерацияси аъзоси.

Хўжалиги. З. мустамлакага айланган даврдан унинг иқтисодиёти дунё бозорига, асосан, Буюк Британияга факат мис ва полиметаллар етказиб беришга ихтисослашиб, хўжалигининг бошқа тармоклари кон саноатига хизмат килиб келди. Ялпи ички маҳсулотда тоғкон саноати 9%, и.ч. саноати 31,8%, қ.х. 18% ни ташкил этади. Саноати. Тоғкон саноати ва рангли металлургия ривожланган. З. мис рудаси захираси бўйича дунёда олдинги ўринларда туради. Мис б-н бирга кобалът, кумуш ва олтин ҳам чикади. Полиметалл рудалари ва кадмий, гипс, тальк ва

курилиш материаллари конлари ҳам бор. И.ч. саноати рангли металлургия корхоналаридан ташқари озиқовқат, нефтни қайта ишлаш, машинасозлик, металлсозлик, цемент саноати тармоқларидан иборат. Тегирмонлар ва новвойхоналар, күшхоналар, қанд здлари, сут маҳсулотлари, сариёғ, мол ёғи ва ўсимлик мойи и.ч. корхоналари, тамаки корхоналари ишлайди. Кафуэда тўқимачилик, Лусакада пахта тозалаш фкалари бор. Киме ва нефтни қайта ишлаш саноати ўғитлар, бўёклар, локлар, автошиналар, пластмасса ва б. маҳсулотлар ишлаб чиқаради. Қофоз саноати ривожланмоқда. Чиланга ва Ндоладаги цемент здлари бинокорлик ашёлари саноатида етакчилик қиласди. КапириМпошида ойна ва шиша идишлар ишлаб чиқарувчи здлар, Луаншъеда электр симлари, кабель, шпатлар, мис ва алюминий буюмлари, Лусакада қора металлардан турли маҳсулотлар ишлаб чиқарувчи здлар мавжуд. Машинасозлик корхоналари орасида энг йириги — Ливингстондаги автомобиль йиғув зидидир. Радиоаппаратлар, қ.х. анжомлари ишлаб чиқарувчи здлар ҳам бор. Бир йилда ўртacha 7,8 млрд. кВтсоат электр энергияси ишлаб чиқарилади.

Қишлоқ хўжал и гида мамлакат иқтисодий фаол аҳолисининг 76% банд. Фаллачилик — дехқончиликнинг асоси. Асосий қ.х. экини маккажӯҳори бўлиб, у Лунда, Мазабука, Тонга платоси, Баротса текислиги, Луангва дарёси водийси ерларида, тарик ва жўҳори Луапула, Шим. ва Шим.арб вилоятларида, Луангва, Замбези дарёлари водийларида етиширилади. Оз микдорда бугдой экилади, у ички эҳтиёжнинг атиги 10% ини қондиради. Шоли, пахта, ер ёнгок, соя, кунгабокар, шакарқамиш, тамаки, чой, кофе, мева ҳам етиширилади. Мамлакат озиқовқатга бўлган эҳтиёжларини ўзи қоплай олмайди. Чорвачиликдаги моллар асосан яйловда бокилади. Яйловларда озиқ камлиги ва цеце пашшасининг кўплиги чорвачиликни ривожлантиришга йўл қўймайди. Мамлакатда гўшт,

сут ва сут маҳсулотлари етишмайди. З. худудининг 17% га яқини ўрмон б-н қопланган. Ўрмонлардаги қарағай, эвкалипт дараҳтларидан асосан кончиликда шпал ва мустаҳкамлагич сифатида фойдаланилади, родезия тики (қаттиқ ёғоч) ички бозорни таъминлайди ва четга сотилади. Ўрмонлардаги дараҳтларни кесиш ва қайта ишлаш б-н давлат компаниялари шуғулланади. Балиқчилик — африкалик ахолининг анъанавий машғулоти. Балиқ, асосан, Бангвеулу, Мверу, Чиши, Танганьика кўлларида, Кафуз, Замбези, Луа пула дарёларида, Луканга ботқоклигига овланади. Транспорти. З.да 2 т.й. линияси бўлиб, улар давлат томонидан бошқарилади. Т.й.нинг уз. — 2,2 минг км. Автомобиль йўллари уз. — 37,4 минг км, шундан 14 минг км қаттиқ қопламали. Ички сув йўлларининг уз. — 2250 км. Ички порти Танганьика кўлидаги Мгулунгу портидир. З. худуди орқали Дор уссалом—Ндола нефть кувури ўtkазилган. Халқаро аэропортлари: Лусака, Ндола, Ливингстонда.

З. четга мис, рух, кобальт, кўрғошин чиқаради. Четдан машина ва асбобускуналар, ёқилғи, кимё маҳсулотлари, озиқовқат олади. Асосий мижозлари: АҚШ, Франция, Япония, Италия, Буюк Британия. Пул бирлиги — квача. Соғликни сақлаш. Давлатга қарашли даволаш муассасалари бепул. Бундан ташкари Лусака ва Коппербелтда хуссий тиббий муассасалар фаолият кўрсатади. Врачлар З. ун-ти хузуридаги тиббиёт мактабида тайёрланади. Маорифи, маданиймаърифий ва илмий мусассасалари. З. мустакилликка эришгач, бошлангич мактабларда африкалик болалар европаликлар б-н бирга ўқитила бошлади. Болалар 7 ёшдан бошлаб 7 й.лик бошлангич мактабда ўқиди. Бошлангич мактабнинг 1—4синфларида дарслар она тилида, сўнг инглиз тилида олиб борилади. Ўрта мактаб 5 й.лик. Бошлангич мактаблар учун ўқитувчилар кичик (тўлиқсиз) ўрта мактаб негизида пед. билим юртларида 2—3 й. даво-

мида тайёрланади. Кичик ўрта мактаб ўқитувчилари эса тўлиқ ўрта мактаб негизида пед. коллажларида 2 й. давомида, тўлиқ ўрта мактаб ўқитувчилари унта тайёрланади. Ҳунартехника таълими бошлангич мактаб негизидаги хунар мактабларида ва хунармандчилик ўқув юртларида амалга оширилади. Лусакада унт (8 фут), КитвеНканада унинг филиали бор. З.да яна бир канча инт ва коллажлар, шу жумладан Миллий ижтимоий бошқарув инти, амалий хунармандчилик ва тижорат коллежи, техника коллежи, миллий ресурсларни ривожлантириш коллежи (ҳаммаси Лусакада), бошқа шаҳарларда ҳам турли коллажлар мавжуд.

Йирик кутубхоналари: Лусакада унти кутубхонаси, кутубхоналар маҳдами, миллий архиви, шахар оммавий кутубхонаси. Ндола ва Китве Нканада оммавий кутубхоналар бор. Музейлари: Лусакада К. Каунда уй музейи, Миллий мустакиллик бирлашган партияси сиёсий музейи, Ливингстондаги музей, Ндола ва Мбаладаги музейлар.

Илмий муассасалари: Лусакада Миллий и.т. кенгаши, Геол. хизмати, З. ун-ти хузуридаги Африка тадқиқотлари инти, Пед. тадқиқот бюроси, Чиланида Баликчилик марказий тадқиқот инти, Мазабукада Марказий ветеринария стяси, КитвеНканада Ўрмонтехника тадқиқот бюроси, Тиббиёт тадқиқот бюроси ва б. Бир канча илмий жамият ва уюшмалар бор.

Матбуоти, радиоэшиттириши ва телекўрсатуви. З.да бир канча газ. ва жур. лар нашр этилади. Йириклари: «Замбия гавернмент газетт» («Замбия хукумат газетаси», инглиз тилидаги кундалик газ., 1911 й. ташкил этилган), «Замбия дейли мейл» («Замбия кундалик хабарлари», инглиз тилидаги кундалик газ., 1960), «Тайме оғ Замбия» («Замбия вакти», инглиз тилидаги кундалик газ., 1943), «Интанда» («Юлдуз», тонга тилидаги ойлик газ., 1958), «Санди тайме оғ Замбия» («Замбиянинг якшанба вакти», инглиз тилидаги хафталик газ., 1965), «Юс» («Ёшлар», инглиз тилида

кар чоракда чикадиган жур., 1974). З. Ахборот агентлиги 1969 й. тузилган. З. радиоэшиттириш хизмати 1966 й. ташкил этилган бўлиб, ҳукумат томонидан назорат килинади. Телекўрсатувлар Лусака ш.дан олиб борилади. Адабиёти. З. адабиёти ҳалқ оғзаки ижодиёти анъаналари асосида ривожланмоқда. Ж. Чиваленинг бемба ва луба ҳалқпари тилларидағи «Марказий бантуларнинг тарихий тузуклари» китоби (1962) ва Ж. Мусапунинг «Аламанго» достонлар тўплами (1962) адабий ҳаётда муҳим воеа бўлди. Бироқ маҳаллий тиллардаги бадиий адабиёт унчалик оммалашмади. 70-ларда З. ёзувчиларининг инглиз тилидаги асарлари пайдо бўлди. Д. Мулаишонинг «Соковлар тили» романи машҳур бўлди. Унда замонавий жамият ахлокий муаммолари мажозий тарзда тасвирланган. М. Лисванисо таҳрири остида «Замбия овозлари» номи б-н қисқа ҳикоялар мажмуаси, Г. Пирининг «Тақдир қисмати», «Қалтис қилиқ» романлари ва б. асарлар босилиб чиқди. П. Муленга, М. Касесе, О. Симпсон, Анна Штиглер, Р. Бапти каби шоирлар, Ч. Въяс, У. Саиди каби ёзувчилар машҳур бўлди. 1978 й.да З. ёзувчиларининг миллий уюшмаси тузилиб, барча адиблар унга бирлашдилар.

Меъморлиги ва тасвирий санъати. З.нинг шим. ва шарқий минтақаларида қоя тошларига чизилган турли раэм ва тасвирлар топилди, уларнинг илк намуналари мил. ав. 4-минг йилликка Лусака шаҳридаги замонавий бино. Сублиги қайд этилган. Маъдан бўёклар (аксари қизил, сарик, оқ, қора рангда) б-н туширилган тасвирларда жонивор (фил, кийик, тяжкүш)лар, одамлар қиёфаси ва ов манзараси гавдалантирилган. З.даги турар жойлар, асосан, ҳашак ва қамишдан айлана тархли қилиб курилган, деворлари лой сувоқли чайласимон уйлардан иборат бўлиб, уларнинг томи қамишдан кулоҳий шаклда ишланган, бўғоти остида айвонча ҳосил қилинади. Уй девори лой б-н сувалиб, рангбаранг қилиб бўялади. З.нинг 20-а. бошларида кад кўтарган

шаҳарлари — Лусака, Ливингстон, Ндола эркин лойиҳада, кўчалари кенг, атрофига темир бетон ва хом гиштлардан кам қаватли иморатлар курилган. Кафуэ дарёси қирғогида шу номда саноат маркази барпо этилган. Виктория шаршараси ёнида курилган сайёҳдар мажмуй миллий турар жой услугида безатилган. З.нинг касбий санъати яқинда пайдо бўлди. Раскомслардан Р. Силило алоҳида ажralиб туради. Унинг мўйқаламига мансуб ҳалқ тарихи ва замонавий қишлоқ турмуши манзаралари Лусакадаги музейни безаб турибди. Рангтасвир ва ҳайкалтарошлиқ усталари Г. Таляли, Р. Сичалве, рассомлар Б. Кабамба, Ф. Чинъяма, Р. Каусу, Б. Калулулар ижоди таҳсинга сазовор. З. санъат маркази ҳар йили тасвирий ва амалий санъат асарлари танловини ўтказиб туради.

Мусикаси. Африкалик бошка ҳалклар каби З. ҳалкининг мусика санъатида ҳам қўшиқ, ракс ва соз чамбарчас боиганган. Тўптўп бўлиб тушиладиган нгома ракси, барабанлар жўрлигидаги ичила ракси раэм бўлган. Аллалар, тўй маросим қўшиқлари, марсиялар кенг тарқалган. Диний маросим қўшиқ ва ракслари (зикр тушиш, инсжинсларни кувиш, жинлар базми каби) ҳамон учраб туради. Мамлакатга европаликлар келиши б-н (18—19-лар) христиан муножатлари оммалаша бошлади, африкача ва европача мусика услублари қоришган қўшиқчилик шаклланди, қўшни ҳалкларнинг мусика ва қўшиқлари ҳам кириб кела бошлади. Мустакилликка эришилгандан кейин мамлакатда кўпгина мусика жамоалари вужудга келди. Лусака радиоси дастаси, ақаука Макома квартети, «Салибчилар» квартети шулар жумласидан. Анъанавий мусика ижрочиларидан — созандалар М. Маталияна, А. Мулена, Э. Манда, хонандалар Д. Мазука, П. Маддиларни кўрсатиш мумкин. Рок мусикаси, диско, регги каби замонавий оммабоп услубларда ижод қилувчи вокалчолғу ансамбларидан «Катта олтин олтилик», «Сехргар», «Маома»лар машҳур. З. ма-

даният махкамаси анъанавий санъатни саклаш ва ривожлантириш, ижодий жамоалар ташкил этиш б-н шуғулланади.

Театри. 1964 й.га қадар Шим. Родеизация европалик ҳаваскорларнинг театр гурухларигина бўлган. 7 шаҳарда литеатр деб аталган кичиккичик театр бинолари бўлган. Мустақиллик эълон килингандан кейин Африка театр жамоалари вужудга келди, З. санъат уюшмаси тузилиб, унга драматургреж.лар Г. Лумпа ва К. Нокхата раҳбарлик килди. Эсхилнинг «Орестея» пьесаси махаллий фольклор услубидаги мусиқа ва рақслар б-н саҳналаштирилди. Жо де Графтнинг «Ўғил ва кизлар» спектакли кўйилди. З.да професионал театр йўқ. Кўпгина театр жамиятлари, гурухлари ва клублар бор. Уларнинг купи З. миллий театр санъати уюшмаси ва З. театр санъати иттифокига киради. Турлитуман труппа ва дасталар мамлакат ичкари туманларига бориб томошалар кўрсатади. Труппалар репертуаридан мумтоз асарлар, замонавий Европа ва Америка драматургларининг пьесалари асосий ўрин олган. Кўпинча фалсафий, баъзан диний мавзудаги асарлар саҳналаштирилади.

ЗАМБОАНГА — Филиппиндаги шаҳар. Минданао о.нинг жан.ғарбидаги порт. Аҳолиси 600 минг киши (2000). Халқаро аҳамиятга эга аэропорт бор. Ёғочзорлик, озиқовқат, тикувчилик саноати корхоналари мавжуд. Қ.х. (кокос ёнғоги, абака толаси, копра) ва ўрмон маҳсулотлари четта чиқарилади. Шаҳарга 1635 й.да асос солинган.

ЗАМБУРУҒ ТАНАСИ қ. Мицелий.

ЗАМБУРУҒЛАР (*Fungi* ёки *Mycetes*) — эукариот организмлар дунёси (булими). З. тайёр органик моддалар ҳисобига яшайди, яъни гетеротроф организм ҳисобланади. Одатда ўсимликларда, турекда, сувда, ҳайвонларда ёки уларнинг колдикларида ҳаёт кечиради. Озиқланиш усулига караб паразит ва сапрофит З.га бўлинади. З.нинг одамлар ва ҳайвонлар учун зарарли ва фойдали юз мингдан ортиқ тури учрайди. З. ҳақидаги фан-

микология деб аталади. Тузилиши. Купчилик З.нинг (баъзи хужайра ички паразитларидан ташқари) вегетатив танаси мицелий куринишида, яъни озиқланиш субстрати сиртига ёки ичига таралиб, учидан ўсадиган ингичка ипча — гифалардан иборат. Кўпайиши. З. вегетатив варепродуктив (жинссиз ва жинсий) кўпаяди. Вегетатив кўпайиш мицелий ипчаларининг бўлениши ёки склероциялар б-н амалга ошади. Бу бўлакчалар ҳар хил йўл б-н тарқалиб, кулаг шароитга тушганда янги мицелийси ҳосил бўлади. Жинссиз кўпайиш мицелийнинг махсус шоҳчаларида хреил бўладиган споралар орқали рўй беради. Споралар ҳосил бўлишига караб эндоген ва экзоген бўлади. Эндоген споралар одатда гифа (спорангий ёки зооспорангий)нинг шарсизом учларида куп микдорда ривожланади. Экзоген споралар (конидиялар) мицелийнинг махсус шоҳларида якка, гурух булиб, купинча занжирсизмон ривожланади. Жинсий кўпайиш иккита ҳар хил жинсий хужайранинг кўшилишидан ҳосил бўладиган зиготалар орқали рўй беради. З. ҳамма жойда кенг тарқалган. Аксари З.нинг табиатда умри киска. Уларнинг мицелийси бир неча суткада ривожланиб, спора ҳосил қилгач, ўсишдан тўхтаб, нобуд бўлади. Мицелийси кўп йил яшайдиган З. ҳам бор. Жумладан, патоген ва паразит З. мицелийси бир неча йиллаб яшайди. Шунингдек, склероцийлари ва турлитуман споралари б-н узоқ вакғача сакланадиган З. ҳам бўлади. Кўп споралар қуруқ ҳолатда ҳаётчанлигини ўн йиллаб саклаши мумкин. Мухим физиологик хусусиятлари. З. ривожланиши учун кислород зарур бўлиб, аэроб организм ҳисобланади. Лекин айрим З., мас, ачитки З. ига озгина кислород ҳам етарли. Кўп З. турли хил (спиртли, лимонли) ачитиш хусусиятига эга. З. 20—25° да яхши ўсади, баъзилари 2—4° да ҳам ўсаверади. З.нинг ўсиши учун ёргулик зарур эмас, лекин кўёш нури уларнинг ўсиши ва спора ҳосил қилишига салбий таъсир этади. Табиат

ва инсон ҳаётидаги ахамияти. Тупрокда яшайдиган З. ўсимлик колдиқлари (жумладан қийин парчаланадиган целлюлоза ва лигнин)ни емиради ва минералластиради. Ёғочларни, асосан, пўкак З. емиради. Кўпчилик З. ўсимликларда турли касалликларни кўзгатади. Одамлардаги қатор касалликлар: кал, қирма темиратки ва бошқаларни З. кўзгатади. Фойдали З. ҳам кўп. *Penicillium* ва *Aspergillus* туркумiga мансуб З.дан витаминлар, антибиотиклар, лимон кислота ва стероид препараллар олишда фойдаланилади. Ачитки З. вино, нон, пиво тайёрлашда ишлатилади. З.дан кўнчилик, тўқимачиликда ва саноатнинг б. тармокларида қўлланиладиган турли хил ферментлар олинади. Дунёнинг кўргина мамлакатларида З. овқатга ишлатилади; истеъмол қилинадиган З.нинг тури 100 дан ортади. Булардан куплари қимматли бўлиб, таркибида оксил моддалари, витаминлар ва ферментлар бор. З., асосан, консервалаб (куритиб, тузлаб, зирараб) истеъмол қилинади. З. таснифи: I синф — тубан замбуруғлар ёки фикомицетлар (*Phycotomycetes*); II синф — халтали замбуруғлар ёки асоциметлар (*Ascomycetes*); III синф — базидиомицетлар (*Basidiomycetes*); IV синф — такомиллашмаган замбуруғлар (*Deuteromycetes* ёки *Fungi imperfecti*). З. ўсимлик, ҳайвон ва одамларда касаллик кўзгатиш хусусиятига эга, озиқовқат маҳсулотларини бузади. Ўзода вилт ва чириш касалликларини пайдо қиласи (яна қ. Замбуруғли касалликлар). Баъзи З. ҳашаротлар сонини ҳамда касаллик туғдирувчи (патоген) З. ривожини сусайтиришда ижобий ахамиятга эга. Вертициллөш сўлишни кўзгатувчи З. кушандаси (З. — антагонист)га *Trichoderma lignorum* Hars., *Aspergillus* sp., *Penicillium* sp. ва б. киради.

З. тупрокда бактериялар, актиномицетлар ва микроорганизмлар б-н биргаликда органик моддаларни парчалаб, санитарлик вазифасини бажаради ва табиатда моддалар айланishiда иштирок этади. Шу б-н бирга тупрокда ўсимлик

касалликларини кўзгатувчи З. тўпланиб ҳам колади. Монокультура натижасида ўсимликларнинг маълум турларигагина ихтисослашган З. йигилади. *Aspergillus*, *Penicillium*, *Mucor*, *Trichothecium*, *Rhizopus* ва б. туркумга мансуб баъзи тур З. уруғлик материалнинг могоरлашига сабаб бўлиб, уларнинг унувчанлиги ни пасайтиради. Кўпгина могор З. хом ашёни саклаш даврида пахта толаси сифатини бузади. Баъзи турлари истеъмол қилинади (жумладан, кўзиқорин). З.нинг ферментатив, антибиотик, токсик ва паразит лик хусусиятларидан ветеринарияда ҳамда ўсимликларни зараркунанда ва касалликлардан химоя қилишда, шунингдек, енгил саноатда, озиқовқат ва фармацевтика саноатида фойдаланилади.

ЗАМБУРУҒЛИ КАСАЛЛИКЛАР, микофтозлар (ўсимликларда) — паразит ва ярим паразит замбуруғлар кўзгатадиган инфекцион касалликлар. Замбуруғлар таъсирида ўсимликларда бутун организм ёки унинг маълум кисми тузилиши ва физиологик функциясининг бузилишига сабаб бўлувчи касаллик (патология) жараёни вужудга келади. Бошқа ўсимлик касалликларига нисбатан кўп тарқалган ва зарарли; улар ўсимлик ҳосилини ва маҳсулот сифатини пасайтиради, мевали ва резавор ўсимликларнинг ҳосил бериш муддатини қисқартиради. Энг кўп тарқалган З.к.: сўлиш, чириш (илдиз, тўпгул, мева, илдизмевалар, туганаклар ва б.да), бўртма, ўсимта, шиш, яра, баргда доғлар пайдо бўлиши б-н кечадиган касалликлар, ўсимликнинг паканалиги, мажрухлиги ва б. Бир турдаги ўсимлик бир неча ўнлаб хил З.к. б-н зарарланиши мумкин. З.к. энг куп зарар келтирадиган ва кўп тарқалган касалликлардан ҳисобланади. Mac, ғўзанинг вилт касаллиги, буғдойнинг қоракуя ва занг, илдиз чириши касалликлари, картошканинг фитофтороз касаллиги ва бларда ҳосил жуда камайиб кетади. З.к. б-н зарарланган ўсимликнинг уруғи, туганаги, пиёzlари, қаламчалари, кўчатлари ва инфекция манбайи булиши мумкин.

Инфекция ҳосил йиғимидан кейин тупроқда қолған ўсимлик қолдикларида сақланиши ва ўсимлик илдизи, илдиз бүғизи ва б. тупроқ ости органларига тушиб касаллик құзгаши мумкин. Баъзи патоген замбуруғ споралари шамол, ёмғир, ҳашаротлар, сут әмизувчилар, шунингдек, ифлосланган идишлар, қ.х. машиналари ва асблоблари орқали ҳам ўтади. Ўсимлик тұқымаларига патоген замбуруғлар оғзича, ясмиқчалар, хужайра эпидермиси ва кутикуласи (картошка раки), дўлдан ҳосил бўлған яралар (маккажӯхорининг қоракуя касаллиги), офтоб урган, ёрилган жой орқали кириши мумкин. Касаллик ривожланиши ташки шароитга ҳам боғлиқ. Мае, тупроқда фосфор ва калий өтишмаслигидан донли экинларнинг занг касаллиги, картошканинг фитофтороз б-н заарланиши ортади. Заарланиш характеристика қараб маҳаллий ва умумий таъсирли бўлади. Маҳаллий заарланишга доғлар, замбуруғ ғуборлари, яралар, шишлар пайдо бўлиши мисол бўлади. Доғлар баргнинг алоҳида қисм (тўқима)ларини некрозга олиб келади, кучли ривожланганда барглар тўқилиши мумкин (қ. Макроспориозлар). Замбуруғ ғуборларини ўсимликлар уншудринг (кул) ва сохта уншудринг (рафа) б-н касалланганида кузатиш мумкин. Ўсимликнинг маҳаллий заарланиши, кўпинча, турли органларда четлари рангли ҳошия б-н ўралган яра куринишида бўлади (мас, гуза гоммозининг поя формасида). Занг замбуруғи б-н заарланган ғалладошлар, дондук-каклилар ва б. экинлар барг ҳамда б. органларida замбуруғ споралари тупланган ёстиқча кўринишидаги занг тусли шишлар (мас, жавдарнинг қунғир занг касалида) пайдо бўлади. Кузга бориб шишлар кораяди. Ўсимликнинг сув ва озик моддаларга бой органлари, купинча чириш б-н касалланади (мас, гўза чанокларидағи пуштиранг чириш, кулранг чириш). Ўсимликнинг замбуруғ б-н умумий касалланганилигі белгиси — сўлишdir. Бутурли органлардаги таранглик (тургор)

нинг йўқолиши б-н характерланади. Гўза, зигир, картошка ва б. ўсимликлар сулиши кўп Замбуруғли касалликлар: 1—буғдой қатғиқ қрракуяси; 2—буғдой чанг қоракуяси; 3—маккажӯҳори пуфаксимон қоракуяси; 4—картошка фитофторози; 5—олма қалмарази; 6—кулупнай кулранг чириши. Касалликнинг ривожланиш тезлигини экологик омиллар белгилайди: маълум шароитлар замбуруғнинг спора ҳосил қилишига салбий таъсир кўрсатади, спораларнинг ўсиши ва ўсимликнинг касалланишига тўскинилек қиласди. З.к.га карши агротехник, кимёвий ва физикмеханик чоратадбиirlар мажмуи қўлланилади. Касалликка чидамли навлар экилади, микробиопрепаратлардан фойдаланилади, экинлар уруғлиги кимёвий препарат (дори)лар б-н дориланади, ўсимликларга пестицидлар, фунгицидлар туркалади ёки чангтилади. З.к.га карши курашда чидамли навларни яратиб, уларни и.ч.га жорий қилиш катта аҳамиятга эга (яна қ. Усимликларни ҳимоя қилиш). Ад.: Серб и нов В. И. Қишлоқхўжалик экинларнинг касалликлари, Т., 1964; Каримов М. А., Гўза касалликлари, Т., 1979.

Султан Алимухамедов.

ЗАМЕНГОФ (Zamenhof) Людвик (Лазарь Маркович) [1859.15(27). 12, Белосток — 1917.14(27).4, Варшава] — эсперанто тили асосчиси, врач. 1887—97 й.ларда Украина (Херсон, Львов, Одесса ва б.)да яшаган. Др Эсперанто тахаллуси б-н халқаро ёрдамчи сунъий тил лойиҳасини нашр эттирган. Шу тилда ўзининг бир қанча илмий ишларини яратган («Байнаминал тил» ва б.). З. «Халқаро тил» (1887), «Халқаро тилнинг мөхияти ва келажаги» (1900) каби илмий асарлар муаллифи.

ЗАМЗАМ, Оби замзам — Макка ш.даги Алмасжид ал-Ҳаром саҳнидаги муқаддас булоқ. Каъба ёнида бўлиб, ҳоз. вақтда пастда — алоҳида ва маҳсус жойга ўтказилган сув жўмраклари орқали ичилади. Булоқсуви кенглиги бир қаричдан ортиқроқ пўлат кувур орқали чиқади,

ойнабанд хонада хизматчилар уни масжиднинг биринчи, иккинчи ва учинчи қавати (томи)га тарқалишини назорат қилиб турадилар. Сув тарқатгич ускуналар кечакундуз бетўхтов ишлайди. З. тарихи узоқ. Ривоятларга кўра, булоқнинг пайдо бўлиши Иброҳим (ас)нинг ўғли Исмоилнинг таваллуди б-н боғланади: чўлда колдириб кетилган биби Ҳожар чақалоги (Исмоил) дунёга келгач, юваниши ва чанқовини босиш мақсадида сув ахтариб шу якиндан Сафо ва Марва тепаликлари орасида етти марта елибюгурди. Сув тополмай обдон толиккан она чақалоги ёнига қайтса, унинг оёкутари остидан сув чиқаётганлигини кўради. Нима қиласини билмай шошиб қолган биби Ҳожар «зам, зам!» (яъни «тўхта, тўхта!»), дейди. Бошқа бир ривоятда она-нинг мушкул аҳволидан боҳабар бўлган Жаброил (ас) ердан сув чиқариб берган, дейилади. Лекин орадан қўп асрлар ўтиб булоқ кўзи ёпилиб қолади. Вакти келиб Мұхаммад (сав)нинг буваси Абдулмуталлиб булоқ кўзини қайта очади. З. Куръони каримда тилга олинган. З. сувига юзқўлларни ювиш, ундан ичиш ҳаж ва умра амалларини бажаришнинг муҳим белгиси хисобланади. Зиёратчилар қайтишда ундан олиб кетиб кўпчиликка тарқатадилар. Ҳозир Маккада сувни турли ҳажмдаги идишларга қуядиган мослама ишга туширилган. З. суви ўзига хос хусусиятга эга. Таркиби киши организми учун фойдали маъданларга бойлиги, ошқозоничак, кон томири ва б. баъзи қасаликларга даво эканлиги аниқланган.

Кудратхожи Ахмеров.

ЗАМЗАМА (сүғдийча — секин овоз б-н ашула айтиш, хиргой қилиш) — 1) зардуштийларнинг маросим дуоларини оҳиста ва майнин оҳангда ўқилиши; 2) ўрта аср мусулмон Шарки тасаввуф анъяналарида шеър ва ғазалларни оҳанг б-н ижро этиш шаклларидан бири. Боқиё Ноинийнинг (17а.) «Замзамаи ваҳдат» («Ёлғизлик айтимлари») мусиқа рисоласи мавжуд.

Ад.: Низамов А., Суфизм в контек-

сте музыкальной культуры Центральной Азии, Душанбе, 2000.

ЗАМИН, фон — 1) ўйма ва бўяма нақш безагининг асоси, нақш шакллари орасидаги жой; 2) ер, тупроқ; хонанинг таги.

«ЗАМИН» БАНКИ —

Ўзбекистондаги ихтисослаштирилган давлатакциядорлик ипотека банки. ЎЗР Вазирлар Махкамасининг 1995 й. 7 сент. даги қарорига кўра, очик акциядорлик жамияти шаклида 20 млн. сўмлик устав жамғармаси б-н ташкил этилган. Бошкаруви Тошкент ш.да жойлашган. Республиканинг барча вилоятларида ва Қорақалпогистон Республикасида 13 филиали бор. Банкнинг асосий акциядорлари Ўзбекистон Республикаси Давлат мулки кўмитаси (60,7%), Молия вазирлиги (5,5%), «Бектемир универсал бозори» очик акциядорлик жамияти (8,8%), «Ўзқишлоқхўжалик-машҳолдинг» компанияси (4,6%) ва б. 1996 й.дан амалиётларни хорижий валютада олиб бориш учун лицензия олган. Республикадаги ер майдонлари ва б. кўчмас мулкни гаровга кўйиши асосида молия маблағларини жамлаш ва инвестициялаш; жисмоний ва юридик шахсларга қиска ва узоқ муддатли ҳамда ипотека кредитлари бериш; ер эгаларига комплекс кредитхисоб хизмати кўрсатиш; муомалага ипотека облигацияларини чиқариш ва жойлаштириш; кичик ва ўрта тадбиркорлик корхоналарини кредитлаш, ипотека кредитлари сокасида илгор жаҳон тажрибаларини жорий этиш ва б. вазифаларни бажаради. Банк портфелининг асосий қисми хусусий, кичик ва ўрта бизнес субъектларига ажратилган кредитлар (3,5 млрд. сўм)дан иборат. Устав жамғармаси 1,235 млрд. сўм, ўз капитали 1,5 млрд. сўм, жами активлари 5,7 млрд. Сум, кредит қуилмалари 4 млрд. сўмни ташкил қилди (2002).

Одил Мавлонов.

ЗАМИНДАВОР, Заминдавер, Заминдовар — урта асрлар да Ҳурсондаги вилоят. Фур ва Буст вилоятлари оралиғида жойлашган. З. орқали

Хиротдан Ҳиндистонга борадиган йўл утган. 10а.даёқ 3. ғурийлар ва халажлар б-н чегарадош мулк сифатида машхур булган. 3. аҳолиси узларининг жанговар эканликлари б-н шуҳрат крzonгандар. Маҳмуд Фазнавий Ғурга 3.дан бир неча бор юришлар уюштирган. Маҳмуд ибн Вали (17а.) 3. мустаҳкам ва олиб бўлмас қалья эканлиги, унда ғалла ва мевалар мўлкўл ва арzonлигини ёзган.

ЗАМИНДОР (форс. — ер эгаси) — 1) Ғарб (Европа) адабиётидаги «феодал» истилоҳини (қ. Феодал) Мовароуннахр халклари орасидаги номланиши бўлиб, Ўрта Осиё ҳонликларида йирик ер эгасини англатган; 2) урта асрларда Ҳиндистонда йирик ер эгаси. Дехли сultonлигига ва Бобурийлар салтанатида вассал ҳокимлар (рожа, сulton ва маҳаллий элат бошликлари) 17—18а. ларда Бенгалия, Бихар, Марказий Ҳиндистонда ижарадор, Шим-Ғарбий Ҳиндистонда жамоанинг туда ҳуқуқли аъзоси (дехқон) ҳам 3. дейилган. Инглизлар мустамлакаси вактида заминдори тизими бўйича ер солиги тулайдиган хусусий ер эгалари ҳам 3. деб аталган. 3. ерлари жоғир ерларидан фаркли улароқ меросга қрлдирилган. Ҳиндистон мустақилликка эришгач, заминдорлик тизими тугатилди.

ЗАМИНДОРИ 18-а. охири 19-а.ларда инглиз мустамлакачилари томонидан Шим., Шаркий ва Марказий Ҳиндистонда жорий этилган ер солик тизими. Ер эгаларининг юқори табакаси, заминдорларнинг меросхўрлик ҳуқуқларини мустаҳкамлаган. Мустамлака ҳокимияти ернинг олий эгаси хисобланган. Доимий 3. (мустамлака ҳокимияти фойдасига ундириладиган ер солиги абадий қилиб белгиланган) ва муваққат 3. (ер солиги ҳар 20—40 й.да қайта куриб чиқилган) фаркланган. Ҳиндистон ва Шаркий Покистон (1971 й.дан мустақил Бангладеш республикаси)да 20а. 50й.ларда ўтказилган ислоҳотлар натижасида ер рентаси бериш ҳуқуки давлат ихтиёрига ўтди, бу б-н йирик ер эгаларининг

ижтимоийқтисодий мавкеи пасайган.

ЗАМИНДЎЗИ — зардўзликда тикиш усули. Безатиладиган буюм юзаси (гули ва замини) кашта б-н сидирға қоплаб тикилади. Бунда кашта тўғридан тўғри матога ёки мато устидаги тўшама (сиддий) устидан зар, кумуш ёки ипак иплар б-н тикилади. 3.да майда ҳандасий шакллар («чашми булбул», «чордарчор», «шашхол», «самбуса» ва б.), диагонал ва зигзаг йўллар («мавжи якруя», «мавжи дурўя», «мавжи чашми булбул» ва б.) ҳосил қиласидиган безак чоклардан фойдаланилади. 3.да бадиий анъаналар, зардўз устанинг маҳорати намоён бўлади. 3. 19-а.да сарой амалдорларининг кийимларини тайёрлашда кенг кўлланилган. Ҳозир 3., асосан, гулдўзи усулида безатиладиган буюмларнинг айrim бўлакларини тикишда ишлатилади.

ЗАМИНКОРИ, заминли ўйма — ўймакорлик тури; ёғоч, ганч, тош ўймакорлигига кенг кўлланилади. 3.да исканакалам нақш чизиладиган текисликка тикка (кўндаланг) қўйилиб, замингача тўғи бурчак ҳосил қилиб туширилади. 3. маҳсус замин қаламлар б-н ўйилади. 3. усулида бажарилган нақш музассамотида нур ва соянинг нозик ўйини сақланади. Тўғри бурчакли бўртманинг юзаси бепардоз ёки пардозсиз ўйма дейилади (яна қ. Пардоз).

ЗАМИНСИЗ ЎЙМА - алоҳида ажратилган замини бўлмаган ўймакорлик пардози. Икки тури — чизма ва занжира пардоз тури кенг тарқалган.

ЗАММ, Зам — Амударё бўйидаги ўрта аср (7-а.)ларга оид шаҳар ва кечув номи. Балъамийнинг маълумотига кўра, 3. Термиз ва Кубодиён қаторида подшоҳ Кубод асос солган шаҳарлардан санаалган. 8-а. бошида Қутайба ибн Муслим Марвдан Бухорга юриш қилганда 3. кечуви орқали Амударёдан ўтган. 3. орқали Марварруд ва Гузгонондан Мовароуннахр шаҳарларига борадиган карвон йўли ўтган. 10а.да 3. катталиги жиҳатидан Амулга teng бўлиб, бироқ аҳолиси жиҳатидан ундан кейин тур-

ган. 10а. охирида Муқаддасий З.ни усти ёпик бозорлар ўртасида жойлашган жоме масжидига эга бўлган «катта шахар» деб атаган. Амударё тошган пайтларда унинг суви З.нинг ўртасига қадар борган. З.нинг атрофи чўл б-н ўралган. 1032 й. З. фазнавийлардан султон Масъуддинг кораҳонийлардан Алитегинга қарши урушида қўшинлар тўпланадиган асосий жойлардан бири бўлган. З. ўрта аср шахар харобаси Амударёнинг сўл кирғогида, Карки ш.нинг қаршисида жойлашган. Умумий майд. 3,5 га га яқин бўлган. З. атрофида боғ-роғлар, экинзорлар, чорвадорларнинг ўйлари, кудуклар, яйловлар бўлган; шаҳарга Амударёдан Фохир канали орқали сув чиқарилган. Маҳмуд ибн Баауам маълумотларига кўра, ўрта асрда З. вилояти Марвга қадар чўзилган. 826—827 й.ларда З. вилоятидан халифаликка тўланадиган солиқ миқдори 106 минг дирҳамни ташкил этган. Карки ш.дан шим.гарбда жойлашган Останабобо қишилогида Аламбардор макбараси сакланган. Ривоятларга кўра, у ерга сомонийларнитл 1005 й.да ўлдирилган сўнгги амири алМунтасир дағн этилган.

ЗАМОН (фалсафада) — ходисаларнинг ва материя ҳолатларининг изчил алмашиниш шакли (к. Фазо ва вақш).

ЗАМОНАВИЙ БЕШКУРАШ — спорт кўпкураши. От устида тўсиклардан ўтиш, қиличбозлик (биринчи санҷунча олишув), пистолетдан ўқ узиш (4 карра 20 тадан отиш), сувда сузиш (300 м га эркин услубда) ва енгил атлетика кросси (4 км масофага)ни ўз ичига олади. Юкоридагича тартибдаги мусобакалар 5 кун мобайнинда — бир кунда биттадан тур бўйича ўтказилади. Спортамалий машқлари бўйича комплекс мусобакалар қад. замонлардан маълум (мае. Юнонистон олимпия ўйинларида пентатлон — «пент» — беш, «атлон» — кураш). З. б. 19а. 2ярмида Швецияда пайдо бўлган. 1948 й.дан шу номда. Халқаро З. б. ва биатлон уюшмаси (UIPMB, 1948 й. тузиленган)га 70 дан зиёд мамлакат аъзо.

Ўзбекистон 1991 й.да қабул қилинган. 1912 й.дан олимпия ўйинлари дастурига киритилган. 1949 й.дан жаҳон биринчилиги ўтказиб турилади.

ЗАМОНБОБО — сўнгги жез даврига оид ўтрок дехқонлар манзилгоҳи ва қабристони (мил. ав. 2минг йиллик ўртаси). Бухоро воҳасининг ғарбидаги Замонбобо кўли ёқасидан топилган. З. турар жойлари усти чайла килиб беркитилган ертўлалардан иборат бўлган. 45 та қабр очилган. Таги ясси ва думалоқ, безаксиз сопол идишлар, жез буюмлар, пайконлар, тош мунҷоқлар, тош ўроқ парчалари ва б. топилган.

ЗАМОНБОБО МАДАНИЯТИ — Ўзбекистонда жез даври уруг жамоаси маданияти (мил. ав. 2минг йилликнинг биринчи ярми). Бухоро вилояти Қоракўл тумани марказидан 15 км шим.ғарбда жойлашган Замонбобо (номи шундан) кўли соҳилидаги макон (майд. 170 м²) ва қабристон (44 қабр) ўрганилган. Қабристонда Я. Ғуломов (1950—51, 1953—54), А. Аскаров (1961, 1964) археологик қазиш ишлари олиб борган. Қабилалар ярим ертўла, енгил чайлаларда яшаган. Ертўла ўтов шаклида, устунлари чукурчаларга ўрнатилган, усти қамиш б-н ёпилган ва сомонли лой б-н сувалган. Ўчоқ ва дон сакланадиган ўралар девор якинида бўлган. Қабрларда мурдалар якка, жуфт, айрим ҳолда учтадан (эркак, аёл, бола) ёнбошлатиб кўмилган. Қазилмаларда сопол синиклари, чақмоктошдан ишланган қуроллар — япроқсимон пайконлар, пичноқсимон тош парчалар, сурма тошлар, жез ойна, пичноқ, куракчалар, лазурит, ақик, феруза, сердолик, жилвир тошдан ишланган мунҷоқлар, олтин маржон топилган. Сопол идиш (таги текис ва думалоқ хум, хумча, тўғри бурчакли сувдон, товоқча) лар нақшсиз бўлиб, асосан, кўлда, айримлари чархда ясалган. Уларнинг деярли барчаси юпка, жарангдор, баъзилари кизил ангоб б-н бўялган. Чакмоктошдан ишланган қадама ўроқлар, ёрғучок бўлаклари, ҳовонча дасталар ва кўмирга

айланган буғдой, арпа донлари, сиғир, күй, эчки сүяқларининг топилиши, З. м. даврида қабилалар ибтидоий деҳқончилик ва ўтрок чорвачилик б-н шуғулланганигидан далолат беради. Ҳосилдорлик маъбудасининг кичик сопол ҳайкалчасига мўлқўлчилик рамзи сифатида эътиқод қилинган бўлса керак. Бадахшон тошидан ишланган мунчок, Жан. Туркманистондаги қабилаларнинг сопол идиш ва б. буюмлари З. м. қабилаларининг қўшни қабилалар б-н иқтисодий ҳамда Одамлар яшаган турар жой. Замонбобо маданияти: 1 — пайкон; 2 — қадама ўрок; 3—4 — сүяқ бигизлар; 5 — тош ўзак; 6—7 — пичноқсимон ттластинкалар; 8 — тўғногич боши; 9 — урчуқбош; 10 — куракча; 11 — 18 — тош мунчоқпар; 19 — маъ19 буда танаси; 20 — сопол синиклари. Маданий алокада бўлганлигини кўрсатади. Бу рнда неолит даврида Калтамиор маданиятига мансуб қабилалар яшаганлиги ҳам аникланди. Кейинчалик З. м. ўрнида Андроново маданияти тарқалган.

Ад.Гулямов Я. Г., Исламов У., Аскаров А. А., Первобытная культура и возникновение орашаемого земледелия в низовьях Зарафшана, Т., 1966.

ЗАМОНШОХ(7-1810)—Афғонистон шоҳи (1793—1800). Аҳмадшоҳ Дурронийнмт набираси, Темуршоҳнинг ўғли. 1796 й.да Ҳиндистоннинг ички ишларига аралашиб бобурийлардан Шоҳ Оламни маратҳалар қўлидан халос этиш учун Деҳлига қараб юрган. Бу ҳаракат Ҳиндистондаги инглизларни саросимага солиб кўйган. З. Деҳлига етиб бормай, ўз пойтатхи Кобулга қайтиб келганда ҳалқ ғалаён кўттарган. З. баракзои қабиласи бошлиғи Сарафрозхон ёрдамида таҳтга чиқкан эди, лекин 1799 й. у Сарафрозхонни қатл қилишга хукм қилган, бу б-н таҳтга даъвогар укаси Маҳмуд томонига ўтган барча баракзоиларни ўзига қарши қўйган. Сарафрозхоннинг ўғли, баракзоилар раҳбари Фатҳхон, З.ни қўлга тушириб, кўзини ўйиб олишни буюрган (1800); таҳтга Маҳмудшоҳ ўтирган

ЗАМЧА — қовуннинг эртапишар нави. Халқ селекциясида яратилган. З.нинг сариқ З.ва ола З. турлари бор. Сариқ З. (M. chandalak) эртапишар нав. Замча қовун нави. 1—2 — сопол идишлар; 3 — куракча; 4 — аёл маъбуда танаси. Шакли сал ясси, ҳдр хил катталиқда. Энг каттасининг диаметри 15—18 см. Оғирлиги 0,8—2 кг. Сирти сал тилимтилим, дум ва уч томони тўр б-н қопланган. Тилимларни ажратадиган йўллари мавжуд. Пўсти юмшоқ, эти қалин (4—4,5 см), хушбўй, тифиз, ўртacha ширин, ранги оқ ёки оч яшил. Таркибида 6—7,5% қанд, 4—6% сахароза, 8,5—10% куруқ модда бор. Уруғи йириқ, узунчоқ, оқ. Уруғидан униб чиққандан кейин ҳосили 65—70 кунда пишади. Асосан, Хоразм вилояти ва Қорақалпоғистонда экилади. Узокъйларга юборишга чидамайди.

ЗАМИША (нем. Samisch Leder) — кўй, буғу ва тоғ эчкиси терисидан формальдегидмой б-н ошлаб тайёрланадиган чарм. Майин ва юмшоқ бўлади, сув ўтказмайди. Турли рангга бўяш мумкин. Бўялмагани оч сариқ рангда. З. серковак ва енгил бўлиб, пойабзal, қўлқоп ва б. тайёрлашда, бензинни тозалашда, оптик шишаларни артиш ва б. мақсадларда ишлатилади. Тўқима З. ҳам бор. У атласга ўхшаб тўқилган мовут. Ундан спорт кийимбошлари, куртка ва б. тикилади. Сунъий З. замшга ўхшаш тукни матога резина елими б-н шимдириб ёки матога резина елими суркалиб, устига майдаланганинг газлами толалари сепилиб тайёрланади. Сунъий З.дан пойабзal ва атторлик буюмлари тайёрланади.

ЗАМЯТИН Евгений Иванович [1884.20.1 (1.2), Тамбов губерняси (ҳоз. Липецкий вилояти) Лебедяни ш. — 1937.10.3, Париж] — рус ёзувчisi. Петербургдаги Политехника интининг кемасозлик бўлимини тамомлаган (1908). З. адабий фаолиятини эрта бошлаган бўлсада, «Уездной» (1913) киссаси чоп этилгандан кейин ҳақиқий ёзувчи сифатида танилди. «Аждар», «For», «Икс», «Гуноҳкорлар ҳамроҳи», «Мамай» ва

б. асарларида 1917 й. октябрь давлат тўнтиришидан кейинги шафқатсиз хаётни аёвсиз фош этади. «Биз» фантастик романнида (1924) «инқилоб бешиги»да рўй берадётган зўровонлик, хўрлик, хукуқизлик маҳорат б-н кўрсатиб берилган. Шу боис бу роман чet элда (1931) босилиб чиқали. З. 20й.ларнинг охирларида «Аттила» номли тарихий трагедия ёзади. Унда гуннларкшт подшоҳи Аттиланинг шоҳ ва инсон сифатидаги фожиаси баён қилинган. Бу асарни ёзиш жараёнида тўплаган тарихий хужжатлар асосида «Тангри қамчиси» романини яратади. Роман ўзбек тилига таржима қилинган (1998).

ЗАНГ ЗАМБУРУҒЛАРИ(Uredinales) — базидияли замбуруғларнинг бир туркуми. 4500 тури бор. Кўпгина ўсимликларда паразитлик қилиб, занг касалигини кўзғатади. Ўсимликларда занг тусли, кўнғир, қора дог ёки чизикчилик йўллар пайдо бўлади. З. з. номи ҳам шундан олинган. Ўзбекистонда донли ўсимликларда чизиксимон З. з. кўп учрайди.

Кураш чоралари: уруғлик донни касаллик тарқалмаган далалардан йиғиш, дорилаш ва кузги дала ишларини сифатли ўtkазиш.

ЗАНГ КАНАЛИ — Сурхондарё вилоятидаги суфориш канали. Уз. 96 км, сув ўтказиш имконияти 85 м³/сек. Канал Арпапоя қишлоғи яқинида Сурхондарёдан сув олади. З. к. — кадимги каналлардан бири (тахм. 9—10а.ларда қазилган), бир неча марта кайта тикланган. Ҳозирги З. к. деярли кадимги канал ўрнида 1912 й. кайта қазилган. 30й.ларда АнгорТаллимарон, 50й.ларда Бешқутон, Музрабод массивлари ўзлаштирилиши б-н канал узайтирилди ва кенгайтирилди. Таллимарон тармоғи Музрабодсойгача узайтирилди, 1967 й.да каналнинг бош қисмида Жарқўргон гидроузели қурилди (З. к. шу гидроузел системасига киради). 1972 й.да, Аму-Занг канали қурилгач, З. к. Амударёдан сув ола бошлади. З. к. Жарқўргон, Термиз, Музрабод туманла-

ридаги 60 минг га яқин ерни сугоради ва Учкдзил сув омборини сув б-н таъминлайди. Каналнинг 40 км га яқин қисмига бетон ётқизилган. Суфориш мавсумидан бошқа даврда канал суви Учкизил сув омборига берилади.

ЗАНГ КАСАЛЛИГИ, ўсимликлар занг касаллиги — ўсимликларда замбуруғлар келтириб чиқарадиган касаллик. З. к. б-н фалла экинлари, беда, Занг касаллиги: 1 — буғдой занг касали; 2—малина занг касали; 3—нок занг касали лавлаги, зифир, нўхат, кунгабоқар, бодом, олма, нок касалланади. Касалланган ўсимлик барги, пояси ва қисман мевасида зарғалдоқ, кейинчалик жигарранг спора дўмбокчалари пайдо бўлади, ўсимлик яхши ривожланмайди, баъзан барглари курийди, фалла экинлари бошоқламайди. Занг замбуруғларининг баҳор, ёз ва қиши споралари ривожланиш циклини икки хил ўсимлиқда ўтказади. Mac, буғдой, сули, жавдарда учрайдиган чизиксимон занг (кўзғатувчиси *Russinia graminis*) замбуруғлари дон экинлари поҳолида қишлиб, баҳорда зиркка ўтади, сўнг яна дон экинларини заарлайди. Олма ва нокдаги занг замбуруғлари арчада қишлиб баҳорда унинг споралари яна мевали дарахтларга ўтади.

Кураш чоралари: алмашлаб экиш жорий қилинади, касалликка чидамли навлар экилади, дала атрофида зирк, арча ўстирилмайди, касалликнинг бошланиш даврида экинлар олтингутурт б-н чангланиди (яна к. Замбуруғли касалликлар).

«ЗАНГ ЎЙИН» 1) билак, бел, тўпикқа боғланган кўнғироқчалар товушига жўр бўлиб тушиладиган ракс. Раккос(а)га боғланган кўнғироқчалар тана, кўл ва оёқ ҳаракатланганда маълум оҳанг беради. Раккос(а)нинг ўз ҳаракатларига ўзи жўрнавозлик қилиши «З. ў.»нинг асосий хусусиятидир. Бухоро ва Хоразмда кенг тарқалган; 2) Фарғонада ракс мактабига тааллукли «Катта ўйин» усулларидан бири; 3) қадимда никоҳ тўйларида кўп қисмли ракс.

ЗАНГИОТА (асл исми Ойхўжа

ибн Тошхўжа) (7—1258) — авлиё, тасаввнинг таникли вакили. Арслонбобкент авлоди (авараси). Тошкент ш.нинг Самарқанд дарвоза кўчасидаги Зангиота маҳалласида туғилиб ўсган деган тахмин бор. Араб наслидан, кора танли бўлганлиги учун занги (занжи), ҳурмат юзасидан ва олий ҳимматлиги учун Зангиобо Ҳимматий деб аташган. З. ёшлигига отасидан таълим олди. Отаси вафотидан кейин Аҳмад Яссавийнпнти халифаси ва шогирди бўлмиш Ҳаким ота (Сулаймон Бокирғоний) ҳузурига борди. Бир неча йил унинг мулозаматида бўлиб, ундан яссавийлик тариқати сирасрорлари, одобини ўрганди ва бу тариқатнинг етук намояндаси бўлиб етишид. Сўнг ўз ватани — Шош вилоятига қайтиб келиб, ахолини илоҳий-ахлоқий, тасаввифий йўлийўриклар б-н тарбиялашга киришди, кўплаб мутасавифлар тайёрлади. З.нинг бутун ҳаёти Мовароуннахр ҳалқларининг оғир ва даҳшатли даврига тўғри келди. Мўғул истилочилари мамлакатни хонавайрон килиб, ҳалқ оммасини қуллик исеканжасига солган бир пайтда З. ва унинг издошлари ҳалқ орасида ватанпарварлик, меҳнатсеварлик, адлу инсоф, поклик, яхшилик, меҳршафқат, художўйлик каби умуминсоний гояларни тарғиб килди. З.нинг мурид ва шогирдлари, хусусан, Узун Ҳасанота, Сайидота, Садрота ва Бадрота Дасти Қипчоқ ўзбеклари, Волгабўйи ва Урал тоги этакларидаги татар ва бошқирдлар орасида ислом динининг ёйилишига хисса кўшди. З. подачилик қилиб, ҳалол ризк топиб ҳаёт кечирган. Намоз ва зикрни канда қилмаган. З.нинг кароматлари ва фазилатларини Хўжа Аҳрор, шоирлар Махтумкули, Камий Тошкандий ва б. тилга олиб, шеър ва хотиралар ёзиб қолдирғанлар, ҳалқ ривоятлар тўқиган. Баъзи манбаларга кўра, З. устози Ҳаким ота вафотидан сўнг унинг хотини Анбар бибини никоҳига олиб, ундан бир неча фарзанд кўради. Фарзандлар ҳам З. каби эътиқодли, инсофли кишилар бўлиб етишадилар, ҳалқни ҳакиқат йўлига бошлашда раҳнамолик

киладилар. З. ва Анбар бибининг қабри Зангиота туманидати Зангиота қишлоғида. З. дағн этилган мозор ёнида масжид ва Мадраса қад кўтарган. Бу жой зиёратгоҳ ҳисобланади (қ. Зангиота мажмуаси).

ЗАНГИОТА МАЖМУАСИ - Тошкент вилояти Зангиота қишлоғидаги меъморий ёдгорлик (15—20а.лар). З. м. Зангиота, Анбар биби мақбараси, дарвозаҳона, Мадраса, масжид, хонақоҳшийпон, минора ва ховуздан иборат. Анбар биби мақбараси, ховуз, шийпон ва дарвозаҳона алоҳидаалоҳида қилиб курилган. Зангиота мақбараси эса мадраса ва масжид б-н ёнмаён тушган бўлиб, ҳовлига шим. шарқ ва шим. гарбдаги дарвозалар орқали ўтилади. Минора ҳам шу ҳовлиниң ўртароғи Зангиота мақбарасига, масжид ва мақбарага яқинроқ қилиб курилган. З. м.га икки томони теракзорли хиёбон орқали борилади. Мажмуага жан.дан қад. қабристон туташган, унинг атрофи девор б-н ўралган. Зангиота мақбараси пештоқи ҳовлига қараган, қолган уч томони эса қабристонга ёндош қилиб курилган. Зангиота мақбараси дастлаб 4 хонали (зиёратхона, гўрхона ва унинг икки ёнида кичик хона қодиклари сакланган), безаксиз бўлган. Ички хона деворлари равокли чорси асосдан, бурчакларидаги бағал саккиз киррали, гумбазлари ҳар хил. Дарча ва тобадонлар ишланган. Гўрхонадаги оқ мармар қабртошига нафис ўйма нақш ва арабий хатлар битилган. Кейинчалик мақбара олдига пештоқ қурилиб кошинкори безак берилган. Пештоқ ва хоналар ташки девори, зиёратхона ва гўрхона пойгумбази сайқалланган Зангиота мажмуасидаги минора ғиштчалар, ўймакор рангбаранг кошинлар б-н безатилган. Ички хона изораси парчинли, меҳробига «П» шаклида кошин ва арабий ёзув битилган. Гумбаз ости безаклари устига зарҳал берилган. Пештоғидаги намоён ҳошиялари сопол, сиркор ғишт ва йигма кошин терилиб, унга саккиз бурчакли турунжлар ишланган. Мақбара Амир Темур томонидан курилганлиги (14а. 80й.

лари) ва Улугбек даврида (15а.нинг 20й.лари) безак ишлари бажарилганлиги ани-кланган. 16—17а.ларда пештоқ ва гум-базлари таъмирланган. Мақбара ёнига бир қаватли Мадраса ва намозгоҳ масжи-ди курилган (1832). Мадраса бир қаватли қатор хужра, 2 дарвозахона ва 3 йирикрок хона (дарсхона)дан иборат. 1870 й.да 3. м. таъмирланиб, намозгоҳ масжидининг пе-шайвони курилган. Кўқонлик уста хожи Мухаммад безаган. Мажмуа атрофи обо-донлаштирилиб, тарихий ёдгорлик сифа-тида давлат муҳофазасига олинган.

ЗАНГИОТА ТУМАНИ Тошкент ви-лоятидаги туман. 1933 й. 1 дек.да ташкил этилган (1992 й. майгача Калинин тума-ни деб аталган). Худуди Тошкент ш.нинг ғарби ва жан.га туташ. Шим.да Тошкент туманы, ғарбда Козофистоннинг Жан. Қозофистон вилояти, шарқда Кибрай, Ўрга Чирчиқ, Юқори Чирчиқ туманлари, жан.да Янгийўл тумани б-н чегарадош.

Майд. 0,22 минг км². Аҳолиси 160,6 минг киши (2002). З.т.да 2 шаҳарча (Эшон-гузар, Ўртаовул), 9 қишлоқ фуқаролари йигини (Бўзсув, Зангюта, Иттифоқ, На-зарбек, Хонобод, ЧигатойОқтепа, Эр-кин, Ўзгариш, Қатортол) бор. Маркази — Эшонгузар шаҳарчаси. Туман номи шу ўрамдаги Зангюта қишлоғи номи б-н боғлиқ. Бу қишлоқда 13а. 1ярмида Зангюта яшаб ўтган. Зангюта мажмуу-си мусулмонларнинг катта зиёратгоҳига айланган.

Табиати. З. т. худуди Чирчиқдарёсининг ўнг соҳилида, шим. ғарбда кисман Келес дарёсининг чап соҳилига туташ. Рельефи, асосан, те-кис, шим.шарқдан жан.ғарбга пасайиб боради. Туман ерларида жуда қадимдан дехқончилик қилиб келинади. Тупрокла-ри типик бўз тупроқ, дарё соҳилларида унумдор ўтлоқи тупроқ. Туман худуди-дан Бўзсув, Зах, Юқори Жўн, Юқори Тошкент, Анхор, Толариқ, Баротхўжа, Найман каналлари ва б. ариклар ўтади. Иклими мўътадил иссик. Июлнинг ўртacha траси 26,9°, янв.да —0,9°. Йилига 350 мм ёғин тушади, асосан, қишининг ик-

кинчи ярми ва баҳорда ёғади. Вегетация даври 263 кун. Туман худуди бутунлай ўзлаштирилганлиги боис ёвойи ўсимлик ва ҳайвонлар жуда кам қолган. Фойдали қазилмалардан гипс, гил ва б. қурилиш материаллари мавжуд, шунингдек, иссик минерал булоклар ҳам бор. Аҳолиси, асосан, ўзбеклар, шунингдек, қозоқ, та-тар, тожик, корейс ва б. 20 дан ортиқ миллат вакиллари яшайди. Аҳолининг ўртacha зичлиги 1 км² га 730 киши тўғри келади. Шаҳарликлар 24,6 минг, қишлоқ аҳолиси 136 минг киши. Хўжалиги. Ту-ман худудидаги саноат корхоналари, асо-сан, қ. х. маҳсулотларини қайта ишлашга ихтисослашган. 20 дан ортиқ кўшма корхона, 400 дан зиёд кичик ва хусусий корхона, 20 дан зиёд саноат корхонаси, 7 автокорхона, 100 га яқин майший хиз-мат кўрсатиш шоҳобчаси ишлаб турибди. АҚШ, Истроил компаниялари б-н биргаликда арак, шампан виноси, шарбатли ичимликлар, Германиянинг «Ландтех-ник» компанияси б-н биргаликда «Мо-рал—125» комбайнни, «Гидрав «Иттифоқ» қишлоғи худудидаги санаторийлика» ак-циядорлик жамиятида Голландия фирмалари б-н ҳамкорлиқда қ. х. техникаси ва асбобускуналари ишлаб чиқарилмоқда. «Тошкентгўшт» акциядорлик жамияти Шим. Ирландия б-н кўшма корхона тузиб фаолиятини кенгайтирди. «МониМебель ЛТД» кўшма корхонаси пластмассадан ром ва эшиклар, «Нур-Бажаху» кўшма корхонаси паролон, ЎзбекистонИстроил «ФарВаб» кўшма корхонаси спиртли ва яхна ичимликлар и. ч., «Виртех-Агро» кўшма корхонаси парранда гўшти ва ту-хум етиштиришга ихтисослашган. Туман қ. х.да сабзавотчилик, сут чорвачилиги, боғдорчилик ва токчилик асосий ўрин эгаллайди. Тумандаги «Бўзсув» ва «Эр-кин» ширкат хўжаликлари турли саб-завот уруғлари етказиб беришга ихти-сослашган. Туман хўжаликлари пойтахт аҳолисини хўл мева, сабзавот, полиз ва б. озиқовқат маҳсулотлари б-н таъминлайди. Шундай хўжаликлардан «Кўйлик» агрофирмаси машхур. З. т.нинг жами

экин майд. 8,2 минг га, шундан 7,9 минг га сугориладиган ерлар. Лалмикор ерлар 344 га. Чорвачиликда, асосан, сут, гўшт етиширилади. Кариб 22 минг бош қорамол (шу жумладан 8,4 мингдан ортиқ сигир), 7,5 минг кўй ва эчки, 439,6 мингдан зиёд парранда бор (2002). «Ўзбекистон» ва «Дўстлик» паррандачилик фермалари, «Баракат» бўрдоқиличик фермаси, «Дамачи» балиқчилик корхонаси мавжуд. З. т.да транспорт йўллари анча зич. Туман худудидан уч йўналишида т. й. (Тошкент—Янгийўл, Келес—Ўртаувул ва Тошкент—Ангрен) ва умумдавлат аҳамиятига эга бўлган Катта Ўзбекистон тракти ўтган. Туман маркази Тошкент б-н йўловчилар ташиш ва автомобиль транспорти орқали боғланган. Тумандан Тошкент ш.нинг «Жанубий» т. й. вокзалигача 3 км. 2001—2002 ўкув йилида 43 умумий таълим мактабида кариб 31 минг ўкувчи таълим олди. Коллаж, қасбхунар мактаби ва б. ўкув муассасалари бор. Ўзбекистон ФАНИНГ Сув муаммолари интининг тажрибаэкспериментал хўжалиги, Генетика ва ўсимликлар биологияси интининг тажриба участкасида и. т. ишлари олиб борилмоқда. 5 касалхона, 3 поликлиника, 10 кишлок даволаш амбулаторияси, 21 фельдшеракушерлик пунктида 360 дан зиёд олий маълумотли шифокор ва 1376 ўрта тиббий ходим ишлайди. 34 кутубхона, 12 маданият уйи, 5 стадион, спорт сув ҳавзаси, 2 теннис корти бор. Йилига 5 минг кишини даволаш имкониятига эга бўлган «Назарбек», «Зангюта», «Алгоритм» санаторийлари фаолият кўрсатади. 1965 й.дан «Истиқбол» туман газ. нашр этилади (адади 2000).

ЗАНГЛАМАС ПЎЛАТ — атмосфера шароитида ва баъзи заарли мухитларда занглашга (коррозияга) қарши турғун пўлат; легирланган пўлат тури. Пўлатнинг занглашга қаршилик хоссасини яхшиловчи асосий легирловчи элемент хром (12—20%) хисобланади (к. Металлар коррозияси). Пўлат сиртида ҳимоя пардаси ҳосил қиласидаган элементлар — алюминий, кремний, никель

ва б.нинг ҳам бўлиши пўлатнинг занглашга турғунлигини оширади. Булардан ташқари, юзанинг ҳолатига мое келувчи металлнинг бир жинслилиги, кристаллитлараро коррозия, ўта юкори (металл ва пайванд бирикмаларда дарзлар ҳосил қилувчи) кучланишлар таъсирида емирилишга мойил бўлмаслик хоссалари мухим аҳамиятга эга. Хромли, хромникели ва хромникельмарганецили хиллари бор. Хромли З. п.дан печь жиҳозлари, қиздириш печларининг элементлари тайёрланади. Хромникели ва хромникельмарганецили З. п.дан юкори траларда босим остида ишлайдиган аппарат ва буюмларнинг деталлари тайёрланади.

ЗАНГЛАШ — металлнинг ташки мухит (намлик, карбонат ангидрид ва б.) таъсирида ҳаво кислороди б-н оксидланиб, кўнгир ғовак парда (занг) б-н қопланиши (к. Металлар коррозияси). **ЗАНГПОЯ**, бодиёни руми (*Conium maculatum L.*) — қоқидошлар оиласига мансуб икки йиллик ўсимлик. Пояси 1—2 м, пастки қисмида қизил холлари бор. Барглари кетмакет жойлашган, патсимон қирқилган. Гуллари оқ, майда, мураккаб соябонга тўпланган. Шим. ярим шарда таркалган. Ўрта Осиёнинг бутазорларида ва дарё кирғоқларида, жана кўпроқ тоғларда учрайди. З. заҳарли ўсимлик, таркибида конин алкалойди бор.

ЗАНГУЛА (форс. — кўнгирок) — к. Ўн икки мақом.

ЗАНДОНА, Зандана — кад. қишлоқлардан бири. Бухоро вилояти Пешку туманида жойлашган. Наршахийнинг ёзишича, бу қишлоқда катта қалъа, жоме масжиди ва бозорлар бўлган. З.да илк ўрта асрларда тўқилган бўз зандоначи, яъни З. қишлоғидан чиқадиган газлама деб аталган. Бухоронинг кўплаб қишлоқларида (мас, Вардонзе, Искаккакт, Ромитан, Афшона ва б.) тўқиб чиқарилган бундай газламалар ҳам шундай номланиб, ўрта асрларда Ҳиндистон, Яқин ва Ўрта Шарқ ва Европа давлатларида олиб чиқилган. «Занданийчи» газламасининг шуҳрати сўнгги ўрта асрлар

да ҳам баланд эди. Хукмдорлар ва улуг кишилар бу матодан кийим тиктирганлар ва уни кийишни ўзлари учун шараф хисоблаганлар. Амир Темур Туронда хокимиятни эгаллашдан аввал опаси ва б. яқинларини 3. ва Вардонзеда қолдирган. 1920й.ларда 3. кишлоғи истиқолчилик ҳаракатиниж Бухорадаги марказларидан бири эди. Бугунги кунда кишлоқ киёфаси таниб бўлмас даражада ўзгарган.

Ад.: Наршахий, Бухоро тарихи, Т., 1966.

ЗАНДОНАЧИ — мураккаб гулли бадиий безакли мато. 7а.дан ипак, 10а.дан ип газлама сифатида шухрат қозонган. 3. жонли мавжудотлар тасвири (9а.гача), ўсимликсимон ва ҳандасий нақшлар б-н безатилган. Сидирға 3. Россияда машхур бўлган (рус манбаларида «зенден» деб юритилган). 10а. араб манбаларига кўра, Бухоро яқинидаги Зандона кишлоғида тайёрланган (номи шундан). 3.дан кийимлар, безак буюмлар (чойшаб, ёпқич ва б.) тайёрланган. Наршахий ўз асари («Бухоро тарихи»)да Шарқда парча б-н тенг кимматга эга бўлган ип газламалар қаторида тилга олган. 3. Эрон, Византия, Сурия, Россия ва б. мамлакатларга кўплаб чиқарилган. 3. намуналари Бельгия (Юн, Льеж ш. соборлари), Франция (Нанси ш.), Россия (Москвадаги Курол аслаларап палатаси, Эрмитаж) ва б.да сакланади.

ЗАНЖАБИЛ (*Zingiber officinale*) бир паллалилар синфига, занжабилдошлар оиласига мансуб, ўғон илдизпояли кўп йиллик ўт ўсимлик. Асосан, тропик ва субтропикларда таркалган. Жан. ва Жан. Шарқий Осиёда ўстирилади. 3. ер ости танасининг ҳамма қисмида эфир мойи бор. Қуриган илдизи хушбўй ҳидли ва мазали бўлиб, эфир мойига бой. Майдаланмаган 3.нинг хушбўй ҳиди майдаланганига нисбатан узок сакланади. Туйиб элаки қилинган талқони табобатда жигар, юрак, меъда хасталигини даволашда ишлатилади (асал билан бирга чойнакка дамлаб ичилади). Озиковқат саноатида кондитер маҳсулотлари иш-

лаб чиқаришда ва пазандачиликда баъзи овқатларга (пишиш олдидан) майдаланган ҳолда зиравор сифатида ишлатилади.

ЗАНИЖАБИЛДОШЛАР (*Zingiberaceae*) — бир паллалилар синфига мансуб йўғон илдизпояли ёки тутунак илдизли кўп йиллик ўтлар оиласи. Пояси жуда қисқа ёки бўлмайди, новдасининг ривожланган қисми соҳта поя вазифасини ўтайди. Барглари йирик, наштарсимон, очиқ қинли, тилчали, икки қатор жойлашган. Тўпгули бошоқсимон ёки рўваксимон. Гуллари зигоморф, кўш гулкўргонли, икки жинсли, баъзан айрим жинсли ва икки уйли. Косача ва тожбарглари учтадан. Чангчиши битта, қолгандарни редукцияланган. Тутунчasi остки, бир ёки уч уяли, тўғри уруғкургакли. Меваси кўпинча уч паллага ажраладиган кўсакча ёки резавормева. 1300 турни ўз ичига олган 45 туркуми бор. Асосан, тропик ва субтропикларда таркалган. Жан. ва Шарқий Осиёда ҳам учрайди. 3. ер ости танасининг ҳамма қисмида эфир мойи бор. Занжабил, кардамон, калган ва б. турларидан зиравор олинади, ошловчи ва бўёқ моддалар тайёрланади.

ЗАНЖИБАР — Ҳинд океанидаги орол. Африканинг шарқий қирғоги яқинида. Танзания таркибида. Майд. 1658 км². 3.нинг ер юзаси паеттекислик (энг баланд жойи 120 м); маржон оҳактошларидан ташкил топган, карст рельеф шакли кўп. Иклими экваториал-муссонли. Янв.нинг ўртача траси 28°, июлники 23°. Йиллик ёғин 1500—2000 мм. Ўрмонларнинг кўп қисми киркилиб, ўрни бутазорга айланган, соҳилда мангра ўрмонлари, қалампирмунчоқ, кокос пальмаси плантациялари бор. Энг катта шаҳри ва порти — Занжибар. 3.ни 8а.да Уммон араблари эгаллаган. 1528 — 17а.да Португалия мулки, сўнгра Уммон кўл остида бўлган. 1856—90 й.ларда мустақил сultonлик (Пемба о. ва б. ороллар б-н бирга), 1890—1963 й.ларда Британия протекторати, 1963—64 й.лардан мустақил.

ЗАНЖИБАР — Танзаниядаги шахар, Занжибар о.нинг гарбий соҳилидаги йирик денгиз порти ва савдо маркази. Аҳолиси 375,5 минг киши (1998). 1964 й.гача Занжибар султонлигининг пойтахти бўлган. Ўша йилдан З. Танзания орол қисмининг маъмурий маркази. Электротехника, ёғочсозлик, кимё, озиковқат, кемасозлик саноати корхоналари бор. Шаҳарда к. х. хом ашёсини қайта ишлайдиган корхоналар мавжуд. З. орқали четга қалампирмунҷоч, кокос ёғи, копра чиқарилади. Хунармандчилик ривожланган. Давлат музейи ва З. архиви бор. Денгиз балиқчилиги муаммоларини ўрганувчи Шаркий Африка уюшмасининг қароргоҳи жойлашган.

ЗАНЖИЛАР — 1) 7—9.ларда араб ва эроний қул савдогарлари Занжибар о. (Шаркий Африка)дан Ироқка келтирган қуллар. З.ни маҳсус лагерларда сақлашган. Улар Шатт алАраб дарёси соҳилидаги шўрҳок ерларни тозалашда, кўриқ очишида, сугориш ишларида, Жан. Ироқда селитра қазишида, Хузистонда шакарқамиш экинзорларида ишлатилган. Бағдод халифалигига З.дан маҳсус соқчи гурухлари тузилган; 2) негроид ирки вакиллари (негрлар)нинг арабча ва форсча номи.

ЗАНЖИЛАР ҚЎЗГОЛОНИ — Шаркий африкалик қуллар (занжилар) н.л.нит Ироқ, ва Хузистондаги қўзғолони (869— 883). Етакчиси ва назариётчиси — шия мазҳаби тарғиботчиси Али ибн Мұхаммад. Қўзғолончи қулларга маҳаллий дехқонлар ва бадавийларнинг тамим қабиласи ҳам кўшилган. Қўзғолончилар тез орада Оболла, Ободон, Ахвозд, Басра ш.ларини эгаллаган. Улар қулдорлар ва назоратчиларни ўлдириб, шаҳарликларнинг молларини талаганлар, африкалик қулларни озод қилганлар. Занжилар Жан. Ироқ ва Хузистонда ўз давлатларини тузиб, Бағдодга таҳдид солганлар. Аммо, айрим қуллар қулдорга айланиб, тинч аҳолини ҳам талаган. Натижада дехқонлар қўзғолондан четлашган. Халифалик аскарлари зан-

жилар пойтахти Мухтарани З. йил қамал килиб кўлга киритган. З. к. шафқатсизлик б-н бостирилган, занжилар қайтадан кулликка солинган.

ЗАНЖИР — 1) биринкетин бириктирилган металл ҳалқалардан тайёрланадиган эгилувчан буюм. Қадимдан хўжаликда, заргарликда ишлатиб келинган; 2) машина ва иншоотларнинг кетмакет бириктирилган звенолардан иборат эгилувчан қисми. Вазифасига кўра, ҳаракатни узатувчи, юқ кўттарувчи, тортувчи (юкни бир жойдан иккинчи жойга ташувчи), аррабоп (моторли арраларда), ўювчи, кесувчи (зовур қазиш, фойдали қазилма қазиб олиш машиналарида) ва б; тузилиши ҳамда ясалишига кўра, доира звеноли, пайванд ва қуймали, пластинкали, илмокли, блокли ва б. хилларга бўлинади. Ҳаракатни узатувчи З. занжирли узатмарз. қўлланилади. Унинг втулка ролики, пластинкатишили (раем, а, б) хиллари бор. Юқ кўттарувчи З. юқ кўтариш машина ва қурилмаларида ишлатилади. Унинг пластинкашарнирили, пайвандланган юмалоқ ҳалқали (раем, в, г) хиллари бўлади. Тортувчи З. конвейер, эскалатор ва б. қўлланилади (раем, д). Кемалар якори ҳам З. ёрдамида кўтарибтуширилади; 3) к. Электр занжири.

ЗАНЖИР РЕАКЦИЯЛАР кимёвий реакцияларнинг бир тури. Бу реакцияларда фаол зарра (эркин радикал ёки атом) пайдо бўлиши туфайли бошлангич модданинг кўплаб молекулалари кетмакет ўзгаришларга учраб туради. Ёниш, портлаш жараёнлари З. р.га киради. Кўп кимёвий реакциялар З. р. тарзида боради. Мае, хлор ва водород аралашмасидан ёруғлик таъсирида водород хлорид ҳосил бўлиши З. р.дир. Молекуладан вужудга келаётган хлор атомлари ($C_12 \rightarrow 2 C_1$) водород молекулалари б-н реакцияга киришади: $O + H_2 \rightarrow HC_1 + H$. Ҳосил бўлган водород атоми, ўз навбатида, хлор молекуласи б-н реакцияга киришади: $H + C_12 \rightarrow HC_1 + C_1$. Шу тарика, эркин водород ва хлор атомлари иштирокида навбатланувчи реакциялар занжири ҳосил бўлади, натижада

ютилган хар бир ёруғлик квантга тахм. 100000 молекула водород хлорид вужудга келади. З. р. ўтиши учун фаол зарралар (эркин радикаллар ёки атомлар) бўлиши зарур шартдир, булар молекуладаги боғлардан бири узилганда вужудга келади, энергия шунинг учун сарф бўлади. Фаол зарралар турли йўл б-н (электр разрядила электронларнинг урилиш энергияси ҳисобига, ёруғлик нури, рентген нури ва ионлаштирувчи бошқа нурлар таъсир этганда) ҳосил бўлади. Иссиқлик ҳисобига эркин радикаллар олиш фоятда муқим. Лекин аксари молекулаларнинг боғланиш энергияси катта бўлгани учун З. р. бир қадар юксак траларда рўёбга чиқади. З. р.ни юқори бўлмаган траларда ўтказиш учун эркин радикалларни осонгина ҳосил қилувчи ҳар хил араплашмалар (инициаторлар) қўлланилиади. Мае, саноатда полимерлаш жараёнини рўёбга чиқариш учун органик пероксидлар кўп ишлатилади, булар парчалангандага фаол радикаллар вужудга келади. Эркин радикалларнинг ўзаро реакцияга киришиб, эркин молекулалар ҳосил қилиши (рекомбинация реакцияси) натижасида З. р. тўхтаб, занжир узилади. Баъзи фаол араплашмалар секинлаштирувчи моддалар таъсирида ҳам барча З. р. тўхтаб қолади. З. р.ни батамом тўхтатиш учун секинлаштирувчи моддадан озгина кушиш кифоя (к. Ингибиторлар).

Баъзи З. р.нинг айрим босқичларида биттадан ортиқ (кўпинча учта) янги эркин радикал вужудга келади. Улардан бири занжирни гўё давом эттиради, бошқа иккитаси эса иккита янги занжирни бошлаб, тармоқ тузади (тармокланган З. р.). Водороднинг оксидланниши тармокланган З. р.га мисол бўла олади. Водород қуйидаги схемага мувофиқ оксидланади:

1) $\text{H}_2 + \text{O}_2 \rightarrow \text{OH} + \text{H}_2$; 2) $6\text{H} + \text{H}_2\text{O} \rightarrow 6\text{H}_2$;

3) $6\text{H}_2 + \text{O}_2 \rightarrow 6\text{H}_2\text{O}$ ва х. к. 1 ва 2reak цилярда OH ва H радикаллари ҳосил бўлади, булар тармокланмаган занжирнинг ривожланишини таъминлайди, 1реакцияда кислород атоми вужудга келади.

У иккита эркин валентликка эга бўлиб, З. р.га осон киришади ва иккита кўшимча радикал (OH ва H) ҳосил қилади, булар эса занжирлар — тармокни бошлаб беради. Табиат ва техникада З. р. ғоят катта аҳамиятга эга. Кимё ва нефть саноатида крекинг, хлорлаш, оксидлаш ва полимерлаш каби мухим реакциялар ҳам З. р.дир. Ёкилфилар ҳам З. р. асосида ёнади. Ядро З. р.и б-н тармокланган З. р. табиатан хар хил бўлса ҳам кўп жиҳатдан бирбирига ўхшайди (к. Ядро реакциялари).

Насриддин Сирожиддинов.

ЗАНЖИР ЧИЗИҚ - учлари икки нуктага маҳкамланган бир жинсли чўзилмас ип (мас, занжир, телеграф сими) нинг оғирлик таъсирида салқи бўлиб турадиган хрлатига ўхшаш эгри чизик. Тенгламаси $V = ach = f \cdot e^x + e$ Салқилиги кичик бўлган З. ч. тенгламаси $y = at + b$ бўлган параболадан унча фарқ қилмайди. Бундан такрибий ҳисоблашларда фойдаланилади. З. ч. абсциссаси $x = 0$ бўлган нуктадан бошлаб ҳисобланадиган ёй узунлиги $/ = ach^{\frac{1}{2}}$, эгрилик радиуси эса $R = JL = ach^2$ — формула ёрдамида топилади. З. ч. ёйининг Ох ўқ атрофида айланишидан катеноид деб аталадиган сирт ҳосил бўлади.

ЗАНЖИРА — нақш тури; турлитуман шакллар бирбирига уланиб, узлуксиз тақрорланишидан ҳосил қилинадиган ҳошия нақш. Нақш мужассамотида кўпинча доира атрофига ёки икки чизик орасига ишланади. Ислимий З. ва ҳандисий З. тури бор. Ганч, ёғоч, металл, тош ўймакорлигига, каштадўзлик, зардўзлик, заргарлик, наккошлиқ ва б.да кенг фойдаланилади.

ЗАНЖИРЛИ КАСР - к. Узлуксиз каср.

ЗАНЖИРЛИ УЗАТМА - бир валдан иккинчи валга айланма ҳаракат узатувчи занжирли механизм. Иккала валга бикр ўрнатилган тишли фидирлар (юлдузлар)га кийдирилган берк («узлуксиз») занжир ҳалқадан иборат. Занжирнинг тузилиши, юлдузчалар сони, етакчи юлдузчанинг айланиш йўналиши, етакчи

валнинг айланиш частотаси (айланишлар сони)га, мойланиши ва б.га кўра турли хилларга бўлинади. Занжирли узатма. Тишли ғиддираклар занжир ҳалқа б-н текис ишлаши учун ғиддирак тишлари занжирнинг тузилиши (типи)га қараб ясалади. З. улар бир текис ва шовқинсиз ишлайди. Втулкали ва втулкароликли занжирлар пайдо бўлиши б-н З. улар катта кувват 700 Мн (70000 кгкуч)ни катта (35 м/с гача) айланиш тезликларида узата оладиган бўлди. Турли машиналар, механизмлар, мотоцикл ва велосипедларда кўлланилади.

ЗАПАШЧИКОВА Лилия Ивановна (1938.28.3, Қўқон) — Ўзбекистон Республикаси ҳалқ ўқитувчisi (1995). ТошДУнинг филол. фтини тутатган (1960). 1960 й.дан Қўқон ш.даги 4-мактабда гурух, сўнг бошлангич синф ўқитувчisi, 1966 й.дан Тошкентдаги тўқимачилар маданият саройида кутубхоначи, болалар сектори педагоги, 1974—97 й.ларда Яккасарой туманидаги 89мактаб рус тили ва адабиёти ўқитувчisi. З. дарсларни юқори услубий даражада ўтган ва ноанъанавий дарс усуллари (мунозара, семинар, адабий баҳс, адабий матнни бадиий таҳлил килиш, мустақил фикрлаш)дан унумли фойдаланган.

ЗАПОРОЖЬЕ (1921 й.гача Александровск) — Украинадаги шаҳар (1806 й.дан). Запорожье вилояти маркази. Днепр соҳилидаги порт. Т. й. тугуни. Аҳолиси 871,0 минг киши (1997). Қора металлургия («Запорожсталь» кти, «Днепропропецсталь» зди ва б.) ва рангли металлургия (титанмагний кти, алюминий зди ва б.), машинасозлик (электротехника саноати корхоналари, «АвтоЗАЗ», «Моторостроитель» и. ч. корхоналари ва б.), кимё ва кокс кимёси, енгил, озиқовқат саноати корхоналари, Днепр ГЭС (Днепрогрэс), 4 олий ўқув юрти (шу жумладан унт), З театр, ўлкашуннослик ва бадиий музейлар бор. З.га 1770 й. асос солинган.

ЗАПОРОЖЬЕ ВИЛОЯТИ - Украинадаги вилоят. 1939 й. 10 янв.да ташкил этилган. Майд. 27,2 минг км². Ахли-

си 2059,2 минг киши. (1997), асосан, украинлар, шунингдек, рус, болгар ва б. яшайди. 18 рн, 13 шаҳар, 20 шаҳарча бор. Маркази — Запорожье ш. З. в. ер юзаси бир оз ўркир текислик. Жан.да Кора денгиз бўйи пасттекислигига қўшилиб кетади. Жан.шарқида Азов бўйи қирлари (200—220 м) жойлашган. Иклими мўътадил континентал. Ёзи иссик (июннинг ўртacha траси 22 дан 24° гача), киши унчалик совук эмас, қор кам ёғади (янв. нинг ўртacha траси —4 дан —5° гача). Йилига 300—450 мм ёғин ёғади. Вегетация даври 210 кун. Асосий дарёси — Днепр. Тупроғи унумдор, асосан, қоратупроқ. З. в. дашт зонасида. Даёт ўсимликлари жар ва сойликларда сакланиб қолган. Ўрмон ва бутазорлар вилоят майдонининг 3,4% ни ташкил этади. Тулки, малла қуён, бўри; кушлардан бедана, ёввойи ўрдак, дашт ва дала тўргайлари яшайди. З. в.да қора ва рангли металлургия етакчи ўринда. Электроэнергетика-сининг асосини ДнепроГЭС, Запорожье ГРЭС ва иссиқлик электр станциялари ташкил этади. «Днепропропецсталь», «Запорожсталь» электрометаллургия здлари, Запорожье титанмагний кти, алюминий, электрород, феррокотишима здлари ва Запорожье утга чидамли зди бор. Бело-зёрск темир руда кони асосида кон казиши саноати (Запорожье темир руда кти) ривожланган. Машинасозлик саноати («Запорожтрансформатормотор» зди, юқори вольтли аппаратуралар, кабель здлари, «АвтоЗАЗ» мотор, автогидроагрегат ва «Автоцветмет», «Преобразователь», электроаппарат здлари мавжуд. Бердянск ўриш машиналари, Токмак дизельсозлилар и. ч. бирлашмалари, Запорожье абразив кти, Бердянск йўл машиналари зди, «Бытмаш», станоксозлик, Орехов қ. х. машинасозлиги здлари) кенг ривож топган. Киме ва нефть кимёси муҳим ўрин эгаллайди. Уйсозлик кти, фиштчерецица, девор блоклари здлари бор. Озиқовқат саноатида ун, ёғмой, гўшт, консерва, балик, сут ва енгил саноатда тикувчилик, пойабзal, трикотаж, кўнчарм тармоқлари ҳам

ривожланган. З. в. ғаллачилик ва гўштсут етиширишга ихтисослашган муҳим рн. Асосий экинлари: кузги буғдой, баҳррги арпа, кунгабоқар. Сугориладиган ерларда сабзавотчилик б-н шуғулланилди. Богдорчилик (гилос, олча, ўриқ, олхўри, олма, нок ва б.), токчилик ривожланган. Чорвачиликда гўштсут чорвачилиги етакчи ўринда. Чўчкачилик ва паррандачилик тарақкий этган. Корамол, майин жунли қўй боқилади. Азов дengизида балиқ овланди. Транспорт йўллари зич. Аэропорт бор. 7 олий ўқув юрти, 800 дан зиёд жамоат кутубхонаси, 3 театр, 70 дан ортиқ музей мавжуд.

ЗАПОРОЖЬЕ СЕЧИ 16-18-а.ларда украин казакларининг Днепр останалари ортидаги ташкилоти. Асосий истеҳком — Сечь номидан олинган. 1654 й.гача казаклар «республикаси» бўлиб, унинг юқори органи Сечь радаси хисобланган. Кўшибоши атаман томонидан бошқарилган. Кўш (кўшин)ларга бўлинган. Крим хонлиги, Усмонли турк салтанати, полякураин хукмрон доираларига қарши кураш олиб борган. 16—17а.ларда украин халқининг озодлик курашида катта роль ўйнаган. 1709 й. «Эски Сечь» деб аталмиш ташкилот тутатилган, 1734 й. хукумат томонидан «Янги Сечь» деб аталган ташкилот ташкил этилган; 1775 й. тутатилган.

ЗАПРОМЕТОВ Николай Георгиевич (1893.25.12, Тошкент — 1983.1.4, Москва) — энтомолог, фитопатолог олим, Узбекистонда хизмат кўрсатган фан ва техника арбоби (1950), к. ҳ. фанлари дри (1943), проф. (1929). Петроград ун-тини тамомлаган (1916). Туркистон энтомология стясида илмий ходим, йўсимликларни ҳимоя қилиш тажриба стяси фотопатология бўлими мудири (1918—29). СоюзНИХИ йўсимликларни ҳимоя қилиш стяси директорининг илмий ишлар бўйича ўринбосари (1929—31). З. Узбекистонда фитопатология ва микология мактабини яратганлардан бири. Илмий ишлари, асосан, микрофлора, заарли фитопатологик микроорганизмларнинг

морфологияси, биол.си, систематикаси, маданий ўсимликларнинг жумладан, гўззанинг замбуругли, бактерияли касалликларига қарши кураш муаммоларига бағишиланган.

Ас: Материалы по микрофлоре Средней Азии, Т., 1928; Фўззанинг қўсак ва тола касалликлари, Т., 1952.

ЗАР — к. Зарқоғоз, Олтин.

ЗАР — кад. узунлик ўлчов бирлиги; газнинг бошқача номи. Ўзбекистоннинг баъзи жойларида шундай деб аталган.

ЗАР СУВИ — концентранган нитрат кислота (HNO_3) б-н хлорид кислота (HC_1) аралашмаси, 1 ҳажм нитрат кислотага 3 ҳажм хлорид кислота кўшиб тайёрланади. Кучли оксидловчи. Бу аралашма олтин ва платинани ҳамда кислоталарда эримайдиган баъзи металларни эритади («3. с.» деган ном шундан келиб чиқкан).

ЗАРАНГ (*Acer L.*) — зарангдошлар оиласининг бир туркуми. Барги қарамакарши жойлашган, текис киррали, патсимон мураккаб; гули шингил, сарғишкўкимтир, актиноморф. Меваси қуруқ, кўшқанотли, икки уруғли, Европа, Осиё, Шим. Африка, Шим. Ва Заранг: 1 — тўпгули; 2 — меваси; 3 — барги. Марказий Америка ва б. ерларда 120 га яқин тури бор. Узбекистонда 14 тури усади, шундан 9 тури парк ва хиёбонларда манзарали ўсимлик сифатида ўстирилади. Иккита ёввойи тури — *A. turkestanicum* Pax ва *A. semenovii* Rgl. Et Herd Узбекистонда кенг тарқалган бўлиб, тоғларда 2000 м гача баландликда ҳам ўсади. З. чўл ва адирларни кўкаламзорлаштириш максадида кўплаб экилади. Ёғочи дурадорликда ишлатилади.

ЗАРАНГДОШЛАР (*Asceraceae*) — икки уруғпаллалилар синфига мунсуб, барглари тўкилувчи, доим яшил дарахт ва бутали ўсимликлар оиласи. Икки туркумни ўз ичига олади. Барглари қарамакарши жойлашган, панжасимон бўлмали ёки патсимон мураккаб. Гуллари тўғри. Меваси қуруқ, кўш қанотчали ва икки уруғли. З. оиласи 121 турдан иборат, шундан 120 тури заранг туркуми-

га мансуб. Битта турдан иборат иккинчи туркум (диптерония) Марказий Хитойда тарқалган.

ЗАРАР (иктисодиётда) — хўжалик фаолиятидан кўрилган йўқотишлар; пул шаклида ифода этилади. Корхона, хўжалик, тадбиркор и. ч. харажатлари нинг олинган даромаддан ортиб кетиши натижасида юз беради. З. моддий ва пул ресурсларининг камайишини келтириб чиқаради (манфий сальдо бўлганлиги сабабли ўз капитали камаяди).

ЗАРАР (хукуқда) — бир шахсга иккинчи бир шахснинг хукуқбузарлиги туғайли етказилган пул шаклидаги зиён. З. деганда, биринчидан, кредиторнинг сарфҳаражати, иккинчидан, унинг молмулкининг йўқолиши ёки унга шикает етказилиши ва учинчидан, қарздор мажбуриятч лозим даражада бажарганида олиши мумкин бўлган даромад (олинмаган фойда) тушунилади. З. моддий ва маънавий кўринишда бўлади, Моддий З. — шахснинг молмулкига, маънавий З. эса — шахсга, унинг ҳаёти ва соғлиғига, ишчанлик обрўсига путур етказишдан иборат. Конун айрим турдаги мажбуриятлар бўйича қарздорнинг жавобгарлигини чеклаши мумкин. Мас, саклаш учун топширилган мулк йўқолганда, камомад ёки шикает етказилгандা, агар конун ёки шартномада бошқача қоида назарда тутилмаган бўлса, сакловчи мулк эгасига олинмаган фойданни тўлаши шарт эмас. Юк йўқолганда ёки камомад бўлганда, транспорт ташкилоти факат унинг ҳақиқий нархини тўлашга мажбур, агар юкка шикает етказилган ёки бузилган бўлса — факат унинг камайиған киймати тўланади. Маънавий З., тўланиши лозим бўлган мулкий З.дан қатъи назар, пул б-н қопланади, уни коплаш микдори суд томонидан ани-кланади. З. ва уни коплашнинг хукуқий жиҳатлари Ўзбекистон Республикасининг ФК ва ЖК нинг тегишли моддала-

рида белгиланган.

ЗАРАРКУНАНДА ҲАШАРОТЛАР қ. Ўсимликлар зааркунандалари, Омбор зааркунандалари.

ЗАРАРКУНАНДАЛАРНИНГ ТАБИЙИ КУШАНДАЛАРИ — қ. Фойдали ҳашаротлар.

ЗАРАУТСОЙ РАСМЛАРИ — Ўзбекистон худудидаги энг қад. қоятош расмлари. Хисор тизмасининг жан. гарбида. Кўҳитанг тоғининг шарқий ён бағридаги Зараутсой дарасидаги унгир ва камар тошларига ишланган ибтидой санъатнинг нодир намуналари. Сурхондарё вилоятида, Термиздан 100—110 км шим. гарбда. 1912 й.да И. Фёдоров томонидан топилган. Археолог Г. Парфёнов (1940—45), кейинчалик А. Рогинская (рассом), А. Формозов, А. Кабировлар томонидан ўрганилган. 200 дан ортиқ расмлар мезолит, неолит ва кейинги даврларга мансуб. Расмлар чизма тарзида контур ва соя услубида қизил ангоб (охра) б-н чизилган. З.р.да одамларнинг итлар ёрдамида ёввойи буқаларни ов килиш манзараси тасвирланган. Ҳайвонлар (ёввойи буқа, ит, тулки, ёввойи чўчқа, бурама шоҳли эчки, жайран, тог эчкиси, ҳашарот ва б.), турли буюмлар (ўқёй, наиза, ўроқсимон қуроллар), никобланган одамлар ва б. ўзига хос тарзда ҳаётий қилиб ишланган. З.р. ибтидой санъатнинг ноёб ёдгорлиги сифатида ёдгорликларни муҳофаза қилиш «қизил китоб»ига киритилган.

Ад.: Рогинская А., Зараутсай М.—Л., 1950; Пугаченкова Г. А., Рем пель Л. И., Выдающиеся памятники изобразительного искусства Узбекистана, Т., 1960; Формозов А. А., Очерки по первобытному искусству, М., 1969.

ЗАРАФШОН (форс, зар — олтин, афшон — сочувчи) — Тоҷикистон ва Ўзбекистондаги даре. Авесто ёдгорликларида «Дайтия» — «Эзгу сув» деб юритилган; юонлар хукмронлиги даврида «Дайтия» сўзи юончага айнан таржима қилиниб, Политимет — «Кўп эзгу сув» деб аталган; дарёнинг Сугд, Жирт, Жон, Сомжан шаклидаги номлари ҳам

маълум; пахлавий (қад. форсча) тилида «Номиқ» («Машхур», «Эзгу»), форс тилидаги манбаларда Руди Мосаф, Руди Шарф дейилган; арабча манбаларда эса Ҳарамком — «Муқаддас дарё», Водий усСуғд, Наҳр улБухоро каби номлари қайд этилган; «Бобурнома»да Оби Кўҳак деб тилга олинган; кейинроқ Дарёйи Кўҳак, 18а.дан 3. деб атала бошлаган. Уз. 877 км, хавзасининг майд. 41860 км², шундан тоғли қисми 17710 км², қолгани тоғ олди қирлари ва текисликка тўғри келади. З. воҳасида мил. ав. 2минг йиллик — 1минг йиллик бошларида яшаган ўтрок аҳоли З.дан каналариқлар чиқариб дехқончилик килган. 1—4а.ларда З.дан сув оладиган Дарғом, Қалқонота, Шаҳруд, Ромитан каби йирик каналлар, СангиСалоҳ, Катта Беглиқ, Дамдарё каби ариклар қазилган. З.дан қад. Вараксар (ҳоз. Работхожа) қишлоғи яқинида араблар истилоси (712)дан анча олдин курилган тўғондан учта ариқ чиқарилган. Энг шим.дагиси — Дарғом ариғи, қолган иккитаси темурийлар даврида Аббос ва Қораунас деб аталган, кейинчалик улар Янгиариқ ва Қозонариқ номини олган. Бу ариклардан Самарқанд ш.дан жанубдаги ерлар сугорилган. Самарқанд ш.дан шарқдаги ерларга сув келтирилувчи Мирзаариқ, Тутортар ариклари 5—ба.ларда қазилган деган маълумотлар бор. Қад. ариклардан бўлган Нарпай (Наҳрпой) Суғднинг энг йирик ирригация инишоти ҳисобланган. Таби Зараутсой расмлари. Зарафшон дарёсининг юқори қисми. ийки, ўша даврларда Самарқанд ш. ҳам З.дан сув ичган. Навоий ва Бухоро вилоятларида Шофиркон (Шопурком), Харканруд (ҳоз. Қалқонруд), Хитраф ёки Говхитфар (ҳоз. Вобкентдарё), Бухоро ш.ни сув б-н таъминловчи Рудизар (ҳоз. Шоҳруд) каналлари ҳам қад. сув иншотлариданdir. Улар ҳақидаги маълумотлар Наршахий, Истаҳрий, Муқаддасий асарлари (Юа.)да келтирилади. З. сувидан қадимдан Самарқанд, Бухоро, Кармана музофотлари б-н бирга Қашқадарё (Эски Ангор канали орқали) ва Жиззах

(Эски Тутортар канали орқали) музофотлари ерлари ҳам баҳраманд бўлиб келган. З. Туркистон, Зарафшон ва Олай тоғ тизмалари бириккан жой — Маастоҳ (Кўксув) тоғ тугунидаги Зарафшон музлигидан Маастоҳ дарёси номи б-н бошланади. Бошланиш жойидан қарийб 189 км қўйида, чапдан Фондарё қўшилади ва З. номини олади. З.га музликлар ва булоклардан бошланадиган 4200 га яқин ирмок куйилади. Энг йириклари — Фондарё, Кўштугтдарё, Магиёндарё. Тожикистон худудига қарашли юқори оқимида З. Туркистон ва Зарафшон тоғ тизмалари оралигига ён бағирлари баланд ва тик кўтарилган, кўпчилик жойларида дара ва тангилардан иборат тор водийда жуда тез оқади. Дарё водийси йирик ирмоклар келиб қўшиладиган жойлардагина бир оз кенгаяди. З. Работхожа тўғони яқинида Тожикистон худудидан чиқиб, Ўзбекистон Республикаси чегарасига киради ва Самарқанд, Навоий, Бухоро вилоятларидан оқиб ўтади. Самарқанд ш. яқинида (шарқрекда), Чўпонота тепалиги ёнида З. икки тармоққа — Оқдарё (ўнг) ва Қорадарё (чап)га ажралади. Улар Миёнкол о.ни ҳосил килиб, Навоий вилояти Хатирчи тумани маркази — Янгиработ шаҳарчаси яқинида бирлашади ва яна З. номи б-н оқади. З. сувининг 70—75% қисми Қорадарё тармоғидан оқади. Бу оралиқца атрофдаги тоғлардан кўплаб сой оқиб тушади, сувнинг озлиги ва сугоришга олиниши натижасида сойлар З. ва унинг тармоқларигача етиб келмай қуриб қолади. Навоий ш. яқинида, Бойқут ва Тошработ қишлоқлари оралигига даре водийси анча тораяди. Сўнг жанғарбий йўналишда оқиб, Кизилкум чўлига қириб боради, Бухоро, сўнг Қоракўл воҳаларидан оқиб ўтади. Мана шу қисмиди (Қоракўл ш.гача) Қоракўлдарё деб ҳам аталади. Қоракўл ш.дан З км юқорида қурилган тўғон — сув тақсимлагичда З. суви каналларга бўлиб юборилган. Тўғондан куйида дарё ўзани яна икки тармоққа ажралади: чапдагиси (каттароги) — Тойқир, ўнгдагиси

эса Сарифозор деб аталади. Ҳар икки тармоқнинг юқори кисми сугориш канали сифатида хизмат қиласади. Сугоришдан ортган ва қайтарма сувлар Тойкир ўзани орқали Денгизкўлга куйилади. Сарифозор тармоғи ҳам Қоракўл воҳасидан анча наригача давом этади, лекин қуий оқимида ўзани кўпинча қуруқ бўлади. 3. Амударёга етиб бормайди. Мил. ав. 3. суви Амударёга куйилган деган фикр бор. Акад. Я. Ф. Фуломов бошчилигига 50й.ларда шу ҳудудда ўтказилган археологик тадқиқотлар натижасида дарёнинг музлик давридан сўнг, мил. ав. 4минг йилликкача Амударёга куйилганлигини кўрсатувчи излар борлиги аникланди. Бирок юон манбаларида, мас, Искандер Мақдуний (Александрийский) тарихчи-си Квинт Курций Руф, географ Страбон (мил. ав. 1а.), тарихчи Арриан (мил. ав. 2а. Охири — 1а. боши)лар «Политимет (3.) серсов бўлишига қарамай, кумга сингиб кетади» деб ёзишган. Лекин, Ҳофизи Абу (1362—1431) «Оби Кўҳак (3.) суви тошганда Амударёга етиб боради» дейди. Демак, 3. маълум даврлардаги табиий иқлим шароитларида Амударёга куйилган.

З.нинг сув тўплаш майдони анча баланд жойлашган: Дупули кўпригидан юқоридаги қисмининг ўртача бал. 3100 м. Шу туфайли ҳавзасида доимий қор ва музликлар кўплаб учрайди. З. ҳавзасида майд. 1 га ва ундан катта бўлган 424 музлик ҳисобга олинган, уларнинг умумий майд. 557 км². З. музлик, доимий қор, мавсумий қор коплами ва булок сувларидан тўйинади. З. ҳавзасининг тоғли қисмида 80 га яқин кўл бор. З.да тўлинсув даври апр.—сент. ойларida кузатилади. Бу даврда дарё йиллик оқимининг 80—85% оқиб ўтади, оқимининг қолган қисми кузгишиш (окт.—март) кам сувли даврга тўғри келади. Июль—авг. ойларвда З.да сув энг кўп бўлади. З.нинг Дупули кўпригига ўлчанган ўртача кўп йиллик сув сарфи 154 м³/сек ёки 4,86 км³ (1914—21, 1923—89). З.нинг ўртача йиллик сув

сарфи йиллараро кам ўзгаради: Дупули кўпригига унинг энг кичик ўртача йиллик сув сарфи 112 м³/сек (1957), энг катта ўртача йиллик сув сарфи 201 м³/сек (1973). Дарёнинг сув миқдори йил давомида катта оралиқда ўзгариб туради: энг катта сув сарфи 1964 й. 31 майда 996 м³/сек, энг кичик сув сарфи 1928 й. 31 янв.да 24 м³/сек га teng бўлган. З.нинг ўртача кўп йиллик лойқа оқизиклари сарфи Дупули кўприги яқинида 130 кг/сек ёки йилига 4200 минг т ни ташкил этади, сувининг ўртача лойқалиги 0,80 кг/м³; дарё ҳавзасининг ҳар бир км² сув йигилиш майдони юзасидан ўрта ҳисобида йилига 412 т тупроқ ва б. тог жинслари ювилиб туради. З.да 60й.лар охиридан дарё суви минераллашуви ортиб борди. 70й.ларнинг бошларида сувининг минераллашуви қуий оқимида тоғли қисмига нисбатан 2,9 марта кўпайди. Кейинги йилларда ҳам дарё сувининг минераллашуви унинг қуий қисми томон борган сари ортиб бораверди. Мас, 1979 й.да З.нинг юқори оқимида минераллашув даражаси 0,22—0,39 г/л бўлган бўлса, Навоий ш. яқинида 0,58—1,05 г/л ортган. Натижада З. сувидан унинг қуий оқимида ичимлик суви сифатида фойдаланиш имконияти бутунлай йўқолди. З. тоғли қисмида музламайди, лекин шовуш кузатилади. Қиши фаслининг обҳаво шароитига (иссик ёки совуқ келишига) боғлиқ холда бу ҳодиса 2—70 кун давом этади. З. қуий оқимида баъзан қисқа муддат муз б-н қопланиши мумкин. Қишида дарё, асосан, ер ости (булук) сувлари ҳисобига тўйинади. Пахта майдонларини кенгайтириш максадида З.дан Ўнгқирғоқ канали, Янги Дарғом, МиёнқолХатирчи, Марказий Миёнқол каби янги каналлар чиқарилган, эскилари таъмирланган. З. сувидан самарали фойдаланиш мақсадида Самарқанд вилоятининг Каттакўргон ш. яқинида Каттакўргон сув омбори, Бухоро вилоятида эса Куйимозор сув омбори ва гидроузеллар курилган. З.нинг қуий оқимидаги экинзорларга АмуҚоракўл канали, АмуБухо-

ро машина канали орқали Амударё суви ҳам келтирилган. Воқада сугориладиган экин майдонлари кенгайиши ва улардан чиқадиган сувнинг кўпайиши на-тижасида кўплаб янги кўллар пайдо бўлди, эскилари (Денгизкўл, Шўркўл) катталашди (уларнинг сони 40 дан ортди). З. воҳасида Самарқанд, Бухоро, Каттакўргон, Гиждувон, Ромитан, Навоий (Кармана б-н бирга) каби шаҳарлар жойлашган.

Ад.: Гулямов Я. Г., Исламов У., Аскаров А., Первобытная культура и возникновение орошающего земледелия в низовьях Зарафшана, Т., 1966; Шул ўц В. Л., Машрапов Р., Ўрта Осиё гидрографияси, Т., 1969; Мухаммаджон ов А. Р., Кўйи Зарафшон водийсининг сугорилиш тарихи, Т., 1972; Чембарисов Э. И., Баҳриддинов Б. О., Ўрта Осиёнинг дарё ва зовур сувлари гидрохимияси, Т., 1983; Ҳасанов Ҳ. Ҳ., Географик номлар сири, Т., 1985; Расулов А. Р., Ҳикматов Ф. Ҳ., Ўзбекистоннинг сув ресурслари, уларни тежаш ва муҳофаза килиш йўллари, Т., 1989.

ЗАРАФШОН (форс, зар — олтин, афшон — сочувчи) — Тожикистон ва Ўзбекистондаги даре. Авесто ёдгорликларида «Дайтия» — «Эзгу сув» деб юритилган; юонлар хукмронлиги даврида «Дайтия» сўзи юончага айнан таржима килиниб, Политимет — «Кўп эзгу сув» деб аталган; дарёнинг Сугд, Жирт, Жон, Сомжан шаклидаги номлари ҳам маълум; паҳлавий (қад. форсча) тилида «Номик» («Машҳур», «Эзгу»), форс тилидаги манбаларда Руди Мосаф, Руди Шарф дейилган; арабча манбаларда эса Ҳарамком — «Муқаддас дарё», Водий усСуғд, Нахр улБухоро каби номлари қайд этилган; «Бобурнома»да Оби Кўҳак деб тилга олинган; кейинроқ Дарёйи Кўҳак, 18а.дан З. деб атала бошлаган. Уз. 877 км, ҳавzasининг майд. 41860 км², шундан тоғли қисми 17710 км², қолгани тоғ олди кирлари ва текисликка тўғри келади. З. воҳасида мил. ав. 2минг йиллик — 1минг йиллик бошларида яшаган

ўтрок ахоли З.дан каналариклар чиқариб дехқончилик қилган. 1—4а.ларда З.дан сув оладиган Дарғом, Қалқонота, Шахруд, Ромитан каби йирик каналлар, СангиСалоҳ, Катта Беглик, Дамдарё каби ариклар қазилган.

З.дан қад. Варақсар (ҳоз. Работхожа) қишлоғи яқинида араблар истилоси (712) дан анча олдин курилган тўғондан учта ариқ чиқарилган. Энг шим.дагиси — Дарғом ариғи, колган иккитаси темурийлар даврида Аббос ва Кораунас деб аталган, кейинчалик улар Янгиариқ ва Қозонариқ номини олган. Бу ариклардан Самарқанд ш.дан жанубдаги ерлар сугорилган. Самарқанд ш.дан шарқдаги ерларга сув келтирилувчи Мирзаарик, Туятортар ариклари 5—ба.ларда қазилган деган маълумотлар бор. Қад. ариклардан бўлган Нарпай (Наҳрпой) Сугднинг энг йирик ирригация иншооти хисобланган. Табиийки, ўша даврларда Самарқанд ш.ҳам З.дан сув ичган. Навоий ва Бухоро вилоятларида Шоғиркон (Шопурком), Ҳарканруд (ҳоз. Қалконруд), Хитраф ёки Говхитфар (ҳоз. Вобкентдарё), Бухоро ш.ни сув б-н таъминловчи Рудизар (ҳоз. Шоҳруд) каналлари ҳам қад. сув иншоотларидаидир. Улар ҳақидаги маълумотлар Наршайий, Истаҳрий, Муқаддасий асарлари (Юа.)да келтирилади. З. сувидан қадимдан Самарқанд, Бухоро, Кармана музофотлари б-н бирга Қашқадарё (Эски Ангор канали орқали) ва Жиззах (Эски Туятортар канали орқали) музофотлари ерлари ҳам баҳраманд бўлиб келган. З. Туркистон, Зарафшон ва Олай тоғ тизмалари бириккан жой — Маастчоҳ (Кўксув) тоғ тутунидаги Зарафшон музлигидан Маастчоҳ дарёси номи б-н бошланади. Бошланиш жойидан қарийб 189 км қуйида, чапдан Фондарё қўшилади ва З. номини олади. З.га музликлар ва булоқлардан бошланадиган 4200 га яқин ирмоқ куйилади. Энг йириклари — Фондарё, Кўштугдарё, Мафиёндарё. Тожикистон худудига қарашли юкори оқимида З. Туркистон ва Зарафшон тоғ тизмалари оралиғида ён бағирлари баланд ва тик

кўтарилигган, кўпчилик жойларида дара ва тангилардан изборат тор водийда жуда тез оқади. Дарё водийси иирик ирмоклар келиб қўшиладиган жойлардагина бир оз кенгаяди. З. Работхожа тўғони яқинида Тожикистон худудидан чишиб, Ўзбекистон Республикаси чегарасига киради ва Самарқанд, Навоий, Бухоро вилоятларидан оқиб ўтади. Самарқанд ш. яқинида (шарқроқда), Чўпонота тепалиги ёнида З. икки тармокка — Оқдарё (ўнг) ва Корадарё (чап)га ажралади. Улар Миёнкол о.ни ҳосил килиб, Навоий вилояти Хатирчи тумани маркази — Янгиработ шаҳарчаси яқинида бирлашади ва яна З. номи б-н оқади. З. сувининг 70—75% кисми Корадарё тармоғидан оқади. Бу оралиқца атрофдаги тоғлардан кўплаб сой оқиб тушади, сувнинг озлиги ва сугоришга олиниши натижасида сойлар З. ва унинг тармоқларигача етиб келмай қуриб қолади. Навоий ш. яқинида, Бойкут ва Тошработ қишлоқлари оралиғида даре водийси анча тораяди. Сўнг жангарбий йўналишда оқиб, Қизилқум чўлига кириб боради, Бухоро, сўнг Қоракўл воҳаларидан оқиб ўтади. Мана шу қисмида (Қоракўл ш.гача) Қоракўлдарё деб ҳам аталади. Қоракўл ш.дан З км юқорида қурилган тўғон — сув тақсимлагичда З. суви каналларга бўлиб юборилган. Тўғондан қуйида дарё ўзани яна икки тармокка ажралади: чапдагиси (каттароғи) — Тойкир, ўнгдагиси эса Сарибозор деб аталади. Ҳар икки тармокнинг юқори қисми сугориш канали сифатида хизмат қиласи. Сугоришдан ортган ва қайтарма сувлар Тойкир ўзани орқали Денгизкўлга қуйилади. Сарибозор тармоғи ҳам Қоракўл воҳасидан анча наригача давом этади, лекин қуйи оқимида ўзани кўпинча куруқ бўлади. З. Амударёга етиб бормайди. Мил. ав. З. суви Амударёга қуйилган деган фикр бор. Акад. Я. Ф. Гуломов бошчилигига 50й.ларда шу худудда ўтказилган археологик тадқиқотлар натижасида дарёнинг музлик давридан сўнг, мил. ав. 4минг йилликка Амударёга қуйилганлигини

кўрсатувчи излар борлиги аникланди. Бироқ юонон маңбаларида, мас, Искандер Мақдуний (Александрийнинг тарихчиси Квент Курций Руф, географ Страбон (мил. ав. 1а.), тарихчи Ариан (мил. ав. 2а. Охири — 1а. боши)лар «Политимет (3.) серсув бўлишига қарамай, кумга сингиб кетади» деб ёзишган. Лекин, Ҳофизи Абру (13621431) «Оби Кўҳак (3.) суви тошганда Амударёга етиб боради» дейди. Демак, З. маълум даврлардаги табиий иқлим шароитларида Амударёга қуийларига Амударёга 3.ning сув тўплаш майдони анча баланд жойлашган: Дупули кўпригидан юкоридаги қисмининг ўртacha бал. 3100 м. Шу туфайли ҳавзасида доимий қор ва музликлар кўплаб учрайди. З. ҳавзасида майд. 1 га ва ундан катта бўлган 424 музлик ҳисобга олинган, уларнинг умумий майд. 557 км². З. музлик, доимий қор, мавсумий қор қоплами ва булоқ сувларидан тўйинади. З. ҳавзасининг тоғли қисмида 80 га яқин кўл бор. З.да тўлинсув даври апр.—сент. ойларида кузатилади. Бу даврда дарё йиллик оқимининг 80—85% оқиб ўтади, оқимининг қолган қисми кузгиши (окт.—март) кам сувли даврга тўғри келади. Июль—авг. ойларвда З.да сув энг кўп бўлади. З.ning Дупули кўпригига ўлчанган ўртacha кўй йиллик сув сарфи 154 м³/ сек ёки 4,86 км³ (1914—21, 1923—89). З.ning ўртacha йиллик сув сарфи йиллараро кам ўзгаради: Дупули кўпригига унинг энг кичик ўртacha йиллик сув сарфи 112 м³/сек (1957), энг катта ўртacha йиллик сув сарфи 201 м³/сек (1973). Дарёнинг сув микдори йил давомида катта оралиқда ўзгариб туради: энг катта сув сарфи 1964 й. 31 майда 996 м³/сек, энг кичик сув сарфи 1928 й. 31 янв. да 24 м³/сек га teng бўлган. З.ning ўртacha кўп йиллик лойқа оқизиклари сарфи Дупули кўприги яқинида 130 кг/сек ёки йилига 4200 минг т ни ташкил этади, сувнинг ўртacha лойқалиги 0,80 кг/м³; дарё ҳавзасининг ҳар бир км² сув йигилиш майдони юзасидан ўрга ҳисобида йилига

412 т тупроқ ва б. тог жинслари ювилиб туради. З.да 60-лар охиридан дарё суви минераллашуви ортиб борди. 70-ларнинг бошларида сувининг минераллашуви кўйи оқимида тоғли қисмига нисбатан 2,9 марта кўпайди. Кейинги йилларда ҳам дарё сувининг минераллашуви унинг кўйи қисми томон борган сари ортиб бораверди. Мас, 1979 й.да З.нинг юқори оқимида минераллашув даражаси 0,22—0,39 г/л бўлган бўлса, Навоий ш. якинида 0,58—1,05 г/л ортган. Натижада З. сувидан унинг кўйи оқимида ичимлик суви сифатида фойдаланиш имконияти бутунлай йўколди. З. тоғли қисмидаги музламайди, лекин шовуш кузатилади. Қиши фаслининг обҳаво шароитига (иссиқ ёки совуқ келишига) боғлик ҳолда бу ходиса 2—70 кун давом этади. З. кўйи оқимида баъзан қиска муддат муз б-н копланиши мумкин. Қиша дарё, асосан, ер ости (булоқ) сувлари ҳисобига тўйинади. Пахта майдонларини кенгайтириш мақсадида З.дан Ўнгирғоқ канали, Янги Дарғом, МиёнқолХатирчи, Марказий Миёнқол каби янги каналлар чиқарилган, эскилари таъмирланган. З. сувидан самарали фойдаланиш мақсадида Самарқанд вилоятининг Каттақўргон ш. якинида Каттақўргон сув омбори, Бухоро вилоятида эса Куйимозор сув омбори ва гидроузеллар курилган. З.нинг кўйи оқимидағи экинзорларга АмуҚракўл канали, Аму-Бухоро машина канали орқали Амударё суви ҳам келтирилган. Вокада сугориладиган экин майдонлари кенгайиши ва улардан чиқадиган сувнинг кўпайиши натижасида кўплаб янги кўллар пайдо бўлди, эскилари (Денгизкўл, Шўркўл) катталашди (уларнинг сони 40 дан ортди). З. воҳасида Самарқанд, Бухоро, Каттақўргон, Фиждувон, Ромитан, Навоий (Кармана б-н бирга) каби шаҳарлар жойлашган. Ад.: Гулямов Я. Г., Исламов У., Аскаров А., Первобытная культура и возникновение орошающего земледелия в низовьях Зарафшана, Т., 1966; Шулъа В. Л., Машрапов Р., Ўрта Осиё гидрографияси, Т.,

1969; Мухаммаджонов А. Р., Куйи Зарафшон водийсининг сугорилиш тарихи, Т., 1972; Чембарисов Э. И., Баҳриддинов Б. О., Ўрта Осиёнинг дарё ва зовур сувлари гидрохимияси, Т., 1983; Ҳасанов Ҳ. Ҳ., Географик номлар сири, Т., 1985; Расулов А. Р., Ҳикматов Ф. Ҳ., Ўзбекистоннинг сув ресурелари, уларни тежаш ва муҳофаза килиш йўллари, Т., 1989.

ЗАРАФШОН - эртапишар маҳаллий олма нави. Р. Р. Шредер номидаги Боғдорчилик, узумчилик ва виночилик илмий тадқиқот интининг Самарқанд филиалида географик узоқ бўлган Ландсберг ренети б-н Самарқанд эртагиси навларини чатиштириб чиқарилган (В. В. Кузнецов, А. А. Леплинская). Дараҳти ўрта бўйли, шоҳ-шаббаси кенг, тана шоҳлари йўғон. Кўчати ўтқазилгач, 4-5-ишли ҳосилга киради. Мартнинг ўрталарида гуллайди. Меваси ўртача (110—150 г), кенг конуссимон, сирти текис, қизгиш. Эти оқ, нафис, серсув, майдада уруғли, хушхўр, ҳиди ёқимли. Таркибида 13% қуруқ модда, 9,6% қанд, 1,1 % кислота, 1,49 мг% витамин С мавжуд. Меваси июль бошида пишади. Тупидан 100—120 кг ҳосил олинади. Совукка чидамли. Асосан, томорқа ерларига экилади. Ўзбекистоннинг барча вилоятларида боғдорчиликка ихтисослашган хўжаликлар учун тавсия этилган.

ЗАРАФШОН — эртапишар серҳосил картошка нави. Самарқанд кишлек хўжалиги интида жаҳон коллекциясидан K5 ва K6234 навларини чатиштириш йўли б-н яратилган (Д. Т. Абдукаримов, 1981). 1985 й.дан Узбекистоннинг барча вилоятларида рилаштирилган. Тупининг баландлиги ўртача, кучли шоҳлайди. Барг ёстиғи, томири ва ўзаги тўқ яшил, барг бўлмалари тор ва узун. Гули оч қизил, бинафша, учи оқ. Чангдони сариқ. Картошкаси тухумсимон, узун, оч сариқ, туганак пўстлоғи силлик. Кўччалари жуда кўп, эти оч сариқ. Туганакларининг ўртача оғирлиги 80—90 г. Турли касалликлар, жумладан, вирусли касалликлар

га, нематодаларга чидамли. Майсалари кўкариб чиққанидан кейин 100—130 кунда етилади, таркибида 15,3% крахмал бор. Ҳосилдорлиги 15—17 т/га боради. Яхши сакланади, мазаси яхши.

ЗАРАФШОН АРХЕОЛОГИЯ ЭКСПЕДИЦИЯСИ — Бухоро воҳасидаги археологик ёдгорликларни тадқик этиш мақсадида тузилган дастлабки илмий экспедиция (1934, 1939—40). Қад. ёдгорликларни сақлаш Узбекистон комитети, Давлат Эрмитажи, Моддий маданият тарихи инти томонидан ташкил этилган бу экспедицияга А. Ю. Якубовский раҳбарлик қилган. Унда М. М. Дъяконов, В. А. Шишгин, Т. Мирғиёсов, В. Ю. Кесаев ва б. қатнашган. 1934 й. Бухоро б-н Самарқанд ўргатасидаги қад. карvon йўлида археологик қидирув ишлари ўтказилган ва бу йўл ёқасида жойлашган сўнгги антик ҳамда илк ўрга аср ёдгорликлари: Кизилтепа, Шоҳҳаҳидон, Шахривайрон, Абумуслимтепа, Бўрихона, Ганҷхона, Ҳазора, Дингак ва б. ёдгорликлар тадқик этилган, шунингдек, Кампир девор қолдиклари ўрганилган. 1939—40 й.лар 3. а. э. Пойқанд ш. ҳаробалари топографиясини ўрганди, арк ва шаҳристонда дастлабки қидирув ишлари олиб борди.

Ад.: Якубовский А. Ю., Археологическая экспедиция в Заравшанскую долину в 1934 г.; Труды Отделения Востока Эрмитажа, т. 2, Л., 1940; Якубовский А. Ю., Краткий полевой отчет о работе Заравшанской археологической экспедиции Эрмитажа и ИИМК в 1939 г.; Труды Отделения Востока Эрмитажа, т. 2, Л., 1940.

ЗАРАФШОН ВОДИЙСИ - Ўрта Осиёнинг марказий қисмида, Туркистон ютов б-н Зарафшон тизмалари орасида жойлашган кўндаланг водий. 3. в.нинг шарқий тогли қисми Тожикистон, гарбий тоф этаги ва текислик қисми Ўзбекистон худудида. Тектоник йўл б-н вужудга келган. Ҳоз. рельефининг шаклланишида Зарафшон дарёсининг доимий ва вакъти ирмоқлари ҳамда шамол муҳим роль ўйнаган. 3. в. Зарафшон музлигидан (бал. 2775 м) бошланиб, гарбда

Сандикли қумигача (бал. 185 м) 781 км га чўзилган. Водий шу масофада гарбий, жан.гарбий йўналишда давом этади ва астасекин пасайиб ҳамда кенгайиб боради. 3. в., асосан, устини тўртламчи давр аллювиал жинслари қоплаган учламчи давр чўкинди жинсларидан таркиб топган. Бу ерда неоген давригача денгиз бўлган. Альп орогенезида водий куруқликка айланган. Зарафшон дарёси ўз ўзанини чукурлаштириб, терраса (кўхна қайир)лар ҳосил қилган. 3. в.нинг шарқий тогли қисмида 6 та терраса бор. Панжакент ш.гача (300 км масофада) водий тор ва чукур, Туркистон ва Зарафшон тизмалари ундан тик кўтарилиб туради. Зарафшон дарёси юкори қисмида муз характерати б-н вужудга келган анча кенг (4—5 км) водий ҳосил қилган. Киштутсойнинг Зарафшонга куйиладиган ерида водий жуда тор, тог ён бағри дарё қирғоғидан тик кўтарилиган. Куйи қисмида водий кенгайиб, Ўзбекистон ҳудудига ўтгач, кенглиги айрим жойларда 60—70 км га (Бухоро воҳасида) етади. Ўзбекистон худудида 3. в.нинг узунлиги қарийб 480 км бўлиб, бу қисмида Самарқанд, Бухоро, Коракўл воҳалари жойлашган.

Самарқанд воҳаси Самарқанд ботигида жойлашган, шим.дан Фубдинтоғ—Оқтоғ— Коратоғ, жан.дан Коратепа—Зирабулук—Зиёвудин каби унча баланд бўлмаган тоғлар б-н ўралган. 3. в. бу воҳада анча (50 км гача) кенг. Навоий ш.дан ўтгач, водий яна төрайди. Кизилтепа ва Офтобачи қирлари бирбирига жуда яқинлашиб, Ҳазар йўлагини (кенглиги 8—10 км) ҳосил қилиди. Воҳанинг ер юзаси текис; уни Зарафшон дарёси ва вактинча оқар сойлар кесиб парчалаган, баъзи ерларида жарлар ҳосил қилган. Ҳазар йўлагидан ўтгач, водий яна кенгаяди ва жан.гарбга бурилиб, Бухоро воҳасини ҳосил қиласи. Бу қисмида 3. в.нинг кенглиги 70 км га етади ҳамда текисликка айланади. Воҳа шим.дан Кизилкум б-н, шарқдан Кўштепа, Азкамар, Куйимозор, Қайнағач, Қумсултон каби тепаликлар, жануб ва жан.гарбдан

эса Қоракүл платоси б-н ўралган. Бухоро воҳаси жанғарбга, гарб ва шимғарбга бир оз нишаб. Унинг мутлақ бал. 200—280 м. Воҳани каналлар, ариқлар кесиб ўтган. З. в. Бухоро воҳасида жанғарбга торайиб боради ҳамда Қоракүл платоси ёнида анча торайиб Қоракүл йўлagini ҳосил қиласди. Сўнгра водий яна кенгайиб Қоракүл воҳаси бошланади. Қоракүл воҳасини жанғарбдан Сандиқли куми, шимшарқдан Қоракүл платоси ва жандан Эшакчи қумлиги ўраб туради. Бу ерда водийнинг кенглиги 48—50 км, мутлақ бал. 185—200 м. Кичик шўр кўл, пастликлар бор. З. в. Ўрта Осиёнинг марказий кисмида жойлашганлигидан иқлими континентал. Водий гарбдан шарққа анча чўзилганлиги ва рельефнинг баландлашиб бориши туфайли тра режими ва ёғинлар микдори ҳар жойда турлича. Йиллик ўртача тра текислик кисмида 12—15°, тоғли кисмида 12—0,7°. Ёз водийнинг текислик кисмида иссик бўлиб, узоқ давом этади, июлнинг ўртача траси 25—29°, тоғли кисмида эса 20—7,7°. Баъзан тра текислик кисмида 44° га, тоғли кисмида 33° га чиқади. Қиши водийнинг текислик кисмида анча илик бўлиб, янв.нинг ўртача траси 0° дан —1,3° гача, тоғли кисмида —3° дан —10° гача бўлади. Энг паст тра —35°. Йиллик ёғин 114—400 мм (гарбдан шарққа ортиб боради), фақат Зарафшон тизмасининг гарбий кисми — Омонқўтонда 881 мм. Ёғиннинг кўп кисми текислик кисмида йилнинг совуқ фаслида, тоғли кисмида эса иссик фаслда ҳам тушади. Водийнинг асосий дарёси — Зарафшон. Кўлларидан энг йириги — Денгизкўл. З. в. ботикда жойлашганлиги сабабли ер ости сувлари мавжуд. Водийда тупроқ ва ўсимлик коплами баландлик минтақалари ҳосил килган. Водийнинг энг пастки 400—500 м баландликкача бўлган ерлари чўл минтақасига киради. Бу минтақанинг тупроғи оч бўз тупроқ, унда, асосан, арпафон, тароқбош, лолакизғалдок, корамашок, коврак, читир, тошлок ерларда эса шувоқ, бурган ва б. ўсади.

Чўл минтақасидан сўнг адирлар бошлиниб, бал. 500 м дан 1200 м гача бўлган ерларни ўз ичига олади. Бу ерларда типик ва тўқ тусли бўз тупроқ тарқалган. Кунғирбош, ранг, нўхатак, йўнгичка, ялтириш, оккурай, гулхайри, сасир, қасмалдоқ, чалов, етмак каби ўтлар; зирк, наъматак каби буталар ўсади. Водийнинг 1200 м дан 2700 м гача бўлган қисми тоғ минтақасидан иборат бўлиб, бу ерларда жигарранг ва кўнғир тоғурмон тупроклари учрайди. Ўтлардан тактак, тароқбош, чайир, буталардан учкат, бодомча, дарахтлардан арча ўсади. Водийнинг 2700 м дан баланд қисми яйлов минтақасидан иборат, тупроғи жигарранг.

Хайвонлардан бўри, тулки, қуён, чиябўри ва б., паррандалардан кирғовул, лойхўрак, ўрдак, чуғурчиқ, чумчук, сўғитурғай ва б., булардан ташқари, қархил илон, қалтакесак, типратикан, кала-муш, кўрсичон ва б. учрайди.

З. в. Ўзбекистон ва Тожикистон хўжалигига муҳим ўрин тутади. Водийда сугориладиган ва сугоришга яроқли ер кўп. Чорвачиликни ривожлантириш учун табиий ўтлоқ ва пичанзорлар бор.

З. в. ўзининг куркам боғ ва мевазорлари б-н қадимдан машхур. Водийда газ, кўмир, олтин, турли хил курилиш материаллари конлари, минерал сувлар ва б. бор.

ЗАРАФШОН ДАВЛАТ ҚЎРИҚҲОНАСИ — Самарқанд вилояти (Зарафшон дарёсининг ўнг кирғоги) худудидаги қўриқҳона. 1975 й. даташкил килинган. Қўриқҳона майд. 2352 га, шу жумладан ўрмонзорлар б-н копланган майд. 868 га. Самарқанд ш.дан 5 км жанубишарқда жойлашган. Қўриқҳона худуди дарё соҳили бўйлаб эни 150 м дан 1400 м гача бўлган 35 км масофа га чўзилган. Асосий вазифаси — тўқай ўсимликлари ва ҳайвонот оламига мансуб табиий муҳитни, ноёб ва йўқолиб бораётган ўсимликлар ва ҳайвонлар генофондини сақлаш, ўрганиш ҳамда тикашдан иборат. Қўриқҳона иқлим шаротлари континентал субтропикларга хос.

Ҳаво ҳарорати ёзда +4Г га етади, кишида —27° гача пасаяди. Ўртacha йиллик ёгин миқдори 100—400 мм. Ўсимлик дунёси терак, тол, жийда, чаканда каби да-рахт, бута ва ўт тўқайзорлардан иборат. Кўрикхона ҳудудида ўсимликларнинг 266, кушларнинг 172, баликларнинг 8 тури учрайди. Кўрикхонада зарафшон қирговули муҳофаза килинади ва уни катакларда бокиб кўпайтириш масалалари ўрганилган. 1996 й.дан кўрикхонада Бадайтўқай ва Қизилқум кўрикхоналаридан келтирилган б бош буҳоро бугуси (хонгул)ни иқлимлаштириш бўйича ишлар олиб борилади. 1998 й.да улардан биринчи насл олинди ва бу ноёб хайвонни кўпайтириш ишлари давом этмоқда.

Борис Дъякин.

ЗАРАФШОН МУЗЛИГИ - Олай, Туркистон ва Зарафшон тизмалари бирбири б-н кўшилган жойдаги музлик. Мастчоҳ тог тугунида жойлашган. Уз. 27,8 км, энг кенг жойи 2 км, майд. 43 км² (ирмоклари б-н бирга 132,6 км²), ўртacha қалинлиги 200 м. Музликнинг 24 км² кисми морена б-н қопланган. З. м.нинг умумий ҳажми 14,9 км³. Бошланиш жойининг бал. 4900 м, қуий чегарасининг бал. эса 2772 м. 30 дан ортиқ ирмофи бор. Энг йирикли: Толстой музлиги (уз. 12 км, майд. 19 км²), Фарахнов (уз. 14,4 км, майд. 14 км²), Мирамин (уз. 7 км, майд. 10 км²) ва Скачков (уз. 6,5 км майд. 9 км²) музликларидир. З. м.нинг сув захираси (ирмоклари б-н) қарийб 19 млрд. м³. Музлик учи анча пастга тушиб келганидан ёзда кўп эрийди.

Ад.: Крупнейшие ледники Средней Азии — ледники Федченко и Зарафшанский [Результаты метеорологических и гидрологических исследований], Л., 1967; Крейтер А. А., Насыров М. А. и др., Современное оледенение в бассейне реки Зарафшан, Т., 1972; Шульц В. Л., Машрапов Р., Ўрта Осиё гидрографияси, Т., 1969.

ЗАРАФШОН ОКРУГИ - Туркистон генералгубернаторлиги таркибига кирган

тарихий округ (1868—1886). Самарқанд Россия томонидан босиб олингач (1868), Самарқанд ва Каттакўрғон бекликлари бирлаштирилиши натижасида тузилган. Кейинчалик З. о.га Панжикент ва Зарафшон водийси шим. даги тоғли риляр кўшилган. З. о.ни бошқариш генерал-губернатор К. П. фон Кауфман томонидан тасдикданган «Мувакқат низом» асосида амалга оширилган. 1886 й. 12 июнда «Туркистон ўлкасини бошқариш тўғрисида Низом»нинг қабул қилиниши б-н З. о. Самарқанд вилояти (области)га айлантирилган.

ЗАРАФШОН СУВАЙИРГИЧ КЎПРИГИ — Самарқанд ш. марказидан 7—8 км шим.шарқда, Зарафшон дарёсининг сўл қирғоғида пишиқ фиштдан курилган кўприк. У тарихий адабиётларда «Темур равоги», «Пули Шодмон малик», «Абдуллахон кўпраги» ва «Шайбонийхон сувайиргич кўпраги» номлари б-н юритилади. Гарчи кўприк тарихи Амир Темур ва Абдуллахон номи б-н боғлансада, аслида у 16а. бошида Шайбонийхон томонидан курилган. Тарихчи ва адаб Камолиддин Бинойнинг «Шайбонийнома» асарида ёзишича, Шайбонийхон Бухородан Самарқандга қайтишда (1502) шаҳарга кириш олдидан ўз лашкарлари б-н Зарафшон дарёсининг ўнг соҳилига тушади ва дарёга янги кўприк куришни буюради (Чўпонота яқинидаги Зарафшон устига курилган кўприк бузилиб кетган бўлса керак). Курилишга унинг барча аскарлари сафарбар этилади. Тош ва шоҳшаббалардан каттакатта корабура (фашина) лар ясалиб, Зарафшонга тўғон ўрнатиш ва дарё оқимини тўсишга киришадилар. Аммо дарёни бўғолмайдилар. Шундан сўнг Шайбонийхон Самарқанддан муҳандислар чакирилади. Хоннинг бевосита кўрсатмасига биноан, улар дарёни боғлаш йўлини аниқлаб, кўприк лойиҳасини тузадилар. Тўғон ўрнатилиб, дарё боғлангач, бир ой мобайнода кўприк куриб битказилади (1502 й. 3 нояб.). Бизгача сақланган биргина равоининг кат-

талигига қарғанда, күпприк 7 равоқдан иборат бўлган деб ҳисоблаш мумкин.

Дарёнинг хоз. мавжуд кенглигини ҳисобга олганда, кўпприкнинг уз. 200 м дан ошиқроқ бўлгани шубҳасиз. Аммо иншоот қачондан бошлаб шикастланиб, унинг равоқлари биринкетин бузилиб кетганини маълум эмас. Аммо 19а.нинг 40й.ларидагу унинг 3 равоғи бутун бўлган. 1841—42 й.ларда Россиядан Бухорага юборилган К. Ф. Бутенев бошлиқ дигагоматик миссия иштирокчиси муҳандис Ф. Богословскийнинг ёзишича, ўша вақтда Корадарёнинг ярим оқими шу 3 равоқ остидан оққан. 19а.нинг ўрталаридагу иншоотнинг учинчи равоғи вайрон бўлиб, 2 равоғи қолган. Самарқандада бўлган зилзила (1898 й. авг.) натижасида кўпприкнинг иккинчи равоғи ҳам қулаб тушиб, фақат охирги бир равоғи қолган. А. Муҳаммаджонов ўтказган (1962) археологик қазишлар натижасида иншоотнинг қулаб тушган иккинчи ва учинчи равоқларининг қолдиклари топиб текширилди. Иншоотнинг бўйи ва эни 26 ёки 27 см, қалинлиги 5 см ли тўртбурчак пишиқ ғиштлардан курилган. Ҳозиргача сакланган равоғининг кенглиги 21 м 60 см, бал. 11 м 85 см ва эни эса 9 м 10 см га teng. Равоқ бирининг устига иккинчиси ўрнатилган. Икки қават тоқидан иборат бўлиб, унинг юқори тоқи пастки тоқига нисбатан ярим ғишт чиқарилиб ишланган. Пастки тоқининг қалинлиги 165 см ва юқори тоқиники — эса 125 см га teng. Равоқ таянчини мустаҳкамлаш ва унинг ажралиб кетмаслиги учун равоқнинг дарёнинг ўнг соҳилига ўрнатилган жан. қанотининг икки томони маҳсус бозу (тиргак) шаклида ишланган. Яхлит қоядан иборат табиий пойдевор устига ўрнатилган мазкур равоқ Зарафшон сувайирғичининг кисқа сўл қаноти бўлиб, унинг бир неча равоқлардан иборат ўнг қаноти биринчи равоқка нисбатан 102° бурчак хосил қилиб, шарққа томон йўналган. Иккинчи равоқдан фақат унинг пастки пойдевор қисмигина сакланган. Бу дарё ўзани ичидаги ҳарсан-

глардан ишланган кўпприк устунларидан бири бўлиб, унинг уз. 8,5 м ва эни 3 м 80 см га teng. Равоқнинг кенглиги эса 20 м 75 см, уз. 8,5 мга teng бўлган. Иншоотнинг учинчи равоғидан фақат пойдеворининг бир қисми сакданиб, бошқа равоқларидан эса асорат ҳам қолмаган. Равоқ усти қисмининг эни 7 м дан ортиқ бўлган. Икки четининг баландлиги ҳам, эни ҳам 1 м лик ғов қилиб, пишиқ ғиштдан ишланганлиги мазкур иншоотни лойиҳалаштирган 16а. муҳандислари дарё устидан ўтувчиларнинг шахсий хавфсизлигини таъминлаш чораларини ҳисобга олганлигини кўрсатади. Кўприкда ишлатилган қурилиш коришмалари ҳам алоҳида диккатга сазовордир. Цемент каби мустаҳкам биритиравчи коришма ҳали ихтиро этилмаган ўрта аср шароитида сув иншоотларини бино қилишда доимий намликка чидамили қурилиш коришмаси топиб ишлатилган. Мас, кўпприк устунларининг доимий сув остида турадиган қисми ўсимлик кули ва ганч аралаш оҳакдан тайёрланган сувга чидамли маҳсус турувчи қисмлари ўсимлик кули аралаш ганч коришмаси б-н ва ниҳоят, иншоотнинг доимий қуруқ шароитда турадиган юкори қисми фақат ганч б-н ишлаб чиқилган. З. с. к. Самарқанд хаётида муҳим роль ўйнаган. Кўпприк орқали ўтган карвон йўллари Самарқанд шимда Тошкент воҳаси ва Сирдарё бўйларида туманлар., шарқда Фарғона водийси ҳамда Нурота орқали Бухоро б-н боғланган. Бундан ташқари, бу иншоот Зарафшоннинг Оқдарё ва Корадарёларга бўлинишида сувайирғич сифатида кам ҳизмат килган. Зарафшоннинг сувини teng иккига таҳсиллаш мақсадида Оқдарё ва Корадарёлар ўртасига курилган тўғон З. с. к.нинг марказий равоқларидан бирига бориб туташган. Натижада Зарафшоннинг оқими кўпприк остидан утиши б-н иккига: Оқдарё ва Корадарё ўзанларига бўлиниб оққан. Шунинг учун ҳам бу иншоот тарихда сувайирғич кўпприги номини олган. Бу айирғичнинг яна бир катта аҳамияти

шундаки, у Зарафшон сувини тартибга соглан, Миёнкол ва б. туманларни барабар сугоришида катта роль ўйнаган. Кўприқдан ҳоз. вақтда сакланиб қолган ягона равок Ўзбекистонда гидротехника тараққиёти тарихини ўрганишида муҳим аҳамиятга эга. З. с. к. нодир тарихий ёдгорлик сифатида давлат муқофазасига олинган.

Ад.Муҳаммаджонов А., Шайбонийхон сувайиргич кўприги, Т., 1969; Муҳаммаджонов А., Қуйи Зарафшон во-дийсининг сугорилиш тарихи, Т., 1972; Муҳаммаджонов А., Ўзбекистоннинг қадимги гидротехника иншоотлари, Т., 1997.

Абдулаҳад Муҳаммаджонов.

ЗАРАФШОН ТИЗМАСИ - Помир-Олай тоғларига мансуб тоғ тизмаси. Зарафшон дарёсидан жан.да, Маастчоҳ (Кўксув) тоғ тугунидан бошланиб, Туркистон тизмасига параллел ҳолда шарқцан ғарбга 420 км га (Жом чўлигача) чўзилган. Герцин бурмаланишида ҳосил бўлган, кейинчалик емирилган ва учламчи даврда қайта кўтарилиб ҳоз. қиёфага келган. Замини асосан палеозой оҳактошлари, кристалли сланецлар ва кисман гранитлардан (ғарбida) тузилган. З. т.да қоя, тик жарлик ва чукур водийлар кўп. Оҳактошли жойларида карст ҳодисалари учрайди. З. т.нинг ғарбий кисмидаги Қирқтоғ платосида (Зиёвуддин тоғлари яқинида) Ўрта Осиёда энг чукур, дунёдаги иирик карст форларидан бири Кили (ёки Киев) гори (тубидаги кўл б-н бирга чуқ. 950 м) жойлашган. Тизманинг шарқий кисми Маастчоҳ ва Яғноб дарёлари хавзаларини, ғарбий кисми Зарафшон ва Қашқадарё қавзаларини бирбиридан ажратиб туради. Шарқий кисмининг ўртача бал. 4000—4500 м.

З. т.да бир қанча бўйлама депрессия (грабен) ва кўндаланг водийлар мавжуд. Зарафшон дарёсининг ирмоқлари — Фондарё, Киштутсой, Магиёндарё З. т.ни кўндаланг кесиб ўтиб, тизмани уч кисмга бўлади. Фондарёгача бўлган шарқий камбар қисми Маастчоҳ тоғлари

деб аталади, унда киррали чўкки кўп. Шим. ён бағри кия, жанубийси тик. Бал. 4500—5000 м, энг баланд жойи Тутак чўққиси, 5433 м. Баланд қисмида кор ва музлик кўп. Шарқда Фондарё ва ғарбда Киштутсой оралигига Фон тоғлари жойлашган. Шим. ён бағри (Зарафшон водийси томон) тик ва қояли бўлиб, жан. Ҳисор тоғларига туташиб кетади. Сланец ва оҳактошларидан тузилган шим. ён бағрида ёриқ кўп. Бу ёриклар ташки кучлар таъсирида кенгайиб бормоқда; тоғларда кўчкилар бўлиб туради. З. т.нинг кичикроқ музликлар б-н қопланган энг баланд Чимтарға чўққиси (5489 м) шу қисмида. Музликларнинг умумий майд. 307 км². Киштутсойдан ғарбга томон тог пасайиб, у ерда ўртача бал. 2500 м бўлган платосимон тоғлар бор. Магиёндарёдан Тахтакорача довонигача Чакаликалон тоги давом этади, унинг шарқий кисми баланд, шим. ён бағри тик. Довоннинг ғарбидаги Қоратепа тоги ғарбга томон пасая бориб, бал. 500—600 м ли адирлар б-н тугайди. Адирлар Каттакўргон ш.дан жан.да баландлаша бориб, Зирабулоқ тоғларига туташади. Зирабулоқ ва Зиёвуддин тоғлари З. т.нинг ғарбий давомидир. З. т. иқлими континентал. Тоғ олди қияликлари ва ён бағирларининг иклими иссиқ ва куруқ, юкорига кўтарилиган сари иқлими салқинлашади ва ёғин кўпаяди. Янв.нинг ўртача траси пастроқ қисмида —0,5° дан 2° гача, 2500—3000 м баландликда эса —6° дан —10° гача. Июлнинг ўртача траси паст жойларда 25—29°, баланд қисмида эса 15—18°. Максимум тра 40—42°. Йиллик ёғин миқдори 200—400 мм.

Тоғ ён бағирлари сийрак ўрмон (асосан арчазор) б-н қопланган. Тоғнинг 800 м гача бўлган ва лёсс ҳамда лёссли кумлок жинслардан тузилган қисмларида оддий ва типик бўз тупроқ, 800—1500 м баландликда кўнғир бўз тупроқтарқалган. 1500—2000 м баландликда тоғ ўрмондашт минтақасидаги жигарранг ва жигаррангқўнғир тупроқларда заранг, арча, ёнғоқ, бодом,

катранғи, писта, дўлана, итбурун, чия ўсади. 2500—3000 м баландликлар субальп минтақасидан иборат, у ерларда мушуккүйруқ, кўнғирбош, оқсўхта, коврак, бетага ўсади. 3000 м дан баланд қисмидаги альп минтақасида тўқ кўнғир ва қўнғир ўтлоли, ўтлоли тупрокларда оқмомик, тўнғизсирт, сувранг, чойт, чалов, бетага, кизилтикан, пахтак ўсади.

3. т.даги ўрмон ва бутазорларда ўрмон каламуши, олмахон учрайди, альп минтақасида эса кизил думли суғур, кизил пишчуха, кулранг сассиққўзан, тибет бургути, каптар, силовсин, тош сувсари, жайра, ёввойи эчкilar яшайди.

3. т. яйловларидан чорвачиликда кенг фойдаланилади. Дарё водийларида кишлоқлар, экинзорлар, боғлар бор.

Ад.: Баратов П., Орография долины реки Зарафшон, в сб. «Вопросы изучения и использования природы и природных ресурсов Средней Азии и сопредельных стран», Т., 1970.

ЗАРАФШОН ТРАКТИ — Узбекистондаги йирик автомобиль йўли, Самарқанд — Ашҳобод автомобиль йўлининг бир қисми. Зарафшон водийсининг асосий транспорт магистрати. Самарқанд—Каттакўрғон—Навоий—Бухоро—Қоракўл—Олот—Туркманистон чегараси йўналишида ўтади. 1933—37 й.ларда қурилган. 1965 й.дан кора коришмали қоплама ётқизилган. Умумий уз. 365 км, унинг 62 км цементбетонли, 289 км асфальтбетон ва 14 км кора қопламали. Йўлнинг 297 км I тоифага, 57 км II тоифага, 11 км III тоифага киритилган. Йўлда 2098 м узунликдаги 62 кўприк, 14578 м узунликдаги 668 дона қувур иншоотлари бор. З. т. орқали халқ хўжалигининг барча турдаги юклари ва йўловчилар ташилади. Қатнов жадаллиги суткасига 10—15 минг автомобилга етади.

«ЗАРАФШОН-НЬЮМОНТ» - олтин қазиб олиш бўйича Ўзбекистон—Америка қўшма корхонаси. Навоий вилоятининг Мурунтов шаҳарчасида жойлашган (Тошкент ш.да ваколатхонаси

бор). Корхона муассислари: Ўзбекистон томонидан Ўзбекистон Республикаси Геология ва минерал ресурслар давлат қўмитаси, Навоий конметаллургия комбината (устав фондининг 25% дан), хорижий иштироқчи «Ньюмонт-Ўзбекистон ЛТД» (устав фондининг 50%).

Қўшма корхонани ташкил қилиш тўғрисидаги шартнома 1992 й. фев.да имзоланди. 1993 й. окт.да техник-иктисодий асослаш ишлари якунланди. Корхона 1993 й. окт. — 1995 й. май ойларида қурилди ва ил гари казиб олинган, таркибида олтин миқдори саноат аҳамиятига эга бўлмаган маъданларни қайта ишлаш бўйича фойдаланишга топширилди. 1995 й. 20 июня уюмли танлаб ишқрсизлантириш жараёнида ости геоэкологик хавфсизликни таъминловчи қатламсимон тўсиқ (таглик)нинг 1босқичи, 1997 й. 30 янв.да 2босқичи фойдаланишга топширилди, 2001 й. март ойидан унинг 3босқичи қурилиши бошланди. Лойиҳа қуввати бир йилда 13,8 млн. т рудани қайта ишлашга мўлжалланган (таркибида камидан 1,59 г/т олтин бўлган рудадан 65%, 1,09 г/т олтин бўлган рудадан 55% олтин ажратиб олинади). 2000 й.да 14,1 млн. т рудага ишлов берилди.

Ўзбекистонда бу корхона қурилишига кадар олтин ажратиб олишда уюмли танлаб ишқрсизлантириш усули саноат даражасида қўлланилмаган. 2000 й. дек. да қўшма корхона ихтиёрига 120 млн. т минераллашган руда (масса)ни бериш ва корхона ишини 2012 й.га кадар узайтириш тўғрисида қўшимча битим имзоланди.

Корхонада АҚШ, Финляндия, Германия, Бельгия, ЖАР ва б. куплаб мамлакатлардаги технологик материаллар ва жиҳозлар етказиб берувчи корхоналар б-н ўзаро алоқалар йўлга кўйилган.

Геннадий Яблоков.

ЗАРБА, зарб (физикада) — харакатланаётган қаттиқ жисмлар тўқнашганда, қаттиқ жисм суюклик ёки газ б-н ўзаро таъсиришганда юзага кела-диган ҳодисалар мажмуи. З. давом этади-

ган вақт оралиғи, одатда, жуда қиска (секунднинг ўн минглик улушларидан млн.лик улушларигача), бирбирига урилувчи жисмларнинг контакт (туташувчи) юзаларидаги кучлар (3. кучлари) эса жуда катта оний кучлар бўлади. Тўқнашган системалар учун оний кучлар ички кучлар хисобланади. 3. вақтида пайдо бўладиган импульслар оний импульслар ар дейилади. 3. туфайли жисмларнинг йўналиши, тезлиги, шакли ўзгаради, қолдик деформациялар, товуш тебранишлари, жисмларнинг қизиши ва блар содир бўлади. Икки томонлама урилиш тезлиги критик тезликтан катта бўлган ҳолларда эса жисмларнинг 3. таъсир этган жойи емирилиши мумкин. 3. тўғри, марказий, бурчакли, пластик, эластик ва х. к. бўлиши мумкин. 3. кучи F } нинг шу куч таъсир этиб турган вақт т га $k=1$ зарба импульси дейилади. 3. вақтида F жуда катта, т жуда кичик бўлади. Шу сабабли, 3. вақтида жисмга тушадиган таъсирни ифодалашда 3. кучи ўрнига 3. импульси ишлатилади. 3.нинг элементар назариясига кўра, жисм тезлигининг 3. вақтидаги ўзгариши тикланиш коэффициенти куч б-н ифодаланади; бу коэффициентнинг қиймати урилаётган жисмлар материалига боғлиқ. Mac, ёғоч шар учун $k = j$, $p = l$ бўлса мутлақ эластик 3., $k=0$ бўлганда мутлақ ноэластик 3. дейилади. Машина ва механизmlар, иншоот элементларини хисоблашда уларнинг 3.га чидамлилиги эътиборга олинади. 3.дан жисмларни деформациялаш (яссилаш, майдалаш, штамплаш ва б.) ҳамда ҳаракатлантириш (мас, қозик, мих қоқиш ва б.) мақсадида фойдаланиш мумкин.

ЗАРБАНДТОФ — Нурота тоғ системасидаги Оқтоғнинг ён тизмаси, Оқтепасойдан гарбда. Уз. 10 км, энг баланд жойи Зарбанд қишлоғи яқинида (1280 м). 3. палеозой ётқизиклари, асосан, сланецлардан таркиб топган, рельефи асосан текис. Типик ва тўқ бўз тупрок кенг таркалган. Эфемер ва эфемероид ўсимликлар ўсади. 3.дан хўжаликда яй-

лов сифатида фойдаланилади.

ЗАРБДОР — Жиззах вилояти Зарбдор туманидаги шаҳарча (1992 й.дан), Зарбдор туманинг маркази. Туманинг жанда жойлашган. Т. й. станцияси. Вилоят маркази — Жиззах ш.дан 30 км шарқда. Аҳолиси 9 минг киши (2001). З.да туман ҳокимияти биноси, ун кти, пахта тозалаш зди, автокорхоналар, дехқон бозори, маиший хизмат ва савдо шоҳобчалари, маданият саройи, клублар, 2 умумий таълим мактаби, касбхунар лицейи, стадион ва б. бор. Шаҳарча муҳим автотранспорт йўллари ёқасида жойлашган. Вилоят маркази ва б. аҳоли пунктлари б-н автомобиль йўли орқали боғланган.

ЗАРБДОР ТУМАНИ - Жиззах вилоятидаги туман. 1979 й. 4 дек.да ташкил этилган. Шим.шарқца Сирдарё вилояти, гарбда Жиззах тумани, шарқда Янгибод тумани, жанда Зомин тумани б-н чегарадош. Майд. 0,51 минг км². Аҳолиси 45,7 минг киши (2000). З. т.да 5 қишлоқ фуқаролари йиғини (Адиробод, Андижон, Лалмикор, Шарқ Юлдузи, Янгикент) ва 2 шаҳарча (Бўстон, Зарбдор) бор. Маркази — Зарбдор шаҳарчаси.

Табиати. Туман худуди Мирзачўлнинг жанда жойлашган. Рельефи асосан текисликдан иборат. Иклими кескин континентал. Янв.нинг ўртача температура -4° , -6° , июлники $28-30^{\circ}$. Йилига 300 — 350 мм ёғин тушади. Вегетация даври 205—210 кун. Тупроғи бўз, кўнғир тупроқ. Ер ости сувлари юза, шўр. Туман худудида каналлари бор. Окова шўр сувларни қочириш учун ариқ ва зовурлар қазилган. Ёввойи ўсимликлардан янток, шўра, шувок, кўнғирбош, қиёқ, камиш, юлгун, оқбош, итузум, тол, жийда ўсади. Ёввойи ҳайвонлардан тулки, чиябўри, каламуш, тошбака, илон, калтакесак, ёввойи паррандалардан ўрдак, тустовуқ, қирғовул, калхат, чуғурчик, қарға, сўғитўргай, майна яшайди.

Аҳолиси, асосан ўзбеклар, шунингдек, тожик, қозоқ, рус, украин, кирғиз, туркман, татар ва б. миллат вакиллари

хам яшайди. 1 км² га 89 киши түгри келади. Қишлоқ аҳолиси 27,8 минг киши, шаҳарликлар 17,9 минг киши.

Хўжалиги. К. ҳ.да пахтчилик, фаллачилик асосий ўринни эгаллади. 13 та ширкат хўжалиги мавжуд. Жами қ. ҳ. ерлари 34,5 минг га, шу жумладан сугориладиган ерлар 32,8 минг га, лалми ерлар 430 га. Тумандаги барча тоифадаги хўжаликларда 12 мингдан зиёд қорамол, 14 мингдан ортиқ кўйэчки, 370 тача от бор. 325 дехқон хўжалиги бўлиб, 13,7 минг га ер ажратилган. Туманда Зарбдор ун кти, 20 кичик, 20 хусусий корхона, 4 савдо ташкилоти, маиший хизмат кўрсатиш шоҳобчалари мавжуд.

Туманда 12 умумий таълим мактаби (12,4 минг ўқувчи), «Оқбулоқ» фольклор этн. гурухи, 230 ўринли касалхона, 8 қишлоқ врачлик амбулаторияси, қишлоқ врачлик пункти, 8 фельдшеракушерлик пункти, 2 поликлиника, 8 дорихона бор. Зарбдор—Гулистан, Зарбдор—Тошкент, Зарбдор—Самарқанд ва б. йўналишлар бўйича шаҳарлараро автобус ва такси қатнови йўлга кўйилган. «Зарбдор» туман газ. 1000 нусхада нашр этилади.

ЗАРБИЙ ТЕЗЛНИШ (космонавтикада) — космик парвозда космонавт катапульталанганда, авария ҳолатларида, кабина космонавт б-н бирга элтувчи ракетадан ажралганда ва космик кема (КК) куруқдикка кўндирилганда вужудга келадиган тезланиш. Қисқа вақт (1 с чамаси) давом этади ва тез (бир неча д/с дан минг д/с гача) ўсиб боради. Одамнинг шикастланмай ерга тушишида З. т.нинг таъсир йўналиши, тезлигининг ортиб бориши, ўриндикнинг шакли, боғлаш системаси, гавда ҳолати, космонавт организмининг тайёргарлиги муҳим аҳамиятга эга. Агар З. т. вектори умуртқа поғонаси йўналишига түгри келса (ёки шу йўналишга яқинлашса), уни синдиришга интилади. Мас, катапультланиш вақтида (З. т. 200—500 д/с тезликдан ортганда ва З. т. 0,1—0,2 с таъсир килганда) чидаш чегараси 20—22 д ни ташкил килади. Кўндаланг йўналишдаги З. т.

учун бу чегара анча юқори бўлади. Аммо бунда паренхиматоз органлар, айниқса, ўпка жароҳатланиши мумкин. Авария юз берганда КК ни ерга қаттиқ кўндиришда З. т.нинг ўсиб бориш тезлиги 2000—3000 д/с га етиши мумкин. Агар бунда З. т. 25—30 д дан ортса, мия шикастланиши, ҳатто ўлим юз бериши мумкин. КК ни ерга кўндириш пайтида пайдо бўладиган зарбларни камайтириш максадида парашют системасидан ташқари маҳсус кўндириш курилмаси ёки тормозловчи ракета курилмалари кўлланилади.

ЗАРБИЙ ТЎЛҚИН товуш тезлиги дан катта тезликка эга жилемнинг ёки зичлиги, босими ва траси кескин юқори бўлган мухит қатламининг ҳаракати таъсирида мухитда пайдо бўладиган тўлқин. Портлаш ва детонация натижасида жисмлар ёки жисм қатламлари товуш тезлигидан катта тезликда ҳаракатланганда, лазер (ёки электрон) нури фокусида ва ҳ. қ.да ҳосил бўлади. З. т. натижасида моддаларнинг зичлиги, босими ва траси кескин ошиб кетади. З. т. фронти орқасидан атмосфера босимидан катта босимли сиқилган ҳаво (сув, тупрок) қатлами, булар орқасидан эса атмосфера босимидан кичик босимли сийрак ҳаво (сув, тупрок) қатлами ҳаракатланади. З. т. сиқилган ҳаво қатламидан тезроқ силжийди, вақт ўтиши б-н З. т. ҳаракати сусаяди, бир оздан сўнг тезлиги товуш тўлқини тезлигига бараварлашади. Атом бомбаси портлаганда ҳосил бўладиган З. т. бундай куролнинг асосий шикастловчи омили хисобланади. Мае, тротил эквивалента 20 минг т бўлган бомба портлаганда ҳосил бўладиган З. т. 4 км наридаги биноларни вайрон килиши, жанговар техникани йўқ қилиши ёки ишдан чиқариши мумкин. Бундай З. т. 1,5 км наридаги кишилар ва ҳайвонларни ҳам шикастлайди. Оддий ҳимоя воситалари (окоплар, блиндажлар, ўрмонлар) З. т. таъсирини анча камайтиради.

ЗАРБОФТ (форс— олтин, тўқима) — зар ип б-н тўқилган матоларнинг умумий номи. Асосан, хон, амалдорлар ва улар-

нинг оила аъзолари З.дан тайёрланган либослар кийган.

ЗАРБУЛМАСАЛ — мақол, матал ва рамзли хикоя асосида яратилган таълимий хикоялар. З.да муайян хикоялар таркибида, уларнинг хуросаси сифатида маталлар келтирилади. Баъзан масал, маталларнинг мазмуни асосида хикоялар яратилади. Бундай хикоялар кўпинча панднасиҳат маъносида бўлиб, маълум ғояни ёритиши учун хизмат қиласди. З.да мажозий маъно, киноя, рамз етакчи бадиий восита сифатида кўлланилади. «Калила ва Димна», «Марзбоннома», «Синдобнома», «Қобуснома» ва Саъдий Шерозийнинг «Гулистони», Муҳаммад Али Ҳабалийнинг «Жоме уттамсил» асари З.га мисол бўлади. Гулханий ва Рожийнинг «Зарбулмасал» лари, З.нинг мукаммал намуналари хисобланади.

ЗАРБХОНА, танга саройи — тангалар зарб қилиш, орден, медаллар, кўкрак нишонлари ва б. давлат унвон белгила-ри, шунингдек, зарҳаллаш, кумушлаш ва заргарлик сирлаш усуслари б-н металдан ўйма ва босма маҳсулотлар тайёрлайдиган давлат корхонаси. З. миллий давлат барпо бўлиши б-н танга зарб қилиш давлат монополиясига айланган шароитларда ташкил қилинади.

Энг қад. З.лар мил. ав. Юнонистонда ва Римда ташкил этилган эди. Дастраси тангалар металлнинг оддий кичик бўлгидан иборат бўлган. Кейинчалик расмли ва ёзувли тангалар зарб қилина бошлаган. Мае, Эрон шохи Доро 1 8,4 г оғирлиқдаги олтин тангалар зарб этирган. Ўрта Осиёда давлат пул лари зарб этидиган З.лар 8—10 аларда пайдо бўлган. Амир Темур ҳукмронлиги даврида Самарқанддаги зарбхона Темурийлар давлати учун танга пуллар зарб этган.

19а.нинг 40.ларида Хива, Бухоро, Кўкон хонликларидағи З.ларда аверси Собиқ Иттифоқда 1921 й.гача Петроград (хозирги СанктПетербург) З.сида орденлар ва юбилей медаллари тайёрланган. 1921 й. авг.дан кумуш, 1924 й.дан мис, кейинчалик бронза ва никелли, 1961

й.дан бошлаб эса жез ва нейзильбердан тангалар зарб қилина бошлади. 1942 й.да ташкил этилган Москва зарбхонасида орден, медаллар, қимматбаҳо металлардан кўкрак нишонлари ва б. маҳсулотлар тайёрланган.

Ўзбекистон мустақилликка эришганидан кейин 1992 й.да Ўзбекистон Республикаси Марказий банки хузурида «Давлат Белгиси» ишлаб чиқариш бирлашмаси ташкил қилинди. Шу бирлашма таркибида Тошкент зарбхонаси 1997 й. 20 марта ишга туширилди. З.да ЎзРнинг тангалари, орден, медаллари, кўкрак нишонлари ва б. ишлаб чиқарилади.

Ав.: История Узбекистана в источниках // Ўзбекистон в сообщениях путешественников и учёных (20—80 годы XIX в.), Т., 1990.

ЗАРВАРАК, шмуцтитул — китобнинг сарвараидан ёки ҳар бир боб, бўлим, қисмдан олдин кўйиладиган икки ёки бир сахифали алоҳида варафи. З.да китобнинг кисқа номи, айрим ҳолларда факат китоб ва нашриёт номи берилади. Баъзида китобнинг мазмунига монанд безаклар ишланади. Китоб ичидаги З.да китобнинг алоҳида қисм ва боблари олдидан шу қисм ёки бобнинг номи, раэм ҳамда безаклар жойлаштирилади. Китобат санъатида лаввоҳ (китобга жило берувчилар) томонидан З. сахифалари четларига рангбаранг чизиқлар, нақшлар чизиш, китоб номини олтин ҳал б-н ёзиш китоб безашнинг одатдаги услубига айланган. Алишер Навоий асарлари учун ўз даврида фоят маҳорат б-н З.лар ишланган (қ. Китобат санъати).

ЗАРГАРЛИК — бадиий хунармандлик соҳаси; олгин, кумуш, мис, қалай каби рангли металлардан зебзийнат буюмлари (тақинчоқлар), безак буюмлари ясаш касби. Заргарлар безак буюмлари тайёрлашда куйиш, болғалаб (зарб бериб) ясаш, ҳаллаш (олгин ва кумуш суви юритиш), ўйиб ёки бўрттириб нақш ясаш, босма, зифирақ, совоткори, колипаки, шабака каби усуллардан кенг фойдаланади. Қимматбаҳо тошлар

(гавхар, феруза, дур, ҳацик ва б.)га ишлов бериб, З. буюмлари (баргак, бибишак, билагузук, бозубанд, бозгардон, болдок, булоқи, бўйинтумор, гажак, дутузи, жевак, жига, зарлокил, зебигар Алишер Навоийнинг «Ҳамса» асарига ишланган зарварақ (Хирот, 1492—93 й.лар; хаттот Султонали Машҳадий, музахҳид Мавлоно Ёрий. Санкт-Петербург Давлат ҳалқ кутубхонаси қўллэзмалар фондида сақланади).

Заргарлик: тиллақош (Тошкент, 1880 й.); Далварзинтепадан топилган бўйин тақинчоги (пектораль, мил. ав. 1а.) дон, зулф, исирға, кокил, ойболдок, осматаузи, санчок, тавқ, тилла баргак, тилла тузи, тиллақош, турунж, узук, шокила, қашқарболдок, ҳалқа каби) яратилган.

Археологик топилмалар З. қадимдан мавжудлигини кўрсатади. Қад. Миср, Юнонистон, Эрон, Хитой заргарлари З. буюмлари тайёрлашда маржон, нефрит, қаҳрабо ва б.дан кенг фойдаланган. Европада, айниқса, роман ва готика даврида (12—15 а.лар) З. санъати юксак поғонага кўтарилиган, З.нинг янги усул ва услублари вужудга келган. ЎзРнинг кўпгина музейларида сакланаётган топилмалар республика худудида (Юнон-Бактрия подшолиги, мил. ав. 3—2а.; Қад. Хоразм, асосан, мил. ав. 1минг йиллик ўрталаридан мил. 8а. гача) З. ривож топганини кўрсатади. Бухоро, Самарқанд, Тошкент, Хива, Қўқон, Шахрисабз ва б. шаҳарларда З. ривожланган. 19а. охири 20а. бошида ўзига хос ишланиши, шакли, безаклари, хусусиятлари б-н бирбиридан фарқ қилган хилмаҳил З. буюмлари кенг тарқалган, зийнат буюмлари тўпламлари вужудга келган. Асрлар оша авлоддан авлодга ўтиб келаётган З. санъати 20 а. бошларида инкиrozга юз тутди, ҳалқ усталарининг сони қисқара бошлади. Усталарга қимматбаҳо хом ашёлардан фойдаланишга йўл қўйилмади. З. фкаларида ижод қилган устазаргарлар иш жараённида астасекинлик б-н мавжуд анъаналардан йироқлаша бордилар. Натижада улар томонидан ишлаб чиқарилган

буюмларнинг шаклишамойили ўзгариб «эклектик» манзарани юзага келтирди ва баъзи анъаналарни бутқул йўқолишига олиб кедди. Ўзбекистон мустақилликка эришгандан сўнг З. санъати жонланди. Қимматбаҳо металл материаллардан фойдаланишга имкон яратилди.

Ижод қилаётган усталар, асосан, 2 йўналишда: маҳаллий З. (унутилиб бораётган анъаналарни қайта тиклаш) ва анъанавий замонавий услубда З. буюмлари яратиш устида ижод қилмоқдалар. Анъанавий З. буюмлари — туморлар, исирғалардан «уч кўзача», «ой болдок», «ер бидор», «қашқарболдок» ва б. яратилди. Усталардан Дадамуҳамедовлар сулоласи, Г. Йўлдошева, Р. Мухаметшин, М. Нозирхонов, Ш. Низомов, И. Олимов, Г. Тошева ва бошқалар З. анъаналарини ўрганиш, ривожлантириш ва янги йўналишларни кашф этиш борасида қатор ишларни амалга оширидилар. Бухоро, Хоразм, Сурхондарё ва бошқа З. мактабларнинг айрим чизгилари бирбирига ўйгунлаштирилиб, янги замонавий З. буюмлари яратилмоқда. А. Улумбекованинг «Аёл» (1998), «Африка» (1999), «Балиқча» (1999); Э. Гостевнинг «Парвоз» (1998) асарлари, Р. Мухаметшин ижодий намуналари («Ҳаёт дарахти», 1993;

Билагузуклар: илон шаклидаги билагузук (Бактрия, мил. ав. 3а.); соатли билагузук (20а.). «Тоғ ирмоги», 2001) ўзининг безакдорлиги, тасвирининг нозиклиги ҳамда ҳалқ санъатининг мумтоз намуналари асосида яратилиши б-н фарқланади. Ҳоз. кунда уста — заргарлар б-н бир қаторда бир неча бирлашмалар — «Фонон» ва «Кумуш» бирлашмаси, «Нур» давлат З. маркази, «Мусаввир», «Устазода» каби марказлар ҳам ички бозорни З. буюмлари б-н тўлдирмоқда. Ўзбекистон БА нинг ташаббуси б-н Тошкентда 2001 й. апр.да «Заргарлик — 2000», 2002 й. апр.да «Заргарлик — 2002» ҳалқаро кўргазмалари намойиши ўтказилди. Ўшбу кўргазмада кўпгина давлатларнинг заргар усталари

ўз асарлари б-н қатнашди (яна к. Заргарлик саноати); 2) бозорда заргар устапарнинг дўйонлари жойлашган раста ёки маҳалла. Ад.: Фахретдинова Д. А., Ювелирное искусство Узбекистана, Т., 1988.

ЗАРГАРЛИК САНОАТИ - юксак бадий ишлов бериш йўли б-н нодир металлар ва қимматбаҳо тошлардан, шунингдек, бошқа металлардан буюмлар, тақинчоклар ишлаб чиқарадиган саноат тармоғи. З.с.да хом ашё сифатида қимматбаҳо ва рангли металлар (платина, олтин, кумуш ва б.), уларнинг қотишмалари, қимматбаҳо ва ярим қимматбаҳо тошлар (феруза, фионит, олмос, ақиқ, зумрад, ёқут), табиий тошлар, пластмасса, сувак, эмаль, шиша ва б. ишлатилади.

Ўзбекистонда З.с. корхоналари Ўзбекистон Республикаси Молия вазирлигининг Қимматбаҳо металлар ва кимматбаҳо тошлар қўймитаси хузуридаги «Фонон» илмий и. ч. бирлашмаси таркибида. Уларнинг йириклари: «1 Тошкент заргарлик корхонаси», «2 Сонли заргарлик заводи», «Нур» давлат бадий заргарлик маркази, «3 Сонли заргарлик заводи», «Кумуш» Ўзбекистон-АҚШ қўшма корхонаси, «ЭйшинРейз» Ўзбекистон-АҚШ қўшма корхонаси (Тошкент ш.), Шахрисабз заргарлик корхонаси (Шахрисабз ш.), Бурчмулла заргарлик зди (Бурчмулла қишлоғи). 1992 й.да ишга тушган Зарафшон шаҳридаги Навоий заргарлик зди (аввалги «Зариспарк» Ўзбекистон-АҚШ қўшма корхонаси) республикадаги етакчи заргарлик корхонаси хисобланади.

Бу корхоналар 585 ва 750 асиллик даражали (пробали) тилла қотишмаси, 925 асиллик даражали кумуш қотишмасидан турли хилдаги заргарлик буюмлари (сирға, узук, заргарлик занжирлари, совғабоп маҳсулотлар, кумушдан ясалган ошхона анжомлари, юқори бадий сифатга эга бўлган заргарлик буюмлари, якка буюртмалар, янги заргарлик буюмларининг моделлари)ни ишлаб чиқаради. Шахрисабз ва Бурчмулла заргарлик корхоналарида заргарлик бу-

юмларини и.ч. б-н бирга қимматбаҳо ва қимматбаҳо бўлмаган тошларга қиррали ишлов берилади. «Фонон» ИИБ илмийтехника лаб.ларида заргарлик соҳасида ишлатиладиган турли рангдаги сунъий кристаллар ўстирилади. З.с. корхоналари б-н бир қаторда Республикада буюртмачининг ашёсидан заргарлик буюмлари тайёрлаш ва уларни таъмиrlаш б-н шуғулланувчи заргарлик устахоналари ва якка тартибда ишловчи заргарлар ҳам фаолият кўрсатмоқда (к. Заргарлик). Республикада ишлаб чиқариладиган ва четдан келтириладиган З.с. маҳсулотлари сифати ва асиллик даражасини Ўзбекистон Республикаси Президентининг 1994 й. 8 фев.даги фармони б-н ташкил қилинган Давлат асиллик даражасини белгилаш палатаси назорат килади. 2001 й. 7 дек.да «Қимматбаҳо металлардан ясалган буюмларнинг асиллик даражаси ва тамғаланиши тўғрисида» Ўзбекистон Республикасининг қонуни қабул қилинди. 1999 й.нинг 4 июнида Ўзбекистон Республикасининг Давлат асиллик даражасини белгилаш палатаси Асиллик даражаси палаталарининг Европа уюшмасига тўла хуқуқли аъзо бўлди. Давлат асиллик даражасини белгилаш палатаси қимматбаҳо металлардан ясалган буюмларнинг соғлигини текшириш ва тамғалаш Халқаро конвенциясига кириш масалалари б-н 1996 й.дан шуғулланиб келади ва кузатувчи мамлакат мақомида унинг барча кенгашларида қатнашади.

Ўзбекистон З.с.да хом ашё сифатида ишлатиладиган рангли металлар, қимматбаҳо ва ярим қимматбаҳо тошлар республиканинг ўзидағи саноат корхоналарида ишлаб чиқарилади ва конлардан қазиб олинади.

Хорижда З.с. ривожланган мамлакатлар қаторига АҚШ, Италия, Буюк Британия, Германия, Франция, Россия, Украина, Хиндистон, Хитой ва б. мамлакатлар киради.

Дилшод Миртолипов.

ЗАРГАРТЕПА — археологик ёдгорлик, каср харобаси (7—10 а.лар).

Самарқанд ш.нинг шарқий қисмидаги, Саттепа мавзесида. 1936 й. Ўзбекистон давлат тарих музейи экспедицияси топиб ўрганган, 1986—87 й.ларда эса Археология интининг Самарқанд отряди у ерда қазиш ишлари олиб борган. З. эни 10 м, бал. 9 м келадиган тепаликдан иборат бўлиб, у казиб очилганда пахса супа, шатранж хоналари тартибида беш катор килиб ўрнатилган эхромсимон устунлар бўлаклари, пахса ва хом гиштдан курилган девор қолдиқлари, сопол идиш синиклари, тангалар (7—8 ва 10а.лар) топилган.

ЗАРГАРТОФ (Ҳаётбоши тоғи)

— Шим. Нурута тизмасидаги тоғ. Самарқанд ва Жиззах вилоятлари чегарасида жойлашган. Уз. 15 км. Марказий қисмининг бал. 2000 м дан зиёд. Энг баланд жойи — 2169 м. З.— Нурута тизмасининг энг баланд қисми. Яланғоч қоялардан иборат тоғ массиви карбоннинг гранит ва гранодиоритларидан тузилган. Эрозия шакллари кенг ривожланган, сойлар чукур (400—700 м) даралар қосил қиласган. З.да гумусга бой жигарранг тупроқлар тарқалган, уларда бошокли ўтлар, тоғ ксерофитлари ва барг тўкувчи буталар ўсади.

ЗАРДЕВОР — кашта тикиб безатиладиган бадиий буюм; уй безаги. Эни 40—70 см, узунлиги уй деворини қамраб оладиган қилинади. Уй деворининг юкори қисмига шифтга тақаб гир айлантириб қоқилади. Бахмал, сидирға шойи, сатинга ўйрма, босма, илма чокларда рангбаранг ипаклар, зар ип Зардевор б-н қўлда кашта тикиб, гажим тутиб безатилади. Безак мужассамотини ўсимликсизмон нақшлар ташкил қиласди: гул, шохчалардан тузилган бир маромда тақрорланувчи меҳроблар қатори ҳошия нақш б-н ўралган. Қизларнинг сепига кирган З.ни қадимдан хонадонларда хотинқизлар тайёрлаган, ҳозир бадиий буюмлар фкаларида (мас, Тошкент, Андижон ва б.да попоп машиналарида ҳам кашта тикиб) ишлаб чиқарилади. 19а. ўрталари 20а. бошларида Самарқанд, Тошкент, Сурхондарё ва б.

жойларда тайёрланган З.лардан намуналар Республика музейларида сакланади.

ЗАРДОБ, зардоблар — юқумли касалликларнинг ёки микроблар ва ҳайвонлар заҳаридан заҳарланишнинг олдини олиш ва даволаш мақсадида организмга юбориладиган модда. З.ни илон, қорақурт, чён, шунингдек, бошқа заҳарли ҳайвонлар заҳарига қарши қўллаш муҳим аҳамиятга эга. Бундай ҳолларда З. бирданбир шифобахш восита ҳисобланади. Вируслар ва бактериялар келтириб чиқарадиган инфекцион касалликлар диагностикасида З. кенг қўлланилади (яна к. Иммун зардоблар, Қон зардоби).

ЗАРДОБ КАСАЛЛИГИ — даволаш ёки маҳсус — серопрофилактика мақсадида одам организмига бегона оқсили (ҳайвонларнинг иммун зардобрали) юборилганда рўй берадиган аллергик реакция. Илгари тегишли зардоб (мас, қоқшол ёки дифтерияга қарши зардоб) қабул қилмаган кишиларда ушбу зардобралардан бири юборилгандан кейин, одатда, 8—12 кун ўтгач, баъзан эса бир неча дақиқадан сўнг З.нинг белгилари пайдо бўлади. Аввал укол қилинган жой ва унинг атрофига, кейин бутун бандага эшакемга ўхашаш тошади, кичишиади, бемор иситмалайди, укол ўрни атрофидаги, сўнгра бошқа лимфа тутунлари катталашади, бўғимлар, бош ва юрак соҳасида оғриқ пайдо бўлади, баъзан бош мия шикастланишига хос ўзгаришлар (коллапс, хушсизлик, тиришиш ва б.), буйрак ва б. аъзолар функцияларининг бузилиш ҳолатлари кузатилилади. Касаллик бир лаҳзада ўтиб кетиши ёки ботбот кўзиб туриши мумкин. Беморда пайдо бўлган ўзгаришларга қараб кальций препаратлари, оғир ҳолларда эса кортикостероидлар ва б. буюрилади (яна к. Серотерапия). Бемор ўз вақтида шифкорга кўриниб, керакли доридармонларни қабул қилса, тузалиб кетади.

ЗАРДУШТ, Заратуштра (Авесто тили бўйича), Зороастр (юн.) (мил. ав. тахм. 618, Хоразм — мил. ав. 554, Балх) — зардустийлик асосчиси; Мовароуннахр,

Хурсон ва Эрон халкларининг биринчи воизи, шоир, дин пешвоси; пайгамбар. З. Спитама уруғининг раиси Пурушасп хонадонида туғилган. Онасининг номи Дугдова. З. 15 ёшгача замонасанининг до-нишманди Барзин Курас кўлида диний қонунлар, табиатшунослик, воизлик, қаломи бадиъ фанлари бўйича таълим олади, ҳарбий хунарларни эгаллади. 16 ёшида Турон — Эрон жангиди иштирок этади. Ўз қавм ва қабилалари пешқадам вакилларининг кўпхудолик удумларига қарши ҳаракатига кўшилди ва 19 ёшида якка тангрини кашф этиш умидида Саблон тоғига чиқиб кетади. 20 й. горда яшайди. Ривоятларга кўра, З. наврӯз кунларининг бирида коҳинлар бошчилигига муқаддас ичимлик — «Хум» тайёрлашга киришган. Эрта тонгда у дарёдан сув олиш учун кирғокка тушган. Сув олиб бўлгач, кўзига кирғокда турган порлоқ хилқат — «Воҳумана» кўринади ва унинг сехрли нурига эргашади. Ниҳоят, у эзгу ва улуғ худо Ахурамазда хузурига боради. Ахурамазда ўзининг бутун борлиқни яратган худо экани ҳақидаги хабарни билдириш учун одамлар орасидан З.ни танлаганини айтади (бу вақтда у 40 ёшга тўлган эди). Шу кундан бошлаб З. зардуштийлик динининг пайғамбарига айланади. «Гатлар» деб аталган, кўшиқ қилиб айтишга мўлжалланган шеърлар яратади. Сўнгра шахару қишлоқ кезиб, якка тангриғоясини тарғиб этади, тараффорлар ортиради. Бундан хавфсираган Турон шохи Аржасп З.ни дорга осиш ҳакида фармон чиқаради. З. 300 маслакдоши б-н Балхга, сўнг Сейистонга кочиб кетади. Шим. Эронда зардуштийлик динига асос солади. З. Эрон шохи Гуштасп қабулида бўлиб, уни ва донишманд вазири Жомаспни якка тангри Ахурамазда ҳақидаги таълимотига ишонтиради. Шундан сўнг, Гуштасп фармонига кўра, Эрон худудида зардуштийлик дини жорий этилади. Буни эшитган Аржасп Гуштаспга З.ни ҳибсга олиб хузурига жўнатиш ҳақида талаб-нома юборади. Гуштасп бу талаб-ни рад этади. Аржасп

300 минг лашкар б-н Эронга хужум қилиб, Балх, Сейистон, Бехруз ш.ларини вайрон қиласди. Гуштаспнинг 4 ўғлини жангда ўлдиради, кексайиб қолган отаси Лухраспни қатл этиб, Гуштаспнинг ўғли Исфандиёрни зиндонбанд қилиб, кўп ўлжа б-н қайтади. Аржаспнинг иккинчи хужуми пайтида зиндондан қочган Исфандиёр мудофаа жангларини яхши уюштириб, ғанимларни тормор этади. Натижада туронликлар ҳам зардуштийлик динини қабул қиласдилар. Гуштасп фармонига кўра, шаҳар ва қишлоқларда янги ибодатхона — оташкадалар қурила бошланади. З. Балхда қурилган шундай оташкаданинг очилишида иштирок этади ва ибодат пайтида кўпхудолик тараффори Братарваҳш томонидан чавоқдаб ўлдирилади. З.нинг Иставатр, Уруватр, Пуручитра исмли ўғиллари, Фрини, Трини, Пуручисто исмли қизлари бўлган. З. ўз таълимотини — Авестоаа. баён этади. Тилшунослик маълумотлари ва китоб мазмуни Авестонинг факат айrim қисми тахм. бир вақтда ёзилганлигини кўрсатади.

Ад.: Мокавельский А. О., Авеста, Баку, 1960; Мэри Бойс, Зороастрийцы, М., 1988; Хомидов X., «Шоҳнома»нинг шуҳрати, Т., 1991.

Ҳамиджон Ҳомидий.

ЗАРДУШТИЙЛИК, зороастризм — мил. ав. 7—ба.ларда вужудга келган дин. Асосчиси — Зардушт. Сўнгги тадқиқот хуласаларига қараганда, Ўрта Осиё, хусусан, Хоразм З. ватани бўлган. Ўрта Осиё, Эрон, Афғонистон, Озарбайжон ҳамда Яқин ва Ўрта Шарқнинг бир неча мамлакатларида тарқалган. Кад. пахлавий тилида «Зардушт» сўзи «Магутга» деб аталган. Пахлавий тилидаги ёдгорликларни араб тилига таржима килган олимлар уни «мажус» шаклида кўллаган. Натижада ўрта асрлардан бери «Зардушт» «мажус», «зардуштийлик» эса «мажусийлик» сифатида кўлланиб келинган. З.да «оташ» ва «куёш» тангри Ахурамазданнинг ўғли деб хисобланган. «Нур», «оташ» З.нинг рамзи, тимсолидир. З.да Ахурамазда

олий худо хисобланганилиги учун З. — маздаизм ёки маздаийлик деб ҳам аталган. З. таълимоти унинг муқаддас китоби — Авестоа баён этилган. З. таълимоти дунедаги ҳамма тартиблар яхшилик ва ёмонлик, ёргулук ва коронгулик, ҳаёт ва ўлим ўртасидаги курашга боғлиқ, деб тушунтиради. Оламдаги ҳамма яхшиликларни Ахурамазда, ёмонликларни Анхрамайну ифодалайди. Анхрамайну Ахурамаздага қарши курашади, лекин уни енгишга ожизлик қиласди. Бу кураш абадий давом этади. Яхшилик б-н ёмонлик ўртасидаги кураш олам даги жараенлар мазмунини ташкил этади. Одам бу курашда танлаш эркинлигига эга бўлган, ўз фаоллиги б-н дунёда адолат тантанасига таъсир эта оладиган шахсdir. Авестода кўчманчилик ва дехқончилик ҳаёт тарзи ўртасидаги қарамакаршилик баён этилади, кўчманчиликка ҳамма ёвузликларни келтириб чиқарадиган ҳаёт тарзи деб қаралади ва у қораланади, дехқончилик эса яхшилик белгиси сифатида рағбатлантирилади. З. динида олов гунохлардан тозаловчи сеҳрли куч деб қаралади. З.нинг ахлоқий таълимоти «эзгу фикр», «эзгу сўз» ва «эзгу амал» дан иборат мукаддас учлик (ахлоқий триада)да ўз ифодасини топган. З. талабига кўра, ҳар бир инсон тангрининг яккаю ягоналигини эътироф этиши, хоҳ эркак, хоҳ аёл бўлсин илм ўрганиши, турили қасбларни эгаллаши, чорвачилик, дехқончилик, боғдорчилик б-н шугууланиши, канал қазиши, ер очиши лозим. Энг асосийси — З.да эътиқод эркинлиги мавжуд бўлган. З. инсонларни тенглитика, ҳамжиҳатликка, бирбирига яхшилик қилишга, ер юзида тинчтотув ҳаётни таъминлаш учун курашга чорлаган, унда маърифат зулматга, адолат зулмга қарамакарши кўйилган. З.да ҳар бир инсон бутун кучини ўзини камолатга етказиш йўлига сарф этмоғи лозим. З. мурдани тупроққа кўмиш ёки куйдиришни тақиқлайди. Бу дин жоннинг ўлмаслигини, унинг абадийлигини танолади, жаннат ва дўзахни ҳам эътироф

этади. Оташкада зардуштийларнинг ибодатхонаси хисобланади. З. руҳонийлари алоҳида табақа сифатида ажратилиб, уларга маҳсус имтиёзлар берилган. З. аршакийлар ва сосонийлар подшохлиги даврида ҳукмрон динга айланган. З. 13 а. давомида ажам мамлакатларида асосий дин бўлиб келган. Араблар 7а. ўрталари — 8-а. бошларида Эрон ва Ўрта Осиёни босиб олгандан кейин ислом дини ҳукмрон динга айлангач, зардуштийлар кувгин қилиндилар. Зардуштийлар Хиндистон ва Эронда ҳозир ҳам мавжуд. Эроннинг Язд ва Гилон вилоятларида уларнинг сони 100 мингдан, Хиндистоннинг Махараштра, Гужарот штатларида 115 мингдан зиёдни ташкил қиласди.

Ад.: Маковельский А. О., Авеста, Баку, 1960; Мэри Бойс, Зороастрийцы, М., 1988; Авесто (Аскар Махкам таржимаси). Т., 2001; Авесто (Мирсадик Исҳоқов таржимаси), Т., 2001; Хомидов X., Авесто файзлари, Т., 2001; Бобоев X., Ҳасанов С. Авесто — маънавиятимиз сарчашмаси, Т., 2001.

Ҳамиджон Ҳомидий.

ЗАРДЎЗИ — зар (тилла ёки кумуш суви юритилган) ип, ипак ва б. б-н кашта тикиб безак яратиш усули ва шу усулда безатиб тайёрланган кийим, бадиий буюмларнинг номи (мас, З. дўппи, З. телпак, З. нимча ва б.). Яна қ. Зардўзлик.

ЗАРДЎЗЛИК — безак санъати тури; амалий санъатнинг зар (тилла ва кумуш суви юритилган) ип, нозик сим, ипак б-н кашта тикиб безак яратадиган соҳаси. Тўртбурчак чамбаракка (корчӯпга) ўрнатилган баҳмал, шойи, мовут, чарм ва б. матоларга зардўзи усулида кашта (гул, нақш, тасвир) тикилади. Каштада баъзан металл, тош, шиша мунчоклар ҳам ишлатилади, турили матолар (баҳмал, шойи ва б.)дан куроқ қилинади. Олдиндан тайёрланган (рассомлар томонидан яратилган мужассамот нусхаси кучирилган) ахта қофозлардан кенг фойдаланилади. Матога мустаҳкамланган (тиклилган ёки ёпиширилган) ахта қофоз зар ип б-н бир томон-

лама коплаб тикилади (мустахкамловчи чок учун зар ипга мое рангдаги ипдан фойдаланилади), натижада нақшгул юзаси зар иплар б-н қопланади, матонинг тескарисида нақшгул шаклиги на ҳосил бўлади. Зардўзлар безак яратишда бир неча усуслини кўллайдилар: зардўзи заминдўзи ва зардўзи гулдўзи, шунингдек, биришимдўзи (ипак ишлатилганда), пулакдўзи (тумасимон металл япроқчалар кўлланганда) ва б. Мустахкамловчи ва таҳрир чокларнинг бир неча хилини мохирона кўлланилиши ҳамда уларнинг нақш мужассамоти б-н уйғунлашуви зардўзи буюмларга жозиба ва нафосат бахш этади; уларнинг бадиий киммати нақш мужассамоти, хом ашёси, тикилиши ҳамда зардўз устанинг дид ва маҳоратига боғлик. Нақш мужассамотида кенг тарқалган анъана З. бадиий ҳунармандлик тури сифатида Яқин ва Ўрта Шарқда кенг тарқалган. Асосан, бинолар ичини безайдиган буюмлар, аёлларнинг байрам либослари З. б-н тайёрланган. Археологик топилмалар, тарихий қўлэзмалар Ўрта Осиё ҳалқлари орасида зардўзи кийим ва бадиий буюмлар тикиш қадимдан ривожланганлигини кўрсатади. Испан элчиси Клавихо уз эсадаликларида З. усулида тикилган кўрпатушаклар, ипак матога зар тақилган кимматбахо дарпардалар ва ҷодирлар ҳақида, эркак ва аёлларнинг зар ипда тикилган кийимлари ҳақида завқ б-н ёзади. Абдураззок Самарқандий ўзининг «Ҳиндистон сафарномаси» рисоласида Шоҳруҳ (1442) Ҳиндистоннинг Калькутта вилояти ҳукмдори хузурига юборган элчилари орқали унга зардўзи дўппи совға килгани қайд этилган. Восифий ўзининг рисолаларида З. касби тўғрисида сўз юритган. Дарқақиат, 15—18а.ларда Бухоро, Самарқанд, Ҳиротда З. юксак погонага кўтарилиган. Унинг 19а.даги тараққиёти Бухоро б-н боғлик. Бухорода сақланиб келаётган З. касби узоқ давр мобайнида сайқал топиб, такомиллаша борган. З. б-н, асосан, эркаклар шуғулланган (хозир аёллар орасида ҳам кенг тарқалган),

улар устахоналарга уюшиб ишлашган. 19а. ўрталари 20а. бошларидаги яратилган зардўзи буюмлар (тўн, камзул, чакмон, чалвор, пойабзал, белбог, салла, кулоҳ ва жул каби)нинг деярли барчаси амир ва унинг оиласи, сарой аъёнлари учун тайёрланган, қисман бадавлат хонадонлар буюртмалари ҳам бажарилган. 19а. 30—60й.ларидаги З.да акс эттирилган мужассамотлар қанчалик оддий бўлса, кашта — гуллар ҳам шунчалик равон ва жозибадор бўлган. 19а. 70—80й.ларидаги зар ип ёки зар аралаштириб эшилган ипак ип (пушки, тўқ қизил, мовий, яшил)дан фойдаланилган. З.нинг зардўзи биришимдўзи номли ўзига хос тури шу даврга хосдир. 1893 й.дан зар ипларнинг янги навлари кўп миқдорда ишлаб чиқарилиб, улар рангли ипак ипларни сиқиб чиқарди ва умумий тикиш услубини ҳам тубдан ўзгартириб юборди.

1890—1900й.лардаги З. заргарона ўта нозиклиги б-н ажралиб туради. Турли кўринишдаги бўртма гирихлар, юлдузчалар ва шунга ўхшаган бошқа безаклар буюмга ўзгача зеб бериб турган, айниқса, давкур мужассамоти алоҳида ўрин тутган. 20а. 20й.ларидаги барча амалий буюмларнинг турлари ўзгарди, аввалги ҳашамдор буюмлар ўрнини нафис ишланган, давр талабига мос буюмлар эгаллади, нақш мужассамоти соддалаштирилди, анъанавий нақшлар давр руҳини ифода этувчи шакллар б-н бойитилди. Зардўзлар аёлларнинг байрам либослари (кўйлақ, нимча, дўппи, камар, кавуш, сумкача), анъанавий буюмлар, эркаклар учун совға тўйлар, дўппилар тайёрлай бошлидилар. 40—50й.лар бошида маҳобатли зардўзи намоёнлар яратиш сезиларли даражада ривожланди. Дастлабки йирик иш Навоий театри учун тикилган зардўзи парда бўлди (1947, А. Шчусев чизгиси, ҳажми 7x27 м). Рассомларнинг амалий санъат усталари б-н ҳамкорлиги ҳамда ижодий изланишлар натижасида янги мужассамотли майда буюмлар, бадиий жиҳатдан қимматли намоёнлар яратилди ва яратилмоқда: «Китоба» (1952, Н. Ами-

нов чизгиси), «Пахта» (1955, М. Прутская чизгиси), «Байрам» (1959, В. Столяров ва М. Ахмедова чизгиси), «Гирих» (1962, В. Столяров чизгиси), Алишер Навоийнинг 525 йиллигига (1968) ва б.га багишланган намоёнлар З.нинг катта ютуғи бўлди. 90й.ларга келиб З. қайта тикланди. Бухоро, Андижон, Наманган, Фаргона, Тошкент, Самарқанд, Ургут, Қарши, Жizzах ш.лари, Сурхондарё вилояти замонавий З. санъатининг марказлари хисобланиб, зардўз усталар (Н. Аминов, Б. Жумаев, С. Акбарова, Т. Содикрва, Г. Бозорова, Г. Пиримкулова, М. Ҳабибова, Г. Нуртова, М. Муҳиддинова, Д. Тошева ва б.) чопон, дўппи, нимча каби либослар каторида мавзули намоёнлар, театр пардалари ҳамда совға буюмлар, игнадонлар, кўзойнак ғилофи, упаэлик сумкачалари ни З. усуулларида безатишни ривожлантирилар.

Б. Жумаев рафиқаси М. Жумаева б-н биргаликда Бухоро зардўзлик санъати мактабини тиклаш ва ривожлантириш мақсадида марказ ташкил қилди (1995). Б. Жумаевнинг «Баҳоуддин Нақшбандий» (1997), «Бухоройи Шариф» (1997), «Қўштовус» (1998), «Гултубак» (1998), «Алишер Навоий» (1998) мавзуларидаги деворий намоенларининг юқори даражадаги техник ижроси ҳамда муаллифнинг ўзига хос услуги ва бадиий анъаналарнинг уйғунлашганлиги б-н ажралиб туради. Усталар ва рассомлар яратा�ётган йирик мавзули зардўзи буюмлар Республика ва чет мамлакатлар кўргазмаларида намойиш этилмоқда, музейларида сакланмоқда (яна к. Бухоро «Зардўз» акциядорлик жамияти).

Ад.: Сидоренко А. И., Артыков А. Р., Раджабов Р. Р., Золотое шитьё Бухары, Т., 1984.

Сайёра Маҳкамова.

ЗАРЕТДИНОВ Курбанбай (1953.25.2, Кегейли тумани) — қорақалпоқ дирижёри ва композитори. Ўзбекистон Республикаси санъат арбоби (2000). Тошкент консерваториясининг хор дирижёрлиги фитни тутатган (1975). Нукус санъ-

ат билим юртида ўқитувчи ва директор муовини (1975—81), Қорақалпоқ давлат филармониясининг симфоник оркестрида дирижёр, бош дирижёр ва бадиий раҳбар (1981—89), Бердақномидаги Қорақалпоқ давлат мусиқали театрида бош хормейстер (1989 й.дан), Қорақалпоқ ун-тининг «Мусиқий таълим ва тарбия» кафедраси мудири (1999 й.дан). Мусиқали образни хар томонлама очиб бериша симфоник оркестр имкониятларидан унумли фойдалана олиш, шунингдек оркестр чолгуларининг рангбаранг товуш оҳангларини қаҳрамоннинг ҳаракат ҳолатига мое келтира олиш дирижёрлик услубига хос. Композитор сифатида «Тугилган жой», «Азamat ва мен», «Умрим», «Тоғасининг қизи» каби қўшиқ ва хор асарларини яратган. Бердақномидаги Қорақалпоғистон Республикаси Давлат мукофоти лауреати (1997).

«ЗАРИАДР ВА ОДАТИДА» - Шарқ халқлари орасида кенг тарқалган эпик асар. «З. ва О.»да тасвирланишича, Мидия шохи Гуштасп (Виштасп)нинг укаси Зариадр, скифлар шохи Омаргнинг қизи Одатида бирбирини тушида кўриб, севиб қоладилар. Зариадр совчи юборади, аммо Омарг ёлғиз қизини бегона юртга узатишни истамай, унинг таклифини рад этади. Бир куни Омарг зиёфат уюштиради, қизига шу ерга ташриф буюрганлардан муносибини күёвликка танлашни ва бунинг рамзи сифатида күёвга май тўла тилла қадаҳ тутишни таклиф этади. Қиз йигилганлар орасидан Зариадрни кидиради, чунки унга хабар бериб ултурган эди. Зиёфатга скиф кийимида Зариадр етиб келиб, ўзини қизга танитади. Одатида кўлидаги қадаҳни унга тутади. Зариадр қизни отаси Омарг ҳам билмайдиган жойга олиб кетади.

Асарда севги ва эрк масаласи бош мавзу бўлиб, оила куришда йигит ва қиз муҳаббати инобатга олиниши лозимлиги таъкидланган. Одатиданинг ўз севгисига садоқати, қатъий иродаси ва Зариадрнинг вафодорлиги, мардлиги ўртадаги туисикларни енгишга, мақсадларига эри-

шувига олиб келган. Қисса рассомлар диккатини ҳам жалб этган. Қадимда ибодатхона, сарой ва айрим хонадонларнинг деворий расмлари шу мавзуда бўлган. Қиссанинг мазмуни антик давр муаллифи Атеней (мил. 2—3а.)нинг «Софистлар тушлиги» китобида келтирилган Харес Митиленский (мил. ав. 4а.)нинг ҳикояси орқали бизгача етиб келган. «З. ва О.» сюжети ва мазмуни туркийларнинг кейинги асрларда яратилган «Ўғузнома», «Алпомиши» ва б. ҳалқ оғзаки поэтик ижоди намуналарида, шунингдек, Фирдавсийнинг «Шоҳнома» асарларида ҳам ўз ифодасини топган.

Ад.: Маллаев Н., Ўзбек адабиёти тарихи, 1китоб, 2нашр. Т., 1965.

ЗАРИН — метилфторфосфонат кислотанинг пропил эфири, кучли таъсир этааиган заҳарловчи модда. Деярли хидсиз, рангсиз суюклиқ. Суюкланиш траси — 54°, қайнаш траси — 151,5° (ажралиш б-н); зичлиги 1,094 г/см³, 20°да учувчанлиги 11,3 мг/л; сув ва органик эритувчилар б-н ҳар қандай нисбатда аралашади. Нафас аъзолари, тери, меъдаичак орқали (овқат ёки сув б-н) организми заҳарлайди. Марказий нерв системасига таъсир килиб, уни фалажлайди. Сув таъсирида жуда секин, минерал кислоталар ва айниқса ишқорлар, аммиак ва аминларнинг сувдаги эритмаларида тез гидролизланиб заҳарли бўлмаган моддалар хосил қиласди. З.дан сакланниш учун противогаз ва танани ҳимоя киладиган воситалар, шунингдек, антидотлар, мас, атропиндан фойдаланилади (яна к. Заҳарловчи моддалар).

ЗАРИНА (мил. ав. 7а.) — саклар маликаси ва подшоси. Мидия давлати б-н Парфияга эгалик қилиш учун узок, муддатли урушлар олиб борган. Ниҳоят уртада сулқ шартномаси имзоланиб, Ктесийнинг ёзишига кўра, ҳар икки томон абадий дўст ва ҳарбий иттифоқдош бўлишга келишган. З. ўзининг жанговарлиги, жасурлиги, уддабуронлиги, ақлзаковати, гўзал ҳусни таровати б-н бошқа сак аёлларидан анча устун турган. Са-

кларда уруш хавфи туғилган пайтда аёллар ҳам эркаклар б-н бир қаторда туриб жанг қилишган. З. саклар юртини қўшни кўчманчи қабилалар асоратидан ҳалос этиб мамлакатни обод қилиш йўлида хайрли ишлар килган, кўплаб шаҳарлар бунёд этган, ҳалқ фаровон яшаган. Шунинггучун З. вафот этгач, ватандошлири унинг порлок хотирасини эъзозлаш мақсадида тарихда мисли йўқ мақбара қуришган. Уч бурчакли пирамида шаклидаги маҳобатли макбаранинг ҳар бир томонининг уз. З стадий (1 стадий 176,6 м га тенг)га тенг бўлиб, унинг ўткир учлари кукка бўй чўзган. Мақбаратининг тепасида эса З.нинг олтиндан ясалган улкан ҳайкалини ўрнатишиб, З.нинг жасоратларини мадҳ этишган, унинг аждодларига нисбатан қилинган маросимлардан ҳам тантанавор равишда хотирасини ёдга олишган. З. ҳақида кўплаб эпик асарлар, қисса, достон қадимдан сақланиб қолган. (мае. «Зарина ва Стриангеп»). «Ўзбекистон миллий энциклопедияси» Давлат илмий нашриёти К. Моисееванинг «Заринанинг шамшири» тарихий қиссасини (С. Ҳасан таржимаси) нашр килган (2001).

Ад.: Пьянков И. В., Средняя Азия в известиях античного историка Ктесия. Душанбе, 1975.

Фахриддин Ҳасанов.

«ЗАРИНА ВА СТРИАНГЕЙ» - тарихий қисса. Муаллифи — юон тарихчиси Ктесий (мил. ав. 400 й.). Қиссада (унинг турли вариантлари бор) саклар б-н Мидия давлати ўртасидаги урушлар ҳақида ҳикоя қилинади. Саклар маликаси Зарина биринчи эри подшо Кидрей вафот этгач, Мидияга тобе Парфия вилояти династи (ҳокими) Мармарга турмушга чиқади. Бундан норози бўлган Мидия сакларга қарши уруш очади. Жанглардан бирида Зарина ярадор бўлиб, жанг майдонидан ўзини четга олади, уни мидиялик Стриангей таъқиб этиб отдан қулатади. Бироқ асираси ёш, гўзал сак кизи эканлигини кўргач, Стриангей унга ошиқ бўлиб, Заринага зиён заҳмат етказ-

май кўйиб юборади. Орадан бир оз вакт утгач, Заринанинг эри Мармар Стриангейни асир олиб, уни қатл қилмоқчи бўлади. Зарина эридан Стриангейни озод қилишни сўрайди, бироқ рад жавоби олгач, Стриангейни ва асиrlардан бир қанчасини ўзи халос этиб, улар б-н биргаликда Мармарни улдиради. Шундан сўнг мидияликларга Парфия вилоятини қайтариб, улар б-н дўстлик сулҳи тузади. «З. ва С.» қаҳрамонлик ва севги ҳакидаги кисса бўлиб, унинг бош қаҳрамони Зарина тарихий шаҳе — сак ҳукмдорларидан бири бўлган. Қиссада у заковатли ва тадбиркор, қабиладошларига ғамхўр ҳукмдор, шунингдек, орномусли, одобли ва иффатли аёл сифатида гавдаланади. Ктесий маълумотига кўра, Зарина вафотидан кейин саклар унга эҳром шаклида мақбара қуриб, олтин ҳайкал урнатишган. Кисса шарқ ҳалқлари орасида кенг тарқалган.

Ад.: Пьянков И. В., Средняя Азия в известиях античного историка Ктесия, Душанбе, 1975.

ЗАРИПОВ Зойит (1912, Тахтакупири тумани — 1981.17.5, Нукус) — крақалпок актёри. Ўзбекистон ҳалқ, артисти (1969). Фаолиятини «Тонг нури» театри трупасида бошлаган (1927). 1930 й.дан Коракалпок театрида. Коракалпок профессионал театр санъати шаклланишида катта роль уйнаган. Салбий, ҳажвий ва гротеск роллар устаси. Ижоди ифода воситаларининг аниқлиги, фикрнинг туғаллиги, нутқ ва ҳаракатларнинг мукаммал ишланганлиги б-н характерли. Энг яхши роллари: Тилмоч («Куклан ботир»), Серман («Ойгул ва Обод»), Кутим сўпи («Бердак»), Ҳакимзода вазир («Ошиқ Ғарип»), Турман («Равшан») ва б.

ЗАРИФ МИСКАР (1800, Бухоро ?) — атоқли кўғирчоқбоз. Ёшлигига ракқослик қилган, кейинроқ сурнайчи (мехтар) сифатида кўғирчоқбозлар б-н томоша кўрсатган, баъзан масҳарабозлик ҳам қилган. Тахм. 19а.нинг ўрталарида Ўрдага ишга таклиф этилиб, Бухоро амири саройидаги кўғирчоқбозлар ҳамда

ракқослар тўпларига раҳбарлик қилган. Ип б-н ўйнатиладиган «Чодир хаёл» қуғирчоқ театри устаси сифатида танилган. Айниқса «Саркардалар» томошаси катта муваффақият қозонган. Машхур қўғирчоқбоз Дониёр қўғирчоқбоз ҳам З.м.нинг шогирди.

ЗАРИФОВ Ҳоди Тиллаевич (Ҳоди Зариф) (1905.20.3 — Тошкент — 1972.13.1) — ўзбек фольклоршунослиги асосчиси. Ўзбек ҳалқ оғзаки ижоди асарларининг тўпловчиси. Ўзбекистонда хизмат кўрсатган фан арбоби (1967), филол. фанлари дри (1965), проф. (1967). Эски ва янги усуздаги мактабларда бошланғич таълим олган. Боку ўқитувчилар семинариясида ўқиган (1923—26). Ўзбекистондаги маориф, ва маданият муассасаларида ишлаган (1926—30). Москвадаги собиқ Иттифок ҳалқлари марказий музейида илмий ходим (1930—31), Ўзбекистон Маданий қурилиш илмий тадқиқот инти этнография шўъбаси бошлиғи (1931—34), Ўзбекистон ФА Тил ва Адабиёт интида фольклор бўлими мудири (1934—39; 1956—65; 1960—72), директор (1944—48), директор ўринбосари (1955—62), энциклопедия бўлими бошлиғи (1965—68), Навоий кўргазмаси (Навоий номидаги адабиёт музейи)нинг биринчи директори (1939—56), Шарқ кўлёзмалари (Шарқшунослик) интининг директор ўринбосари (1943—44), Навоий ижодиди ўрганиш қўмитасининг илмий котиби (1957—72). З. ўзбек ҳалқ бахшиларидан «Юсуф б-н Аҳмад», «Ёдгор», «Равшан», «Рустамхон», «Очилдов» каби машҳур достонларни ёзиб олган, шунингдек, эртак, қўшиқ ва мақоллар, диалектология ва этн.га оид материаллар, тарихга оид хужжат ва ёдномалар тўплаган. Эргаш Жуманбулбул ўғли, Фозил Йўлдош ўғли, Нурмон Абдувой ўғли, Абдулла Нурали ўғли, Холёр Абдукарим ўғли, Аҳмад бахши Матназар ўғли, Бола бахши каби ҳалқ санъаткорлари, улар ижоди ҳакида илмий мақолалар ёзган. Ўзбек эпоси масалалари, бахшилик санъати, ҳалқ

шоирларининг эпик репертуарининг тоявийбадиий мундарижаси, ўзбек фольклоршунослигининг асосий тараққиет йўлла рини тадқик этиш га алоҳида эътибор берган. З. ўзбек фольклоршунослигида ўз мактаби ни яратди. Ўзбек адабиёти тарихи, диалектология, лексикология, этн. ва археология масалаларига оид илмий ишлар муаллифи («Лугат ҳам термин тўпловчиларга кўлланма», 1934; «Лутфий ва Навоий», 1948; «Фольклор ва археология мате риалларини киёсий ўрганишга дойр», 1958 ва б.). Беруний номидаги Ўзбекистон Давлат мукофоти лауреати (1973). Навоий номидаги Адабиёт музейи ўзбек фольклори бўлимига З.нинг ёдгорлик бюстси (муаллиф А. Шоймуродов, 1984) кўйилган. Тошкент кўчаларидан бирига унинг номи берилган.

Ас: Узбекский героический эпос, М., 1947 (В. М. Жирмунский б-н ҳамкорликда); Фозиллар фазилати, Т., 1969. Ад.: Мирзаев Т., Ҳоди Зариф, Т., 1967.

Тўра Мирзаев.

ЗАРИФОВЛАР СУЛОЛАСИ - ўзбек цирк санъати усталари авлоди. Янги ўзбек цирк санъатининг вужудга келишида етакчи ўрин тутган. Сулола бошлиғи Ўзбекистон халқ артисти Зарифов Карим (1890 — Тошкент — 1960.20.12) — қизиқчи, муаллакчи, от ўргатиш ва чавандозликнинг асосчиси. Фаолиятини 8 ёшидан бошлаган. 1902 й. Тошкентда ташкил этилган биринчи Узбек ярим профессионал циркнинг ёш аъзоси. Шунингдек, давлат цирк санъати ва хўжалиги («Кооператив», 1924; «Қизил шарқ», 1927), Тошкет давлат цирки (1930), цирк билим юрти (1932) ташкилотчиси. Ўзбек миллый циркини яратиш ташаббускори, мураббийси. З. ўз фаолияти давомида анъанавий халқ циркининг бесуяқ, муаллакчилик, хуккабозлик, қизиқчилик, чавандозлик жанрларини ривожлантириди, циркни замонавий — гумбаз ости майдонига мослади ва янги цирк санъатига асос солди. 20й.ларда

цирк қизиқчилиги ва клоунада, 30й.ларда «от ўйин» ва «чавандозлик» санъатини бирлаштириб янги томоша турини яратди. «Карим қизик нима дейди?» номли репертуар дастури асосида рафикаси Муборак Зарифова б-н янги цирк талабларига мое грим ва устбошларда ҳажв ва ҳазил мавзуларида қизиқчилик қилган, от ўйини ва эпчил чавандозликни томоша санъати даража сига кўтарди. Бу ишга ўз ўғилқизлари ва б. ёшларни жалб этди.

Зарифова Муборак (1906.6.5 — Тошкент — 1992.1.3) — ўзбек циркининг қизиқчилик — клоунада жанридаги биринчи актриса. Цирк саҳнасига илк бор 1925 й. (эркакча кийимда) чик, қан. Эри б-н биргаликда цирк қизиқчилиги жанрида ишлаб, цирк репертуарига янгилик олиб кирган. «Ким кандай?», «Эшон ойим ёки тиш доктори», «Ашула ва шарпа» сингари қизиқчилик антрелари б-н шуҳрат қозонган. 1929 й.дан эри ва фарзандлари (Ҳакимжон, Холида) б-н чавандозлик қилиб, от устида турили мураккаб машклар бажарган.

Зарифов Ҳаким (1924.17.9, Тошкент) — ўғли. Ўзбекистон халқ артисти (1964). Тошкент давлат консерваториясини тутгатган (1946). Циркда ишлаб туриб 1946—47 й.лар Тошсовет мусиқали драма театрида дирижёрлик қилган. З.Ҳ. оила ижодий анъанасини ривожлантирган ва профессионаллик даражасини юксалтирган, ўзбек циркининг жаҳоншумул довруғини мустаҳкамлаган ижодкорлардан. Отаси яратган цирк чавандозлиги мактабининг давомчиси ва раҳбари. Ўғилқизлари ва набираларини ҳам шу йўлда тарбиялади. Ўз фаолияти давомида ўзбек цирк чавандозлигини ўта қалтис ва мураккаб хаттиҳаракатлар, гўзал туте ва мусикий жилолар б-н бойитди. Бу жилоларда эпчиллик, ишонч, шижаот, завқушавқ уйғунлашиб кетган. Ўзбек цирки чавандозлиги мактабининг хозирги мураббийси сифатида фарзандлари, шогирдлари б-н мазкур цирк санъати мактаби истикболини таъминлаган.

Зарифова Холида (1927.27.2, Тош-

кент) — кизи. Биринчилар қатори иш бошлаган ўзбек цирки аёл санъаткорлаидан. Узбекистонда хизмат кўрсатган артист (1953). Уз ижодини 1937 й.дан бошлаган. 1938 й.дан от устида мураккаб машклар ижро эта бошлаган. 40 й. лардан эса «Чавандозлар» дастурининг курки сифатида танилган ва ўргатилган от устида мураккаб машкларга ўзбек миллий раксини уйғунлаштириб маҳсус томоша ижод этган, йиллар давомида раке мураккаблиги, гўзаллигини такомиллаштира борган. Кейинги йилларда «кузбойлагич» жанрини хам узлаштириб томоша кўрсатди. «Дўстлик» ордени (1998) б-н тадирланган.

Зарифова Гавҳар Ҳаким кизи (1949.12.1, Тошкент) — Ўзбекистонда хизмат кўрсатган артист (1980). Тошкент давлат санъат интини тутатган (1982). З.лар чавандозлик мактабининг мураккаб анъаналарини ўзлаштирган. Унинг отда чопиши, ҳаттиҳаракатлари эпкини ниҳоятда баланд бўлиб, югураётган отнинг корнидан ўтиб, яна эгар устига чиқади, сўнг от бўйнига осилиб айланади ва яна эгар устида тик туриб мураккаб машклар бажаради. Ҳаракатларидаги бесуякка хос майин эгилувчанлик ва тезкорлик факат унинг ижодига хос.

Зарифов Анвар Ҳаким ўғли (1956.9.6, Тошкент) — цирк чавандози. Елдек учibus бораётган от э гаридан бош б-н сирғалиб отнинг қорнидан ўтиб эгарга ўтиради, сўнгра чап ёғи узангига бўлиб, ўзини даст пастга ташлаб, боши, кифти ва икки кўли б-н ерда судралиб бориб, яна эгарга ўтиради. Кифти ва кўлларига тиралиб, оёкларини осмонга тик кўтаради. З.лар анъаналарини келажак авлодга етказишда сулоланинг ишончли вакили. Г. ва А. Зарифовларнинг онаси Нина Зарифова (1924.29.11, Иваново вилояти) — цирк артисти, чавандоз, Ўзбекистонда хизмат кўрсатган артист (1969). Холида Зарифованинг фарзандлари Регина Зарифова (1949.10.11, Тошкент), Ойдин Тошканбоеva (1953.30.10, Тошкент), Карима Фахриддинова (1960.12.1, Тошкент), Улуғбек

Зарифов (1968.12.1, Тошкент)лар хам чавандозлик, дорбозлик, ҳайвон ва паррандалар ўргатиш ва ўйнатиш, қизиқчилик жанрларида ижод қиласидар. Бу фарзандларнинг отаси Фахриддин Шарифбоев (1928.11.5 Тошкент 1997.4.3) хам циркда чавандоз бўлган. Ўзбекистонда хизмат кўрсатган артист (1969). Гавҳар Зарифованинг фарзандлари Карима Зарифова (1982.5.2, Москва), ўғли Эркин Зарифов (1983.9.11, Москва) З.лар сулоласининг тўрттинчи авлодига мансубдир. Карима циркда ўта мураккаб ҳисобланган бесуяк («Каучук») жанрининг тенги йўқ юлдузи сифатида 1994 й.да Монте Карлода ўтказилган цирк санъати ёш истебодларининг жаҳон кўриги совриндори, Парижда ўтказилган (1995) «Келажак циркининг юлдузлари» жаҳон фестивалининг ғолиби сифатида олтин медалга сазовор бўлди. Укаси Эркин ҳаво гимнастикаси жанри ижочиси.

Тошпўлат Турсунов.

ЗАРИЯ, Зария — Нигерия шим.даги шаҳар. Т. й. ва автомобиль йўллари тугуни. Ахолиси 350 минг кишидан зиёд (1990й.лар ўрталари). Пахта етиштириладиган рннинг мухим савдо маркази. Пахта тозалаш, тўқимачилик, ёғ, ун тортиш, тамаки корхоналари, т. й. устахоналари, велосипед зди бор. Ҳунармандчилик ривожланган, турили буюмлар тўқилади, тери ошланади. У-нт бор. Шаҳарга 1513 й.да Зария давлати пойтахти сифатида асос солинган.

ЗАРКОКИЛ, тангачўлпи — зийнат буюми, Шарқ аёлларининг соchlарига тақадиган безаги. Аёлларнинг икки чаккалари ёки соч ўримларига тақилган. Дастьлаб Кўқон хонлиги даврида олтиндан ясалиб. З. деб аталган. Кейинчалик танга ва сўлкавойлардан («тангачўлпи» номи шундан) икки қатор килиб ишланган. Танга ва сўлкавойлар ўзаро кумуш занжир ёки ҳалқачалар б-н уланган. Юқори қисмидаги илгаги б-н чакгадаги сочга, соч ўримларига такиб кўйилган.

ЗАРКОСА — Боботог тизмасидаги энг баланд чўққи. Сурхондарё вилояти-

нинг шим.шарқида, Узун тумани худудида жойлашган. Мутлақ бал. 2290 м. Шарқий ён бағри Кофарниҳон дарёси водийсига ҳамда шим. ва шим.шарқий ён бағри Сурхондарё водийси томон тик тушган. Жан. ва жан.шарқий ён бағри кия. Қишида кор б-н қопланади. З.дан шарққа кичик сойлар оқади, ғарбида булоклар бор. Чўкки атрофида арчазор, пистазор, бодомзорлар мавжуд.

ЗАРМИТОН (ЧОРМИТОН) ОЛТИН КОНИ — Нурота тоғининг жан.ғарбий чеккасида, Самарқанд ш.дан қарийб 100 км шим.ғарбда жойлашган кон. 1952 й. И. Ҳ. Ҳамробоев очган. 1978 й. ишга туширилган. 1950-й.лардан кейин конда олиб борилган геологик кидирав ва геофизик тадқиқотлар натижасида олтини бор бир қанча жойлар аниқланди. Кондаги асосий руда минерали — олтин ва күмуш; қўшимчалари: вольфрам, қўрғошин, рух, сурма ва б.з.о.к. геологик тузилишида эрта силур даври жазбулоқ свитасига тааллукли вулканогентерриген жинслар иштирок этган. Улар изоклиналь бурмалар ҳосил килган ва регионал метаморфизм жараёнинг учраган. Кондаги интрузив жинслар биотитамфиболли граносиенитлардан иборат. Саноат аҳамиятига молик рудалар ертомир шаклида, улар 70—80° остида шим. ва шим.шарққа энкайган. З. о. к.да олтин ҳосил бўлишида тектоник, магматик ва литологик омиллар муҳим роль ўйнаган.

ЗАРНУҚ, Зарнуж, УжукЗарнук, Зеринух (Саритоқ) — кад. шаҳарқалъя. Сирдарёнинг сўл соҳилида жойлашган. Абу Абдулло Хоразмийнинг «Мафотих алулум» асарида «зурну истилоҳи чигир» маъносини англатган. Шунга қараганда З. қалъаси чигир ёрдамида сув чиқариладиган баландликда жойлашган. Чингизхон 1220 й. фев.да Бухорони олгач, мўғуллар Чингизхоннинг кенжә ўғли Тули раҳбарлигига З.ни қамал қилганлар. Чингизхон қамалдагиларга ўзининг хос кишиси Донишманд ҳожибни жўнатиб таслим бўлишни таклиф этган. З. ахли кучлар teng эмаслиги боисидан таслим

бўлган. Мўғуллар З.га «Кутлуғ балиғ» деб ном қўйганлар.

ЗАРПЕЧАҚ, чирмовуқ (*Cuscuta L.*) — чирмовдошлар (*Cuscutaceae*) га мансуб текинхўр ўсимлик туркуми. Мўътадил минтақаларгача 170 тури учрайди. Баргиз ва илдизиз бир йиллик ўт, қатъий карантин объекти. Пояси чирмашиб ўсади, ипсимон, сершоҳ, танаси сарик, яшилсарғиши ёки тўқ сарик. Гуллари майда оқ ёки оч пушти. Меваси қаттиқ қобиқли бир қанча уруғли думалоқ кўсакча, уруғида ўралган муртаги бор. Муртакнинг туклар б-н қопланган калин учи тупрокка ўсади, иккинчи учи уруғ пўстидан ажралиб хўжайн ўсимлика чирмашади ва ўралиб, ўсимлик тўқималарига чукур кириб ширасини сўради ва куригади. З. уруғи ва поясидан кўпаяди. З.нинг бир ўсимлиги 10—50 мингчча уруғ беради. З.нинг Ўрта Осиёда учрайдиган турлари: дала З., асосан, беда, каноп, гўза, сабзавотполиз ва б.ни заарлайди; беда З., асосан, бедани, шунингдек, нўхат, қашқарбеда ва янтоқни заарлайди; хитой З. каноп, жут, гўза, лавлаги, қовун, беда, қисман картошка помидорни заарлайди; евро па З. каноп, картошка, тамаки, қулмок, беда, қашқарбеда, сирень ва б. бута ҳамда даражатларни заарлайди;

Кураш чоралари: карантин, З. тушган бедапояга биринчи ўримдан кейин нитрафен ёки ДНОК эритмаси, ҳайдалган бедапоя, уват, йўл ёқалари, экин экилмаган ерларга эса нитрафен эритмаси пуркалади.

ЗАРРА — оз сонли элементар зарралардан ташкил топган модда улушлари. Мас, тутун З.лари, чанг З.лари, хаводаги сув З.лари, молекулалар, атомлар, ядролар, нуклонлар ва б. Ўлчамларига қараб З. макрозарралар ёки микрозарраларга бўлинади; макрозарралар микрозарралардан ташкил топади. Микрозарралар (атом ядроси, электронлар, нуклонлар, мезонлар, гиперонлар, уквант ва х.к.) спинлари қўшилган ҳолда маълум йўналишда харакатланиши З.ларнинг

кутбланиши дейилади. Ички тузилишига караб мураккаб ёки оддий З.лар бўлади; мураккаб З.лар оддий З.лардан иборат. З. қандайлигидан қатъи назар, энергия, импульс, масса ва б. хусусиятларга эга. Дастралаб З. ва унинг хусусиятлари ўзгармас, ҳар қандай З. янада майдароқ З.лардан иборат, деб хисобланарди. Текширишлардан маълум бўлдики, З.лардан бавзилари бутунлай ўзгариши, ўз таркибидан бўлмаган янги З.лар пайдо қилиши, ҳатто ўзига мое антизарралар б-н тўқнашганда тамомила йўқолиб, электромагнит майдон ҳосил қилиши мумкин экан (қ. Антизарралар, Аннигиляция). З. тушунчаси майдонлар назарияси ва тўлкинлар назариясида ҳам кўп ишлатилади. Тинч турган модда З.лари массага эга, электромагнит майдон З.лари — фотонлар эса тинч турганда массага эга бўлмайди. З.лар системаси назариясида (жумладан, қаттиқ жисмлар назариясида) текширилдиган ҳодисаларнинг рўй беришида кўп З.лар маълум жиҳатдан ҳақиқий моддий З.ларга ўхшаш бўлгани учун ёрдамчи тушунча сифатида квазизарралар тушунчаси б-н иш кўрилади, мас, фонон, полярон, экспон, магнон, плазмон ва б. (яна қ. Элементар зарралар).

ЗАРРА-АНТИЗАРРА ЖУФТИ - зарралар б-н антизарраларнинг бир вактда биргаликда (жуфт ҳолда) ҳосил бўлиши. Бу жараён энергия, импульс ва б. катталикларнинг сакданиш конунларига бўйсунади. З.а. ж. хреил бўлиши ядро б-н тўқнашувчи зарра энергиясига ва жараёнда иштирок этувчи бошқа зарраларнинг хоссаларига боғлиқ.

Элементар зарраларнинг емирилиши, уларнинг ўзаро ёки ядролар б-н тўқнашуви натижасида турли З.а. ж. ҳосил бўлади. Мае, протон (p) б-н протон (p) тўқнашуви натижасида протон (p) ва антипротон (\bar{p}), фотон (γ) б-н протон (O) тўқнашуви натижасида мусбат мюон (μ^+) ҳосил бўлади ва х. к. Емирилиш натижасида нейтрал каон ($A^{\pm} мезон$) дан мусбат пион (мусбат кмезон, π^+) ва манфий пион (манфий тсмезон, π^-), нейтрал

пион ($7c^\circ$)дан электрон (e^-) ва позитрон (e^+) ҳосил бўлади ва х. к. Одатда, З.а. ж. ҳосил бўлиши деганда фотондан электрон ва позитроннинг $u>$ ($e^- + e^+$) вужудга келиши тушунилади. Бирор зарядли зарра (мас, атом ядроси) майдонидаги фотон электронпозитрон жуфтлигини ҳосил киласи. З.а. ж. ҳосил бўлиши ва аннигиляция ҳодисалари материянинг бир шаклдан бошқа шаклга (модда шаклидан майдон шаклига) ва аксинча ўтишини исботлашга далил бўлади.

ЗАРРАБИН (араб, зарра — майда ва форс, бин — кўрмоқ феълининг ўзаги) — микроскопнинг қад. номи.

ЗАРТЕПА — Термиз ш.дан 26 км шим. гарбда жойлашган қад. шаҳар ҳаробаси. З. 1951—52 й.ларда археолог Л.И.Альбаум томонидан текширилган. З. квадрат шаклида бўлиб, деворларининг уз. 400 м дан. Шарқий девор ҳаробалари 6—7 м, гарбий девори 4 м гача сакланиб калган. Шаҳарнинг шим. шарқида квадрат шаклида қалъақўргон бор, у шахристондан мудофаа чизиги — катта хандақ б-н ажратилган. 1960—80 й.ларда археолог В.Завялов, Қ.Собиров ва Ш.Пидаевлар томонидан ўрганиш давом эттирилган. Археологик қазишмалар туфайли З.нинг шахристон қисмидан уйжой қолдикдари ва кўчалар очилган. Со-пол идишларининг асосий қисми ангоб б-н бўялган. З.дан одам ва ҳайвонларнинг ҳайкалчалари ва ҳар хил тангдалар ҳам то-пилган. Топилмаларнинг энг қадимгиси мил. в. 4—2 а.ларга, кейингилари илк ўрта асрлар (5—7 а.лар)га тўғри келади.

ЗАРУРИЙ МУДОФАА - жиноят ҳуқуқида ҳужумдан конуний тарзда ҳимояланиш. Одатда, қонунда З.м. ҳолатида қилинган ва тажковузчиға шикает ва зарар етказган ҳаракат, агар у З.м. чегарасидан чиқмаган, яъни ҳимоя ҳавфхатар ҳарактерига мое бўлса, жиноят деб топилмайди, ижтимоий ҳавфли ва ҳуқуққа хилоф қилмиш саналмайди, жиноий жавобгарликни келтириб чиқармайди. ЎзР Конституциясининг 20 ва 27 моддаларида, Ўзбекистон

ЖК 37моддасида хар бир фуқаронинг ўзини ва б. шахсларни, шунингдек, жамият ва давлат манфаатларини фаол химоя қилиш ҳуқуқи ифодаланган. Зартепа шахар харобаси.

ЗАРУРИЯТ ВА ТАСОДИФ

- борлиқдаги нарса ва ҳодисалар ўртасидаги ўзаро алоқадорликни ифодаловчи фалсафий тушунчалар. Зарурит — нарса ва ҳодисаларнинг табиатидан келиб чиқади, уларнинг ички қонуниятини ифода қиласи. У муайян шароитда юз бериши муқаррар бўлган воеа ёки ҳодисадир. Тасодиф — нарса ва ҳодисаларнинг ички табиати б-н боғлик бўлмаган, ташқи таъсир, юзаки ва иккинчи даражали, ўткинчи томонини ифода этади. У юз бериши ҳам, юз бермаслиги ҳам мумкин. З. ва т. борлиқдаги ўзаро боғлик бўлган, бири иккинчисиз мавжуд бўлмайдиган нарса ва ҳодисаларнинг ўзгариш ва ривожланишига оид алоқадорликнинг икки томонидир. Улар ўзаро боғлик ва ўзига хос хусусиятлари б-н бирбиридан тубдан фарқ қиласи. Зарурит, биринчидан, ҳодисаларнинг олдинги тараққиёти орқали қонуний тайёрланган бўлади, иккинчидан, унинг сабаби ўзида бўлиб, у мазкур нарса ва ҳодисанинг ички табиатидан келиб чиқади; учинчидан у нарса ва ҳодисанинг муҳим, тақрорланиб турадиган ички алоқадорликларидан келиб чиқади; тўртинчидан, зарурит юз бериши муқаррарлик хусусиятига эга бўлиб, албатта, юз беради; бешинчидан, у доим қонуният б-н боғлик бўлиб, умумий типик характерга эга.

Тасодиф ҳам сабабсиз юз бермайди. Унинг сабаби, нарса ва ҳодисанинг ўзида эмас, балки ундан ташкарида бўлади. Тасодифнинг ўзига хос хусусиятлари куйидагилар: биринчидан, тасодиф нарса ва ҳодисаларнинг ривожланиши давомида эмас, балки турли ташки жараёнларнинг таъсирида содир бўлади; иккинчидан, борлиқдаги номуҳим боғланишлардан келиб чиқади; учинчидан, тасодиф нарса ва ҳодисаларнинг ривожланиш

майлларини белгилаб бермайди, шунга кўра у муқаррар эмас, тўртинчидан, тасодиф умумий эмас, балки якка хусусиятга эга; бешинчидан, тасодиф крнуният б-н боғлик эмас. Тасодифларни олдиндан айтиб бериш мумкин эмаслиги уни, гўёки, сабабият тамойилига зидга ўхшайдигандай килиб қўяди. Аслида, тасодифий воеалар, гарчи аниқ маълум бўлмаса ҳам, реал мавжуд бўлган муайян шартшароит ва сабаблар оқибатидир. Улар бетартиб равишда, ҳеч нарса йўқ жойдан пайдо бўлмайди, уларнинг келиб чиқиши имконияти, гарчи катъий равишда бўлмаса ҳам, ўзининг сабабий асосларига эга. Бу кўп микдордаги бир хил тасодифий ҳодисаларни ўрганиш натижасида пайқаб олинади ва математик статистика аппарати ердамида ифодаланади. З. ва т. ўзаро боғликдир, бунда тасодиф заруритнинг ички тизимида яширинган бўлгани каби зарурит ҳам тасодифлар тизимида, уларнинг тақрорланишида мавжуд бўлади, улар бирбирисиз, алоҳидаалоҳида мавжуд бўла олмайди. Ижтимоий муносабатларда зарурит б-н тасодиф нисбатини тўғри англаш жамият ҳаётининг обьектив тараққиёт қонунларини билиб олиш ва амалда қўллашнинг асосий шартидир. Чунки ижтимоий тараққиётнинг обьектив йўналиши ўзининг муайян мақсад ва интилишларига эга бўлган алоҳида шахслар, ижтимоий гурухдар фаолиятида амалга ошади. З. ва т.ни бирбиридан фарқ қилишида ҳар доим тайин шароитни хисобга олиш зарур. Борлиқдаги ҳамма нарса ва ҳодисалар ўзларининг ўзгариш ва ривожланиши жараённида доим ҳам зарурит, ҳам тасодифий алоқадорликларни ўз ичига олади. Уларни ўрганиш ва билиб олишда бу алоқадорликларни ўзаро чалкаштириб юбормаслик лозим. Шунинг учун кишилар ўзларининг амалий ва илмий фаолиятларида З. ва т.нинг обьективлигини ва алоқадорлигини назарда тутиши гоят муҳимдир. Фаннинг вазифаси нарса ва ҳодисалар тизимида яшириниб ётган, инсонга номаълум бўлган ички

зарурий алокадорликларни ва бу тизимдаги ташки тасодифларни аниклашдан иборат. Борлиқда қатый зарурият доимо тасодифлар тизимида хукмронлик қилиб, тадқиқотчи ўз илмий фаолияти жараёнида тасодифий ҳодисалар тизимида мавжуд бўлган заруриятни кашф этишга интилади. Турли кўринишда мавжуд бўлган тасодифларни чуқур тадқиқ қилиш, уларнинг бирбиirlари б-н алокадорликларини аниклаш, улар тизимида мавжуд бўлган, лекин яшириниб ётган заруриятни очиш инсонларнинг ҳам назарий, ҳам амалий фаолияти учун катта аҳамиятга молик.

Абдулла Аюпов.

ЗАРЧАВА — қ. Зарчўва.

ЗАРЧОПОН — ковуннинг ўртапишар нави. Ўзбекистон сабзавот, полиз экинлари ва картошкачилик и. т. институтида Ширали ва маҳаллий Чўгари навларини дурагайлаб яратилган (1986; Р. Ҳакимов, А. С. Шчукина). Шакли чўзиқ ёки тухумсимон. Оғирлиги 2,8—3,4 кг. Сирти сал тилимтилим, туей оч сарик, тўрлари тўқашил. Пўсти ўртача, қаттиқ, эти пуштиранг, ширин, асал хиди келади. Таркибида 15% қурук модда мавжуд. Уруғи ўртача, сарғишиб, уруғидан униб чиққанидан кейин биринчи ҳосили 77—93 кунда пишади. 1990 й.дан республиканинг барча вилоятларида р-нлаштирилган. Ҳосилдорлиги 20—25 т/га.

ЗАРЧЎВА (Curguma) — занжабил дошларнинг оиласига мансуб кўп йиллик ўт ўсимлик. 50 дан ортиқтури бор. Икки тури Осиё, Африка ва Австралиянинг тропик худудларида ўсади. Ҳиндистон, Индонезия, Хитойнинг жана да экиладиган (C. Jonga L.) тури кўпроқ аҳамиятга эга. Асосан, хушбуй, илдизи таркибида 1,5—5% эфир мойи ва зарарсиз сарик модда бор. З. илдизи кукун ҳолида ишлатилади, иссик сувда тез эрийди, озиқовқатга (паловни тилларанг килишда зирвакка ёки ювилган гуручга кўшилади). З.дан олинадиган сарик бўёқ локларга ранг беришда ишлатилади. Иккинчисининг илдизпоясидан олинадиган

аччик модда ликёр тайёрлашда ва тиббийтда қўлланилади. Ёвойи турларининг илдизпоясидан крахмал олинади. З. илдизпоясидан купайтирилади.

«ЗАРЯ СУРХАНА» («Сурхон тонги»)

— Сурхондарё вилояти ҳокимлигининг ижтимоий-сиёсий газ. Термиз ш.да рус тилида ҳафтада 2 марта чиқади. Дастрлаб 1941 й. 10 авг.дан «Ленинское знамя» («Ленин байроғи») номи б-н нашр этилган. 1991 й.дан ҳоз. номда. Газ.га турли йилларда Г.Н.Рокотов, П.Т.Трофименко, М.М.Палецкий, И.М.Мельников, А.Ҳакимов, Н.Чехаков, Д.А. Кучеренко ва б. муҳаррирлик қилган. Газ.саҳифаларида вилоят ижтимоий-сиёсий, иқтисодий ҳаётiga дойр материаллар бериб борилади. Мамлакат фуқароларида янгича тафаккур ва дунёкарашни шакллантириш, шу мақсадда ягона миллий гоя — миллий мағкуруни яратиш ва ҳаётга тадбиқ этиш газ. таҳририяти жамоаси олдидағи энг мухим вазиға саналади. Адади 1000 (2002).

ЗАРЯД — 1) электр З. — электромагнит майдон манбаи; зарядланган зараларнинг узаро электромагнит таъсирилашуви интенсивлигини ифодалайдиган физик катталиқ. Бир хил ишорали З.лар бирбиридан итарилади, ҳар хил ишорали З.лар эса бирбирига тортилади (қ. Кулон қонуни). Электронлар, позитронлар, протонлар, зарядли мезонлар ва б. элементар зарралар ҳамда атом ядроси энг кичик мусбат ёки манфий электр З.га эга. Электр З., одатда, электростатик бирликлар (СГСЕ) ёки кулонлар б-н улчанади. Энг кичик элементар электр З. е = $(4,80298 \pm 0,000201) \cdot 10^{-10}$ СГСЕ бирликка тенг. Элементар электр З.ни биринчи марта 1911 й.да Р. Э. Милликен аниқ улчаган; 2) портловчи модда З.и — маҳсус камера (шурп, кудук ва б.) га жойлаштирилган, вазни ва ўрнатиладиган жойи олдиндан хисобланган ҳамда портлатишга тайёрланган портловчи модда; 3) улоқтириладиган порох З.и — ўқ отар курол стволи каналида снаряд (мина, ўқ) ни ҳаракатга келтириш ва керакли тез-

лиқда отиш учун зарур бўлган, гильза ёки алоҳида қопчиклар (картузлар)га жойлаштирилган маълум миқдордаги пороҳ; 4) қаттиқ ракета ёқилғиси З.и — двигатель камерасига жойлаштирилган ва ёнганда ракетани ҳаракатлантирувчи реактив куч ҳосил қиласидан бир ёки бир неча қаттиқ ёқилғи блоки (шашкаси).

ЗАРЯДЛАНГАН ЗАРРАЛАР ТЕЗЛАТКИЧИ — электр ёки ўзгарувчан магнит майдони ёрдамида катта энергияли зарядланган зарралар (электронлар, протонлар, атом ядролари) олиш учун мўлжалланган курилма, қ. Тезлаткичлар.

ЗАРЯДЛАШ ҚУРИЛМАСИ 1) электротехникада — аккумуляторлар ва конденсаторлар батареясини зарядлаш учун ўзгармас ток берувчи агрегат; зарядлаш генератори ёки тўғрилагичли трансформатор, тақсимлаш қурилмасидан иборат. Аккумулятор З. қ. даврий зарядлаш, узлуксиз ва узлукли зарядлаш, қўшимча ҳамда қайта зарядлашда қўлланилади. Аккумулятор батареялари зарядлаш токи сигими ва кучлари тенглиги аломатлари бўйича алоҳида гурухларга йифилади. Даврий зарядлашда батареялар икки гурухга бўлинади ва З. қ. улардан битта гурухини зарядлайди. Узлуксиз зарядлашда ҳам нафузка тармоғи таъминланади, ҳам аккумуляторлар батареяси зарядланади. Узлукли зарядлашда эса З. қ. муйайян вақтнинг бир қисмида нагруззани таъминлаб, аккумуляторлар батареясини зарядлайди, вақтнинг бошқа қисмида кичик нагруззакада захирада бўлади; бунда нагруззка занжирини аккумуляторлар батареяси таъминлайди. Конденсатор З. қ. конденсаторларни нормал режимда зарядлайди. Тўғрилагич З. қ. бир фазали кам қувватли бўлиб, аккумуляторлар батареясини зарядлашда кучланиш трансформаторнинг иккимизчи чулғамидан тўғрилаб олинади; 2) портлатув ишлари да З. қ. заряд бўшлигини портлатув модалари (ПМ) б-н тўлдирадиган механизм ёки машина. Икки гурухга: таркибида нитроэфирлар ёки гексагенлар бўлмаган патронлашган ПМ б-н зарядлаш ва гранула

(донадор)ланган ПМ б-н зарядлаш хилларига бўлинади. Биринчи гурухи яхши такомиллашмаганилиги ва қимматлиги туфайли ишлатилмайди. Иккинчи гурухи конлар, шахталар, кудукларни зарядлашда қўлланилади.

Сапи Мажидов.

ЗАРЯДЛИ

ЗАРРАЛАР ХИСОБЛАГИЧЛАРИ — зарядли зарралар (электрон, протон ва б.)ни қайд қилиш ва уларнинг энергиясини аниқлаш учун ишлатиладиган физик курилмалар. Уларнинг иши зарядли зарраларнинг модда атомлари б-н ўзаро таъсирлашишига асосланган.

З. з. ҳ.нинг бир неча хиллари мавжуд: ионлаш хисоблагичи (ионлаш камераси), мутаносиб (пропорционал) хисоблагич, Гейгер — Мюллер хисоблагичи, Чerenkov хисоблагичи, сцинтилляцией хисоблагич, яримўтказгичли хисоблагич, кристалл хисоблагичи ва б. Ионлаш хисоблагичининг иши газ разрядига асосланган. Бундай хисоблагичлар икки электродли ёпиқ идишдан иборат. Идиш инерт газлар, водород, азот ёки газ аралашмалари, жумладан углеводородлар б-н тўлдирилади. Электродларга ток манбаи уланиб, электр майдони ҳосил қилинганда мусбат ва манғий ионлар электродларга тортилади. Хисоблагичдан ўтган зарядли зарралар занжирда импульслар ҳосил қиласиди. Расмда зарядли зарраларни қайд қилишининг умумий принципи кўрсатилган (яна қ. Ионлаш камераси). Мутаносиб хисоб лагич нинг иши ҳам газ разрядига асосланган. Унда занжирдаги ток амплитудаси қайд қилинаётган зарядли зарралар энергиясига мутаносиб бўлади. Хисоблагич электродларидан бири, кўпинча, цилиндр шаклида бўлиб, иккинчи электрод — цилиндр ўки бўйлаб тортилган ингичка симидир. Металл цилиндр — катод, сим эса анод вазифасини ўтайди. Анод — катод потенциаллари фарқи 900—1000 В бўлганда бирламчи ионланиш натижасида ҳосил бўладиган эркин электронларнинг тезлиги электр майдони таъси-

рида ортиб, ионлар хосил кила олади. Бу ходиса газ кучайтириши дейилади. Потенциаллар фарқи ортган сари электр импульси амплитудаси ҳам ортади, эркин электронлар катта тезликка эришади ва, ўз навбатида, газ атомларини ионларга ажратса олади. Ионланиш кетмакет та-корланиб, жала разряди (электронлар жаласи — мустакил бўлмаган разряд) рўй беради. Ионлар счётчик электродига бориб етганидан кейин электр разряди сўнади. Яримутказгичли ҳисоблагич (детектор) — зарядли зарралар ва гамманурларни қайд килиш ва уларнинг энергиясини ўлчайдиган асбоб. Кўпинча, кремний ёки германий монокристаллидан пластинка кўринишида тайёрланади. Зарядли зарралар пластинкага тушганда, мувозанат ҳолатда бўлмаган заряд ташувчилик жуфти, яъни электронковак жуфти хосил қиласди. Ташқи электр майдон таъсирида электрон ва ковак электродларга томон силжиди, натижада ташки занжирда электр импульси хосил бўлади. Бу импульс радиотехник қурилмалар ёрдамида қайд қилинади. Кристалл ҳисоблагич — диэлектр кристалларда хосил бўлаётган зарраларни қайд қилувчи асбоб. Диэлектрик монокристалл (одатда, олмос ёки кадмий сульфид кристаллари)дан тайёрланади. Булардан ташкари, Вильсон камераси, диффузион камера, катламли фотографик эмульсия ва б. ҳам зарядли зарраларни қайд қиладиган ҳисоблагичлар ҳисобланади. Раҳим Бекжонов.

ЗАРЯДНИНГ САҚЛАНИШ ҲИМЮЛАНГАН — электр жиҳатдан химояланган ҳар қандай ёпиқ система-да зарядларнинг алгебраик ийиндиси ушбу системада қандай жараёнлар юз берса ҳам доимо ўзгармай қолишини ифодаловчи қонун. Табиатнинг асосий қонунларидан бири. М. Фарадей тажрибада кашф қилган. Ҳар қандай жисмнинг электр заряди каррали мусбат ва манғий элементар зарралардан иборат. Элементар заряд е орқали белгиланса, ҳар қандай жисмнинг заряди каррали е

га тенг, яъни $0, + e, \pm 2e, \dots, \pm Ne$. Заряд квантланган, яъни заряд миқдори узлуксиз ўзгармай, балки узлукли равишда ўзгаради. Заряд миқдори ҳар қандай таъсирашувларда ҳам ўзгармайди, таъсиранд сўнг заряд факат таксимланади. Умумий заряд ўзгармайди, яъни заряднинг сакланиш конуни ўз кучини саклайди: электр зарядлари ўзўзидан пайдо бўлмайди ва йўқолмайди, улар факат бир жисмдан бошқасига узатилади ёки жисм ичида кўчади ҳамда ёпиқ система ичида электр зарядларининг алгебраик ийиндиси ўзгармай қолади.

ЗАРҚОҒОЗ, фольга — 1) рангли, нодир, асл металлар ва пўлатдан тайёрланадиган, эни 5—1000 мм ва қалинлиги 0,001—0,2 мм бўлган варап ёки лента 3. жўвали (валеци) прокат станларида ўрама (рулон) холида прокатлаб чиқарилади. Прокатлаб олиш қийин бўлган қаттиқ материаллар эритиб олинади. Озиқовқат маҳсулотларини ўрашда, электротехникада конденсаторлар тайёрлашда, термоизоляция ва б. мақсадларда ишлатилади; 2) матбабада — бир томони маълум миқдордаги боғловчи б-н ишқалангандан бирор пигмент б-н крпланган калька ёки шаффоф плёнка. Китоб мўқовасига пресслаб тасвир туширишда ишлатилади.

ЗАРҚУЛОҚ (*Lepidolopsis turkestanica*) — қокидошлар (мураккабгулдошлар) оиласига мансуб кўп йиллик ўт. Поясининг бўйи 120 см ча. Барглари кўкишияшил, туклар б-н крпланган, патси, мои кесик. Гули оч сарик, бандли. Июнда гуллайди, июлдан уруғлайди. Ўзбекистонда адирларда, тог этакларида ўсади. Тўпгулининг қайнатмаси халқтабобатида кўкрак оғриги ва нафас қисиши касалликларида ҳамда гижжа ва сийдик ҳайдовчи дори сифатида ишлатилади.

ЗАРҒАЛДОҚ (*Oriolus oriolus*) — чумчуксимонлар туркумига мансуб күш. Чуғурчиқдан сал каттароқ. Танаси 25 см ча, вазни 70—85 г. Нари оч сарик, какотлари ва думи кора, мо-

даси ва жўжалари яшилкулранг. З. Шимоли Гарбий Африка, Европа ва Осиёда тарқалган.

ЗАРГАЛДОҚ - Ўзбекистонга баҳорда келиб, кузда қишлиш учун Ҳиндистонга кетади. З., одатда, тоғ ўрмонларида, башланган тўқай ва воҳаларда ҳаёт кечиради. Даражат шоҳларига уя солади. Май охирида 3—4 та тухум кўяди. Тухумдан 14—15 кундан кейин жиши жўжа чиқади. 18—19 кундан сўнг жўжалар учирма бўлади. З. курт ва қўнғизлар б-н озиқланади. Боф ва ўрмон зарапкунандаларини қириб, фойда келтиради.

ЗАРҲАЛ — ҳал тури; эзиз суюлтирилган олтин қуқуни. Амалий санъат (айниқса заргарлик)да нарса (буюм)ларнинг юзасига суртилади (югуртирилади) ва айнан шундай усулда ишланган буюм ҳам З. деб аталади (мас, юзига З. югуртирилган кумуш исирға — зархал исирға).

ЗАСКАР — Ҳимолай тоғларининг шим. гарбий қисмидаги тоғ тизмаси. Ҳиндистон ва Хитой худудида. Уз. шим. гарбдан жан.шарқка 600 км. 6400 м баландликда даралар б-н ўйилган кенг платосимон юза бўлиб, унда бал. 7800 м дан ортик бўлган алоҳида чўккилар кўтарилиб туради. З. оҳактош, кўмтош, сланец ва гранитдан тузилган. Жан. ён бағрида 4000 м гача ўрмон, ундан юкорида алъп ва субальп ўтлоклари, тоғ тепаларида доимий қор ва музликлар, шим.да даштлар бор. Сатлаж дарёси кесиб ўтади. Водийларда дехкончилик килинади. Корунд конлари топилган.

ЗАСТАВНИКОВ Георгий Иванович (1898.13.12—1970.13.2, Тошкент) цирк артиста. Ўзбекистон ҳалк артиста (1964). 1907 й.дан укаси Владимир Иванович З. (1900—1926) б-н Туркистоннинг шаҳар ва қишлоқларида кўш чигариқ, айланадиган темир шоти устида гимнастика томошалари кўрсатган. Комик акробатлар (Шах ва Мат), 1913 й.дан куплетчи масҳараబозлар, буффмасҳараబозлар сифатида шуҳрат қозонгандар. Ўргатилган ҳайвонлар б-н бўлган томошаларида комедияли, сатирик ёки таклидий сахналар

кўрсатди. «4 Г» (антифашистик памфлет, Гитлер, Гебельс, Геринг, Гиммлер ҳакида) ва б. томошалари машҳур бўлган. 1918—22 й.ларда Бухорода, кейинчалик В. Лазаренко б-н Фарғонада томоша кўрсатган (1930). У 40 йил давомида ҳамма манежларда ит ўйнатиш томошаси б-н чиқкан. Узбек цирк жамоасида масҳараబозҳайвон ўргатувчи бўлиб ишлаган.

ЗАФАР — Тошкент вилоятидаги шаҳарча (1918—72 й.ларда Олмазор қишлоғи). Бекобод туманы маркази. Тошкентдан 120 км жан.да, яқин т. й. станцияси — Бекобод (22 км). Аҳолиси 7,7 минг киши (2000).

З. кад. аҳоли масканларидан бири, унинг марказидаги «Номсиз тепа» кабристонидан 8—9а.ларга оид археологик буюм қолдиқлари топилган. 1870 й.да қишлоқ Россиядан кўчириб келтирилган русларнинг Корзинкин номли хуторига айлантирилди ва Далварзин волостининг маркази бўлди. Хутор ёнида 60 га олмазори ҳам бўлган (қишлоқнинг аввалги номи шундан). 1918 й. Олмазор қишлоғида шўролар отлик армияси учун қорабайир отлар етиштириб берадиган от зди ташкил килинди. 1926 й. от зди ўрнида «Далварзин» уруғчилик хўжалиги тузилди. 1930 й. бу хўжалик пахтачилик сизига айлантирилди ва Олмазор қишлоғи сиз кўргони бўлиб қолди. З.да маъмурий ва маданиймаиший бинолар, спорт иншотлари, бозор, 2 касалхона, 3 умумий таълим мактаби, пед. билим юрти бор. «Ёшлик» савдо маркази курилган. Кутубхона, маданият уйи, пед. билим юрти кошида лицей, меҳнат таълими коллежлари, хусусий савдо дўйконлари бор. Туман ҳокимияти биноси олдига «Номаълум аскар» монумента ўрнатилган. З.дан Тошкент — Бекобод автомагистрал йўли ўтган. Автобустакси саройи, кўчма курилиш колонналари, «Сарбон» юк ташиши транспорти автокорхонаси бор.

ЗАФАР АРКИ, Зафар дарвозаси — бирор тантана муносабати б-н курилган иншоот, хашаматли дарвоза. Қад. Римда ғолиб лашкарбошиларнинг

шахарга тантанавор кириб келиши учун Римдаги зафар арки. маҳсус қурилган. Бизгача сақланган энг қадимги З.а.—Сципион арки (Рим, мил. ав. 190 йил). Ҳайдарбоддаги Чор минор З.а. (1591) хам машхур, З.а.нинг кўпчилиги мармар ҳайкал, рельефли расм ва нақшлар б-н безатилган, дастлаб ёғочдан вақтинча, кейинчалик мармар, ҳарсанг, гиштдан доимий қилиб қайта қурилган.

ЗАФАР ГАЗ КОНДЕНСАТИ КОНИ

- Кашқадарё вилоятининг Ғузор туманида, Қарши ш.дан 45 км жан.шарқда жойлашган. Зафар структураси 1974 й.да сейсмик разведка натижасида аниқланган. 1978 й.да 1параметрик қудук кавланган (3805 м). Натижада юра ётқизикларининг самарадорлиги маълум бўлган. 1978—87 й.ларда конда 8 та бурғи кудуғи қазилган,. Қудукларнинг 3 тасида газ уюми борлиги аниқланган. З. г. к. к.нинг геологик тузилишида юра, бўр, палеоген, неоген ва антропоген ётқизиклари иштирок этган. Тектоник жиҳатдан Зафар структураси Бешкент букилмасида жойлашган ва юра ётқизикдари бўйлаб шим.шарқ томонга йўналган брахиантиклиналдан иборат. Структуранинг уз. 6 км, кенглиги 5 км. Зафар конида кавланган қудукларда 39 та обьект синовдан ўтди. Уларнинг 12 тасида газ ва биттасида газ б-н нефть борлиги маълум бўлди. Газнинг дебити 67 минг м³/сут дан 575 минг м³/сут гача. Газнинг ҳавога нисбатан зичлиги 0,643, конденсатники 0,756 г/см³, ундаги метаннинг миқдори 90—92%, олтингугурт водороди 0,05%, азот 1,2%, карбонат ангидриди 3—5%. Конда разведка ишлари ниҳоясига етган. З. г. к. к. айни пайтда ўзлаштиришга тайёрланган.

ЗАФАР ДИЁР (1912, Чуст тумани — 1946.14.4, Тошкент) — ўзбек болалар шоири. Тошкент пед. интида ўқиган (1938—41). «Ленин учқуни» (1936—41), «Кизил Ўзбекистон» (1941—46) газ. ларида адабий ходим ва масъул котиб. «Қўшиклар» (1933), «Тантана» (1938), «Шеърлар» (1939), «Муборак» (1940),

«Софга» (1944), «Сув б-н сухбат» (1976) «Бизнинг куролимиз» (1941), «Бизнинг оила» (1942) ва б. шеърий тўпламлар муаллифи. «Чаман» (шеър, эртак ва достонлар, 1948) китоби мактабгача ёшдаги болалар учун. З. Д. ўзбек болалар адабиётида достон жанрини бошлаб берган шоирлардан бири ҳисобланади («Машинист», «Қазбек» ва б.). Бундан ташкари, болалар драматурги ҳамдир. Унинг «Бахтли ёшлиқ», «Уч оғайнин» пьесаларида болалар ўртасидаги дўстлик, биродарлик улуғланади. Ад.: Владимирова Н. В., Зафар Диёр [Танқидий биографик очерк], Т., 1954; Узбек болалар адабиёти тарихи очерки, Т., 1978; Узбек болалар адабиёти ва адабий жараён, Т., 1989.

«ЗАФАРНОМА» — Амир Темур давлати тарихига бағишилаб ёзилган асар. Соҳибқирон Амир Темурнинг ҳаётлигига бевосита унинг топшириғи асосида Низомиддин Шомий томонидан ёзишга киришилган (1401—02). 1404 й. баҳоригача асар ёзилб тамомланган ва Озарбайжонда етти йиллик юришдан Самарқандга қайтаётган Амир Темурга тақдим этилган. Бундан кейинги соҳибқирон вафотигача кечган воқеалар кейинроқ Ҳофизи Абру томонидан ёзилб илова қилинган. «З.»ни ёзишда Амир Темурнинг мунший ва котиблари ҳам назм, ҳам наерда форсий ва туркий тилларда ёзган маълумотлар, муаллифнинг 1400—04 й.лар давомида соҳибқирон юришларида бўлиб, ўзи кўрган билгларни, Ҳиндистон юриши воқеалари қисмининг баёни учун Фиёсиддин Алининг «Рўзнома»нинг ғазавоти Ҳиндистон» (Ҳиндистонга юриш кундалигига) асари асосий манба бўлиб хизмат қилган. «З.» тарихий асар сифатида 14—15а. бошида Амир Темур ва темурийлар ҳукмронлиги давридаги Ўрта Осиё, Олтин «Зафарнома»нинг ўзбек тилидаги нашри муқоваси (Тошкент, 1996).

Ўрда хонлиги, Озарбайжон, Эрон, Афғонистон, Ирок, Сурия, Миср, Туркия ва б. мамлакатлар тарихига оид воқеаларни ўз ичига олган. Асар

муқаддимасида Амир Темур тарих саҳнасига чиқкан 1360 й.га қадар Ўрта Осиёда хукмронлик қилган чингизий хукмдорлар ҳақида қисқа маълумот берилган. Сўнгра Амир Темурнинг 14а.нинг иккинчи ярми ва 15а.нинг бошида қилган юришларининг батафсил баёни келтирилган. «3.» ўзида жамланган тарихий маълумотларнинг ишончлилиги б-н 15—16а.ларданоқ бир қанча асарлар учун бош манба бўлди. «3.»нинг факат 2 қўлёзма нусхасигина сакланиб қолган. Биринчиси, Амир Темурга тақдим этилган қўлёzmанинг 1425 й.да кўчирилган нусхаси бўлиб, у Истанбулдаги «Нури Усмония» масжиди кутубхонасида сакланади (№ 3367). Иккинчиси, муаллиф томонидан Амир Темурнинг набираси Мирзо Умар баҳодир ибн Мироншоҳга тақдим этилган қўлёzmадан 1434 й. кўчирилган нусха бўлиб, у Лондондаги «Британия музейи» кутубхонасида сакланади (№ 23980). Матншунос чех олимни Феликс Тауэр «3.» нусхаларини Амир Темур тарихидан ҳикоя килувчи бошқа бир муҳим манба — Ҳофизи Абронинг «Зубдат аттарориҳи Бойсунгурий» («Бойсунгурга аталган тарихлар сараси») номли асари б-н солиштириб тадқиқ этиш асосида унинг илмийтанқидий матнини икки жилдда нашр этди (Прага, 1937 ва 1956 й.лар). Унга Ҳофизи Абру ёзган «Иловава» ҳам кирган. Ушбу нашр асосида «3.» қисқартирилган шаклда турк тилига (Анкара, 1940); сўз боши, кўрсаткичлар ва илмий изоҳлар б-н ўзбек тилига (Тошкент, 1996, тузувчи — О. Бўриев), ўғирилиб нашр этилди.

Ад.: Низомиддин Шомий, Зафарнома [форс тилидан ўғирувчи Юнусхон Ҳакимжонов, таржимани қайта ишлаб нашрга тайёрловчи ва масъул муҳаррир А. Уринбоев, изоҳлар ва лугатларни тузувчи Ҳ. Кароматов], Т., 1996.

Асомиддин Ўринбоев.

«ЗАФАРНОМА», Фатҳномайи Темурий, Тарихи Жаҳонгушойи Темурий — Амир Темур давлати тарихига бағишилаб ёзилган асар. Шарафиддин Али Яздий

томонидан Иброҳим Султон фармонига кўра, 1419— 25 й.ларда Шерозда форс тилида ёзилган. «3.» аслида «Фатҳнома» ёки «Фатҳномайи Темурий» ёки «Тарихи Жаҳонгушойи Темурий» деб номланган бўлсада, Низомиддин Шомийнинг «Зафарнома»сига мазмунан яқинлиги туфайли кейинчалик «3.» номи б-н шуҳрат топган. Асар 2 қисмга: Темурдан олдинги давр тарихидан умумий тарзда сўзловчи «Муқаддима» ва Темур даври тарихини ёритувчи асосий қисм «Зафарнома»га бўлинади.

Муаллифнинг таъкидлашича, Иброҳим Султон ўз бобоси Амир Темур ҳақида маҳсус китоб ёзилишини ният қилган ва 1419—20 й.ларда ўз вақтида котиблар, бахши, муншийлар томонидан Темур ҳақида ҳам туркий, ҳам форсий тилларда ёзib колдирилган мавжуд маълумотларни йигиб келтириш ҳақида фармон чиқарган. Бу иш амалга ошгач, мазкур маълумот — хужжатларни ўрганишга киришилган. «3.»нинг сўз бошида қайд этилишича, Амир Темур ҳақидаги туркий ва форсий тилларда баён қилинган ҳикояларнинг ҳамма шеърий ва насрий нусхалари тўплангач, маълумотлар б-н танишиш учун учта гурух тузилган. Туркий ва форсий тилларнинг билимдонлари икки гурухни, воқеаларни ўз кўзи б-н кўрган шоҳидлар эса бир гурухни ташкил қилган. Дастлаб Темур ҳақидаги ҳар бир ҳикоя ўқилган, агар унинг мазмуни воқеаларни ўз кўзи б-н кўрган шоҳиднинг талқинига тўғри келмай қолса, Иброҳим Султон ҳақиқатни тиклаш учун турли шаҳарларга чопарлар юбориб, мазкур воқеани Темурнинг яна бошқа замондошлиридан суриштирсан ёки қўшимча маълумотлар тўплаган. Шу қўшимча ҳикояларни ҳам тинглагач, Иброҳим Султон айтиб турган ва котиблар ёзib борган. Шу тарзда асарнинг дастлабки хомаки нусхаси тайёрланган. Шарафиддин Али Яздий ана шу хомаки нусха асосида «3.» асарини ёзган. Иброҳим Султоннинг қатъий буйруғига биноан китоб-ни ёзиш вақтида сана-

лар, жой номлари, улар орасида масофа ўлчовлари ҳакидаги барча маълумотлар жуда синчилаб текширилган. Шарафиддин Али Яздийдан эса асарни жонли тил б-н тушунарли қилиб ёзиш талаб этилган ва шунингдек, у хужжатларга қатый риоя қилиши, Иброҳим Султоннинг бевосита шахсий назорати остида тузилган дастлабки хомаки ёзувдан асло четга чиқмаслиги ҳамда ҳеч нарсани бўяб кўрсатмаслиги шарт қилиб қўйилган. Асар тилюслуб жиҳатдан форс тилининг ўша 15а. адабий услугбини мукаммал билган саводхон учун мўлжалланган. Асарнинг муқаддима қисмини Шарафиддин Али Яздийнинг ўзи «Тарихи Жаҳонгир» деб номлаган, лекин «Муқаддима» деб машҳур бўлиб, «3.» нинг ажралмас қисми ҳисобланган. Шу б-н бирга, ҳажми катта бўлғанлиги туфайли бўлса керак, кўлёзма нусхаларда алоҳида мустақил асар сифатида ҳам тарқалган. У сўз боши, икки фасл ва хотимадан иборат. «Муқаддима»дан кўзда тутилган мақсад Темур шажарасини баён этиш ва унинг ўзидан олдин ўтган ҳукмдорлардан давлат арбоби ва лашкарбоши сифатидаги устунлигини исботлаб беришдан иборатdir.

«3.» асарининг асосий қисми эса, муаллифнинг дастлабки режасига кўра, учта мақоладан иборат бўлмоғи лозим эди. Биринчи мақола Темурга, иккинчиси унинг ўғли Шоҳруҳга ва учинчиси Шоҳруҳнинг ўғли Иброҳим Султонга бағишланиши кўзда тутилган эди. Бироқ «3.»нинг хоз. фанда маълум бўлган кўлёзма нусхаларида кейинги икки мақола йўқ, улар ёки ёзилмаган, ёки бизгача етиб келмаган.

15— 16а.ларда «3.» қаҳрамонлик киссаси жанрида икки марта шеърий йўл б-н: ўзбек тилида шоир Лутфий ва форс тилида Ҳотифий томонидан куйланган. 16а. бошларида шайбонийлардан Кўчкунчихоннинг топшириғига мувофиқ, Муҳаммад Али ибн Дарвеш Али Бухорий томонидан «3.» ўзбек тилига таржима килинган. Бу таржима 1997 й. Тошкентда изоҳдар ва кўрсаткичлар

илова килинган ҳолда чоп этилган. Адабиётларда Ҳофиз Муҳаммад ибн Аҳмад алАжамий томонидан асарнинг турк тилига таржима килинганлиги ҳакида маълумот бор. Булардан ташқари «3.» 1822—23 й.ларда Хивада Ҳудойберди ибн Кўшмуҳаммад Сўфи алХивакий томонидан ўзбек тилига қисқартириб таржима килинганлиги ҳам маълум. 18а. дан бошлаб «3.»нинг айрим қисмлари француз (Круа, 1713), инглиз (Ж. Дарби, 1723), айрим воқеалар рус тилига ҳам таржима қилинган. Асарнинг форсча матни эса 1887—88 й.ларда Калькутта, 1958 й. Техронда чоп этилган, бироқ бу нашрларда асарнинг «Муқаддима» қисми ҳамда зарурий кўрсаткичлар берилмаган. 1972 й. Тошкентда асарнинг ҳар икки қисмини қамраган Ўзбекистон ФА Шарқшунослик интида сакланаётган 4472 рақамли қўлёзманинг факсимил нашри амалга оширилди. Бунда тарихий манбалар илмий нашр учун зарурий бўлган бош сўз ва турли кўрсаткичлар б-н бирга асар матнининг ҳар хил нусхалар ва нашрлар орасидаги фарқлари ҳам қайд этилди. Шўролар давлатида Амир Темур шахсига нисбатан ўта салбий хуласа ўрнашганлиги сабабли матбуотда темурийлар даври ёзма меросини ўрганиш иши қаттиқ таъқиб қилинди, баъзи асарлар б-н бирга «3.» ҳам қораланди.

Ўзбекистон мустақил давлат бўлиши шарофати б-н темурийлар тарихини ҳаққоний ёритиш учун кенг имкониятлар пайдо бўлди.

Ад.: Шарафиддин Али Яздий, Зафарнома [фотофаксимил нашр], Т., 1973; Шарафиддин Али Яздий, Зафарнома, Мовароуннаҳр воқеалари, 1360—1370 [таржимон: О. Бўриев], Т., 1994; Шарафиддин Али Яздий, Зафарнома, [таржимон: Муҳаммад Али ибн Дарвеш Али алБухорий, 16а.], Т., 1997.

Асомиддин Ўринбоев.

ЗАФАРОБОД — Бухоро вилояти Фиждувон туманицаги шаҳарча (1984 й.дан). Якин т. й. станцияси Конимех (32 км), туман марказидан 72 км. Шаҳарча

туманинг шим.шарқида, Навоий—Учкудук катта йўли ёқасида. Ахолиси 5,8 минг киши (2002), асосан ўзбеклар, қозоқ ва руслар ҳам бор. Маъмурӣ, маданий ташкилотлар, умумий таълим мактаблар, автокорхона, савдо ва майший хизмат кўрсатиш шохобчалари бор.

ЗАФАРОБОД — Жиззах вилоятидаги шаҳарча (1997 й.дан). Зафаробод туманинг маъмурӣ маркази. З.га 1970й.лар бошида Мирзачўл ва Жиззах чўлларини ўзлаштириш авж олган даврда асос солинглан, 1973 й.дан туман маркази. Майд. 230 га. Ахолиси 4000 киши (2001). Энг яқин т. й. станцияси — Пахтакор ш.гача 18 км, Жиззах ш.гача 42 км. З.дан Жиззах ш.га, Пахтакор, Арнасой, Фориш туманларига олиб боруувчи автомобиль йўллари курилган.

З.да пахта тозалаш зди, электрод и. ч. кичик корхонаси, босмахона, новвойхона бор. Автотранспорт, машинатрактор хизмати кўрсатиш, газлаштириш корхоналари, автомобиль йўллари бошқармаси, коммунал ва майший хизмат кўрсатиш тармоқлари фаолият кўрсатади.

З.да туман ҳокимлиги биноси, супермаркет, «Отахонлар» чойхонаси, «Пахтабанк», 2 умумий таълим мактаби, тарих музейи, маданият саройи, дехкон бозори, кутубхона, 100 ўринли касалхона, поликлиника, автостанция мавжуд. Хотира хиёбони, Мустақиллик майдони барпо этилган.

ЗАФАРОБОД ТУМАНИ - Жиззах вилоятидаги туман. 1973 й. 12 апр.да ташкил этилган. Жан.да Жиззах тумани, шим.ғарбда Арнасой ва Дўстлик туманлари, шим.да Фориш тумани, шаркда Пахтакор тумани б-н чегарадош. Майд. 0,47 минг км². Ахолиси 40,3 минг киши (2000). З. т.да 1 шаҳарча (Зафаробод), 7 қишлоқ фуқаролари йигини (Бирлик, Ёрқин, Лолазор, Тимирязев, Учқаҳрамон, Чимқўргон, Ҳулкар) бор. Маркази — Зафаробод шаҳарчаси.

Табиати. З. т. ҳудуди Мирзачўл даштининг ғарбидаги жойлашган. Рельефи, асосан, текислик бўлиб, лёссимон қумоқ

ва қумлоказлардан иборат, бир қисми Нурутса тогларининг шимшарқий этаклари га туташ. Иклими континентал. Июлнинг ўртача траси 26—28°, янв.ники — 8,5°. Йилига 250—280 мм ёғин тушади. Вегетация даври 200—210 кун. Ер ости сувлари юза, шўр ва шўртоб. Ерлари Жан. Мирзачўл каналидан сугорилади. Оқова шўр сувларни чиқариб юбориш учун ариқ ва зовурлар қазилган. Ёввойи ўсимликлар. Ахолиси асосан, ўзбеклар, шунингдек, токик, қозоқ, рус, татар, қирғиз ва б. миллат вакиллари ҳам яшайди. 1 км² га 85 киши тўғри келади.

Хўжалиги. Туманда 5 та саноат корхонаси: пахта тозалаш зди, нон ёпиш цехи, босмахона, «Бунёд» и. ч. корхонаси, «Улуғбек» хусусий и. ч. бирлашмаси бор. К. х.да 17 ширкат хўжалиги ва I ижара ширкат жамоаси мавжуд. Мевасабзавот қуритиш, гилампойёндоз цехлари, макарон цехи, тегирмон, мойжувоз, бичиштиши цехлари ишлаб турибди. Хўжаликларда 11,5 минг корамол, 37,2 минг кўйэчки бокиллади.

Асосан, гўшт, сут, мевасабзавот, полиз экинлари, фалла етиштирилади. З. т.да дехкон фермер хўжаликлари, хусусий ва кичик корхоналар, тижорат дўйонлари фаолият кўрсатмоқда. 70 дан ортиқ умумий таълим мактабида 28600 ўқувчи таълим олмокца. Лицей ва гимназия мавжуд. 34 кутубхона, 385 ўринли 3 касалхона, 8 даволаш амбулаторияси, 6 қишлоқ врачлик шохобчаси, 5 дорихона, 94 майший хизмат кўрсатиш шохобчаси хизмат кўрсатмоқда. Туман ҳудудидан Буюк ипак йўли деб аталган қад. карвон йўли ўтган. Уструшона, Зомин, Пишогар каби тарихий жойлар, кўхна қалъалар қолдиқлари, қад. қабристонлар сакланган. Туманда Дашибод т. й. станцияси бор. Зомин — Тошкент, Зомин — Жиззах, Зомин — Гулистон каби йўналишларда автобус қатнайди. Туманда «Шарқ тонгиги» газ. нашр этилади (адади 2000).

ЗАҲ ҚОЧИРИШ, ерларни қуритиш — тупроқдаги ортиқча намни чиқариб ташлаш; мелиорациянинг бир тури. З.

к. тупрокда ўсимликнинг ўсиши ва ри-
вожланиши учун кулаг сув, хаво, озука
ва туз режимини вужудга келтиради.
З.к. учун куритиш ва сугориш системалари
курилади. Арид зонада, жумладан
сугорма дехқончилик минақаларида З.к.
ерни анъанавий маънодаги куритишдан
катта фарқ қиласди. Суфориладиган ेрларда
тупрокнинг қайта захланиши ва
ботқокланиши сув омборлари, ирригация
каналлари ва б. гидротехника иншоотла-
ридан сув сизиши натижасида иккилам-
чи ҳодиса сифатида юз беради. Ерларни
зах ва шўр босишдан саклаш мақсадида
катта каналлар бўйларида кесма дренажлар
ёки қатор вертикал дренаж кудуклари
курилади, асосан, бир неча қатор на-
мсевар бута ва б. дараҳтлар (терак,
тол, қайрағоч ва х.к.) ўтқазилади. Кўп
холларда экин экиладиган зоналарда З.к.
грунт сувларининг сатҳи ва минералла-
шувини пасайтириш ва тупрокда грунтни
шўрсизлантириш ишлари б-н бир вақтда
олибборилади (к. Дренаж). Ерларни қайта
зах босишдан саклаш учун сув хўжалиги
объектлари куриладиган зоналарнинг
тупроқмелиоратив ва гидрогеология ша-
роитлари илмий прогнозланиши шарт.
Шариф Ҳамдамов.

ЗАХ ҚОЧИРИШ МЕЛИОРАЦИЯ-СИ — к. Мелиорация.

ЗАХИРА — эҳтиёт қилиб сакланган нарсалар (озиковқат, пул, буюм, куроласлаҳа ва б.). Ўрта асрлардан бошлаб кўшин эҳтиёжлари учун ғамланган нарсалар ҳам З. номи б-н юритилган.

ЗАХИРАДАГИ ҲАРБИЙЛАР -ҳарбий хисобда турувчи, ҳақиқий хизматни ўтаб бўлган ёки турли сабаблар б-н ундан озод қилинган, аммо жисмоний жиҳатдан ҳарбий хизматни бажара олувчи ва уруш даврида қўшинлар сафига чакирилувчи кишилар (к. Куролли кучлар захираси).

ЗАХКАШ ТУПРОҚЛАР, к. Гидроморф тупроклар.

ЗАХМ, люэс, сифилис — барча аъзо ва системаларнинг зааррланиши б-н кечадиган сурункали таносил (венерик)

касаллиги. З. кадимдан маълум. Унинг ер юзида пайдо бўлиши ва тарқалиши хақида турли фикр ва назариялар мавжуд. Кўп олимлар фикрига кўра, Христофор Колумбнинг З. б-н касалланган матрослари Испанияда З. тарқалишига сабаб бўлишган. 1496.й да эпидемия бошланиб, Италия, Франция, Швейцария, Германия, кейин Австрия, Венгрия ва Польшага тарқалган. Айрим олимлар З. Европа, Осиё ва Яқин Шаркда кадим замонларда ҳам мавжуд бўлган деган фикрдалар. Ўтмишнинг буюк олимлари Гален, Гиппократ, Абу Али ибн Сино ва б.нинг асарларида ёзилган касаллик белгилари (яра, афта, кондилома ва б.) айнан З. клиникини эслатади. З. 16а. бошларида деярли бутун дунёда пайдо бўлган. З.ни окиш трепонема (спирохеталар) қўзғатади (бу микроорганизм анилин бўёғи б-н ёмон бўялганилиги учун окиш дейилади). У бемор қонида, теридаги ярада, лимфа түгунлари, орқа мия суюклигига, сўлагида, нерв тўқималари ва ҳамма аъзоларида, ҳатто З. б-н оғриган аёл сутида ва эркак шаҳватида ҳам бўлади. Окиш трепонема организмдан ташқарида куритилганда ўлади, лекин нам муҳитда (мас, шаҳват, сўлакда, кин шилимшигига) узок яшайди. Бемор З. тарқатадиган манбадир; у соғлом киши б-н ўпишганда, жинсий алоқа қилганда ёки унинг идиштоворқларидан фойдалангандага касаллик юқади. Кейинги йилларда қон қуйиш йўли б-н ҳам (трансфузия) З. юкиш холлари аҳёнда кузатилади. Окиш трепонема терига ёки шиллик пардага киргач, тез кўпаяди ва лимфа томирлари орқали бутун организмга тарқалади. З. б-н касалланган одам аввал ўзини мутлақо соғлом сезади, З—4 ҳафтадан кейин (яширин — инкубацион давр тугагач) окиш трепонемалар кирган жойда З.нинг биринчи белгиси — оғримайдиган бирламчи сифилома (қаттиқ шанкр) пайдо бўлади. Бемор фурункулёз, ўпка яллиғланиши, ангина, сўзак ва б. касалликлар сабабли бирор антибиотик б-н даволанган бўлса, З.нинг яширин даври анча чўзилиши мумкин.

Бундай холларда антибиотикнинг тегишли дозаси трепонемаларни йўқ кила олмай, уларнинг ривожланишини бир оз тўхтатиб кўяди, натижада яширин давр анча чўзилиб кетишидан ташкари, касаллик бошқача кечиши мумкин. Қаттиқ шанкр пайдо бўлиши б-н З.нинг биринчи даври бошланади: яра (шанкр)га яқин лимфа тугуллари яллигланиб шишиди, катталашади ва бир оз қаттиклишади; кўпинча дармон қурийди, иситма чиқади, бош оғрийди, айникса кечаси суюклар қакшаб оғрийди, уйкусизлик кузатилади. Бу давр 6—9 хафта давом этади ва ўз вактида даво қилинмаса, иккинчи даврига ўтиб кетади: оғиз шиллик қавати, жинсий аъзолар, қўл, оёқ ва баданда додг, тугунча ва х.к. қўринишида катта-кичик, ранг-баранг тошмалар (йирингли тугунчали) пайдо бўлади; кўпчилик беморларнинг сочи тўкила бошлайди, суюк, бўғим, мускул, кон томирлар, юрак, кўз, кулоқ, ички аъзолар ва нерв системаси заарланиши мумкин. Бу даврда бемор атрофдагилар учун ўта хавфли ҳисобланади. Иккинчи давр бошида пайдо бўлган тошма хеч қандай даво қилинмаса ҳам, бир қанча вақтдан кейин бутунлай йўқолиб кетади; бемор ўзини соғлом сезиб, кеч нарсадан шикоят қилмайди, лекин бу беморнинг дарди ариди ва у атрофдагиларга касаллик юқтирмайди, деган гап эмас. Бу факат З.нинг латент ёки яширин даври, холос. Бемор кунт б-н даволанса, соғайиб кетади. Даво қилмай кўйса, касаллик тўсатдан қайталаниб (рецидив), иккинчи даврнинг ҳамма белгилари на-моён бўлади ва бир қанча вақтдан кейин улар яна йўқолади. Бу жараён бир неча марта тақрорланиши мумкин. Ҳар галги қайталаниш олдингисидан фақат кам тошма тошиши б-н фарқ қилади. Бемор врач айтганларини қилмаса, спиртли ичимликлар истеъмол қилса, тахм. 3—5 йилдан кейин иккинчи давр З.нинг охирги, учинчи даврига ўтади: олча данагидек дўмбокчалар ёки тухумдек, баъзан ундан каттароқ гуммалар пайдо бўлиб, тўқималарни емиради, ярага айланади ва

чандикланиб битади. Касаллик оқибати гуммалар ўрнашган жойга боғлик. Мия, юрак, томир, жигар каби ҳаёт учун муҳим аъзолар заарланса, бемор ҳаёти хавф остида колади; юз заарланган бўлса, бурун скелети емирилиб, бемор бадбашара, бурни эгарсимон бўлиб қолади. Ҳаракат, кўрув, эшитув аъзолари, нерв системаси нинг заарланиши кишини умрбод майиб килиб кўяди.

3. ҳамма вакт ҳам учинчи даврга ўтавермайди. Бемор касалликнинг биринчи даврида даволана бошласа, иккинчи даври пайдо бўлмай тузалиб кетади. Бемор вактида даволанмай, касаллигини ўтказиб юборса, З.нинг уччала даври бирин-кетин рўй беради. З.нинг биринчи даврида ёқ нерв системаси заарлана-ди, лекин бу учинчи даврда жуда оғир ўтади — орка мия сўхтаси ва авж олуви фалажга сабаб бўлади; бунда янги даво воситалари ҳам беморга фойда бермай кўяди.

Касал она даволаш курсини тўлиқ ўтмаган бўлса, З. боласига ўтиши мумкин. Аёлнинг бўйида бўлишидан олдин ёки ҳомиладорлик даврида эркак унга З. юқтирганда ҳам касаллик болага ўтади. Бу ирсий эмас, туғма З.дир. З. аёлнинг фарзанд кўрмаслигига сабаб бўлмайди, бироқ ҳомиладор З. б-н оғриб даволанмаса, одатда, ҳомиладорликнинг 4—5 ойида боласи тушади ёки З. боланинг чала (7—8 ойлигига) мажруҳ, баъзан улик туғилишига сабаб бўлади. З. белгилари йўклиги учун унинг яширин даврини ўтаётган она ўзини соғлом ҳис қиласи ва кўпинча дарди жуда оғир, З. б-н касалланган бола тугади. Етук туғилган болада биринчи кунлари ёки биринчи ой охири ёки иккинчи ой бошида туғма З. белгилари намоён бўлади. Суюклар заарланиши қаттиқ оғриқса сабаб бўлиб, бола ухлай олмайди ва йиглай беради; баданига доғга ўхшаш ва тугунсимон жуда кўп тошма тошади; кўпинча ички аъзолар, нерв системаси ва сезги аъзолари заарланади. Кечиккан туғма З., одатда, бола 5 ёшдан балоғатга етгунча рўй бериши

мумкин. Даволанмаган ёки чала даволанган болалардагина кечиккан туғма 3. хаёт учун хавфлиди.

Давоси. Бемор врач айтганларини қилиб, күнт б-н узок даволаниши керак. 3. давларига қараб махсус даво тадбирлари белгиланади, захмга карши дорилар буюрилади. Беморлар венерология диспансерларида хисобга олиниб, мунтазам текшириб турилади. Касаллигини яшириб, даволанмай юрган ёки давоми тұхтатиб күйінгін беморлар қонун йўли б-н мажбурий даволанади.

Олдини олиш. Диспансерлар 3. б-н оғриган bemor оила аъзоларини, у б-н жинсий алокада бўлган кишиларни текширади, bemor кимдан касаллик юқтирганини аниклади ва З.нинг тарқалишига йўл кўймаслик тадбирлари ни кўради.

Ад.: Арифов С., Эшбоев Э., Тери ва таносил касалликлари, Т., 1997.

Сайдқосим Арифов.

ЗАХЧАХОНА ТИЗМАСИ

Қашқадарё вилоятининг шим.шарқидаги тизма. Ҳисор тизма тоғларининг шим.ғарбий тармокларидан бири. Энг баланд жойи 3818 м. Асосан, шарқ ва жан.га йўналган. Жан., жан.ғарбий ён бағирлари анча тик. Сувайиргич қисми ялангоч, ўткир киррали. Энг баланд жойларидан доимий қор ва кичикроқ музликлар мавжуд. Силур ва девон давларининг метаморфлашган оҳактошлари, сланецлар, магматик ва метаморфик чўкинди жинслар катламларидан ташкил топган. 3. т.дан Оксув, Тўрткўйлак ва б. дарёлар бошланади. Булоқ кўп. Ён бағирларида оч тусли қўнғир тупроклар тарқалган. Юқори қисмидаги ён бағирлари яйлов сифатида фойдаланилади.

ЗАЛЬФАРОН (*Crocus sativus L.*) — сапсаргулдошларга мансуб кўп йиллик ўтсимон туганак пиёзли ўсимлик. Ёввойи хрлда учрамайди. Ҳиндистон, Покистон, Хитой, Жан. Европа, Озарбайжонда катта майдонларда экилади. Пиёзининг диаметри 1—2 см. Барги 5—15 та, оч сарик рангда; эни 2 мм, туксиз. Гули 1—4 та,

гултожи оқиши, пастки қисми (ташқи томондан) бинафша ранг, уз. 2—4 см. Чангчилари гулкўргондан қисқа. Кўсаги чўзиқ, эни 6—7 мм. Фев.—июлда гуллайди, апр.—августда мева беради. Таркибида эфир мойи бўлгани учун ҳиди жуда ўткир ва ёқимли. 90—100 минг дона 3. гулидан 1 кг куриган гул тумшукчалари олиниади. 3. гулиниң қутилган тумшукчалари мураббо, торглар ранги ва таъмини яхшилаш, озиқовкат (пишлок, сариёғ, ликёр ва б. ранг бериш учун), парфюмерия (атирупа) саноатида ишлатилади. Табобатда доридармон сифатида кўлланилади.

ЗАҚҚУМ, анчар (*Antiaris*) — тутдошлар оиласига мансуб ўсимликлар туркуми. Бир уйли дараҳт ёки буталардан иборат. Гули майда, кўримсиз, чангчилари каллаксимон тўпгул, уругчиси шоҳларда биттадан жойлашган. Осиё, Африка тропикларида ва Мадагаскар ода 5—6 тури бор. Осиёнинг тропикалирида ўсадиган *A. toxicaria* деган йирик дараҳт З.нинг бир тури бўлиб, заҳарли сут шираси таркибида антиарин ва антиозидин гликозиди бор. З.нинг шираси заҳарли бўлганидан маҳаллий халқ камалак ўқларини заҳарлашда қадимдан фойдаланиб келади.

ЗАҒИЗФОН, ҳакка (*Pica pica*) — чумчуқсимонлар туркумининг қарғасимонлар оиласига мансуб куш. Танасининг уз. 45—48 см. Европа, Осиё, Шим. Америка, Шим. Ғарбий Африка, Ўрта Осиё, Қозогистон, Жан. ва Ғарбий Сибирда тарқалган. 3. боғлар, тўқай ва тоғлардаги ўрмонларда яшайди. Тундра, Шаркий Сибирнинг айрим худудлари ва чўлларда учрамайди. 3. қишида кўчиб юрувчи куш. Дараҳтлар шоҳига ва буталарга йирик ёпиқ уя солади. Мартмай ойларида 5—7, баъзан 8—9 та тухум кўяди. Тухумдан 18—19 кунда жўжа чиқади. 3. майда кемирувчилар ва ҳашаротлар б-н озикланади; баъзан полиз экинлари (тарвуз, ковун) ва меваларни хам чўқийди.

ЗАҒЧА (*Corvus monedula*) — чумчуқсимонлар туркумининг

карғасимонлар оиласига мансуб күш. Танасининг уз. 30—39 см. Ранги, асосан, кора, бўйни тўқ қулранг. 4 та кенжя тури бор. Европа ва Осиёда учрайди. З. кўчиб юрувчи күш. Ўзбекистонда бола очади ва кишлайди. Жарларнинг ён бағирларига, уйларнинг пештоқлари ёки дараҳт ковакларига уя солади. Апр.да 4—6 та тухум кўяди. 18—20 кунда жўжалари тухумдан чиқади. Кўнғиз, капалак ва уларнинг куртлари, ўсимлик уруғлари б-н озиқланади. Зааркунанда ҳашаротларни кириб, фойда келтиради.

ЗАҒЧАҚҮЗ (*Myosotis L.*) — говзабондошлар оиласига мансуб биринчи йиллик, баъзан кўп йиллик ўтлар туркуми. Барги кетмакет жойлашган. Гули—гажак тўпгул, ҳаворанг (чала очилгани пушти). Чангчиси най ичида. Меваси—тўрт бўлакчали данак. Ер юзида 40 га якин тури бор (кўп турлари манзарали ўсимлик сифатида экилади), шундан Ўзбекистонда 4 тури адир ва тог зоналадидаги сернам, соя жойларда кўп ўсади. Фақат битта тури экинлар орасида учрайди.

ЗАҲАБИЙ, Абу Абдуллоҳ Шамсуддин Мухаммад ибн Аҳмад (1274, Дамашқ — 1348) — машхур тарихчи ва муҳаддис. Дамашқ ва Қоҳира мадрасаларида таҳсил олган, сўнг Дамашқ мадрасасида мударрислик қилган. Ислом оламида тарих ва ҳадис алломаси сифатида шуҳрат қозонган. 12 жилдли «Таърих ал-Ислом» («Ислом тарихи»), «АлИбар» («Ибратлар»), «Сияр аннуబало» («Олижаноб кишилар сийратлари»), «Табакот алхуффоз» («Ҳадис хофизлари табакалари»), «Табакот алкурро» («Қорилар табакалари»), «Мийзон алийтидол фий нақд аррижол» («Ҳадис роиййларига баҳо беришнинг адолатли мезони») каби ислом тарихи ва ҳадисга доир кўплаб асарлар ёзган. Булардан энг машҳури «Таърих алИслом» асари бўлиб, унда Ўрта Осиё, жумладан Мовароуннаҳр тарихининг ўрганилмаган жиҳатларини ойдинлаштирувчи кўплаб мухим маълумотлар бор.

ЗАҲАР БЕЗЛАРИ — ҳайвонларда заҳар ишлаб чиқарувчи маҳсус безлар. З. б. кўпинча жароҳат етказувчи орган б-н боғланган. Киприкли чувалчанглар З. б. кўп ҳужайрали (*Acoela, Polycladida*), ноксимон. Немергинларда заҳарли моддани хартумнинг орка қисмидаги эпителий тўқима бези ажратади. З.б. ҳимоя вазифасини бажаради. Шиллиқ куртлар (*Jenebra, Conus*) З. б. тишларида бўлиб, ингичка най орқали ташқарига очилади. Саккизоёқнинг охириги жуфт сўлак безлари заҳарли модда ажратади. Бўғимоёқлиларда З. б. кўп ҳужайрали, жуфт бўлади. Безларнинг тешиги чаёнларда дум қисмининг найзасига, ўргимчакларда хелицерасига, лабоёқлиларда оёқ жағларига, ҳашаротларда думидаги ўсимталарига очилади.

Умуртқали ҳайвонлардан юмалоқозилилар, балиқлар, сувда ва қуруқликда яшовчилар, судралиб юрувчилар ва клоакалиларда З. б. бўлади. З. б. денгиз илонбалиғининг терисида, муренларнинг танглайида, чаёнбалиқ ва денгиз калтакесакларининг сузгичларида жойлашган. Саламандр, тритон, калтакесакда З. б. терисининг турли қисмларида, курбака ва кўл бақаларида эса тананинг ёнбош, бўйин ва орқа қисмидаги жойлашган. Улар безовта бўлганида тери устига суюқ заҳар ажратади. Заҳартишли илон ва калтакесакларнинг З. б. сўлак безлари асосида бўлади. Ҳайвон чиққанида заҳар тишлар ёрдамида ўлжа танасига юборилади. Заҳарли илонларнинг заҳар тишлари оғиз очилганда оғизнинг олдинги қисмига каратилади. Клоакали сут эмизувчилар (ўрдакбурун, ехидналар) эркакларининг З. б. орқа оёкларига жойлашган. Умуртқали ҳайвонларда З. б. эволюцион тараққиётнинг биринчи даврларида вужудга келиб, дастлаб сувда ва қуруқликда яшовчилар ҳамда балиқларда мавжуд бўлган.

Норқўзи Эргашев.

ЗАҲАРЛАНИШ, интоксикация — заҳарли модда организмга оғиз, меъдаи-

чак, нафас йўллари орқали кирганда, теридан сўрилганда, тери остига, орасига, венага юборилганда рўй берадиган касаллик ҳолати. Организм фаолиятининг издан чиқиши б-н кечади. З.нинг юзага келиши ва кечиши заҳарловчи модданинг организмга қайси йўл б-н кирганлигига, унинг миқдори (дозаси), физиккимёвий ҳолати (газ, эритма, чанг ва х.к.), шунингдек, организмнинг умумий ахволи ва ташки муҳит омилларига боғлиқ, Одамларда З.нинг ўтқир ва сурункали хили фарқ қилинади. Ўтқир З. тасодифий ва қасдан бўлиши мумкин, улар заҳарли модданинг организмга бир марта кучли таъсири туфайли юзага келиб, ҳаётий муҳим функцияларнинг издан чиқиши б-н кечади. Сурункали З. заҳарли модданинг организмга узоқ вақт озодан таъсир этиши оқибатида рўй беради; дорилардан бўладиган, шунингдек, қасбкорга алоқадор З.лар кузатилади. Турмушда З. кундалик ҳаётда учраб туради. Мае, печка ёкиш ва газ плиталаридан фойдаланиш қоидаларига риоя қилинмагандан ис ёки ёритиш газидан З.; айниган овқат истеъмол қилинганда З. (к. Овқатдан заҳарланиш); алкоголдан З.; дезинсекция, дератизация ва б. мақсадлар учун ишлатиладиган химикатлардан З. Дорилардан З. улар дозаланганда, янгиш ишлатилганда, нотўғри тайёрланганда келиб чиқади. Одамнинг нечоғли қаттиқ заҳарланиши шу дорига организмнинг қанчалик сезгирилигига ҳам боғлиқ (к. Идиосинкразия).

Касбга алоқадор З. баъзи корхоналарда хавфсизлик техникаси кридалари бузилиб, кўроғшин, симоб, мис, мишъяқ бирикмаларидан заҳарланганда рўй бериши мумкин.

Тасодифий ва қасдан (мас, ўзини ёки бирорни ўлдириш мақсадида) З. ҳам ажратилади. Кучли таъсир этадиган моддалар ва дорилар нотўғри сакланганда кўпинча болалар заҳарланиб қолади. Шунинг учун заҳарли дорилар болалар бўйи етмайдиган жойда сакданиш керак. Кислота ва ишқорлардан З.да баданда қаттиқ

оғриқ сезилади, лаб ва оғиз шиллик пардаси куяди. Сув ютганда, тўш орқаси ва ости оғрийди; одам қон аралаш кусади.

Овқатдан заҳарланган киши қорнида оғриқ сезади, кусади, ичи кетади, боши оғрийди, боши айланади, дармони қурийди, қаттиқ заҳарланган бўлса, хушидан кетади, ўлиб қолиши ҳам мумкин.

Алкогол дан З.да маастлик, аввал қўзғалиш, юз кизариши, алкоголь хиди анқиб туриши, сўнгра алаҳлаш, юзнинг бўзариши, бехушлик қайд қилинади. Наркотик вауҳлатувчи дорил ар (морфин, барбитал, фенобарбитал ва х.к.) дан З.да мудраш, бош айланishi, кулок шангиллаши, кусиши, томир уришининг суст ва заиф бўлиши, тиришиш кузатилади.

Ис гази [углерод (П)оксид] ва ёритиш газидан З. шу газларнинг нафас йўллари орқали киришидан бўлади. Белгилари; бош оғрийди, кулок шангиллайди, бош айланади, беморнинг дармони қурийди, ҳаллослайди; пульси сусаяди, кўнгли айнииди ва кусади; қаттиқ заҳарланганда типирчилайди, хушидан кетади, ўлиб қолиши ҳам мумкин. З. аломатлари хилмажил бўлиб, у жигар, буйрак, қон, марказий ва периферик нерв системасининг қай даражада заарланганига боғлиқ. Даво З.га сабаб бўлган заҳарли моддани иложи борича организмдан тезроқ чиқариш чораларини кўриши, заҳарли модданинг заҳарини кесувчи зиддизахарлардан фойдаланиш, заҳарланган аъзолар фаолиятини тикилашдан иборат. Биринчи ёрдам: З.га гумон туғилганда дарҳол врач чақириш ёки беморни яқин орадаги касалхонага олиб бориш керак. Кислоталар (сирка эссенцияси, хлорид кислота ва х.к.)дан заҳарланганда куйдирилган магнезия б-н сув ёки сувнинг ўзини кўп ичириб, кустирилади. Бемор бехуш ёки коллапс ҳолатида бўлса, кустириш ярамайди. Ишқорлар (новшадил спирти) дан заҳарланганда 3% сирка (1 стакан сувга 1 чой қошик) кўшилган лимонли сув ичириб кустирилади. Сўнгра бир

бўлак муз юттириб, совук каймоқ ёки сутни чой кошиклаб ичирилади, хом тухум, бир бўлак сариёф юттирилади; тўш остига музли халта, кўлоёққа грелка кўйилади. Овқатдан заҳарланганда меъда ювилгандан кейин қорин ва кўлоёққа грелка кўйилади. Кўплаб иссик ичимлик, куюқ кофе ичирилади. Алкоголдан заҳарланган кишига эҳтиёткорлик б-н новшадил спирта ҳидла тилади, меъдасини ювгач, сурги берилади, сўнгра бир стакан сувга новшадил спиртидан 3—5 томчи қўшиб ичирилади. Бошига музли халта кўйилади. Кўп чой ёки куюқ кофе ичирилади. Наркотик ва ухлатувчи дорилардан заҳарланганда меъданни ювгач, беморни бир оз юргизиш, устидан совуқ, сув куйиб, кейин иссик сувга тушириш, баданини иссик тутиш, ишқалаш, нафас тўхтаб қолганда сунъий нафас олдириш керак. Ис гази ва ёритиш газидан заҳарланганда соф ҳавога олиб чиқиб, новшадил спирти ҳидлатиш, сунъий нафас олдириш, баданини ишқалаш, аччиқ чой, куюқ кофе ичириш керак. Ҳайвонлар заҳарли ўт, бузилган емхашак еганда, оғзига заҳарли моддалар тушганда ва заҳарли газ б-н нафас олганда заҳарланади. Заҳарланган ҳайвон бўшашади, сўлаги оқади, ичи кетади, нерв системасининг фаолияти бузилади. Биринчи ёрдам: меъдаси ювилади, гўштхўр ҳайвон ва чўчқаларга кустирувчи дори берилади, сурги ичирилади. Ҳазм йўлида заҳарнинг сўрилишини секинлатиш учун адсорбцияловчи дорилар берилади.

Эркин Қосимов.

ЗАҲАРЛАР — организмга таъсир этганда унинг ҳаёт фаолиятини бузиб, ҳаётни ҳаф остида қолдирадиган моддалар. Тирик организмга таъсир кўрсатадиган барча моддалар, жумладан дорилар ҳам юкори концентрация ва дозада маълум даражада уни заҳарлайди (к. Захарланиш). З.нинг организмга таъсир этиш кучи уларнинг кимёвий тузилиши ва физиккимёвий хоссаларига боғлик бўлишидан ташкири, шу тирик организм тўқималари ва ҳужайраларининг

хусусиятларига ҳам bogliq. З. организм ҳужайралари б-н тўқималарининг таркибига кирган ва тўқималардаги алмашинувда қатнашадиган моддалар б-н кимёвий реакцияга киришиб, таъсир этади. Ҳужайра протоплазмасининг оқсил структурасини емирадиган моддалар (мас, кучли кислота ва ишқорлар, юкори концентрацияли тузлар) ҳеч истисносиз барча тирик ҳужайраларни ҳароб қилади. Моддалар алмашинувини бир маромда таъминловчи фермент системаларни боғлайдиган ёки емирадиган З. хавфлироқдир. З. ўсимлик, ҳайвон, минерал ва кимёвий синтез маҳсулотларига бўлинади. Баъзан жониворлар (илонлар ва бўғимоёклилар—ари, асалари, коракурт, чаён ва х. к.) З.нинг аксариси оқсил структуралидир. Ўсимлик З.ига, асосан, алкалойидлар киради, улардан аконитин (парпи), мускарин (мухомор), никотин (тамаки барглари), анабазин (ит-сигек), атропин (белладонна), физостигмин (калабар дуккаги) кўпроқ заҳарли. Баъзи ўсимлик гликозидлари, айниқса юракка таъсир этадиган гликозидлар, мас, дигитоксин (дигиталис гликозиди), строфантин ва б. ҳам юкори концентрацияда заҳарлидир. Патоген микроорганизмлар чиқарадиган ва касалликка сабаб бўладиган токсинлар ҳам З. хисобланади. З. одам ва ҳайвон организмига турли йўллар б-н, асосан, ҳазм ва нафас аъзолари, қисман тери орқали киради. Турмушда заҳарланишига сабаб бўладиган З.нинг аксариси организмга овқат б-н киради. Бундай З.га микробларнинг фаолияти натижасида ҳосил бўладиган ботулотоксин колбаса заҳари (к. Ботулизм), заҳарли замбуруглар, заҳарли ўсимликлар (бангидевона, белладонна) мевалари ва тугунакларида учрайдиган моддалар киради. Заҳарли ўсимликлар гоҳо яйловдаги молларнинг заҳарланишига сабаб бўлади. Ёнилғи газларнинг чала ёниш жараёнида ҳосил бўладиган ис гази ҳавфли заҳарли газ хисобланади. Касбга алокадор З., яъни саноатда ва к. х.да ишлатиладиган зарарли кимёвий моддалар ҳам бор. Са-

ноатдаги захарли моддаларга күрғошин, симоб, мис, маргумуш бирикмалари, анилин, бензол, водород сульфид ва б. күпгина учувчан органик моддалар; қ. х.да ишлатиладиган захарли моддаларга гербициллар, дефолиантлар, пестициллар ва б. киради. Организмнинг ҳаёт фаолиятида ишланиб чиқадиган, аммо касаллик натижасида организмдан чиқиб кетмайдиган моддалар (мас, уремияда азотли ташландилар) ҳам З.дир. З. организмдан буйраклар, ичак, ўпка орқали, баъзилари эса қисман тер, сут б-н чиқиб кетади.

Азиза Эркакхўжаева.

ЗАХАРЛИ ЖОНИВОРЛАР - бошқа организмлар учун доимо ёки вактингчалик захарли бўлган моддаларни ўз организмидаги сақловчи жониворлар. 5 мингга яқин тури маълум. З. ж.дан илонлар, чаёнлар, ўргимчаклар, малҳамчи кўнғизлар ва б. яхши ўрганилган. Бир хил З. ж. (ilonlar, ўргимчаклар, чаёнлар)нинг захар ишлаб чиқарадиган маҳсус безлари бор; бошқаларида (кўнғизлар, қандалаларда) захарли модда у ёки бу хилдаги тўқималарда бўлади. Захар химоя ёки бошқа ҳайвонларга хужум килиш воситаси хисобланади. Бўшлиқчиллар (гидралар, актиниялар, медузалар)да захар безлари отувчи хужайралар, бўғимоёқлилар (арилар, чаёнлар)да наштар ёки ўргимчаклар, кўпоёқлиларда хелицералар, бошқаларда (чаёнбаликлар, денгиз аждаҳочалари) сузгичлар ёки жабра қопқокларидағи маҳсус ўсимталар б-н боғланган. Айнан бир хилдаги захар хар хил ҳайвонларга турлича таъсир кўрсатади. Бир турнинг ўзида ҳам ҳар хил З. ж. заҳари бир хилда таъсир этмайди. Мас, чўчқалар, шақилдоқ илон, типратиконлар, кора илон, чўл кемирувчилари чаёнлар захарига кам таъсирчан бўлади. Лайлак, қарға, бургут, миризақуш каби кушлар захарли илонларни, товуклар коракуртни ейди. Захар узоқ вақт давомида озоздан киритилганида одам ва ҳайвонлар организми унга чидамли бўлиб қолади. Илонлар, арилар

ва б. баъзи З. ж. захаридан кам миқдорда даволаш мақсадида фойдаланилади. Норкўзи Эргашев.

ЗАХАРЛИ ЗАМБУРУГЛАР - тарки бида турли захарли моддалар (мас, алкалоидлар) бўладиган замбурууглар. Кўпчилик З. з.нинг алкалоидлари, асосан, ҳазм органларига таъсир этади. Мае, дон экинларида учрайдиган коракуя (корамиғ — Claviceps рифигеа)нинг каттиқ кора склероцийси таркибида алкалоидлар одам ва ҳайвонларнинг меъда, ичак ва б. органларини захарлайди. З. з. алкалоидларидан айримлари туғиши жараёнини жадаллаштириш учун оз миқдорда ишлатилади. Фузариум ва вертициллиум туркумидаги баъзи замбурууглар корамоллар ва турли токсикоз касалликларини пайдо киласди. Аксари қўзиқоринлар (мас, Helvella) таркибидаги гелвелла кислота ошқозон ва ичакларни захарлайди.

ЗАХАРЛИ КИМЁВИЙ МОДДАЛАР - қ. Пестицидлар.

ЗАХАРЛИ ЎСИМЛИКЛАР - таркибида захарли моддалар бор ўсимликлар. З. ў. 2 гурӯҳга бўлинади: 1) ҳақиқий З. ў. — захарлилик турнинг хусусий белгиси хисобланади; 2) шартли З. ў. — турдаги айрим ўсимлик захарли бўлади (мас, зигир ва оқ жўхори айрим холларда цианид кислота чиқаради). Ҳақиқий З. ў.нинг 10 минг тури бор. Асосан, субтропик ва тропик мамлакатларда ўсади, мас, заккум. Ўсимликларнинг захарлилиги улардаги турли органик бирикмалар — алкалоидлар, гликозидлар, гликоалкалоидлар, эфир мойлари, кислоталар, лактонлар, токсальбуминлар, смолали органик моддаларнинг миқдорига боғлиқ. Бу моддалар ўсимликларнинг турли органида тўпланади (мас, парпи ва моролқулоқнинг, асосан, илдиз поясида, ангишвонагулнинг баргиди ва ҳ. к.). З. ў. барча жониворларга бир хилда таъсир этмайди. Мас, одам учун захарли белладонна ва бангидевона қуён ва кушларга мутлақо заарсиз, пиретрумнинг баъзи турлари хашаротларга заарли бўлса, исиққонли ҳайвонлар учун заарсиз; ден-

гиз пиёзи кемириувчиларга захарли, бошқа хайвонлар учун заарсиз ва х. к. Захарли моддалар ўсимликнинг турли ўсиш даврларида тўпландади. Ўсимликнинг заҳарлилиги улар кўкариб турганида куригандагисига караганда кўпроқ бўлади, баъзиларида эса куридандан кейин заҳарлилиги бутунлай йўқолади. Мае, учма, айиқтовон ва б. Кўпчилик З. ў.нинг дориворлик хусусиятлари ҳам бор (испарак, қизғалдоқ, кўкнори, аччиқмия ва б.). Булардан олинадиган препаратлар ҳар хил касалликларни даволашда ишлатилади.

ЗАҲАРЛОВЧИ МОДДАЛАР - душманнинг аскарлари, хайвонлари, шунингдек, озиқовқат, жанговар техника, кийимкечакларини заҳарлаш учун ишлатиладиган кимёвий моддалар. З. м. ҳаво орқали бинолар, турар жойлар, пана жойларга тарқалиб, улардаги одамларга шикает етказади. З. м.нинг шикастлантириш хусусияти ҳавода, турар жойларда ва турли нарсаларда узок вақт сақланади. Буғлари шамол орқали жуда катта ҳудудга тарқалади. З. м.дан шикастланниш заҳарланган ҳаводан нафас олиш, у моддаларнинг кўз, тери ва кийимга тегишли, заҳарланган овқат ёки сувни истеъмол қилиш ва б. орқали рўй беради. Лекин З. м. заҳарланиш зичлиги етарли бўлгандагина одамларга шикает етказа олади. З. м. суюқ ҳолда жойларга сепилгандা, уларнинг майдон бирлигига тўғри келадиган миқдори заҳарланиш зичлиги деб аталади ва ҳар квадрат метрга тўғри келадиган граммларда ифодаланади. З. м. киши организмига таъсир этиш хусусиятига кўра организмни умумий заҳарлайдиган, нерв тўқималарини фалажлайдиган, тери касалликлари пайдо қиласидиган, бўгувчи, ёш оқизадиган, баданни яллиглантирадиган ва б. турларга бўлинади. Нерв тўқималарини фалажловчи З. м.га зарин, зоман, табун; тери касалликларини пайдо қиласидиган З. м.га иприт, люзит; организмни умумий заҳарлайдиган моддаларга цианид кислота, хлорциан, фосфин; бўгувчи модда-

ларга фосген, дифосген ва б. киради. Бу бўлинини аслида нисбийдир, чунки аксарият З. м. кўп томонлама таъсир этиш хусусиятига эга. Халқаро ҳуқук 1925 й.даги Женева баённомаси б-н урушларда бўгувчи, заҳарловчи газ ва бактериологик воситаларни қўллашни тақиқлайди. З. м.дан мудофаа қилиш учун дезактивация шароитларига амал қилиниши керак. Кўшин турларида шахсий таркиб учун қилинган пана жой, қазилма ўралар, қазилма йўллар дегазациялаштирилиши ва шахсий таркиб маҳсус кийимлар б-н таъминланиши лозим (яна қ. Оммавий кирғин куроллари).

Азиза Эрқахўжаева.

ЗАҲКАШЛАР (*Oniscoidea*) — ҳар хил оёкли қисқичбақасимонлар кенжатуркуми Уз. 1—50 мм. 1000 га яқин тури маълум. Кўпчилик турлари куруқлиқда яшашига мослашган. Нам жойларда хаёт кечиради (номи шундан олинган). Кечаси фаол, кундузи пана жойларга яшириниб олади. Чўлда хаёт кечирадиган З. *Hemilepistus cristatus* инининг чуқурлиги 1 м га етади. Айрим З. жабра япрокларини қоплаб турадиган юпқа сув қатламларида эриган кислород б-н нафас олади, бошқаларида атмосфера ҳавосидан нафас оладиган маҳсус мослама бўлади. Энг тубан тузилган З.нинг ҳаёти сув муҳити б-н боғлиқ: *Ligia* уруғи турлари денгиз соҳилида яшайди ва узок муддат давомида сув остида қолиши мумкин. *Ligidium* уруғи вакиллари сойларда яшайди. Кўпчилик З. ўсимлик колдиклари б-н озиқланиб, тупроқ ҳосил бўлишида иштирок этади. Айрим З. (*Hemilepistus zachvatkini*) сугориладиган майдонлар ва иссиқ хоналардаги экинларга зиён етказади.

ЗАҲОНА — Кўҳитанг тизмасидаги довон, Сурхондарё вилоятининг жангарбида, Шеробод тумани ҳудудида, Ўзбекистон Республикаси ва Туркманистон чегарасида жойлашган. Энг баланд жойи 3016 м. З.га май—ноябрь ойларида Кампиртепасой водийси бўйлаб ўтган сўқмоқ йўл орқали пиёда ёки отда

бориш мумкин. З.га борадиган сўқмоқ йўл атрофлари арчазор ўрмонлар б-н қопланган. Кишда довон қалин қор б-н қопланаб ётади.

ЗАҲХОКИ МОРОН — Қарши т. й. станцияси яқинида жойлашган қад. қалъашаҳар харобаси. Афсонавий шоҳ Захҳок номига қўйилган бу қалъашаҳар харобасининг бал. 15 м, майд. 16 га дан ортиқ. Археологик қазишлар З. м. мил. ав. 1 а.ларда ҳам мавжуд бўлганлигини исботлайди. Милоднинг 5—ба.ларидаги йириклиги жиҳатидан Еркўргонлан кейин иккинчи ўринда турган. 9—10а.ларга оид сопол идишлар топилиши вайрон бўлган З. м.нинг бир кисми ўрта асрларда ҳам маълум дараҷада ривож топиб, маданий жиҳатдан юксалганини кўрсатади.

«ЗВЕЗДА ВОСТОКА» («Шарқ юлдузи») — Ўзбекистон Ёзувчилар уюшмасининг адабий-бадиий ва ижтимоий-сиёсий журнали. Тошкентда рус тилида З ойда бир марта чиқади. Муассислари — Тошкент матбаа комбината, «Ўқитувчи» нашриёти, «Матбуот тарқатувчи» Очиқ акциядорлик жамияти. Жур. дастлаб «Советская литература народов Азии» («Осёй ҳалклари совет адабиёти», 1932—34), «Литературный Ўзбекистон» («Ўзбекистон адабиёти», 1935—40), «Литература и искусство Узбекистана» («Ўзбекистон адабиёти ва санъати») номлари б-н нашр этилган. 1946 й.дан ҳоз. номда. «З.В.» ўзбек адабиётида яратилган энг яхши асарларни, шунингдек, маҳаллий русийзабон ёзувчилар, чет эл ёзувчиларининг асарларини, адабиёт ва санъатнинг муҳим соҳаларига бағишлиланган адабийтанқидий мақолаларни, Ўзбекистон ва бутун Шарқ тарихи, маданиятига оид илмий макраларни, эсселарни, замондошларимиз хақидаги очеркларни ва б.ни эълон қилади. Жур.га турли даврларда М.И. Шевердин, А.М.Иванов, Г.П.Владимиров, В.А.Костирия, С.П.Татур, С. Мадалиев, Н.Н.Красильников ва б. муҳаррирлик килишган. Адади 1500 га яқин (2002).

ЗЕБ-ЗИЙНАТ БУЮМЛАРИ - зар-

гарлик санъатида яратиладиган безак буюмлари, тақинчоклар. Аёл либосини бойитиб, уларни янада назокатли ва жозибали қилиб кўрсатишга хизмат қилади. Асосан, олтин, кумуш ва б.дан ясалиб, жавоҳирлар қўйиб безатилади, жимжимадор қилиб раҳкори, кумушни қорайтириб соводкори, панжарали қилиб шабака ва б. усуllibarda ўйма ва бўртма нақшли қилиб турлича ишла' нади, шокилалар б-н безатилади. Тақилишига кўра, бош (тиллақош, тиллабаргак, бодомой, бибишак, гажак, кўшдуо ва б.), бўйин—кўкрак (турли маржон ва марваридлар, зебигардон, нозигардон, жевак, танга-жевак, тавқ, бўйинтумор, кўкрактумор, кўлтиктумор каби туморлар, бозубанд ва б.), соч (сочопопук, туф ва б.), қулоқ — бурун (булоқи, исирғалар ва б.) ва қўл (узук, билагузуклар) З.з. б. хиллари фарқданади. З.з. б.нинг пайдо бўлиши тарихи жуда қад. даврга бориб тақалади. Археологлар юкори палеолит катламларидан топган тош мунчоқ, тўғноғичлар, жез даврига оид билагузук, тўғноғич ва тутгмалар илк аждодларнинг дастлабки безаклари ҳақида хабар беради. Кейинги даврларда яратилган тилла буюмлар бўртма тасвирлар, сопол ҳайкалчалар, ўрта асрларга оид деворий расмлар, кўлёзма асарларга ишланган миниатюраларда акс этган. З.з. б. вақт ўтиши б-н астасекин бирбирини тўлдириб, 19а. охири 20а. бошида яхлит тўпламларни вужудга келтирган. Ўзбекистоннинг турли вилоятларида ясалган заргарлик буюмлари ўзига хос маҳаллий хусусиятлари б-н бирбиридан фарқ қилади. Хоразмлик заргарлар тайёрлаган З.з. б. салмокдорлиги, серҳашамлиги ва кўриниши б-н ажралиб туради.

Самарқанд заргарлари яратган тақинчокларда Тошкент ҳамда Бухоро заргарлигининг таъсири сезилади. Мас, панжара усулида нозик дид б-н кулфлик қилиб ишланган билагузуклар Бухоро заргарларининг ишларига яқин. Бухоро заргарларининг Қашқадарё, Сурхондарё вилояти заргарларининг ишларига ҳам

таъсири катта бўлган. Тошкентлик келинлар тўйида (никоҳ либоси б-н бирга) бошга тиллакрш, тиллабаргак, гажак, қулоққа исирға, бўйинга кўкракка тушиб турадиган зебигардон, жевак, хафабанд, маржон, бўйинтумор, сочга сочпопук, қўлтиққа қўлтиқтумор, қўлга билагузук ва узуклар таққан. Самарқанд келинларининг З.з. б. (тиллабаргак, тиллакрш, гажак, исирға, сочпопук, тавқ, маржон, қўкрактумор, зебигардон ёки ҳайкал, билагузук ва узук) тошкентлик келинларникига яқин бўлган. Хива келинларининг тақинчоқлари (такятизи, осмақанот, бутунтириноқ, ўқёй, шокила ва б.) ўзига хослиги б-н ажралиб туради. Шунга кўра, турли марказларда яратилган З.з. б. тўпламлари умумийликка эга бўлиб, маҳаллий ўзига хослик қисмларда на-моён бўлади. Бу тўпламлар бир намуна кўринишига эга бўлиб, қатъий бўлмаган, у ҳар бир хонадоннинг иқтисодий ахволига қараб у ёки бу даражада бойитилган. Аёллар З.з. б. ни тўлатўкис ҳолатда келинлик даврининг дастлабки 1—2 й. ичидаги, тўйтантаналарда тақишига ҳаракат қилган, бошқа вақтда енгил қаракат қилишга ҳалақит бермайдиганлари (узук, билагузук, исирға ва б.)ни таққан. Зирақ, билагузук, ҳар хил мунчоқлар (мунчоқ, қалампирмунчоқ)ни қизчаларга жуда кичикилигидан бошлаб тақа бошлашган, чунки улар безак бўлиш б-н бирга ёмон назардан асраш вазифасини ҳам бажарган. 20-а. 20-й.ларидаги заргар усталар артелларга бирлашди, анъанавий серҳашам ва оғир З.з. б. ўрнига ҳалқ дидига мое бўлган енгил, қулай ва нафис исирғалар (кашқарболдок, «исирғабарг», бухори зирак — «шибирма», «айзирак», илон зирак ва б.), ёкут кўзли узуклар, билагузуклар ясала бошланди, ҳом ашё сифатида мис, кумуш ва тилла безаклардан, қисман давлат ажратган тилладан фойдаланилди. 1963 й.да Тошкент заргарлик фкаси (1972 й.дан зд) ишга тушди, у ерда тилла занжирлар, ёкут, феруза, гавҳар ва б. қимматбаҳо тошлардан кўзлар қўйиб ишланган зирак ва узуклар, билагузу-

клар, никоҳ узуклари кўплаб и.ч. йўлга қўйилди. Нозик дид ва маҳорат б-н ишланган бу қулай ва нафис тақинчоқларни аёллар доимо тақиб юриш имкониятига эгадир. Заргарлар янги З.з. б. (жумладан, қашқарболдок, бухоро исирғаси «шибирма», тўғноғич, билагузук, маржон ва б.) б-н бир қаторда анъанавий тақинчоқларни (мас, исирға, узук, билагузук, маржонлардан иборат «Бозубанд», «Ойназирак» ва б. тўпламлари, 90-лар) янгича ўзига хос безаклар б-н яратмоқда.

ЗЕБИГАРДОН, зебисина — зийнатбуоми, аёлларнинг бўйинга тақилиб кўкракка тушиб турадиган тақинчоғи. З. шаклдор йирик турунж ва унга икки томонидан симметрик бирлашган б ҳуққачалардан иборат бўлиб, улар ўзаро ҳалқа, садаф, маржонлардан тузилган занжирлар б-н боғланган; ўргадаги икки параллел ҳуққача марказида кичик турунжи бўлган занжир орқали ўзаро боғланниб З. қатини ҳосил киласи. Марказий йирик турунжининг юкори қисми З—5 япроқли фунча шаклида, куйи қисмининг уни пастга қараган бодом кўринишига эга бўлиб, шокилалар б-н ҳошияланган. Ҳуққачалар ромб, Зебигардон тўртбурчак, айлана шаклида, айрим З.ларда сўнгти юкоридаги якунловчилари З ва 5 бурчакли қилиб ишланган. Турунж ва ҳуққачалар босма нақшлар, қимматбаҳо тошлар, рангбаранг шишалар б-н безатилган. З. Тошкент, Самарқанд, Фарғона водийсида кенг тарқалган.

ЗЕБО ПАРИ — мақом шўйбаларида ва мумтоз ашуласарда намуд ўрнида кўлланиладиган машҳур авж. Тахминларга кўра, бу авжни З.п. тахаллусли фарғоналии машҳур хонанда ва созандабастакор Абдураҳмон (19a.) ижод қилган деб ҳисоблайдилар. Аслида у бу авжни зўр эҳтирос ва маҳорат б-н ижро этганилиги сабабли авжга З.п. номи берилилган. Бузрук мақомининг Бухоро Ироғи, Ростнинг Савти Сабо, Савти Калон шўйбаларида, Ушшоқи Хўқанд ашуласида, Ироқ мақомининг Сараҳбори Ироқ, Чанбари Ироқ шўйбаларида З.п.дан фой-

даланилган. З.п. оханглари киритилган шўъбаларнинг доира усулига мос slab олинади ҳамда ашула ўйлари таркибида турли кўринишларда учрайди. З.п. хонандаларнинг чўкки пардаларга чиқиши, овоз ва бадиҳагўйлик маҳоратларини на-мойиш этишларида кенг имкониятларга эга.

ЗЕБРАЛАР, Африка ёввойи отлари (*Equus*) — отлар кенжা уруғи. Танасининг уз. 200—240 см, бўйи ягринидан 120—140 см, думи — 47—54 см, вазни 350 кг гача. Танасининг ранги — оқ ва кора кўндаланг йўйлўл чизикди (ҳимоя ранги). Ёли калта ва тик, думининг учиди узун киллардан иборат попуги бор. Очик даштларда 10—30 тадан пода бўлиб юради. Жуда эҳтиёткор, тез югуради. 1—1,5 ёшида вояга етди. Ҳомиладорлик даври 346—390 кун. Кўлга ўрганади, тутқинлиқда кўпайди. От ва эшак б-н чатишади. З.нинг 4 тури бор. Тоғ зебраси (*E. zebra*) Жан.Фарбий Африкада тарқалган, кўриниши эшакка ўшайди, З. орасида энг кичиги. Бурчеллов зебраси (*E. burchelli*) Шарқий ва Марказий Африкада тарқалган. Греви зебраси (*E. grevyi*) Шарқий Африка (Жан. Эфиопия, Сомали, Кения)да тарқалган, анча йирик, тойчасининг елкасидан думигача тик ва тўқ қизил жуни бўлади. Бу белги отлар қад. аждодларининг ёли факат бўйнида эмас, орқасида ҳам бўлганлигини кўрсатади. Ҳоз. кириб юборилган квагги зебраси Жан.Шарқий Африкада яшаган, кўриниши отга ўшаган. Қимматли териси учун кўплаб овланиши туфайли З. сони кескин камайиб кетган. Тоғ ва греви З.и Табиатни муҳофаза килиш халкаро иттифоки Қизил китобига киритилган (яна к. Тоқ туёклилар).

ЗЕБУННИСО БЕГИМ (1643 Дехли — 1721) — шоира, маърифатпарвар. Бобурийлар сулоласидан Аврангзебнинг кизи. Онаси Дилрасобону Гулбадан бегимнинг авлодларидан. Барелий («Газкираи шоироти урду» — «Урду шоирларининг тазкираси»), Шерхони Лудий («Мирот ул-хаёл» — «Хаёл ойнаси»),

Ҳакимхон Тўра («Мунтахаб ут-таворих» — «Танланган тарихлар»), Фазлий («Мажмуаи шоирон» — «Шоирлар мажмуаси») ва б. тарихчи ва тазкиранавис олимлар асарларида З.б. ҳаёти ва ижоди ҳақида маълумотлар учрайди. Отаси Аврангзеб қизида шеър ва шоирликка майл сезгач, ўша даврнинг машҳур олими Мулло Мухаммад Сайд Ашраф Исфаҳонийни унга муаллим килиб тайнинлади. З.б. бу олимнинг тарбиясида забардаст шоира, олима, созандо ва хаттот бўлиб вояга етди. Сўнгра илоҳиётга оид бир асар ёзиди, уни шу устозига бағишлади. З.б. ўзбек, форс, араб тилларининг сарфу нахви (морфология ва синтаксис)ни ўзлаштирган. Ҳусрав Дехлавий, Навоий, Бобур асарларини синчилаб ўрганган. Ҳиндистон олимлари, шоирлари ва санъат аҳлларига кўп ғамхўрликлар килиб, ўз замонида илм ва санъатнинг ривожланишига зўр таъсир қилган. Ўша замоннинг кўп олимлари шахсан З.б.дан маош олар эдилар. Шунинг учун хам тарихчилар унга къясак баҳр бериб, З.б. отаси ҳукмдорлик б-н қозона олмаган шуҳратни илм ва одоб б-н крzonган деб таъкидлайдилар.

Шоира ижодининг шаклланиши ва камолга етишида адабий мухитнинг таъсири кучли бўлган. Акаси Аъзамшоҳнинг адабиётга қизиқиши, уйиди бўлиб турадиган мушоиралар унда шеъриятга ҳавас уйғотади. Етук шоир ва олимлар б-н танишиади. Айниқса, З.б.нинг Бедил б-н мушоиралар килиши икки буюк талант меҳнатига барҳаётлик бағишлади.

Шоира мураккаб, зиддиятли бир даврда яшаб, ижод этди. 19 ёшидаёк куп аянчли воқеаларнинг шохиди бўлди. Аврангзеб салтанат учун курашда акаси Дорошукуҳ, укалари Муродбахш ва Шоҳшужъоларни енгуб, таҳтни эгаллайди (1658), касалманд отаси Шоҳжаҳонни 16 йил уй қамогида асрайди. Ўз ўғли Ақбарни таҳт учун курашда айблайди. Қизи — З.б.ни ҳам бу ишда ҳамфирк хисоблаб, Дехлидаги Салимгархи кўргонидан чикармайди. Мамлакатдаги

нотинч хаёт, салтанат учун курашнинг авж олиши шоира дунёкарашини тубдан ўзгартирди. З.б. ижодида ижтимоийфалсафий фикрлар чуқурроқ илдиз ота бошлади. Дастребаки шеърларида ёк табиат тасвири оркали инсоннинг орзуумидларини, адолат ва ҳақиқатни куйлади. Ростликни, ҳаққонийликни тарғиб қилди, алдамчи, фирибгарлардан нафратланди («Агар жаннатни ваъда қилсада, у одам сўзига алданман...»). З.б. ижодининг баъзи томонлари Бедил фалсафасига ҳамоҳанг. Шоира инсоннинг гўзаллиги келтирган фойдали ишида, меҳнатида, қадрқиммати унинг мақсадида деб билади.

З.б.нинг асосий машгулоти шеърият, мусика, илм бўлган. У бутун хузурхаловатни, тақдир ва баҳтни, кишилар орзу қилган жаннатни ҳам китобда — илмда, деб билган. Лирик шеърлар б-н бирга одоб ва ахлоққа оид «Зеб уттафосир» («Гўзал тафсирлар»), «Зеб уннашот» («Нашъалар зийнати») ва тасаввуф фалсафасига дойр «Мунис уларвоҳ» («Рұхларнинг содик дўсти») каби рисолалар ҳам ёзган. Шеърлари аждодларининг юрти Марказий Осиёда, Ҳиндистон, Афғонистон, Эрон, Покистон ва б. Шарқ мамлакатларида кенг тарқалган. Ғазаллари ўзбек халқининг севимли кўшикларига айланган. Ҳозиқ, Хиромий, Нодир, Собир Абдулла ва бошқалар З.б. ғазалларига мухаммаслар боғлаганлар. Шоиранинг шеърий мероси бизгача тўлиқ етиб келмаган. 8000 мисрали бир девони (ғазаллари), 7 қасидаси, 5 таржеъбанд ва бир мухаммасигина сакланиб қолган. Баъзи манбаларда шоиранинг «Махфий» тахаллуси б-н ижод қилгани айтилади. 19а. 2ярми — 20а. бошлирида кўчирилган «Девони Махфий» З.б.га нисбат берилади. З.б. асарлари кўллэзмаси дунёдаги кўпгина кутубхоналарда, шу жумладан, Ўзбекистон ФА Шарқшунослик интида сакланади (инв. № 2590, 1269, 1936). Дехлидаги «Зарзари» қабристонига Низомиддин Авлиё, Амир Ҳусрав Дехлавий ёнида дафн этилган.

Ад.: Жалолов Т., Ўзбек шоирлари, Т., 1980.

Бегали Қосимов.

ЗЕВАР (форс. — безак) — 1) пойабзалдўзликда маҳсининг бошлиғи б-н соғи бириккан жойга ва кавуш қирғоғига рангдор ипак б-н тикиладиган чок; 2) тифкашлиқда тифнинг луҳи; гулабдорликда гуланинг жавзасига боғланган ип.

ЗЕВАРСОЙ — Сурхондарё вилояти Сариосиё туманидаги сой, юқори оқимида Дивлонсой, ўрта оқимида Дивлоксой деб ҳам аталади. Киштут сойининг охириги чап ирмоғи. Ҳисор тизмасининг жан. тармоғи — Қолдириға тоғининг шим. гарбий ён бағирларидан оқиб тушадиган 20 та ирмоқнинг кўшилишидан ҳосил бўлиб, гарбий йўналишда оқади. Уз. 18 км, ҳавзасининг майд. 95 км². Кор, ёмғир ва булоклардан сув олади. Ўртача йиллик сув сарфи 1,8—2,0 м³/сек. З. да фев. охиридан суви кўпая бошлайди, май—июнда энг серсув бўлиб, куз ва кишида суви камаяди. З. дан Зевар қишлоғи сув ичади ва унинг атрофидаги ерлар сугорилади.

«ЗЕВАРХОН» — ўзбек халқ достони. Мавзуи ва услуби жиҳатидан ёзма адабиётдаги саргузашт асарларга яқин. Достонда муҳаббат, садоқат ва дўстлик гоялари тараннум этилади. Унда Богдод шаҳзодаси Зевархон ов вақтида Шамшод подшосининг қизи Маликаи Ҳубонни учратиб, унга ошиқ бўлиб қолиши, икки ёш бирбирларига этишгунга қадар бошдан кечирган саргузаштлар ҳикоя этилади. Маликаи Ҳубон тимсолида гўзал, аклидрок, фахму фаросатда ва кучқувватда эркаклардан қолишмайдиган аёллар образи мужассамланган. «З.» нинг тури вариантлари Ўзбекистон ФА Тил ва адабиёт инти архивида сакланади. Фозил Йўлдош ўғли айтган вариант нашр этилган (1970).

ЗЕВС — юонон афсоналарида олий худо; худолар ва одамлар хукмдори. Кронос ва Рейнинг ўғли. Худоларнинг учинчи авлодига мансуб. Тартарда ўз от-

аси ва бошқа титанларни енгид, Олимп тоғида хукмрон бўлгандан кейин 3. астасекин оламни қайтадан тузади, худоларни яратади, қонунлар чиқаради, тартиб ўрнатади, фан, санъат, ахлоқ месъерлари ва ҳ. к. ни жорий этади. 3. худоларнинг иродасини ва яхши ниятларини рӯёбга чиқарувчи кўплаб қаҳрамонлар (Геракл, Персей) нинг отаси. Айни вактда 3. — даҳшатли жазоловчи куч. У бир неча марта одам зотини йўқ килиб, ундан ҳам мукаммал инсонни яратишга уринади. 3. тўғрисидаги афсоналарнинг айрим қисмлари «Илиада», «Одиссея» ва б. антик асарларда бор. Қад. Рим афсоналарида 3. Юпитерга тўғри келади.

ЗЕЕБЕК ЭФФЕКТИ — кетмакет уланган турли ўтказгичлардан иборат электр занжирда электр юритувчи куч (э. ю. к.) — термоююқ ҳосил бўлиши; бунда ўтказгичлар ўргасидаги контакtlар хар хил траларда тутиб турилади. Термоэлектр эфект деб ҳам аталади. Немис физиги Т. И. Зебек 1821 й. да қашф этган. Термоэлемент ёки термопаралар 3. э. га асосланган. 3. э. ююри траларни ўлчаш ҳамда жуда кучсиз тра фарқларини аниглашга татбиқ қилинади.

ЗЕЕМАН (Zeeman) Питер (1865.25.5, Зоннемайре — 1943.9.10, Амстердам) — нидерланд физиги. Илмий ишлари оптика, магнитооптика, атом спектроскопиясига оид. Магнит майдон таъсирида спектрал чизикларнинг ажралиш ҳодисасини очди (қ. Зееман эфекты). Бу қашфиёти электрон назариясини асослаша ривожлантиришда муҳим роль ўйнади. Магнетизм ҳодисасининг радиацияяга таъсирини ўрганди. Нобель мукофоти лауреати (Х. А. Лоренц б-н ҳамкорликда, 1902).

ЗЕЕМАН ЭФФЕКТИ — атом ва атом системаларининг магнит майдонда энергия сатхлари ва спектрал чизикларининг ажралиши. П. Зееман натрий буғининг магнит майдонида ёруғланишини текшириш пайтида қашф этган (1896). 3. э. нинг содир бўлишига магнит моментига эга атом системасининг ташки магнит майдонида қўшимча энергия олиши са-

баб бўлади. Натижада унинг энергия сатхлари ва, демак, спектр чизиклари ажралади. 3.э.ни кузатиш учун П. Зееман бир жинсли, кучли (10—15000 эрстед) электромагнит кутблари орасига чизикли спектр манбаи (мас, вакуум ёйи) жойлаштириб, ундан чиқаётган ёруғлик нурини катта ажратиш кучига эга бўлган спектрал аппарат S га йўналтирган. Нур кутбланишини кузатиш учун унинг йўлига анализатор жойлаштирилган. Кутблантиргич вазифасини магнит майдони бажарган. Ҳодиса икки йўналишда: майдонга тик ва майдон йўналишида кузатилган. Оддий частота у ли атом спектрлари (мас, H, Zn, Cd) магнит майдонига киритилгандан сўнг майдон йўналиши бўйича $v-Av$ ва $v+Av$ дублетига ва майдонга тик йўналиш бўйича кузатилганда эса $V-Av$, v ва $v+Av$ триплетига ажралган. 3. э. электронларнинг мавжудлигини ва атомларнинг мураккаб тузилганлигини исботлашда жуда муҳим роль ўйнади. У электронлар кобигидаги электрон магнит моменти проекциясининг дискремт қийматига боғлиқбўлган энергетик даражаси ҳақида ҳам бевосита маълумот беради.

ЗЕЙДМАН Борис Исаакович (1908.10.2, Петербург 1981. 30.12, Тошкент) — композитор, педагог. Ўзбекистон ҳалқ артисти (1978), Озарбайжон (1956) ва Ўзбекистон (1964) да хизмат кўрсатган санъат арбоби, проф. (1949). Ленинград консерваториясини ва аспирантурасини (1936) тутатган. Саратов (1931—33) ва Ленинград (1933—39) мусика билим юргларида ўқитувчи, Озарбайжон (193957) ва Тошкент (1957—81) консерваторияларида композициядан даре берган. Шогирдлари — Ф. Амиров, С. Алексеров, Н. Мухатов, М. Кажлаев, Ўзбекистонда — Р. Ҳамраев, Т. Қурбонов, Н. Зокиров, Э. Солиҳов, Ш. Шоймардонова, Д. Омонуллаева ва б. 8 опера — «Маскарад» (1958), «Зайнаб ва Омон» (Т. Содиков, Д. Зокиров ва Ю. Ражабий б-н ҳамкорликда, 1958) ва б.; 5 балет — «Олтин калитча» (1959), «Кулиб туради-

ган одам» (1962) ва б.; 2 мусикали драма — «Үғил уйлантириш» (С. Юдаков, Ю. Ражабий б-н), «Қари қиз» (Ф. Тошматов б-н); 5 симфония, концерт ва камерчолғу асарлар, романс ва құшиқлар мұаллифи. Ижодида рус мұмтоз мусика анъаналарига таянған.

ЗЕИНАЛОВ Жаҳонгир Ризо ўғлы (1865 — Боку — 1918. 4. 11) — озарбайжон актёри. Миллий театр асосчыларидан. Ижодини 1885 й. дан бошлаган. Ҳажвий ва харәктерли роллар устаси сифатида танилған. Унинг ижроси инсон хис-түйгуларини ифода этишда чуқур психологик таҳлили, бадиий жиһатдан содда ва самимийлиги б-н ажралиб туради. Эң яхши роллари: Вазир («Ленкоран хонлигининг вазири»), Ҳожи Самад («Бахтсиз йигит»), Ҳожи Қамбар («Ёмғирдан кочиб, жалага тутилди»), Шамданбек («Шамданбек»), Кекса Моор («Қароқчилар») ва б. З. Х. Араблинский, Рухулло Сидкій каби драматик санъат асосчыларининг устози.

ЗЕЛАНДИЯ, Шелланн — Болтик денгизидеги эң катта орол, Данія таркибида. Майд. 7 минг км² дан зиёд. Қырғоқлари, асосан, пасттекислик, құлтиқ күп. Ер юзаси бал. 126 м гача бўлған сертепа текислик, оҳактош ва гилдан ташкил топган. Кўл кўп (жумладан, Даніядаги эң катта Арресеे кўли). К. х. да емҳашак экинлари, буғдой, қанд лавлаги экиласи, сут чорвачилиги ривожланган. Орол т. й. паромлари оркали Фюн о. ва Швеция б-н боғланган. З. нинг шарқий кисми ва Амагер о. да Данія пойтахти — Копенгаген ш. жойлашган.

ЗЕЛЕНИЙ МИС (Яшил бурун) Грузиянинг Ажария Мұхтор Республикасындағы иқдим ва денгиз бўйи курорти. Батумидан шим.шарқца. Даволаш воситалари: куёш ва ҳаво ванналари, денгизда чўмилиш (май ойидан нояб. гача). Нафас органлари, камқонлик касалларидан даволанади. Санаторийлар, дам олиш уйлари, пансионатлар бор. Дунёдаги йирик ботаника боғларидан бири З. м. худудида (тропик ва субтропик ўсимликларнинг

нодир турлари бор).

ЗЕЛЕНОГРАД — РФ нинг Москва вилоятидаги шаҳар (1963 й. дан). Москва маъмурий округи маркази. Крюково т. и. станцияси яқинида жойлашган. Ахолиси 187,4 минг киши (1990 й. лар ўргалари). Электрон техника инти, З. яқинида (Менделеево шаҳарчасида) физикатехника ва радиотехника ўлчовлари инти бор.

ЗЕЛЁНАГУРА - Польшанинг гарбидаги шаҳар. ЗелёнаГура воеводасининг маъмурий маркази. Ахолиси 118,2 минг киши (1999). Транспорт йўллари тугуни. Машинасозлик (тепловоз, вагон, электротехника ускуналари, тўқимачилик машиналари, пўлат конструкциялар), тўқимачилик, фармацевтика, озиқовқат, мебель ва б. корхоналари бор. Шаҳарга 13а. асос солинган. 15—17а. ларга оид меъморий ёдгорликлар сақланган. Замонавий қўшиқлар фестиваллари ўтказилади.

ЗЕЛЕНСКИЙ Николай Дмитриевич (1861.6.2 — 1953.31.7) — кимёгар. Акад. (1929), органик катализ ҳақидағи таълимот асосчыларидан. Москва ун-ти проф. (1893). Циклопентанли ва циклогексанли углеводородларни синтез килган. Циклогексан ва унинг гомологларини платина ва палладий катализаторлари иштироқида дегидрогенлаш йўли б-н ароматик углеводородлар олган, шу усул б-н бензин ва керосин фракцияларидаги циклогексанли углеводородлар миқдорини аниқаяган, шунингдек, нефтдан ароматик углеводородлар олган. З. ва унинг шогирдлари шу соҳадаги кейинги тадқиқотларга асосланыб, циклопентанли углеводородларнинг гидрогенолиз реакциясини кашф этишиди. 1918—19 й. ларда З. алюминий хлорид ва алюминий бромид иштироқида соляр мойи ва нефтдан крекинг йўли б-н бензин олиш усулини ишлаб чиқиб, саноатга татбик, этган. Г. Стадников б-н бирга альдегидлар ва кетонлардан ааминокислоталар синтезлаш усулини кашф этган (бу усул Зелинский — Стадни ков реакцияси деб аталади). З. адсорбция ва қўмирили противогаз ясаш соҳасида иш олиб бор-

ди.

ЗЕЛЬДОВИЧ Яков Борисович (1914.8. 3, Минск — 1987) — рус назарийтчилигиги, акад. (1958). Собиқ Иттифоқ ФА га қарашли Кимё физикаси интида (1931—64), Амалий математика интида (1964 й. дан) ишлаган. Физикавий кимё, ёниш, детонация ва зарба тўлқинларининг замонавий назарияси яратувчиларидан бири. Ядро физикаси, элементар зарралар физикаси, астрофизика, хозирги замон релятивистик космологиясига оид асарлар муаллифи. 1939 й. да ураннинг бўлинишидаги занжир реакциясини биринчи бўлиб ҳисоблаб чиқди (Ю. Б. Харитон б-н ҳамкорликда).

ЗЕНДЛАР — Ғарбий ва Жан. Эрондаги қабила, шунингдек, Эронда 1760—94 й. ларда хукм сурган сулола. Каримхон исмли қабила бошлиғи З. сулоласига асос соглан. З. сулоласи 1794 й. да қожарлардан енгилгач, барҳам топган.

ЗЕНИТ (араб. — йўл, йўналиш) — осмон гумбазининг кузатувчи тепасида жойлашган нуктаси; шоқул (вертикал) йўналишининг осмон гумбази б-н кесишиш жойи. Бу нукга осмонда кузатувчининг ўрнига bogliq равишда ўзгариб боради. З. нинг уфқдан бал. 90° га teng. Осмон гумбазининг З. га қарамакарши нуктаси надир деб аталади.

ЗЕНИТ АРТИЛЛЕРИЯСИ - ҳаво хужумига қарши ишлатиладиган қурол тури (қ. Артиллерия).

ЗЕНИТ МАСОФАСИ - осмон ёриткини ёки ердаги буюмнинг зенитдан бурчак узунлиги; ёриткининг осмон гумбазидаги координаталаридан бири; ёриткич ва зенит орасидаги ей узунлигига teng. h б-н белгиланади. Осмон гумбазининг зенит, осмон ёриткичи ва надир орқали ўтадиган катта ярим доираси бўйича 0 дан 180° гача ҳисобланади. Баландлик h б-н $z=90^\circ$ — h нисбатда боғланган.

ЗЕНИТТЕЛЕСКОП - зенит атрофидаги юлдузларнинг зенитдан узоқликларини ўлчашда кўлланиладиган астрономик асбоб. Жойнинг кенглигиги аниқлаш учун ишлатилади. Телескоп

азимутал қурилмага ўрнатилган бўлиб, унинг фокал текислигига окуяр микрометр маҳкамланган. З.т. нинг уфққа нисбатан ҳолати 2 та махсус ватерпас (шайтон) б-н назорат қилинади. Жойнинг кенглиги $\pm 0,10'$ — $\pm 0,15'$ аниқдикда топилади. Ўзбекистонда Астрономия интининг Китобдаги филиалида Бамберг ва ЗТЛ180 русумли З.т. ишлатилади. Унинг объектив диаметри 180 мм, фокус масофаси 2360 мм.

ЗЕНКЕР (нем. Senker) — цилиндрик тешикларнинг деворларига ва уларнинг шаклдор қисмларига ишлов бериш (зенкерлаш) учун кўлланиладиган кўп тигли металл кесишиш куроли. Пармадан З—6 кесувчи кирраси борлиги б-н фарқ килади. Яхлит, ўрнатма, аралаш ва икки пероли З.лар бор. З. пармалаш ва токарлик станокларига ўрнатиб ишлатилади.

ЗЕНОН (Zenon) Китионлик (мил. ав. тахм. 336—264) — юон файласуфи, стоицизм фалсафий мактабининг асосчиси. Кипр о. даги Китион ш. да савдогар оиласида туғилган. У фалсафани З қисмга — мантиқ, этика ва физикага бўлган. У Гераклит изидан бориб, борлиқнинг асосида олов ётади; барча нарсалар оловдан пайдо бўлган, асрлар ўтгач, яна оловга айланади, оловнинг қуюқлашуви ва сийраклашувидан ҳаво, сув ва тупрок пайдо бўлади, деб ҳисоблаган. З. фикрича, жамиятдаги иллатларнинг боиси фақат билимлар етарли эмаслигидир. Жамият тўғрисидаги таълимотида З. космополитик қарашларни ривожлантириди, борабора жаҳон давлати қарор топади, барчанинг фароғати айrim шахслар фароғатидан юкори туради, деб ҳисоблади. Унингча, ҳамма ҳалклар учун умумий бўлган ва бутун дунёни камровчи қонун давлатга ҳам таалуккди бўлади. З. ғоялари психология ва этиканинг ривожланишига муйян таъсир кўрсатган. Унинг асарларидан айrim парчалар етиб келган.

ЗЕНОН (Zenon Eleates) Элеялик (мил. ав. тахм. 490—430, Элея, Жан. Италия) — юон файласуфи. Элея мактаби намояндаси. Пармениднинг ўзгармас,

бўлинмас борлик \акидаги таълимоти ни ривожлантириди, ўзининг 45 парадокси (апория) ни олға сурди. Ҳаракатнинг мумкин эмаслиги, нарсаларнинг кўплиги ва ш.к. ни асосламоқчи бўлди. Аристотель З. ни диалектика асосчиси деб хисоблади. З. фикрича, ҳақиқатга баҳс юритиш ёки қарамақарши фикрларни талқин этиш орқали эришилади (у ўз таълимотини сұхбат шаклида ифода этган). У «Ахиллес», «Ўқ» каби парадокслари б-н машҳур бўлган.

ЗЕРУ БАМ, Зир (зил) у бам (форс. — паст ва баланд) — 1) ўрта асрларда Туркистон, Эрон, Озарбайжон халклари мусика амалиёти ва назариясида энг ингичка (зер) ва йўгон (бамм) товуш берадиган торлар; 2) мусика товушқаторининг баланд ва паст қисмлари ифодаси; 3) айрим созлар (мис ва ёғоч найлар; кўс ногора, рез ногора б-н дўл ногора) ҳам З. б. дейилган. Узбек мумтоз шеъриятида З. б. атамаси ва айни мусиқий маъносидан кенг фойдаланилган:

Н а в о и й :
Муганний, Навоий фигонин эшиит

Ки, созинг аро зер ила бамда ўйқ.

ЗЕРЧА — ҳар хил буюмларни тешиш учун ишлатиладиган остилик мослама. Пўлат ёки темирдан ўртаси тешик қилиб дойра ёки тўрткирра шаклда ясалади. Буюмларга тешик очишида уларнинг остига кўйилади. Чунончи тақағар З. си такани тешишида, тунукасоз З. си тунукани тешишида, наҳалгар З. си этик ва кавушга қокиладиган наҳални тешишида, мискар З. си буюмнинг мис қисми ёки мис буюмни тешишида, пичоқсоз З. си пичок думи (сопи) ни тешишида ишлатилади ва х. к.

ЗЕФИР — 1) ўзига хос энсиз бўйлама йўллари бўлган ипгизлама. Бўйлама йўлларни йўгон танда иплари ёки рангли иплар ҳосил қиласди. З. дан, асосан, эрқаклар кўйлаклари тикилади; 2) қандолатчилик махсулоти, шириналлик. Мармеладнинг бир тури. Турли хўл меваларга киём, пектин моддалар, овқатга ишлатиладиган кислоталар, хушбўй ва ранг берувчи моддалар қўшиб тайёрла-

нади.

ЗЕЯ — РФ Амур вилоятидаги дарё, Амур дарёсининг чап ирмоғи. Уз. 1242 км, ҳавзасининг майд. 233 минг км². Стновой тизмасининг жан. ён бағирларидан бошланади. Ўртача сув сарфи 1910 м³/сек. Ўнгдан Брянта, Гилюй, Уркан, чапдан Деп, Селемжа, Томъ каби ирмоқлар кўйилади. Кўпроқ ёмғирдан сув олади. Нояб. бошларида музлаб май бошларида муздан бўшайди. Суви кескин кўпайганда тошади. Зея ГЭС дан қўйироқда ва сув омборида кема қатнайди. З. бўйида Благовешченск, Зея, Свободний ш. лари бор.

ЗИАНГИРОВ Мухамед Султангирович (1923, Янгийўл тумани — 1943.30.9, Днепропетровск вилояти Солёное тумани Войсковое кишлогои) — 2жаҳон уруши катнашчиси. 1942 й. дан фронтда. 198алоҳида ўқчи отряди (Жан. Фарбий фронтнинг бармиёси) нинг автоматчиси, ефрейтор. Днепр дарёсини кечиб ўтишда жасорат кўрсатган. 1944 й. 19 марта (ватифидан сўнг) Қаҳрамон унвонига сазовор бўлган.

ЗИВИЕ — Эроннинг шим. фарбидаги қад. манзилгоҳ (мил. ав. 8-а. охири — 7а. ўртаси). З. дан олтин, кумуш, жездан ясалган буюмлар хазинаси топилган (1947). Француз археологи Р. Гиршман томонидан 1950—60 й. ларда тадқиқ этилган. 341 та буюмдан 43 таси олтин, 71 таси кумуш, 103 таси фил сугидан ишланган. З. тепалиги устида кичик қалъа харобалари сақланган (мил. ав. 8а. охири — 7 а. ўртаси). Р. Гиршманнинг фикрича, З. тепалиги скифлар подшоси (Партатуй) нинг ўғли, скифлар йўлбошчиси Мадийнинг қабри бўлган (мил. ав. тахм. 624 й. вафот этган). Кўплаб куроласлаҳа, ҳокимият белгиси саналган диадема, олтин камар, пектораль — кўкракка тақиладиган безак ва б. топилган. Олтин буюмлардан бирида подию ўзига ҳамма қилаётган шерга шамшир ураётгани, со-пол буюмларда оёқларини йиғиштириб олган шохли буғу, қоплон, тог эчкиси, гриф (афсонавий йирткич күш), күён ва б. тасвири скифларнинг «ҳайвоний услу-

б�다» ишланган.

Кўчманчиларнинг жанговар қўшинлари дастлаб мил. ав. 8а. га оид Яқин Шарқ ёзма манбалар (бизга маълум бўлган энг кадимиysi — оссуриялик жосусларни Урартудан 720й. ларда ёзган хабарномаси)ида: «умман манда (манда қабиласи)», «гуммару» (киммерийлар), «ашкузай», «ишкузай» (скифлар), «сака» (саклар) учрайди. 7а. нинг 70й. лари бу қабилалар Олд Осиё ташки сиёсатида фаол қатнаша бошлайдилар ва кейинчалик ҳатто Жан. Озарбайжонда, Мана давлатининг яқин атрофида узоқ мавжуд бўлмаган (28 йил) «скиф подшолиги» ни барпо этганлар.

Ад.: Луконин В. Г., Древний и раннесредневековый Иран, М., 1987.

ЗИГБАН (Siegbahn) Кай Манне қ. Сигбан К. М.

ЗИГМАШИНА, зикмашина (нем. Siekskenmaschine) — юпқа лист материалларда чукурча ва чиқиқлар (зиглар), ариқчалар хосил қиласидиган, шунингдек, уларни текислайдиган ва калибрлайдиган машина; дастаки ва механик хиллари бор. З. да профилланган айланувчи иккита ролик мавжуд; роликлар орасида материал букилади.

ЗИГМОНДИ (Жигмонди; Zsigmondy) Рихард Адольф (1865.1.4, Вена — 1929.23.9, Гётtingен) — австрийлик физиккимёгар. Гётtingен ун-ти органик ва коллоид кимё кафедраси проф. (1903—07), Гётtingен ун-ти Анерганик кимё инти директори (1908—29). Иммерсион ультрамикроскопни ихтиро килган (1913), коллоид эритмаларнинг микрогетероген табиатини аниqlаган. Адсорбент ғовакларида сув буги капилляр конденсацияси назариясини олға сурган (1911). Ёруғлик нури анализатори, мембранали (1918) ва ўта майда фильтрлар (1922) ихтиро килган. Бўягичлар ва рангли шишалар олиш усулларини ишлаб чиқкан. Нобель мукофоти лауреати (1925).

ЗИГОМИЦЕТЛАР (Zygomycetes) замбуруғлар синфи. Танаси яхши ривожланган кўп ядроли мицелий. Хужайра

девори хитин ва хитозан, баъзан глюкандан иборат. Жинсий жараёни — зигоспоралар хосил қиласидиган зигогамия (номи шундан олинган). 75% тури гетератишлик. Жинсиз кўпайиш органлари морфологик жиҳатдан хилмалил. Споралари ҳаракатсиз, эндоген усулда спорангийларда ёки экзоген усулда конидийларда ривожланади. 4 тартиб: мокорлар (Mucorales), эндогоналлар (Endogonales), энтомофторлар (Entomophorales), зоопагаллар (Zoopagales) га 500 дан ортиқ тур киради. Кенг Таркалган. Тупроқ ва гўнгода сапротроф яшайди, бир канча турлари юксак ўсимликлар, бўғимоёқлилар ва б. ҳайвонлар, одамлар паразити; озиқовқат махсулотларида кўпинча оқ могор шаклида учрайди. Мокор, фикомицес ва б. уруғларнинг айрим турларидан микробиология ва озиқовқат саноатида, энтомофторлар турларидан эса заараркунанда ҳашаротларга қарши биологик курашда фойдаланилади.

ЗИГОМОРФ ГУЛ (юн. zugon — жуфт, morphē — шакл) — факат битта чизик б-н симметрик қисмларга бўлинадиган гул (қ. Гул).

ЗИГОТА (юн. zigotos — биргалиқда кўшилган) — ҳар хил жинсли гаметаларнинг кўшилиши натижасида хосил бўлган хужайра; уруғланган тухум. «3.» тушунчасини фанга немис ботаниги Э. Страсбургер (1844—1912) киритган. З. нинг вужудга келиши қўш уруғланиш б-н боғлик. Ўсимликларда чанг найи орқали муртак халтасига кирган икки сперманинг бири тухумхужайрани, иккинчиси эса муртак халтасининг марказий хужайрасини уруғлантиради. З. да кейинчалик муртак, уруғланган марказий хужайрадан эса эндосперм ривожланади. Гаплоид икки хужайра кўшилганида З. да ўша тур учун хос бўлган хромосомаларнинг диплоид тўплами (2 я) (бири оналиқ, бири оталик хромосомалари тўплами) пайдо бўлади. Айрим ўсимликлар (мас, баъзи сув ўллари ва замбуруғлар) ва ҳайвонларда (мас, колонияли бир хужайралилар, бўшли_кичлилар) З.

калин пўст б-н ўралиб нокулай шароитни ўтказади. З. орқали авлодлар ўргасидаги боғланиш тъмминланади.

ЗИДАН (Zidan) Зинедин (1972.23.6, Марсель) — франциялик футболчи (отонаси жазоирлик муҳожирлар). Жаҳоннинг энг яхши футболчиси (1998). Жаҳон (1998) ва Европа (2000) чемпиони. Европа чемпионлар лигаси кубоги (1996, 2002), суперкубоги (1996) ва китъалараро кубок (1996) сокиби. З. Франциянинг «Канн» (1986—92), «Бордо» (1992—96), Италиянинг «Ювентус» (1996—2001) ва Испаниянинг «Реал» (2001 й. дан) клублари таркибида ўйнади. Италия чемпиони (1996, 1997).

ЗИДДИЗАХАРЛАР — к. Антидотлар.

ЗИДДИЯТ (мантиқда) — мухокама юритишда, матнда ва назарияда бир иккинчисини инкор этадиган 2 мулоҳазанинг мавжудлиги (к. Зиддият цонуни); (диалектика) — предмет ва ҳодисаларга объектив равишда хос бўлган бир бутуннинг қарамақарши (мусбат ва манфий, туғилаётган ва ўлиб бораётган, янги ва эски) томонлари, белгилари, йўналишлари ўргасидаги муҳим муносабатлар. Шу муносабатлар кураши табиат, жамият ва тафаккур тараққиётининг манбаини, харакатга келтирувчи кучини ва ички мазмунини ташкил этади. Тараққиёт З. ларнинг пайдо бўлиши, ривожланиши ва бартараф қилиниши жараёнидан иборат. З. лар ҳар хил бўлиб, улар нарса ва ҳодисаларнинг ҳаракати ва ривожланишида турлича роль ўйнайди. З. лар ички ва ташки, асосий ва асосий бўлмаган, антагонистик ва антагонистик бўлмаган З. ларга бўлинади. Ички З. — нарса ва ҳодисалардаги ички жараёнларнинг ифодаси, «ўзўзидан ҳаракатланиш» нинг манбаи, ривожланишнинг асосий сабабидир. Ташки З. — нарса ва ҳодисалар ўргасидаги муносабатларнинг ифодасидир. Мае, табиат б-н жамият, организм б-н муҳит ўргасидаги З. ташки З. дир. Ички ва ташки З. лар ривожланиш жараёнида бир хил роль ўйнамайди. Ри-

вожланишнинг моҳияти, асосан, ички З. ларнинг ҳал қилиниши б-н белгиланади. Аммо ташки З. ларни ҳам эътибордан четда крлдириш мумкин эмас. Ташки З. лар ривожланишга билвосита, яъни ички З. ларни ҳал қилишга ижобий ёки салбий таъсир кўрсатиши мумкин. Нарса ва ҳодисанинг моҳиятини, ҳолатини, келиб чиқиши ва ривожланиш қонуниятларини белгиловчи З. лар асосий З. лар деб аталади. Асосий З. тараққиётда ҳал қилувчи роль ўйнайди ва барча бошқа З. ларга таъсир кўрсатади. Асосий бўлмаган З. лар ҳам мавжуд. Бош З. деб ривожланишнинг у ёки бу босқичининг моҳиятини белгилаб берадиган асосий З. га айтилади. Нарса ва ҳодисалар ривожланишининг муайян босқичидаги бош З. асосий З. нинг аник кўриниши ёки ифодасидир. Антагонистик З. лар жамиятдаги манфаатлари бирбирига тубдан зид бўлган кучлар, ижтимоий гурухлар ва табақалар ўргасидаги З. лардир. Антагонистик бўлмаган З. лар жамиятдаги манфаатлари бирбирига мое келадиган ёки манфаатларини ўзаро келиштириш мумкин бўлган ижтимоий гурухлар ва табақалар ўргасидаги З. лардир. Шўролар даврида социалистик жамиятда антагонистик З. лар йўқ, унга фақат антагонистик бўлмаган З. лар хос деган мафкуравий фикр тарғиб қилинган. Аслида бундай З. лар мавжуд бўлсада, шўролар салтанати зўрлик б-н бу З. ларнинг намоён бўлишига йўл қўймаган. Собиқ шўролар давлатининг баъзи минтақаларида содир бўлаётган конли тўқнашувлар, фукаролар уруши ўша ҳал қилинмай қолган З. ларнинг оқибатидир.

Жамиятдаги З. лар турли шакл ва усуслар б-н бартараф қилинади. Улардан баъзилари эскининг емирилиши ва янгининг қарор топиши асосида ҳал қилиб борилса, бошқалари шу З. ни ташкил қилган қарамақарши томонларни ўзаро келиштириш, муросаю мадорага келтириш, ҳамжиҳатлик ва ҳамкорликка эришиш йўли б-н бартараф этилиши мумкин. Кейинги вактда жамиятдаги З. ларни ҳал

қилишда қўлланилаётган самарали усуллардан бири консенсус (ўзаро келишув) дир. Илгари 3. ларни ҳал қилишнинг бу усулига етарли эътибор берилмаган. Янгича тафаккурнинг карор топиши билан жамиятдаги 3. ларни ҳал қилишда Гегель қайд қилиб ўтган консенсус усулидан фойдаланиш мақсадга мувофиқ бўлиб чиқди. Узок йиллар давомида бирбирига қарамақарши бўлиб келган давлатлар, жамиятдаги қарамақарши томонлар, кучлар, ижтимоий гурухлар, ҳаракатлар ва партиялар ўртасидаги 3. ларни жамиятнинг умумий манфаатларидан келиб чиқиб ҳал қилишда консенсус усули жуда қўл келмоқда. 3. ларни бартараф этишдаги бу усул жаҳон ҳалқарининг миллий тотувликка, ўзаро ҳамкорликка ва бирдамликка, барқарорликка эришишида муҳим аҳамиятга эга бўлмоқда. Юкорида тилга олинган 3. нинг турларини бирбиридан фарқ қилиш зарур, лекин улар ўртасида мутлақ чегара йўқ. Вокеликда улар ўзаро чирмашиб кетади, бирбирига ўтади ва тараққиётда хилмажил роль ўйнайди. Шунинг учун, 3. ларнинг ҳар бирига аниқ ёндашиш, 3. намоён бўладиган шароитни, муҳитни, вазијатни, у ўйнайдиган ролни тўғри ҳисобга олиш лозим.

Абдулла Актов.

ЗИДДИЯТ ҚОНУНИ (мантиқда) — икки қарамақарши фикр айни бир вактда ва айни бир нисбатда тўғри бўлиши мумкин эмаслигини кўрсатувчи қонун. Предметлар ва ҳодисалар ўртасидаги объектив муносабат тўғри фикрлаш жараёнида инсон миясида бир фикр бир вактнинг ўзида икки манънода ишлатилмаслигини тақозо килади. Бу тўғри фикрлаш ва чин муҳокамаларнинг ажралмас хоссаларидан биридир. 3. қ. тафаккур ривожида қарамақарши фикрлар тўқнашувини инкор этмасдан, бир вактнинг ўзида бир предмет ҳақида икки зид фикрга йўл қўймасликни талаб килади, яъни вакт, предмет, нисбат жиҳатдан бирликни назарда тутади. Мае, ёмғирни умуман зарарли ёки фойдали деб бўлмайди,

у маълум даврда маълум ўсимликлар учун зарарли, бошқа бир даврда фойдали бўлиши мумкин. 3. қ. нинг бузилиши тафаккурда чалкашликларга ва нотўғри хуласаларга олиб келади.

ЗИДДИЯТСИЗЛИК - тафаккур, муҳокама, исбот ва назарияда мантиқий қарама-қаршилик бўлмаслиги. 3. нингмоҳиятини тафаккур қонуни очиб беради. Мисол: «Чирчик — даре» ва «Чирчик — даре эмас». Бу зид фикрларнинг ҳар иккаласи ҳам бир вактда тўғри бўлиши мумкин эмас. Биринчи фикрнинг тўғрилиги аён. Бунинг исботи уз навбатида иккинчисининг хатолигига далилдир. 3. нинг бузилиши мантиқий зиддиятта олиб келади. Мантиқий зиддият муқокама, исбот, назариянинг асосига путур етказади. Мантиқий зиддиятни дигалектик зиддиятдан фарқ қилиши лозим (яна қ. Зиддият).

ЗИЁ (тахаллуси; асл исмшарифи Мирза Мухам мал Шариф Садр ибн Абдишукур) (1867—Бухоро—1932) — шоир, олим. Бухоро мадрасаларида таҳсил кўрган. Араб ва форс тили грамматикаси, мумтоз адабиёт, тарих фанларини, хаттотлик санъатини пухта эгаллаган. «Тазкор ulaçãoъор» («Шеърият хотираномаси», ЎзФАШИ, инв. №1304) тазкирасини тузган. Асар назмда ёзилган. Унда Аҳмад Дониш, Шамсаддин Махмуд Шоқин каби шоир ва олимларнинг ҳаёти, ижодига кенг ўрин берилган. Асар Ўрта Осиё, хусусан, 19а. 2ярми — 20а. бошларидағи Бухоро адабий муҳитини ўрганишда муҳим манба ҳисобланган. 3. «Тазкират ушшуарои мутақаддимин ва салатини маосирин ва бузургони мутаваррин» («Ўтмиш ва ҳозирги замон шоирлари, сultonлари тазкираси»), «Шуарои мутааххирин ва фузалои маосирин» («Сўнгги давр шоирлари ва замондош фозиллар»), «Тазкират улҳукамо» («Ҳокимлар тазкираси»), «Наводири зиёя» («Зиё нодириликлари») каби адабиёт, тарих, геогр.га оид асарлар муаллифи.

ЗИЁ КЎКАЛП, Гўкалп (тахаллуси; асл исмшарифи Мехмед Зиё Тавғик

Афанди ўғли) (1876, Диёрбакр — 1924, Истанбул) — файласуф ва социолог. Туркия Республикасида миллый мағкура ва социология фанига асос солган. Ёшлигидан бошлаб Туркияда сultonлик тузумига қарши курашди. «Ёш қаламлар» жур. ини нашр қилдирди (1908 и. дан). З. К. барча туркий халкларни туркчилик асосида бирлаштириш тарафдори, туркий дунё бирлиги ғояларини назарий жиҳатдан ишлаб чиқди. Бунинг учун Усмонлилар сultonлиги томонидан таъқиб ва қувғинга учради, сургун қилинди ва қамоққа ташланди (1918). Кейинчалик Мустафо Камол Отатурк томонидан Туркия Республикасининг масъул лавозимларига тайинланди. Ёш Туркияning миллий мағкурасини ишлаб чиқди. Туркияда 9 жилдлик куллиёти чоп қилинди (1952—82). З. К. нинг тарихга оид асарларида Туркия ва туркий халкларнинг демократик ва миллий мустақиллик, тараққиёт йўлига ўтишининг тарихий, сиёсий тафсилотлари, назарий муаммолари, тажрибаси ва энг муҳими, туркий тамаддуннинг келгуси тараққиёт йўллари баён этилган.

Ад.: Зоҳидий А., Умумбашарий туркий цивилизация: муаммолар ва ечимлар, Т., 1994; Ўзбекистоннинг янги тарихи, 2китоб (Ўзбекистон совет мустамлакачилиги даврида), Т., 2000.

ЗИЁ НАХШАБИЙ, Зиёуддин Нахшабий (13а, охири, Қарши яқинидаги Нахшаб ш.; ҳоз. Шуликтепа — 1350, Хиндистон, Бадоюн ш.) — шоир. Форс ва туркий тилида ижод қилган. Асарларида инсонпарварлик ғоялари талқин этилган. Ҳиндлар орасида машхур бўлган «Тўтининг етмиш ҳикояси» асарини қайта ишлаб, «Тўтинома» достонини яратган (1330). Унда софлик, эзгулик, одоблилик, вафодорлик каби инсоний фазилатлар улуғланган, тубанлик каби хусусиятлар қораланган. (Асарнинг бир неча кўллэзма нусхалари ЎзФАШИда сакланади, инв. № 4666/4395). З. Н. «Лаззат уннисо» («Аёл лаззати»), «Жузвиёт ва куллиёт» («Бутун ва бўлаклар»),

«Гулрез», «Силк уссулук» («Изловчилар йўли»), «Шархи сураи Забур» («Забур сураларининг шарҳи») ва б. асарлар муаллифи.

ЗИЁ САИД (тажаллуси; асл исмшарифи Қосим Солиҳов) (1902 — Тошкент — 1938) — ўзбек журналиста, драматурги ва танқидчиси. Эски усул мактабида савод чиқарган. Дастрлаб «Иштирокион» (1918—20), «Ёш Шарқ» (1920—22) газ. ларида, «Ўзгаришиб ёшлар» (1922—24) жур.ида ишлаган. «Кизил Ўзбекистон» газ.да саркотиб (192627), «Муштум» жур. муҳаррири (1927—31), Ўзбекистон радиоэшиттириш кўмитаси раиси (1937—38). Ижоди 1922 й. дан бошланган. «Қонли кун» (1926, Мўминжон Мухаммаджонов б-н ҳамкорликда) драмаси 1916 й. даги Тошкент кўзғолони ҳақида. «Тарих тилга кирди» (1931, Назир Сафаров б-н ҳамкорликда) лрамасида 30й. лардаги кескин мағкуравий курашлар тасвирланган. «Тўралик сиртмоғи» (1935) пьесасида халқнинг дарду ташвишларидан йироқ амалдорлар қиёфаси акс эттирилган. З. С. ижодининг асосий қисмини ҳажвиялар ташкил этади. Бундан ташқари, у ўзбек драматургияси ва кино санъати муаммолари таҳлил этилган кўплаб маколалар муаллифи.

З. С. ижодий меросида 1927 й. да нашр этилган «Ўзбек вақтли матбуоти тарихига оид материаллар» (1870—1927) рисоласи алоҳида аҳамиятга молик. Рисола ўзбек матбуотининг шаклланиш тарихини ўрганишда муҳим манбадир. Қатагон қурбони бўлган. Тошкент кўчаларидан бирига З. С. номи берилган.

Ас: Танланган асарлар, Т., 1974.

ЗИЁ САМАДИЙ (1914.15.4, Толдиқўргон вилояти Панфилов қишлоғи) — уйғур ёзувчиси, давлат ва жамоат арбоби, замонавий уйғур адабиётти асосчиларидан. Қозогистон халқ ёзувчиси (1986). Шарқий Туркистонда яшаган (1931—60). Гоминъдан ҳукуматига қарши озодлик курашида катнашган, қамалган (1937—44). XXР Шинжон (Синъцзян) уйғур муҳтор республикаси

маданият ишлари вазири, ёзувчилар уюшмаси раиси (1950—57). 1957 й. Хитой Компартияси раҳбарларининг сиёсатига қарши чиққани учун хамма лавозимлардан бўшатилган ва Курла вилоятига оғир жисмоний меҳнат жабхасига юборилган. 1961 й. Қозогистонга қайтган. Шеърлари 1934 й. дан «Или газети» да босилган. Пъесалари («Қонли доғ», 1934; «Хитой зиндонларида», 1947; «Лошмон», 1950; «Зулмга завол», 1952), тарихий романлари («Мойимхон», 1965; «Йиллар сири», тўрт китобдан иборат, 1967—96; «Ғани ботир», 1979; «Аҳмад афанди», 1977) да уйғур халқининг миллӣ озодлик кураши ўз ифодасини топган.

Ас: Мойимхон, Т., 1972; Йиллар сири, роман, Т., 1986.

ЗИЁВУДДИН — Самарқанд вилоятидаги шаҳарча (1972 й. дан). Пахтачи тумани маркази (1973 й. дан). Туманнинг ўрта қисмida, Тошкент тоғининг шим. шарқий этагида, қарийб 400 м баландликда. Т. й. станцияси — Зиёвуддин. З. дан Самарқандгача бўлган масофа 135 км. Аҳолиси 11,6 минг киши (2000).

Бухоро амирилиги даврида ҳозирги З. дан 15 км шарқда Зиёвуддин қалъаси (Зиёвуддин беклиги қароргоҳи), 5 км шим.шарқда Буви Зиёвуддиний қишлоғи бўлган (номи шундан). 1894 й. Зиёвуддин қалъасидан 15 км фарбда (З. ўрнида) т. й. станцияси курилган ва ўша йили 15 майдан поезд қатнай бошлаган. З. да пахта тозалаш, сут, тошишагал, ғишт, асфальт здлари, нон кти, т. й. транспорти корхоналари бор. З. дан Самарқанд, Нуробод, Оқтош, Навоий ш. ларига автобус қатнайди. Банк бўлимлари, дехкон бозори, 5 кутубхона (67,8 минг китобга эга), марказий стадион, «Пахтachi гўзали» универмаги, дорихона, «Пахтachi» ресторани, майший хизмат кўрсатиш шоҳобчалари, сув минораси (1894 й. қурилган), ўлкашунослик музейи мавжуд. З. умумий таълим мактабида 2700 га яқин ўқувчи таълим олади (2002). Болалар мусика мактаби, болалар санъат мактаби бор. «Оқ олтин» ансамбли фаолият кўрсатади.

3. да Хотира хиёбони барпо этилган.

ЗИЁВУДДИН ТОҒЛАРИ

Самарқанд ва Навоий вилоятларидаги тоғлар. Зарафшон тизма тоғларининг энг чекка фарбий қисми. Кенглик бўйича йўналган. Энг баланд жойи 866 м. З. т. нинг айrim қисмлари шарқда Катармая (807 м), Қоратов (723 м), Қизбиби (818 м), марказий қисмida Туситов (866 м), Турекбобо (841 м), Қиртов, ғарбда Қоратов, Хўжа Болтатоғ (740 м), Азкамар платоси деб аталади. З. т. шарқда Қарноб бели орқали Зирабулоқ тоғлари, шим.ғарбда Азкамар платоси орқали Зарафшон водийси, шим. да Малик чўли ва жан. да Қарноб чўли б-н чегарадош.

З. т. шимолий ва нисбатан баландроқ (670—860 м) жан. тизимлардан иборат. Жан. ён бағирлари тик кўтарилиган ва қиска сой ва ўзанлар б-н кучли парчаланганд. Кояли, яланғоч туб жинслар қатламлари Қарноб чўлига тик тушган. Тор ва чукур тоғ даралари жинслар қатламларини кесиб ўтган. Сувайиргич қисмларида куэста рельеф шакллари учрайди. Тоғларнинг сувайиргич қисми ўткир киррали ва найзасимон шаклда. З. т. иирик антиклиналдан иборат, унинг замини қуий силурнинг кристалли сланец, оқактош, гилли кумтошли сланецларидан иборат. Ёғин микдорининг камлиги (йилига ўртacha 200—225 мм) ва тоғлар баланд бўлмаганлигидан сойларда фақат баҳрр ва ёз бошларида сув оқади. Тоғ этаклари ва ён бағирлари нураган жинсларнинг парчалари б-н банд. Тупроқлар яхши ривожланган ён бағирларда эфемерлар (ранг, кўнғирбош), тоғ шувофи, тошлок тупроқларда турли ўт буталар (тиканли бодом) тарқалган. З. т. нинг шим. этакларида Навоий ва Зиёвуддин ш.лари, жан. этагида Қарноб қишлоғи жойлашган. З. т. да цемент ишлаб чиқариш учун хом ашё, қурилиш материаллари манбалари мавжуд.

ЗИЁВУДДИНХОН ибн ЭШОН БОБОХОН (1908.10.1 — Тошкент — 1982.22.12) — муфти, дин ва жамоат арбоби. Дастлаб отаси Эшон Бобохон Абду-

мажидхон ўғли қўлида, сўнгра Тошкентдаги Барокхон, Кўкалдош мадрасаларида таҳсил кўрган (1923—31). Коҳирадаги алАЗҳар дорилғунунини тутатган, Макка, Мадина ш.ларига илмий сафарлар қилган (1947). Ўрта Осиё ва Қозоғистон мусулмонлари диний бошқармаси ташкилий кўмитасида бош котиб (1942), бошқарма раисининг ўринбосари (1943—57), раиси (1957—82). Тошкентда Имом Бухорий номидаги Ислом интини ташкил этди (1969) ва унга бевосита раҳбарлик қилди. Унинг саъиҳаракати б-н Бухорода Мир Араб мадрасаси фолияти қайта тикланди (1945). Собиқ Совет Иттифоқи ва бир қанча мусулмон мамлакатларида ўтказилган йирик халқаро диний анжуманларнинг ташкилотчиси ёки фаол иштирокчиси сифатида турли халклар ва динлар ўртасида ҳамкорлик ўрнатилишига ҳаракат қилди. Масжидлар бўйича Бутунжаҳон олий кенгаши аъзоси этиб сайланди (Макка, 1976).

Зиёвуддинхон диний меросни кенг тарғиб ва ташвиқ қилишдан ташқари илмий, адабий фаолият б-н ҳам шуғулланган. Ибн Синонинг гигиена га оид китобини ўзбек ва рус тилларига ўйирган (Абу Али ибн Сина, Трактат по гигиене, Т., 1982). Зиёвуддинхоннинг «Диёrimизда ислом ва мусулмонлар» асари (1979, рус тилида)да ислом динининг моҳияти очиб берилган, ислом барча замон ва халклар учун салоҳиятли дин эканлиги, унинг тамойиллари ҳамма яхши ниятилди кишиларнинг орзуумидлари б-н ҳамоҳанг эканлиги кўрсатилган. Футухий тахаллуси б-н шеърлар ҳам битган. Зиёвуддинхон халклар ўртасида тинчликни саклаш, ер юзида дўстлик ва ҳамжиҳатликни мустаҳкамлаш ишига катта хисса қўшганлиги учун Иордания, Сурия, Марокаш ва МАР нинг олий орденлари б-н тақдирланган. 1998 й. таваллудининг 90 й. лигига бағишилаб Тошкентда халқаро илмийамалий конференция ўтказилди. Тошкентдаги Қаффол ашШоший қабрлар мажмуасида оталари

Эшон Бобохон ёнига дағн этилган (ра).

Ад.: Бобохонов Ш., Сўнмас зиё, Т., 1998; Бабаханов Ш., Муфтий Зияуддинхан ибн Эшон Бабахан, Т., 1999; Бобохонов Ш., Шайх Зиёвуддинхон ибн Эшон Бобохон [Маънавият ва ибрат мактаби], Т., 2001.

Шамсуддинхон Бобохонов.

ЗИЁД ЗИРАСИ (араб. Азира алЗиядия) — қад. узунлик ўлчов бирлиги. Мусулмон мамлакатларининг кўпчилигига қўлланилган. Қиймати 66,5 см га teng бўлган.

ЗИЁД ибн СОЛИХ ал Хузайй (?) тахм. 754) — Абу Муслимнинг яқин сафдош (накиб)ларидан бири ва саркардаси. Арабларнинг хузазъа қабиласидан. Абу Муслим уни 10 минг кишилик қўшин б-н Бухородаги Шарик ибн ал-Махрий ҳаракатини бостириш учун юборган (750/751). Шарик б-н З.и.С. қўшинлари ўртасидаги уруш 37 кун давом қилган. Шарик жангда ҳалок бўлган. Бухоро амири Абдужаббор ибн Шуайб шаҳарни қаттиқ мудофаа этган. З.и.С. Бухорони ололмай шаҳарга ўт қўйишни буюрган: З кун ичиди шаҳарнинг катта кисми куйиб кул бўлган. Охири жанг шаҳарнинг жан. кисмидаги Атторон дарвозаси олдида бўлган, жуда кўп аҳоли қирилиб кетган. Қолган мудофаачиларни шаҳар дарвозасига осишган. З.и.С. Самарқанддаги ғалаённи ҳам бостирган. 751 й. Талас жангда Ўрта Осиёда ўз мавқенини кучайтирмокчи бўлган хитой қўшинини буткул тормор келтирган. 754 й. халифа Мансур буйруғи б-н Абу Муслимга қарши чиқкан. З.и.С.га қарши бўлган Бухоро хокимлари Абу Муслимни қўллабкуватлашган. З.и.С. Самарқанд атрофидаги Баркас қишлоғида яшовчи зодагон дехқон уйига яширган, лекин дехқон уни ўлдириб, бошини баркашга солиб Абу Муслим олдига олиб келган.

Манба: История атТабари, Т., 1987. Абу Сайд Гард изи, Зайн алаҳбор. Украшение известий, Т., 1991; Бартол ъд В. В., Сочинения, т. II (I), М, 1963; Ўзбекистон халклари тарихи, 1ж., Т., 1992.

Фахриддин Ҳасанов.

ЗИЁДУЛЛАЕВ

Сайдкарим

(1913. 15. 10, Тошкент) — иқтисодчи олим, Ўзбекистон ФА акад. (1974), Ўзбекистонда хизмат кўрсатган иқтисодчи (1973), иқтисод фанлари дри (1966), проф. (1982). Москва коммунал курилиш интини тутатган (1938). Ўзбекистон Курилиш материаллари саноати вазири (1946—48), Ўзбекистон ССР Министрлар Совети раиси ўринбосари ва Давлат план комитети нинг раиси (194855; 195774), Ўзбекистон шаҳар ва қишлоқ курилиши вазири (1955—56), Ўзбекистон ССР Министрлар Совети раиси ўринбосари ва Мирзачўл ерларини сугориш ва ўзлаштириш Бош бошқармаси бошлиғи (1956—57). Ўзбекистон ФА ишлаб чиқарувчи кучларни ўрганиш кенгаши раиси (1974—89), Иқтисодиёт интида маслаҳатчи (1989 й.дан). Илмий ишлари Ўзбекистон саноати ва уни ривожлантириш масалалари, режалаштириш, капитал курилиш, ишлаб чиқарувчи кучларни жойлаштириш, муаммоларига бағищланган. «Шуҳрат» медали б-н мукофотланган (1994).

ЗИЁЕВ Ҳамид (1923. 15. 6, Тошкент) тарихчи олим. Ўзбекистонда хизмат кўрсатган фан арабби (1989), тарих фанлари дри, проф. (1968), Тошкент педагогика интининг тарих фтини тутатган (1946). Ўзбекистон ФА Тарих ва археология инти илмий ходими (1950—63), янги тарих шүйбаси мудири (1964—65), илмий ишлар бўйича директор ўринбосари (1965—85). 1996 й.дан Ўзбекистон ФА Тарих интида етакчи илмий ходим. З.нинг илмий ишлари Урта Осиё, Россия ва Шаркий Туркистон тарихи, 14—20а.лардаги Ўзбекистон тарихини ўрганишга оид. З. Туркистон мустамлака даври тарихи муаммолари б-н боғлик тадқиқотлар олиб бормоқда. «Жасорат» медали б-н мукофотланган (1994). Ас: Туркистонда Россия тажовузи ва хукмронлигига қарши кураш (18—20а. бошлари), Т., 1998; Истиқлол маънавият негизи, Т., 1999; Тарих — ўтмиш ва кела-

жак, Т., 2000; Ўзбекистон мустақиллиги учун курашларнинг тарихи, Т., 2001.

ЗИЁЛИЛАР, интеллигенция — ақлий меҳнат б-н шугулланувчи кишилар. З. деганда одатдан ташқари ҳолатларда тезда чорасини топа оладиган, нарса buoy ёки жараённинг моҳиятини тўғри ва дарҳол англаб оладиган, умуман, ақлфаросатни ишлата олиш, тез фикр юритиш ва хулоса чиқариш қобилиятига эга бўлган одамлар тушунилади. З. атамаси ҳалқаро миқёсда қўлланиладиган интеллигенция атамасига мое келади. Интеллигенция атамасининг ўзагида лотинча intelligentia, intelligentia — ақлли, билимли, идрокли киши деган маъно ётади. Интеллигенция сўзини рус ёзувчиси П. Д. Боборикин (1836—1921) рус тилига киритган. Ўзбек тилидаги зиёли сўзининг ўзагида зиё, нур маъноси ётади. Зиё сўзи илм, маърифатни ифодалашда қўлланади, зиёли сўзи илмли, маърифатли, билимдон киши маъносини англатади. З. юксак ахлоқлилик ва демократизм тимсоли, яхши фазилатларга эга бўлган, турли хурофотлардан холи инсонлар ҳисбланади. Ёзулиқ, тажовузкорлик, шафқатсизлик, очкўзлик сингари тубан хусусиятлар зиёлиликка зиддир. Ўзиди бундай салбий сифатлар бўлган З. аклидрокни, илмни ёвуз мақсадларга хизмат қилидиши мумкин. З. атамасини интеллигенция атамасининг таржимаси сифатида Ўзбекистонда 19а.нинг охири — 20а.нинг бошида дастлаб жадидлар қўллашган.

З. тарихда меҳнатнинг жисмоний ва ақлий меҳнатга ажralиши туфайли вужудга келган. Дастлаб одамлар, асосан, жисмоний меҳнат б-н тириклий қилишган бўлса, даврлар ўтиши б-н жамиятда ақлий меҳнатга эҳтиёж пайдо бўлди. Кишиларга илммаърифат ўргатувчи ўқитувчилар, даволовчи шифокорлар, дину диёнатни тарғиб қилувчи, муҳтоjlарга таскин берувчи руҳонийлар, кишиларни маънавийрухий, эстетик тарбияловчи ёзувчи, мусиқачи, рассомлардан иборат ижтимоий катлам шаклланиб, ривожлана борди. Шу тарзда

кишилар мөхнат шароитининг ўзгариб бориши б-н аклий мөхнатнинг мавқеи кучайиб, кўлами кенгайиб борди. Бу эса З. сонининг ошишига олиб келади. З. кўпайган сари жамиятда маънавий юксалиш юз беради. З. халқни маънавий етаклаб борувчи қатлам ҳисобланади. Бу қатлам эркин фикрловчи, ўзининг мустақил қарашларига эга бўлган кишилардан иборат. Хур фикр ҳамма вакт ҳам жамиятни бошқарувчиларнинг манфаатларига мое келавермаган. Буни коммунистик мафкура хукмрон бўлган даврдаги сиёсатдан кўриш мумкин. Уша пайтда бу қатлам ишчилар ҳамда дехконлардан кейинги ўринга қўйилган.

Социологлар жамиятдаги ижтимоий қатламларни ўрганишда З.ни таркиби мурракаб бўлган ижтимоий табака сифатида таърифлайдилар, бу табака бир неча гурӯхларга ажратилади. Уларни: 1) аҳолига хизмат кўрсатиши йўналишидаги З. (ўқитувчи, врач ва б.); 2) мухандистехник ходимлар; 3) руҳонийлар; 4) маданият ходимлари; 5) жамиятни бошқарувчи амалдорларга ажратиш мумкин. Бундан ташқари, З.ни яшаш жойларига қараб кишлоқ З.и, шаҳар З.и.; ёшига кўра; жинсига кўра; яшайдиган минтақаси, мамлакатига кўра; шуғулланаётган касбининг мазмунига кўра; қай даражадаги мулкка эгалигига кўра; авлодажодларининг табакасига кўра гурӯхларга бўлиш мумкин. Сўнгги даврдаги ижтимоий тараққиёт мөхнатнинг мазмунини кескин ўзгартириб юборди. Ақлий мөхнат талааб килувчи янгиянги иш соҳалари вужудга келди. Юксак ривожланган техника, илфор технологиянинг кучайиши бундай мөхнаттага бўлган эҳтиёжни ҳар қачонгидан ҳам ошириб бораётир. Интеллектуал жиҳатдан юксак ривожланган давлатларгина дунёда устувор мавқеини эгалламоқда. Бу ҳол З. ва зиёлиликнинг моҳиятига янгича ёндошишни, З.нинг жамият ҳаётидаги роли масаласини чукурроқ ўрганишни тақозо қиласди.

Бахтиёр Тўраев.

ЗИЁМУХАМЕДОВ

Садриддин

Мухиддиновиҷ (1940.12. 2, Тошкент) — театр ва кино рассоми. Узбекистонда хизмат кўрсатган санъат арбоби (1990). Тошкент театр ва рассомлик санъати интини тугатган (1966). 1966 й.дан «Узбекфильм» киностудиясида рассом. «Севишганлар» (1969), «Оловли соҳил» (1975), «Чинор остидаги дуэль» (1979), «Эҳтиёт бўлинг, илон!» (1980), «Севги афсонаси» (1983), «Водиллик келин» (1984), «Аждаҳ ови» (1985), «Тангалик болалар» (1991), «Бомба» (1994), «Кичкина табиб» (1998) каби бадиий фильмлар, «Серташвиш ёшлиқ» (1971), «Қўйон воқеаси» (1977), «Дахлсиз тепалик» (1989), «Фалабанинг аччиқ таъми» (1990), «Бойчечак» (1998) каби телевизион бадиий фильмларга рассомлик қилган. Шунингдек, З. ёш томошибинлар театри («Иқбол», 1968), А.Хидоятов номидаги драма театри («Беш кунлик куёв», 1970; «Ўлимларни қолдириб доғда», 1970) каби театрларнинг спектаклларини ҳам бадиий безади.

ЗИЁРАТ — мукаддас жойларгл, мозор ва қабристонларга бориб муайян расмруsumларни бажариб келиш. Ислом дини ақидасига кўра, азизавлиёларнинг макбараларига З. учун борганда уларнинг руҳларидан мадад сўрашлик, ҳожатларраво килиниши, дардларга шифо берилиши, фарзанд ато этилиши каби илтижолар ножоиздир. Чунки бу каби амалларни рўёбга чиқариш факат Аллоҳнинг ихтиёридадир. З. қилинувчилар пайғамбар бўладими, авлиё ёки тариқат шайхи бўладими, улардан нажот сўраш ўрнига ҳакларига дуойи хайр қилиш, садакаэҳсон савобларини уларнинг руҳларига ҳадя этиш ўринлидир. Исломда шахсга сифиниши ширк саналади. Муҳаммад (сав) ўзларининг бир ҳадиси шарифларида айтганлар: «Қабристонларни зиёрат қилиб турингизлар, зеро у охиратни эслатади». Охиратни эслаш эса кишини ёвузликдан узоклаштириб, эзгуликка яқинлаштиради.

ЗИЁРАТГОҲ — к. Муқаддас жойлар.

ЗИЁРАТХОНА — макбара (даҳ-

ма, сафана) олдида зиёратчилар учун мүлжаллааб курилган маҳсус хона.

ЗИЁРИЙЛАР — Эронда ҳукмронлик килган сулола (928—1042). Асосчиси қад. аслзодалар авлодидан бўлган Мардовиж ибн Зиёр (928—935). У сомонийлар лашкарбошиси Асфар исёнидан фойдаланиб, Табаристон, Журжонни ишғол килган ва мустақил З. давлатининг тузган. Кейинчалик Исфаҳон, Ҳамадонни эгаллаган, 928—931 й.ларда З. давлатининг чегараси Месопотамиядаги Хулвон ш.гача кенгайган. Мардовиж аббосийлар вассал и ҳисобланарди. Унинг вафтидан сўнг З.га қарашли худуд бўлинниб кеттган. Мардовижнинг укаси Вашмгир (Вушмгир) даврида (935—967) З. ихтиёрида факат Каспий бўйи ерларигина колган, бу вақтда улар сомонийларга тобе бўлган. З. бувайхийлар б-н сомонийлар ўртасидаги Шим. Эрон учун бўлган курашда муҳим роль ўйнаган. 11а. бошлирида З. газнавийларга бўйсунган. 1041 й. салжуклар Журжон ва Табаристонни босиб олгач, З.нинг сўнгги шоҳи Кайковус Фазнага қочган.

ЗИЁУЛҲАҚ Мухаммад (1924—1988) — Покистон президенти (1977—88), генерал. 1976—77 й.ларда армия штаби бошлифи. З. 1977 й.даги ҳарбий тўнтаришга раҳбарлик қилиб, ҳокимият тепасига келган ҳарбий маъмуриятни бошқарган. Авиация ҳалокатида ҳалок бўлган.

«ЗИЖИ КЎРАГОНИЙ», «Зижи жадиди Кўрагоний» («Кўрагоний янги астрономик жадвали»), «Улуғбек зижи» — Самарқанд яқинидаги расадхонада Мирзо Улуғбек раҳбарлигига яратилган (1437) илмий асар. Икки бўлимдан (батағсил ёзилган муқаддима ва вазиятлари эллиптик системада берилган 1018 та юлдузнинг жадвалидан) иборат. Муқаддима 4 қисмга ажратилган. Іқисм — хронологияда Шарқ ҳалқларининг йил ҳисоблаш усуллари баён қилинган. Араб, юнон, эрон, хитой ва уйғурларда йил ҳисоблаш тартиблари, буларнинг биридан иккинчисига ўтиш йўллари ва у

халқларнинг ўзига хос миллий байрамларини ҳисоблаш усуллари ифодаланган. 2қисм амалий астрономия масалаларига бағишиланган. Бунда эклиптика ва экватор орасидаги бурҷакни аниглаш, осмон жисмларининг координаталарини топиш усуллари, меридиан чизигини ўтказиш, қибла азимутини аниглаш, географик координаталарни топиш, йил давомийлигини аниглаш ва осмон сферасида дифференциал ўлчашлар ўтказиш масалалари ёритилган. 3қисмда сайёralарнинг кўринма ҳаракатлари геоцентрик система асосида шарҳланган. 4қисмда гороскоп ҳақида маълумотлар (қ. Астрология) келтирилади. «З. К.»да келтирилган юлдузлар жадвали Самарқандда олиб борилган кузатишлар асосида тузилган. Жадвал юлдузлар сони ва кузатишларнинг оригиналлiği жиҳатдан астрономия тарихида Гиппарх — Птолемей жадвалидан кейин (2-а.) иккинчи ўринда туради. Оптик асблолар ихтиро қилингунинг қадар тузилган зижлар орасида «З. К.» энг мукаммал ҳисобланади. Ундан вақтни аниглаш ва географик координаталарни ўлчашда, шунингдек, турли астрономик масалаларни ҳал қилишда 17-а.га қадар Шарқда ва Европада фойдаланиб келинди. Асарда бошқа жадваллар ҳам бор. 683 та пункт учун географик координаталарни ўз ичига оловчи жадвал, асосан, турли манбалардан фойдаланиб тузилган. Синус ва тангесларнинг тригонометрик жадваллари Самарқанд олимлари ишлаб чиқсан янги усуллар ёрдамида ҳисобланган; улар ўша даврга қадар ҳисобланган жадвалларга нисбатан анча аниқ.

«З. К.» форс тилида ёзилган; кейинчалик, араб ва турк тилларига таржима қилинган. Улуғбекнинг шогирди Али Кушчи зиж қўлёзмаларининг кенг тарқалишига катта ҳисса кўшди. «З. К.» Европада биринчи марта 1648 й.да (Англия) нашр қилинди; кейинчалик, кўпгина Европа тилларига таржима қилинди. «З. К.»нинг кўлда кўчирилган нусхалари Англия, Франция, Туркия ва

Хиндистон кутубхоналарида, форс тилида ёзилган энг эски нусхаларидан бири Ўзбекистон ФА Шарқшунослик интида сакланади.

Ад.: Кары Ниязов Т. Н., Астрономическая школа Улугбека, Избр. труды, т. 6, Т., 1967; Гевелий Я н, Атлас звёздного неба, Т., 1970.

ЗИЖЛАР (форс. — бўйра) — кад. астрономик жадваллар. Ўрта асрларда барча астрономик расадхоналар ўз олдига Қуёш, Ой ва оддий кўз б-н кўринадиган сайёralарнинг юлдузлар орасидаги ҳаракатларини кузатиш, кузатиш маълумотлари асосида астрономик доимиylарнинг қийматларини хисоблаб топиш; Ой ва Қуёш тақвимларига тегишли маълумотларнинг жадвалларини тузиш; шунингдек, юлдузларнинг координаталари, йирик аҳоли пунктлари ва шаҳарларнинг географик координаталарини аниклаб, уларни жадвалларда акс эттириш каби вазифаларни кўярди. Расадхоналар фаолиятининг катта қисми олинган кузатиш маълумотлари асосида жадваллар тузишни тақозо қиласди. Бундай кўп жадвалларни ўз ичига олган астрономик асарлар, одатда, «зиж» деб юритилар эди. Жадвалларнинг тик (вертикал) ва ётиқ (горизонтал) чизиқлари (сонлари б-н бирга) бўйрани эслатгани учун ҳам мазкур рисолалар шундай ном б-н аталган, деб тахмин қилинади. З. ёйларнинг синуслари, яъни ватарлари жадвалларини, тригонометрик функциялар жадвалларини ҳам ўз ичига олган. Форс олимлари кўлёзмаларида «зиж» атамаси 7а.дан бошлаб, араб ҳалифалигига астрономияга оид машхур З. 9а.дан бошлаб учрайди. 9а. ўргаларида Клавдий Птолемей (2а.) нинг «Альмагест» («ал-Мажистий») астрономик асари араб тилига ўғирилган.

Умуман, 8, 9асрларда кариб 100 га яқин З. тузилганлиги маълум. Улардан 20 га яқини муаллифларнинг бевосита астрономик кузатишлари асосида тузилган бўлиб, кўпчилиги Ўрта Осиёда, аникрофи, Мовароуннахрда ёки Мовароуннахр олимлари иштирокида ту-

зилган. Кўп З. уларни тузувчи олимларга ҳомийлик қилган давлат араббларига бағишиланган.

Шарқда энг машхур З. кўйидагилардир: Мухаммад ибн Мусо алХоразмий (тахм. 780—850) ва Аббос ибн Сайд ал-Жавҳарий (9а.) томонидан тузилган ва аббосийлар ҳалифаси Маъмун арРашидга (813—883) бағишиланган «Зижи алМаъмуний», Собийлар тоифасидан чиққан Мухаммад алБаттоний (850—929) томонидан тузилган «Зижи асСобий», марвлик Аҳмад ибн Абдуллоқ Ҳабаш алҲосиб (9а.) томонидан тузилган «Зижи алҲабаший», Умар Хайём (1048—1131) томонидан тузилган ва салжук султони Маликшоҳ ибн Али Арслонга (1072—1092) бағишиланган «Зижи Маликшоҳий», марвлик Абулфатҳ Абдурраҳмон алҲазиний (12а.) томонидан тузилган «Зижи алҲазиний», Абу Райхон Берунийнинг Газна сultonи Маъсуд Ғазнавийга бағишиланган «Қонуни Маъсудий»си, озарбайжон астрономи Насриддин Тусий (1201—1274) раҳбарлигига тузилиб, мўфул хони Ҳалокуга бағишиланган «Зижи Илхоний», Фиёсиддин Жамшид алКоший (тахминан 14—15 а.лар) томонидан тузилиб, Улуғбекка бағишиланган «Зижи Ҳоқоний», Улуғбек ва унинг шогирдлари томонидан тузилган «Зижи Кўрагоний» («Зижи Улуғбек») ва б. Дастлабки З.нинг аниклиги Птолемей жадвалининг аниклигидек бўлган, бироқ кейинги З.да анча юкори аникликка эришилган. Чунончи, алХоразмий зижидаги олтмишлик саноқ системасида синуслар жадвали Г оралиқда уч хона аникликда ва котангенслар жадвали бир хона аникликда берилган. Ҳабаш алҲосибининг зижидаги синус, синусверзус, тангенс, котангенс ва косеканслар жадвали Г оралиқда уч хона аниклик б-н берилган. Берунийнинг «Қонуни Маъсудий» асарида синуслар жадвали 15' оралиқ б-н, тангенслар жадвали Г оралиқ б-н берилган. Беруний, хусусан, $\sin \Gamma$ ни 10 8 гача аниклик б-н хисоблаган. Энг аник зижлардан

бири Улугбекнинг «Зижи Кўрагоний»си бўлиб, унда 1018 та юлдузнинг эклиптик координаталар системасидаги ҳолати кўрсатилган ва синуслар жадвали Горалик б-н, тангенслар жадвали 45° гача Ганиклик б-н, 46° дан 90° гача 5' аниклик б-н берилган. Улугбек зижи буйича тригонометрик функциялар қийматларини кариб 10~10 гача аниклик б-н ҳисоблаш мумкин. Шарқ мамлакатларида тузилган З. Фарбий Европада тригонометрия ва астрономиянинг ривожланишига катта таъсир кўрсатди. Хусусан, алХоразмий, алБаттоний, алҲазиний, Беруний, Насриддин Тусий ва Улугбек жадваллари II — 17аср Фарбий Европа олимларига мальум бўлиб, гарб тилларига таржима килинган ва Европада фан ва маданиятнинг ривожланишида мухим ўрин тутган.

Ад.: Юшкевич А. П., История математики в средние века, М., 1961; Кары Ниязов Т. Н., Астрономическая школа Улугбека, Избр. труды т. 6, Т., 1967; Мәмдебе или Г. Д., Основатель Марагинской обсерватории Мухаммед Насирэддин Туей, Баку, 1961; Гевелий Ян., Атлас звёздного неба, Т., 1968.

Абдумажид Раҳимов, Маматмусо Мамадазимов.

ЗИЗИФУС (*Zizyphus*) — жумрут дошларга мансуб дараҳт ёки буталар туркуми, экиладиган мева дараҳти. Осиё, Африка ва Австралияниң тропик ва субтропик худудларида 100 га яқин тури ўсади. Ўрта денгиз ва Шарқий Осиёда Мавритания З.и (*Z. mauritiana*) ва чин ююбу ёки унаби (*Z. jujuba*) экилади. Кургокчиликка, иссиққа ва совукка чидамли. Енгил тупрокларда яхши усади. Мевасида (жийдасида) канд, С витамини кўп, янгилигига ейилади, қуритилади. Цукатлар, компот, пастила тайёрланади. Ўрта Осиёда унаби тури ўстирилади (қ. Чилонжийда).

ЗИЙНАТ ТОШЛАРИ - санъат буюмлари (ваза, кутича, қадама нақш ва ш. к.) ва зебизийнатлар (узук, исирға, тўғноғич ва б.) тайёрланадиган рангли минерал ва тоғ жинслари. З. т. физикмеханик хосса-

ларига қараб каттиқ (5 ва ундан каттиқроқ — минерал шкаласи бўйича, мас, нефрит, яшма, агат ва б.) ва юмшоқ (каттиқлиги 4 ва ундан юмшоқроқ мас, малахит, мармар онекси, флюорит ва б.) бўлади. З. т. қийматига кўра, З. синфга бўлинади: биринчи синфга нефрит, ложувард, содалит, родонит, малахит, авантюрин ва б.; иккичига — лепидолит, серпентин, обсидиан, диатомит, флюорит, каҳрабо ва б.; учинчига — тош тузи, гипс, мармар, ангидрит, порфирлар ва б. киради. Агат, каҳрабо ва баъзи бир бошқа минералларнинг яхши турлари қимматбаҳо тошлар ҳисобланади. З.т. конлари Ер куррасининг кўп жойларида бор. Ўзбекистонда З.т. Самарқанд, Навоий вилоятларида (мармар), Зирабулоқ, Чатқол тоғлари, Кумушконда (мармар онекси), Кизилкум, Султон Увайсда (феруза), Курама, Чатқол (халиқдон, флюорит, агат) ва Писком тоғларида (аметистсафсан, малахит, тоғ биллури) топилган. Хорижда З. т.нинг конлари РФ (Урал, Сибирь, Олтой ва б.), Украина (Донбасс, Карпат тоғлари, Крим ва б.), Қозоғистон, Африка, Жан. Америка, Австралия ва б. жойларда бор. З.т.нинг куп турлари техниканинг турли соҳаларида ҳам ишлатилади.

ЗИКИНА Людмила Георгиевна (1929.10.6, Москва) — рус хонандаси, Россия (1968), Ўзбекистон (1980) ҳалқ артисти, Мехнат Қаҳрамони (1987), проф. (1989). Пятницкий номидаги Рус ҳалқ хори (1947—51), Бутуниттифоқ радиоси кршидаги Рус кўшиғи хори (1951—60), Москонцерт (1960—77)да якка хонанда, «Россия» давлат академик ҳалқ ансамблининг бадиий раҳбари (1977 й.дан), Россия маданият академияси президенти (1992 й.дан). Кучли, ниҳоятда бой ва жозибали овоз соҳибаси. Ижроси миллий мумтоз қўйлаш услубини мукаммал билиши, юксак маҳорати, кенг нафаси ва алоҳида куйчанлиги б-н ажралиб туради. Репертуаридан рус ҳалқ қўшиклари («Оренбург рўмоли», «Узоклардан оқиб келмоқда Волга» ва б.) кенг ўрин олган. Европа, Осиё (жумладан Ўзбекистонда

хам) ва Америка мамлакатларида бир неча марта гастролда булган.

ЗИКИРОВА Раҳима Ҳамроевна (1951.5.1, Денов тумани) — Ўзбекистон Республикаси халқ ўқитувчisi (1999). Термиз пед. интининг пед. ва бошланғич таълим бўлимини тутагтган (1974). 1970—74 й.ларда Денов туманидаги 35мактабда, 1974 й.дан 79мактабда бошланғич синф ўқитувчisi. Дареда янги педагогик технологияларни жорий этади, ўқувчиларга экологик тарбия бериб боради.

ЗИККУРАТ — Қадимги Бобил ва Оссорияда эҳромлар ёнида хом фиштдан курилган ички хонасиз зинасимон минара. Айрим З.лар зина ўрнида кия қаватларга зина (ёки йўлак)дан чиқиб тушилган, энг юкру'и қаватда ибодат килинган.

ЗИКР (араб. — эслаш, ёдга олиш) — тасаввуфда худони ёдга олиш б-н боғлик «само» маросими ва шу маросимда ижро этиладиган мусиқийшерий туркум. Мусулмонлар орасида 10—11а.ларда шаклланган. Илоҳиётчилар Аллоҳни ёдга олиш зарурлигини Куръони каримнинг «Аллоҳни зикр қилиш б-н қалблар ором олур» (13:28) деган кўрсатмаси б-н боғлайдилар. З.нинг асосий фалсафий-эстетик максади важд (экстаз), яъни инсоннинг мусика, шеър ва рақс воситасида олий Ҳакиқат (Тангри) б-н хиссийрухий бирлашиб, уйгулашиб кетишидир. Турли хил тасаввуф тариқатларида З.нинг хилмаяхил кўринишлари ишлатилади. Мас, Туркистонда энг кўп тарқалган нақшбандия тариқатида «Зикри жаҳрий» («Ошкора, катта З.» ёки «Хонақрий» деб ҳам аталади), «Зикри хафий» («Яширин, кичик З.», тор доирада ижро этилган), «Зикри ададий» («Санокли З.»), «Зикри аллония» («Эълонли З.»), «Зикри дил» каби турлари кўлланилган. Жалолиддин Румий асос солган мавлавия тариқатида З. маросимига мусиқий асблолар ва ракслар кенг жалб қилина бошланган.

Нақшбандия тариқатида «Зикри жаҳрий» туркумининг асосий қисмлари усулларнинг зарбларига кўра, «Якзарб»,

«Дузарб», «Сезарб», «Чорзарб» деб аталган. Асосий қисмларнинг ўзгартирилган кўринишлари «Чопқин» деб юритилган. З.нинг бошланиши, асосий қисмлар оралиғи ва туркум якунида Қуръон суралари речитатив (нутқдош) услубида куйланади. Туркумнинг қисмлари куйоҳанг, усулримик тузилмалари Шарқ ҳалклари мусиқа мероси, хусусан, ўзбек ашула жанрига таъсир кўрсатган. З. мавлуд ва б. диний маросимларнинг таркибий қисмига айланган. Ўзбекистон композиторларидан Ик.Акбаров («Шоир хотира-сига» поэма), А. Козловский («Улуғбек» операси) ва б. З. усул-оҳангларидан фойдаланишган.

Абдуманон Назаров.

ЗИЛЗИЛА, ер қимирлаш — ер пўстида ёки мантиянинг юкори қисмида тўсатдан силжиш, синиши ёки ўпирилиш рўй бериши оқибатига вужудга келадиган ва тўлқинсимон тебранишлар тарзида узокларга тарқаладиган ер ости силкинишлари ва тебранишлари. Сабабларига кўра, тектоник, вулқоний ва ўпирилиш З.ларига бўлинади. Ер пўстининг қар хил чуқурлигига табиий кучлар таъсирида содир бўладиган силкинишлар тектоник З.лар дейилади. Улар ер қаъридаги харакат ва жараёнларнинг маҳсулни бўлиб, бу жараёнларнинг кинетик кувват тарзида бирдан (1 мин.да) сарфланishi оқибатидир. Вулқоний ва ўпирилиш З.лари табиатда жуда кам содир бўлади; улар кучи жихатидан тектоник З.ларнинг энг кучизи б-н тенгглашади. Ер шаридаги содир бўладиган З.лар сони йил давомида бир неча юз мингта етиши мумкин. Шулардан аксарият кўпчилик қисми сейсмографларгина сезадиган кучиз З.лар бўлиб, одамлар сезадиганлари бир неча мингта етади. Халқ хўжалигига зарар етказадиган З.лар эса бир неча ўндан бир неча юзтагача бўлиши мумкин. Бир йил давомида содир бўлган ҳамма З.лар натижасида тахм. 0,510» Ж кинетик кувват ажralиб чиқади. Бу кувват миқдори жуда катта бўлишига қарамай, Ер қаърида содир бўладиган жараёнлардан ажralиб

чиқадиган умумий қувватнинг 0,5% инигина ташкил этади.

Зилзилалар ер шарининг тектоник жиҳатдан энг фаол бўлган тоғ тизмалари жойлашган худудларда кўпроқ бўлади. Бу жойлар геологик иборада ер юзининг белбоғли (минтақали) бузилиш жойлари деб юритилади.

Ер шарининг кучли зилзилалар содир бўладиган минтақаларини сейсмик жиҳатдан фаоллигига қараб иккита асосий худудга бўлиш мумкин; биринчиси, географик кенглик йўналишида Альп, Карпат, Кавказ, Копетдоғ, Тяньшан, Помир, Ҳимолай, иккincinnиси, меридионал йўналишда — Тинч океанининг икки кирғоги бўйича ва қисман куруқлик минтақасида жойлашган. Бундай сейсмик фаоллашган жойларга Жан Америкадан Антарктидагача, Европа ва Осиё қитъясининг шимолий қисми, Марказий ва Фарбий Африка, Австралия ва б. худудлар киради. Демак, Марказий Осиё унинг сейсмик жиҳатдан фаол бўлган Копетдоғ, Тяньшан, Помир тоғлари туфайли сейсмик фаол минтақага киради.

Ер пусти ёки юқори мантия қатламидаги З. пайдо бўлган маълум бир ҳажм З. ўчоги, унинг маркази деб ҳисобланган нукта эса гипоцентр, гипоцентрининг ер юзасидаги проекцияси З. эпицентрди дейилади. Эпицентр ва гипоцентр оралиғидаги масофа З.нинг ер юзидан чукурлигини кўрсатади. З. ўчоги Ўрта Осиё худудида, аксарият холларда, Ер сатҳидан 5—50 км чукурликда жойлашган бўлади. Ер шарининг маълум худудларида З.лар ўчоғи 200—300, ҳатто 700 км гача чукурликда бўлиши ҳам мумкин.

З. туфайли ер юзидаги силкинишлар балларда ўлчанади. Силкинишлар эпицентрда энг кучли бўлиб, ундан узоклашган сари кучи пасая боради. Эпицентр атрофидаги энг кучли силкинишларни белгилаб, улар туташган чизик ичидаги майдон (сатҳ) плейстосейс худуд дейилади.

З. содир бўлганда унинг ўчоғидан

бўйлама ва кўндаланг сейсмик тўлқинлар тарқалади. Бўйлама тўлқинлар Р ҳарфи (биринчи тўлқин), кўндаланг тўлқинлар S ҳарфи (иккинчи тўлқин) б-н белгиланади. Булардан ташқари, ер юзасида пайдо бўладиган юза тўлқинлар (L) мавжуд. Мазкур тўлқинлар асосий ҳисоблансада, кўндаланг ва бўйлама тўлқинлар ер юзаси ҳамда ички қатламаларида синиш ва кайтарилиш хусусиятига эгалиги сабабли мураккаб тўлқинлар ҳосил бўлади. Тўлқинлар ҳар хил тезлик б-н тарқалади. Энг тез тарқалувчи тўлқин бўйлама тўлқин бўлиб, мухитда тахм. Бино ичидаги одамларнинг кўпчилиги сезади. Ўйдаги жихозлар ҳаракатга келади. Бино ва мебель тебранади. Ўйкудагилар уйғониб кетади. Ҳамма сезади. Кўпчилик ташқарига чиқишига ошиқади, баъзи буюмлар турган еридан тушиб кетади. Баъзи уйларда сувоклар кўчиб тушади. Иморатлар шикастланади, гиштли дөворлар ёрилади. Ҳом гишт ва пахсадан қурилган баъзи уйлар бузилади, тоғларда баъзан қоялар кўчади. Иморатлар кучли шикастланади, тоғларда сурималар юз беради. Гишт, бетондан ишланган уйлар бутунлай ёки қисман бузилади, ер ости қувурлари узилади. Қоялар қулақ, тепаликлар сурилади, ердаги ёриқларнинг эни 10 см гача боради. Ер юзида катта (эни 1 м гача) ёриклар пайдо бўлади. Тўғон ва кирғоқ дамбалари ишдан чиқади, темир йўллар букилади. Янги кўллар пайдо бўлади. Ер юзида кенг ва чукур жарликлар ҳосил бўлади, ер вертикал ва горизонтал йўналишда силкинади. Тоғларда қоялар ағдарилади, кўприк, тўғон, темир йўллари бутунлай бузилади. Ер қиёфаси, рельефи ўзгаради. Ер юзи бурмаланади, баланд қоялар ағдарилади, дарёлар ўзанини ўзгартиради. Кўндаланг тўлқин эса ўртacha 5 км/с тезликда, юза тўлқинлар эса энг секин тезликда тарқалади. З. тўлқинларини қайд қиласидиган сейсмик стя З. эпицентридан канчалик узоқбўлса, стяга етган тўлқинларнинг вақт бўйича фарки ҳам шунчалик катта бўлади. Бу холат қайд

қилинган түлкінларнинг Ѽезувига караб 3. эпицентридан стягача бўлган ма-софани аниқлаш имконини беради. Шу мақсадда кўндаланг ва бўйлама тўлқинлар орасидаги вақтнинг эпицентр узоқлигига боғлиқлиги ҳар хил худуд учун ўрганилади. Бу боғлиқлик чизма кўринишида бўлиб, у годограф деб юри-тилади ва 3. маълумотларини ишлаш ва ўрганишда мухим аҳамиятга эга бўлади. 3. тўлқинларининг умумий қуввати маг-нитуда (M) б-н белгиланади. У шартли сон бўлиб, ер сатҳидаги мухит зарра-ларининг силжиш амплитудасига мое келади. Бу қиймат сейсмик стялар қайд қилган Ѽевулар — сейсмограммалардан аникланади. А»харфи б-н белгиланган катталиқ $K = \lg E$ 3.нинг қувватлилик синфи деб аталади. Mac, магнитудаси 5 га тенг ($M = 5$) бўлган 3. ўчогидан 1012 Ж қувват ажралади, яъни $K = 12$. 3. кучини ифодалаш учун турли сейсмик шкалалар таклиф этилган. Улардан бири — 1917 й.да Халқаро сейсмик ассоциа-ция томонидан қабул қилинган 12 балли Меркалли — Канкани — Зиберг шкала-си бўлиб, у хрэиргача бир қанча Европа мамлакатларида қўлланилади. Иккинчи-си — АҚШ да Вуд ва Ньюманлар томо-нидан 1931 й.да Меркалли шкаласини бир оз мукаммалаштирилган 12 балли MM шкаласи қисбланади. Учинчиси — Россияда С. В. Медведев томонидан иш-лаб чиқилган 12 балли шкаладир. 1964 й. Парижда ЮНЕСКО нинг сейсмология ва сейсмобардош қурилиш бўйича ўтказилган давлатлараро йигилишида тавсия этилган МШК=1964 12балли шка-ла С. В. Медведев (Москва), В. Шпон-хойер (Иена, Германия) ва В. Карниклар (Прага) томонидан тузилган. 3. кучини аниқлашнинг жуда кўп усувлари ва бел-гилари бор. Пекин 3.нинг ер юзида на-моён бўлиши балларда аниқланганлиги б-н 3.нинг аник, қувватини баллар ифо-даламайди. Шунинг учун 3.нинг ҳақиқий кучини кўрсатувчи ўлчам — магниту-да хисобланади. Магнитуда 1940.лар бошларида американлик тадқиқотчилар

Ч. Рихтер ва Б. Гутенберглар т омонидан киритилган ва қуйидагича ифодаланади: $M = \lg A, \text{мкм} + 1,32 \lg X, \text{км}$. Бу ерда: A — сейсмик тўлқин амплитудаси ёки мкм суримиши, X — сейсмограф жойлашган ердан 3. эпицентригача бўлган масофа. Халқаро маълумотларда 3. кучи магни-туда орқали Рихтер шкаласиши берилади. Энг кучли 3.нинг магнитудаси 9 гача ети-ши мумкин. Зилзила қуввати (E) Жоулда ўлчанади. 3. қуввати б-н магнитудаси ўртасида боғланиш қуйидагича ифодала-нади: $\lg E = aM + B$. Бу ерда: кучеиз 3.лар учун $a = 1,8; B = 11$; кучли 3.лар учун $a = 1,5; B = 12$. 3.нинг ер юзида бир хил куч б-н намоён бўлган нукталарини туташ-тирувчи чизикқа изосейста чизиги, 3. кучининг худудда тарқалишини кўрсатувчи изосейсталар тўпламига изосейсталар харитаси дейилади.

Ер қаъридаги тектоник, ҳаракатлар фаоллашган қисми ва унинг теварак атрофида физикавий ва кимёвий жа-раёнлар хам фаоллашади. Жумладан, тоғ жинсларининг зичлиги, электр ўтказувчанлиги, магнитик хоссалари, электромагнит тўлқинлар тарқатиш ху-сусияти, ер сатҳининг вертикал ва гори-зонтал ҳолати кабилар ўзгариши мумкин. Мазкур худудларда мавжуд бўлган бурғи қудуқлари орқали олинаётган нефть, газ, сув миқдори кескин ўзгариши, ер ости сувларининг кимёвий таркиби, микрое-лементлар, газлар миқдори хам ўзгаради. Ушбу санаб ўтилганлар 3. содир бўлиши арафасида кескин ва кўп миқдорда ўзгариб, 3.нинг даракчилари сифати-да каралиши мумкин. Улар 3.ларни ол-диндан айтиб бериш муаммосини ҳал қилишда жуда мухим аҳамиятга эга. Бу борада Ер шарининг сейсмик жиҳатдан фаол бўлган барча худудларида кўп йил-лик ҳалқаро ва миллий дастурлар асосида тўхтовсиз изланишлар олиб борилаяпти.

1966 й. 26 апрелда Тошкентда юз берган 3.дан сўнг собиқ Иттифоқда би-ринчи бўлиб Ўзбекистон ФА таркибида 1966 й. окт. ойида Сейсмология инсти-ти тушишлар олиб борилалади. Интнинг асосий

илмий йўналишларидан бири З.ларнинг табиатини, у содир бўладиган муҳит хусусиятларини, З.ларнинг даракчилари ни ўрганиш ва уни башорат (прогноз) қилиш усулларининг назарий асосларини яратиш деб белгиланади. З.ни башорат қилиш борасида Ўзбекистонда муҳим натижаларга эришилди. Жумладан, кучли З.ларни башорат қилиш бўйича ишончли ва истиқболли янги усуллар яратилди, уларнинг назарий ва амалий асослари ишлаб чиқилди. Бу усуллар мажмууни кўллаш асосида Ўзбекистон худуди ва ённатрофдаги ҳудудларда бўлиб ўтган бир неча кучли З.ларни олдиндан айтишга муваффақ бўлинди. Мас, 1976 й. 17 майдаги Газли, 1978 й. 1 ноябрдаги Олай, 1984 й. 18 фев.даги Поп З.лари олдиндан айтилган.

Ер юзида рўй берган кучли зилзилалар жумласига Лиссабон (1755), Калифорния (1906), Ашхобод (1948), Чили (1960), Токио (1923), Хитой (1976), Спитак (Арманистон, 1988), Зайсан (Қозоғистон, 1990), Суусамир (Қирғизистон, 1922) лар ва Ўзбекистон кудудида эса — 838—839 й.ларда Фарғонада, 942 й.да Бухорода, 1208—1209 й.ларда Урганчда, 1490 й.да Самарқандда, 1494 й.да Наманганд, 1620 й.да Ахсиентда, 1902 й.да Андижонда, 1921 — 1922 й.ларда Бухоро ва Самарқанд яқинида, 1927 й.да Наманганд, 1868, 1924, 1938, 1966 й.ларда Тошкентда, 1976, 1984 й.ларда Газлида бўлган зилзилаларни киритиш мумкин.

Ад.:Абдуллабеков К. Н., Зилзиладан сакланиш мумкинми? Т., 1992; Каримов Ф. Х., Землетрясение, М, 1993; Отабоев Х., Зилзила Т., 1988.

Собитжон Максудов.

ЗИМБАБВЕ (Zimbabwe), Зимбабве Республикаси (Republic of Zimbabwe) — Африка жан.даги давлат. Майд. 390,76 минг км². Аҳолиси 11,5 млн. киши (2001). Пойтахти — Хараре ш. Маъмурий жиҳатдан 8 вилоят (province)га бўлинади. Давлат тузуми. З. — республика. Аввалги номи — Жан. Родезия. Британия Ҳамдўстлиги таркибига киради. 1980

й.да мамлакат мустақилликка эришгач, З. Республикаси деб аталадиган бўлди. Амалдаги конституцияси 1980 й.да қабул қилинган, унга 1987 ва 1989 й.ларда тузатишлар киритилган. Давлат бошлиғи — президент (1987 й.дан Р. Г. Зимбабве герби. Мугабе). У тўғри умумий овоз бериш йўли б-н 6 й. муддатга сайланади ва чекланмаган марта қайта сайланishi мумкин. Конун чиқарувчи ҳокимият бир палатали парламент. Унинг ваколат муддати — 5 й. Ижроия ҳокимиятни президент б-н ҳукумат амалга оширади. Президент ҳукуматга бошчилик қиласи, вице-президентларни ва вазирларни тайинлайди.

Табиати. З.нинг катта қисмини токембрий кристал жинсларидан тузилган Матабеле ва Машона платолари эгаллаган (энг баланд жойи — Иньянга тоғи, 2596 м). Худуди аксар қисмининг бал. — 800—1500 м. Платолар шим.да Замбези дарёси водийсига, жан.да эса Лимпопо дарёси водийсига зинапоясимон пасайиб тушади. Фойдали қазилмалари: хром, литий, темир, мис, қалай рудалари, олтин, тошкўмир, асбест. Иклими мамлакатнинг шим. қисмida экваториал муссоили, жан. да тропик пассатли иклим. Энг иссиқ ойи (янв.)нинг ўртacha траси 21—27°; энг салқин ойи (июль)ники 10—17°. Ўртacha ийллик ёғин жан.тарбда 300—700 мм дан Иньянга тоғи шарқий этакларида 1000—2000 мм гача. Йирик дарёлари: Замбези, Лимпопо ва Саби. Замбези дарёсининг ўрта оқимида йирик Кариба сув омбори бор. Аксари қисми жигарранг тупрокли ерларда ўсадиган саванналардан иборат, жан. куруқ даштлар. Ҳайвонот дунёси хилмаҳил: кийик, буйвол, жирафа, зебра, фил, каркидон, шер, бегемот, қоплон, сиртлон, бўри ва б. З.да умумий майдони 26 минг км² миллий боф ва ноёб ҳайвонлар сакланадиган кўриқхоналар бор. Йириклари — Хванге, Матусадона, ВикторияФоле, МанаПулс ва б. Аҳолисининг 90% машона ва матабеле элатига мансуб африкалик бантулар; европаликлар, осиёликлар ҳам бор. Шаҳар аҳолиси 26,4 %. Расмий тили — инглиз

тили. Диндорларнинг аксарияти христианлар ва маҳаллий анъанавий динларга ибодат қилувчилар. Йирик шаҳарлари: Хараре, Булавайо, Гверу, Квекве, Кадома, Мутаре, Масвинго.

Тарихи. З. худудидан топилган кад. буюмлар (сопол идишлар, тошдан ясалган меҳнат қуроллари) палеолит даврига таалукли. 12—17а.ларда бу ерда Мономотапа давлати мавжуд бўлган. Археологик топилмалар (туар жойлар, иригация иншоотлари ва б.) бунинг далили бўла олади. 16а.да шу давлат португал мустамлакачиларининг хуружини қайтарди. 18а.да Лимпопо ва Замбези дарёлари оралиғига машона қабиласи хукронлик қилган. 19а. 50—60й.ларида З.га инглиз мустамлакачилари бостириб кира бошлади. 1889 й. Англия кироличаси Виктория «Британиянинг Жанубий Африка компанияси» («Бритиш Саут Африка компанияси», 1888 й. С. Роде томонидан тузилган)га З. худуди устидан маъмурий раҳбарлик килиш хукуқини берди. С. Роде табеле қабиласининг олий бошлиғи Лобенгуладан фойдали казилмаларни казиб олиш учун рухсатнома ҳам олди. 1893 й. инглиз қўшинлари мамлакатни босиб олди ва уни Роде шарафиға Жан. Родезия деб атай бошлади. Африкаликлар мустамлакачиларга қарши бир неча марта кўзғолон кўтариб чиқишиди, айниқса 1896—97 й.ларда жуда катта кўзғолон бўлиб, мустамлакачилар уни шафқатсизлик б-н бостириди.

1923 й. З. «ўзини ўзи идора қиласидан» мустамлака мақомини олди. Оғир эксплуатация, соликлар африкаликлар тинкасини куритиб, мустамлакачиларга қарши газабини кучайтирди. 2жоҳон урушидан сўнг мустамлакачиликка қарши харакат авж олиши б-н Англия хукумати 1953 й. Родезия ва Нъясаленд федерацийини тузди. 1963 й.га келганда бу федерацияга путур этиб, мамлакатда озодлик харакати авж ола бошлади. 1965 й. озчиликни ташкил этган европаликлардан тузилган Ян Смит хукумати кўпчилиқдан иборат африкаликлар хукуқини пой-

мол этиб, Жан. Родезияни «мустакил» деб эълон қилди. 1969 й. мамлакатда ирқчиликни мустаҳкамлашга қаратилган янги «конституция» қабул қилинди. Смит хукуматининг сиёсати африкаликларнинг қаттиқ каршилигига дучор бўлди. 1974 й. Миллий мажлисга ўтказилган сайловни африкаликлар бойкот килдилар. 1974 й.дек.да Лусака (Замбия)да Африка Миллий кенгаши, Зимбабве африка халқи иттифоқи, Зимбабве африкаликлар миллий иттифоқининг раҳбарлари Жан. Родезия маҳаллий аҳолисининг туб манфатларини ифода этган конституцией конференция чакиришини талаб этдилар. Мазкур учрашув қатнашчилари келишиб, ўз ташкилотларини бирлаштириб, ягона партия — Африка Миллий кенгашини тузишга аҳд қилдилар. Жан. Родезия маҳаллий аҳолисининг ирқчилик тузумига қарши озодлик харакатини Африка бирдамлиги ташкилоти, барча тараққийпарвар кучлар кувватлади. 1976 й.да тузилган ҳамда Африка Миллий кенгаши б-н Зимбабве африка халқи иттифоқини ўз ичига олган Зимбабве ватанпарварлик фронти бу курашнинг кучайишига кўмаклашди. 1978 й.да Я. Смит б-н африкалик кўғирчоқ арбоблар ўртасида «ички ахволни тартибга солиши» тўғрисида битим тузилди. 1979 й. апр.да ўтказилган соҳта сайлов натижаларини халқаро миқёсда ҳеч ким тан олмади. Ўша йил дек.да Лондонда бўлиб ўтган конференцияда бўлгуси конституция ва сайлов ўтказиш тўғрисида келишиб олинди. 1980 й.даги сайловда ватанпарвар кучлар ғалаба қозонди. 1980 й. 18 апр.да мустакил З. Республикаси эълон қилинди. 1987 й.ги сайлов ҳам шу кучлар ғалабаси б-н якупнанди. З. — 1980 й.дан БМТ аъзоси. Миллий байрами — 18 апр. — Мустакиллик эълон қилинган кун (1980). ЎзРнинг мустакиллигини 1992 й. 27 янв.да тан олган.

Сиёсий партиялари ва касаба ўушмалари. З. африкаликлар миллий иттифоқи — Ватанпарварлик фронти, 1963 й.да асос солинган; З. бирлиги харакати, 1989

й. тузилган; 3. африкаликлар миллий иттифоки, 1977 й. ташкил этилган; 3. консерватив уюшмаси, 1962 й.да асос солинган, 1984 й.гача Родезия фронти, Республика фронти деб аталган; Бирлашган партиялар, 1994 й.да тузилган. 3. касаба уюшмалари конгресси — Бирлашган касаба уюшма маркази. Таъсис курултойи 1981 й. фев. — марта бўлиб ўтган.

Хўжалиги. 3. Африканинг иктисадий жиҳатдан энг ривожланган мамлакатларидан бири. Ялпи ички маҳсулотда саноат 33%, қ.х. 19,5%ни ташкил этади. 1991 й.да эълон килинган иктисиёти таркибини қайта куриш дастурида давлат назоратини камайтириш, ташки савдо фолиятини эркинлаштириш, фойдадан олинадиган соликни пасайтириш, эркин савдо минтақаларини очиш кўзда тутилган. Саноати. Маҳсулот и.ч. ва кончилик саноати иктисиётининг асосини ташкил этади. Бу тармокдар маҳсулотининг 90% экспорт қилинади. Саноати озиқовқат, тўқимачилик, ёғочсозлик, кимё, автомобиль йигув, металлургия ҳамда кончилик тармокларидан иборат. Гверу ва Масвинго атрофида хромит, Звишавани яқинидаги асбест, Мхангурада мис, Шангани конларида никель, олтин қазиб чиқарилади. Маҳаллий эҳтиёж учун тошкўмир ва темир рудаси, қалай, кумуш, вольфрам ва б. қазиб олинади. Энергетикаси Замбези дарёсидаги Кариба ГЭСдан ва саноат минтақаларидағи иссиқлик электр стяларидан иборат. Йилига ўртacha 7,6 млрд. кВтсоат электр энергияси хосил қилинади. Маҳсулот ишлаб чиқарувчи корхоналари Хараре ва Булавайо шларида жойлашган. Кадомада тўқимачилик, Квекведа қора металлургия корхоналари, Гверу, Квекведа феррохром и.ч., КамативиДетеда қалай эритиш ва тозалаш, Аляскада мис здлари бор. Ферукдаги нефть маҳсулотлари зди Яқин Шарқдан келтирилган хом нефтни қайта ишлайди. ШервудБлоқдаги йирик кт аммиак ва нитратаммоний здларини ўз ичига олади. Хараре, Ценент ва КоллинБаукда цемент здлари бор.

Қишлоқ хўжалиги. Асосий экинлари: маккажӯҳори (экинзорларнинг 60—70%), пахта, тарик, оқ жўҳори, ер ёнғок, шоли. Шим.шаркий, шим.ғарбий вилоятларида, Марказий ҳамда шаркий Машоналенд ва Масвингодаги товар маҳсулот ишлаб чиқарувчи хўжаликларда тамаки, Кадома, Чинхойи ва Мхангурда худудида пахта, шим.ғарбдаги Чирунду худудида ва мамлакат жан.шарқида шакарқамиш етиширилади. Чорвачиликда, асосан, гўштбоп корамол бокилади. Мамлакат жан. ва маркази энг муҳим интенсив чорвачилик худудидир. Ўрмонзорларнинг асосий қисми мамлакатнинг ғарбидаги бўлиб, кўп микдорда ёғоч тайёрланади.

Транспорти. Энгмухимтранспорт тури — т.й. Унинг уз. 12,8 минг км, автомобиль йўллари уз. 85,2 минг км. Нефть қувурлари уз. 288 км. Харареда халқаро Кентукки аэропорти бор. 3. четга тамаки, олтин, ферроқотишима, пахта, асбест, никель, мис рудалари, кандшакар, мол гўшти ва б. сотади. Четдан машиналар, транспорт ускуналари, кимё саноати маҳсулотлари, хом ашё ва ёқилғи сотиб олади. Ташки саводдаги асосий мижозлари: ЖАР, Буюк Британия, Германия, АҚШ, Италия, Япония ва Африкадаги қўшни мамлакатлар. Пул бирлиги — 3. доллари.

Соғликини сақлаш. 3.да давлатга қарашли ва хусусий даволаш муассасалари мавжуд. Мамлакат мустақилликка эришгандан кейин гўдакларнинг нобуд бўлишини, юкумли касалникларни камайтириш, халқ сиҳатсаломатлигини яхшилаш чоратадбирлари курила бошлади. Шифокор ва ҳамширалар Хараре ун-ти коллежи хузуридаги тиббиёт мактабида тайёрланади.

Маорифи, маданиймаърифий ва илмий муассасалари. Мустақиллик арафасида аҳолининг 75% саводсиз эди. 1981 й.дан мажбурий бошланғич таълим жорий қилинди. Катта ёшдаги аҳоли ўргасида саводсизликни тугатиш харакати кучайтиридди. 80-ларда куйидаги маориф тизими карор топди:

5—6 ёшли болалар учун мактабгача син-флар; 7 ёшдан 7 й.лик бошлангич мактаб; 6 й.лик ўрта мактаб.

Хунартехника таълими бошлангич мактаб негизида хунар билим юртларида амалга оширилади. Бошлангич мактаб ўқитувчилари пед. билим юрглари ва коллежларда тайёрланади. Харареда ўрта мактаблар учун ўқитувчилар тайёрлаидиган янги пед. коллекчи очилган. Хараредиги З. ун-тининг 9 фтида З мингдан ортиқ талаба таълим олади, 564 ўқитувчи даре беради. Унт хузурида интлар, шу жумла-дан Пед. инти, бир неча колледж бор.

Йирик кутубхоналари: Хараредаги З. ун-тининг кутубхонаси, Парламент кутубхонаси, қиролича Викториянинг мемориал кутубхонаси, Булавайода З. Миллий кутубхонаси, Оммавий кутубхона ва б. Музейлари: Хараре ва Булавайодаги З. Миллий музейлари, Хараредаги З. Миллий галереяси, Гверудаги тарих музейи, Мугаредаги археология, тарих, этн. музейлари.

Харареда қ.х. соҳасидаги тадқиқотлар кенгаши (унинг таркибида 7 инт ва 8 тадқиқот ҳамда тажриба сяси), шунингдек, Гербариев ва ботаника боғи, Ветеринария и.т. лаб.си, Урмонтехника тадқиқот маркази, Обҳавони ўрганиш хизмати, Геол. хизмати, З. илмий кенгаши, Тамакишунослик тадқиқот маркази, Пахтачилик тадқиқот маркази, бир канча илмий жамият ва уюшмалар бор.

Матбуоти, радиоэшиттириши, телекўрсатуви. Асосий газ. ва жур.лари: «Геральд» («Хабарчи» инглиз тилидаги кундалик газ., 1891 й.дан), «Кроникл» («Вокеалар», инглиз тилидаги кундалик газ., 1894 й.дан), «Санди мейл» («Якшанба хабарномаси», инглиз тилидаги якшанбалик газ., 1935 й.дан), «Файнэншл газетт» («Молиявий газета», ишибилармон доираларнинг инглиз тилидаги ҳафтаномаси, 1970 й.дан), «Зимбабве ньюс» («Зимбабве янгиликлари», инглиз тилидаги ойлик жур., 1974 й.дан), «Зимбабве гавернмент газетт» («Зимбабве хукумат газетаси», инглиз тили-

даги ҳафтанома). З. Африкаро ахборот агентлиги (ЗИАНА) 1981 й.дан фаолият кўрсатади. З. радиоэшиттириш корпорацияси — давлат радио ва телекўрсатув хизмати 1964 й.да тузилган.

Адабиёти. З. адабиёти инглиз тилида, шунингдек, шона ва матебеле тилларида ривожланмоқда. Шона ва матебеле халкдарининг қад. бой фольклор анъаналри бор. Афсоналар, эртаклар, қўшиқлар, мақоллар халқ тарихи ва донишмандлигини ифодалайди. 1957 й.да С. Мутсвайронинг «Фезо» китоби чиққунча, асосан, оқ танли ёзувчиларнинг 19а. охирида вужудга келган инглиз тилидаги адабиёти ҳақида гина гапириш мумкин. Оқ танли ёзувчилар асарларининг асосий мавзуи дастлабки келгиндиларнинг ҳаёти ва саргузаштлари эди. Айрим асарлардаги на ижтимоий оҳанглар янграйди. А. Ш. Крипен «Гамгин диёр» (1911) ва «Соҳил дараҳтлари юрти» (1913) романларини туб жой аҳолига ҳайриҳолик б-н ёзган. 50-й.лар охирига келиб маҳаллий тилларда лотин алифбосидаги асарлар пайдо бўлди. Африкалик ёзувчилар анъанавий турмуш тарзи б-н замонавий — европа палашган турмушнинг тўқнашувлари ҳақида ёзадилар. Мустакиллик эълон қилингач, адабиёт ривожлана бошлади. Африкалик ёзувчилар замонавий бадиий жанрлар — роман, қисса, ҳикояларга мурожаат этмоқдалар. Ч. Мунгошининг «Ёмғир ёға қол» романida африкалик деҳқонларнинг начор ахволи тасвирланган. В. Катийонинг «Ер фарзанди» романнида ёшларнинг Қаршилик ҳаракатига кўшилиши, ирқчилик тартибларига карши кураши ифодаланган.

Меъморлиги ва тасвирӣ саннати. З.нинг турли жойларида палеолит даврига мансуб коя расмлари сақланган. Расмларда одам ва ҳайвонлар, З. халқларининг урфодатлари акс эттирилган. Гематитдан ясалган дунёдаги биринчи «қалам» — қўнғир ва қизиғаш таёқчалар Матопо тоғидаги Бамбата ғоридан топилган. 19-а. Мономотапа давлати (14—17-а.лар) маданияти тараққиёти қолдиқлари — З.„

Инъянга мажмуалари, Дхло-Дхло, Ками каби тош истехкомлари харобалари то-пилган. Қалин гранит деворлар, күшлар тасвиirlанган тош устунлар, сопол идишларнинг қолдиқлари сакланган. З. қишлоқларининг тарҳлари қад. мажмуаларни эслатади (турап жой ва хўжалик бинолари пахса девор б-н ўралган). Турап жойлар орасида томи конуссимон айлана кулбалар кўп. 19а. охиридан шахмат тахтаси шаклида лойиҳалаштирилган кам қаватли фишт бинолардан иборат шаҳарлар курилди. 1950-лардан кейин Хараре, Булавайо ва б. шаҳарлarda замонавий кўп қаватли бинолар курила бошлиди. Кейинги йилларда 20—30 қаватли маъмурӣ бинолар қад кўтарди.

Бадиий хунармандчиликдан ёғоч ўймакорлиги, кулолчилик (геометрик нақш б-н зийнатланган хурмача, кўзалар), сават тўкиш тараққий этган. 20-а.нинг 60-й.ларидаги профессионал тасвирий санъат вужудга келди. Рассомлар орасида кишиларга ва ўз ватани табиатига муҳаббат ифодаланган реалистик асарларнинг муаллифлари С Сонго, Ж. Ндандарика, Т. Мукаробгвалар ажralиб туради. Ҳайкалтарошлар (Т. Дубе, Й. Ликото, Б. Мтеки) Африка ҳайкалтарошлигига хос тимсолларни ва анъанавий хусусиятларни саклашга ҳаракат қиласидилар. З.да рассомлиқ, ҳайкалтарошлиқ, амалий санъат асарлари кўргазмалари мунтазам ташкил этилади.

Мусиқаси. З.нинг мусиқий маданияти турли халқдарнинг, асосан, шонларнинг мусиқа санъатини ўз ичига олади. Мусиқа анъаналари З., сўнгра эса Мономотапа давлати қад. маданияти б-н чамбарчас боғлиқ. Бу давлатнинг ижтимоий турмушида маромбे деб аталган сарой хонанда ва созандалари муҳим роль ўйнаган. Найни эслатувчи ва торли мбира, калимба, чипендани, чимазамби, читембе созлари, ноғорага ўҳшаш барабан кенг расм бўлган. Шонларнинг мусиқий маданиятида кўпчилик бўлиб кўшиқ ижро этиш (хорлар, чолғу ансамбллари) устунлик киласиди. 20а. 2ярмидан афроев-

ропача ўзига хос услублар оммалашди. Мусиқа масалалари б-н, асосан, Санъат ишлари кенггаши шуғулланади. З.да Хараре ва Булавайо мусиқа колледжлари бор. Театри. Мустамлакачилик даврида европаликларнинг бир неча ҳаваскорлик театр бирлашмаси бор эди. 1950-лар охиридан туб жой ахоли орасида театр ҳаваскорлик санъати ривожлана бошлиди. 1961 й.да зулуларнинг театр гурухи Солсбери (Хараре)да У. Шекспирнинг «Макбет» асарини саҳналаштириди. «Умабата» номи б-н қўйилган бу асар воқеалари Зулулендда содир бўлган, деб талқин этилди. Унда африкаликларнинг оҳанглари ва рақсларидан фойдаланилди. 1980-лардаги янги пьесалар (Т. К. Тсодзонинг шон тилидаги «Шануко», Б. Чидъяматамбанинг «Зимбабве овози» ва б.)да энг муҳим ижтимоий муаммолар кўтарилди, ижтимоий тенгизлиқ, золимларнинг муттаҳамлиги, қабилавий бидъатлар фош этилди. Ўтмиш сарқитларини фош этувчи «Муқадет оиласи» телесериалининг муаллифи ва ижрочиси С. Мадзикатире айниқса машҳур бўлди. ЗИММИЙ, аҳл аззимма (араб.— мусулмонлар химоясидаги ахоли) — ўрта аср араб халифалигидаги мусулмон бўлмаган халқлар (асосан, яхудий ва христианлар). З.лар б-н тузилган шартномата кўра, араб қўмондонлиги уларнинг молмулки ва ўзларининг дахлсизлигини химоя этган ҳамда диний урфодатларига ижозат берган. Бунинг эвазига З.лар давлат ҳазинасига жизя ва хирож тўлаб туришган. З. атамаси дастлаб Мухаммад (сав)нинг араб қабилаларига юборган номаларида (629—630 й.лар) ва Куръоннинг 9сурасида учрайди. 11а.да алМаварди З. риоя қилиши лозим бўлган б мажбурий ва мақбул шартни баён этган: Мухаммадни, мусулмонлар динини ёмонламаслик, мусулмон аёлларга тегажоғлик қиласлиқ ва улар б-н никоҳда бўлмаслик, мусулмонларни бошқа динга ўтишга оғдириласлик, мусулмонлар б-н жанг қиласлиқ ёрдам бермаслик. З.нинг бу шартлардан бирортасига риоя қиласлиги уни

хомийликдан маҳрум этади, конундан ташқари ҳолатта кўяди. Мақбул шартлар: кийимда мусулмонларнидан ажратиб турувчи белгилар бўлиши, мусулмонлар уйидан баланд уй курмаслик, мусулмонлар бор жода ўзининг муқаддас китобини баланд овозда ўқимаслик, улар олдида шароб ичмаслик, ошкора равишида хоч тақмаслик ва чўчқа бокмаслик, марҳумларини имижимида дағн қилиш, зотли от ва туялар миннамаслик. Бу шартлар тузилган шартномага киритилган бўлсагина улар мажбурий эди, уларни бузиш З.ни хомийликдан маҳрум қилиш учун асос бўла олмасди, лекин жазоланиши керак эди. Ўрта асрда бошқа динга эътиқод қилувчилар илк исломдагига қараганда кўпроқ сиқувга олинган бўлсада, ташки сиёсий ва ҳарбий омиллар таъсир қилган вактлардан бошқа пайтлар мусулмонларнинг З.га муносабати тоқат қиласи даражада эди. Орқасида хеч қандай ташки куч турмаган яхудийларнинг ахволи бир мунча яхши бўлган. 19а.да Европа давлатлари Усмон империясида христианларнинг ахволи ҳақидаги масаладан империянинг ички ишларига аралашиш учун баҳона сифатида фойдаланди, христианлар эса ўзўзидан улар таъсирини ўтказувчиларга айланиб қолди. Натижада христианларга муносабат ёмонлашиб Сурия ва Ливанда 1860 й. қонли тўқнашувлар келиб чиқди. Ҳоз. кунда З. тушунчаси амалда эмас, мусулмон мамлакатларида турли динга эътиқод қилувчи фуқаролар умумий конунга бўйсунадилар.

ЗИМНОНСОЙ — Тошкент вилояти Бўстонлиқ туманинаги сой, Серкалисой (Тераклисой)нинг чап ирмоги. Чатқол тизмасининг тармоғи — Қоракуштоғи (3864 м)нинг шим.ғарбий ён бағирларидан оқиб тушадиган 30 дан зиёд майда ирмокнинг қўшилишидан ҳосил бўлади. Бошланишида ён бағирлари тик ва тор водийда тез оқади. Ўрта оқимида сой водийси бир оз кенгаяди. Уз. 18 км. З., асосан, кор ва кисман ёмғир сувларидан тўйинади, суви май — июнь ойлари-

да кўпаяди, кам сувли давр дек. — фев.га тўғри келади.

ЗИНА, зинапоя — 1) бино ва иншотларнинг юқорига чиқибастга тушиладиган погонали қисми. Вазифасига қараб З. хили бўлади: асосий З. — қаватларга чиқибтушилади; ёрдамчи З. — ёнғин, сув тошқини, таъмирлаш ишлари вақтида кепрак бўлади; қўшимча З. — ертўлага тушилади, чордокка чиқилади. З.лар бино ва иншоотларни безайдиган меъморлик элемента ҳам ҳисобланади. У истироҳат боғлари, очиқ майдонларга ҳам қўрк бериб туради. Ёдгорликлар пойига ҳам З. қилинади. З.лар гиштдан, темирбетондан, таҳтадан, металдан килиниши мумкин. Гиштин ва темирбетон З.лар сирти кошинлар ва мармар б-н қопланади. Эскалатор З.лари двигател ёрдамида харакатланиб туради. Турап жой биноларида З.ларнинг қиялиги муҳим аҳамиятга эга: З. канча ётикроқ бўлса, шунча яхши, лекин унинг қиялиги 45° дан ошмаслиги лозим. Агар З. б-н чиқиладиган жой анча баланд бўлса З. бир неча марта (бўллакка) бўлиб қурилади. Ҳар бир мартада камида З. та, купи б-н 10 та зинапоя бўлиши керак. Зинапоя маршининг эни 90 см дан тор бўлмаслиги лозим. Оддий З. қуришнинг иложи бўлмаган жойларда (мас, жой етарли бўлмагандан) винтсимон З.лар қурилади. Кўпинча, бундай З.лар металдан ясалади. Винтсимон З.нинг диаметри камида 2 м бўлиши керак. З. банди (кўл ушлаб чиқиладиган тўсик) нинг бал. 1 м атрофида қилинади.

ЗИНВАР (қад. форс. — тошкалья) — ўрта асрларга оид Чағониён шахарларидан бири. Деновдан З км шим. шарқ, да жойлашган Оққўргонтепа шахар харобаси ўрнида бўлган деб таҳмин этилади (Э. В. Ртвеладзе). «Худудулом»га кўра, З. аҳолиси оз бўлиб, кичик шахар бўлсада, дехқончилик тарақкий этган. Археологик маълумотларга кўра, З.да ҳаёт илк ўрта асрлардан (6—7а.лар) 18а. гача давом этган. Ад.: Аршавская З. А., Ртвеладзе Э. В., Хакимов З. А., Средневековые памятники Сурхандарьи Т.,

1982; Камалиддинов Ш. С. Историческая география Южного Согда и Тохаристана по арабоязычным источникам IX — начала XIII вв., Т., 1996.

ЗИНГЕР (Singer) Айзек (Исаак) Башевис (1904. 14. 7, Польша, Радзимин — 1991. 24. 7, АҚШ, Майами) — яхудий ёзувчиси. Келиб чиқиши польшалик. 1935 й.дан АҚШда истикомат қила бошлаган. «Горэдаги Иблис» (1935), «Гимпел — ахмок» (1956), «Қисқа жума куни» (1965), «Табака» (1965), «Кафканинг дўсти ва бошқа хикоялар» (1969), «Ўчоқ олдиға хикоялар» (1971), «Ойина ва бошқа хикоялар» (1975) ва б. хикоялар тўпламларининг муаллифи. «Москат оиласи» (1950), «Қул» (1957), «Люблинлик кўзбогловчи» (1965), «Қўргонча» (1975), «Шоша» (1981) романлари бор. З. насрига хос хусусият шуки, у ўз қаҳрамонларини кўпинча муболагали ҳолатда тасвиirlайди, акл бовар қилмайдиган мазмун ҳамда мураккаб шакллар унинг асарларида етакчилик қиласи. Нобель мукофоти лауреати (1978).

ЗИНДИК (араб. — динга ишонмайдиган, худосиз, атеист) — ўрта асрларда ислом таълимотини рад этган, бошқача фикрловчи фалсафий оқимлар, дуалистлар, шунингдек, монийлик, маздақийлик ва хуррамийлар таълимоти вакилларига берилган умумий ном. З. номи берилган кишилар динга карши, атеист деб хисобланган, улар доимо таъкибда бўлган, кўлга тушганди эса қаттиқ жазоланган. Факиqlар уларнинг хаттиҳаракатини пайғамбарни ҳакоратлаш б-н баробар деб билиб, ўлимга маҳкум, деб ҳукм чиқаргандар. Ислом тарихида З.ка қарши намунали жазо чоралари кўрилган ҳоллар кўп бўлган. З. тушунчасини ҳоз. вақтда ислом ақидапарастлари «дин манфаати йўлида етарлича қайғурмаётганлар»га нисбатан ҳам кўллайдилар.

ЗИНДОН (форс.) — маҳбуслар сақланадиган ер остидаги зах ва коронги жой, атрофи қалъабанд қамоқчона. Қулчилик даврида пайдо бўлган. Кўпроқ

хукмдорлар қасри, қалъаси остида конуссимон кудук шаклида казилган, 5—7 м, ер ости суви юзада бўлган жойларда пишиқ гиштдан, гумбаз шаклида ер устида курилган. З.нинг обхона деган тури ҳам бўлган (яна қ. Бухоро зиндони).

ЗИНЖАНТРОП (Zinj Шарқий Африканинг қад. арабча номи ва юн. anthropus — одам) — австралопитекларга мансуб қад. қазилма одамсимон маймун. З. бош скелетини илк бор археолог Луис Лики 1959 й. Олдовай дараси (Танзания) дан топган. Лики унинг энса қисми ва кесмаси тузилишига кўра дастлаб Ното уругига киритган ва экспедиция учун маблағ ажратган Бойси шарафига Бойси зинжантроп деб атаган. Лекин З.нинг морфологик тузилиши унинг ҳатто тош курол ҳам ясави мумкин эмаслигини кўрсатди, шунинг учун уни Бойси жан. одами (*Zinjanthropus boisei*) деб номланган. З.нинг бош скелети бўйлаб пуштacha ўтган, кичик озиқ тишлари йирик озиқ тишларига бир оз ўхшаш, курак ва қозик тишлари нисбатан майдо бўлган. Дағал ўсимлик б-н озиқланган. З. бундан 2 млн. йил илгари яшаган деб таҳмин қилинади.

ЗИНИН Николай Николаевич (1812. 25. 8, Шуша — 1880. 18. 2, Петербург) — рус органик кимёгари, Петербург ФА акад. (1865 й.дан). Петербург Тиббийт-хирургия академиясининг проф. (1848—74). Илк бор калий цианид иштирокида бензальдегидни конденсатлаб, бензоин ва уни нитрат кислота б-н оксидлаб, бензил олган.

З. 1842 й.да ароматик нитробирикмалардан ароматик аминлар олиш усулни кашф этган (қ. Зинин реакцияси), шу усулда анилин ва а нафталин синтез қилган, фенилдиамин ва дезоксибензоин (1844), бензидин (1845) олган. Бензидин бирикмаларини кайта гурухлашни тақлиф қилган.

ЗИНИН РЕАКЦИЯСИ ароматик нитробирикмаларни кайтариб ароматик аминлар олиш усули: $\text{ArNO}_2 + 3\text{H}_2\text{S} \rightarrow \text{ArNH}_2 + 2\text{S} + 2\text{H}_2\text{O}$. Реакцияни 1842 й.да Н. Н. Зинин кашф этган. З. р. асо-

сида бўёклар, фармацевтик препаратлар, портловчи, хушбўй ва доривор моддалар олишда бошланғич маҳсулот сифатида қўлланиладиган турли ароматик аминлар синтез қилинади.

ЗИННАТ ФАТХУЛЛИН (тўлиқ исм-шиарифи Зиннат Равилович Фатхуллин) (1903, Нижний Новгород — 1988.1.1, Тошкент) — драматург. Ўзбекистон халқ, ёзувчиси (1983). Ўзбекистонда хизмат кўрсатган санъат арбоби (1963). 2жаҳон уруши қатнашчиси (1939—45). Ижоди 1923 й.дан бошланган. З. Ф.нинг илк сахна асарлари — «Тошкай», «Эскиликдан янгиликка» (1923), «Гунчалар» (1930) пьесалари. Шундан кейин «Никоб йиртилди» (1932), «Соткинлар» («Олтин куз», 1937) ва б. сахна асарларини езди. Урушдан кейинги даврда З. Ф. «Ватан ишқи» (Шукур Саъдулла б-н ҳамкорликда, 1957), «Оби хаёт» (1962), «Ёшлиқда берган кўнгил» (1964), «Орзулар» (1967), Ҳамза хаётига бағишинланган «Томоша давом этади» (1969) драмаларини яратди. З. Ф. нинг қатор асарлари ўзбек халқининг иккинчи жаҳон уруши йилларида кўрсатган жасоратига бағишинланган. «Сўнмас хаёт» (1951) киссасида уруш қаҳрамони Кудрат Суюновнинг мардлиги ёрқин очиб берилган. «Ой бориб омон қайт» (1970) сценарийси асосида фильм ишланган.

Ас: Танланган асарлар [2 жилдли], Т., 1983/84.

ЗИНО (араб. — бузуклик, фахш, зинокорлик) — ислом ақидасига кўра, эркак ва аёлнинг шаръий никоҳсиз жинсий алоқада бўлиши. З. исломда каттиқ кораланадиган гуноҳлардан хисобланади. Куръонда «Зинога яқинлашманглар! Чунки (бу) бузуклиқдир — энг ёмон йўлдир», дейилган (17:32). Шариатда З. учун юз дарра уришдан тортиб ўлим (тошбўрон қилиш) жазосигача белгиланган. Лекин жазога ҳукм қилиш учун З. б-н айланувчиларнинг ўзлари икрор бўлиши ёки тўртта ишончли гувоҳнинг гувоҳлик бериши шарт қилинган. Акс ҳолда, диний манбаларда айтилишича, арзимаган са-

баблар б-н инсоннинг обрўси тўкилиши, извогар, бўхтончиларга кўл келиши мумкин.

ЗИНОВЬЕВ Георгий Васильевич (1877, СанктПетербург — 1934, Москва)

— Туркистонда совет режими ўрнатишда фаол катнашган ҳарбий арбоб. 1918—21 й.ларда Туркистон армияси ва ЗТуркистон ўқчи дивизияси, Фаргона армияси кўмондони ҳамда Туркистон фронти инқилобий ҳарбий кенгаши аъзоси сифатида истиклолчиларга қарши курашни уюштириди. Бухоро босқини (1920 й. авг.— сент.)ни уюштиришда М. В. Фрунзенинг энг яқин ёрдамчиси бўлиб, қизил армия кўшинларига бевосита кўмондонлик қилди. 1920 й. окт.да З. бошчилигига 31000 кишилик қизил армия Фаргона водийсидаги истиклолчиларга қарши ташланди. Истиклолчилик харакатининг раҳбарлари б-н музокаралар пайтида бир гурух кўрбошилар унинг буйруги б-н кўлга олиниб, хиёнаткорона равишида отиб ташланди (1921). З. кейинчалик Ўрга Осиё ҳарбий округи кўмондонининг ўринбосари ва б. лавозимларда ишлади.

Ад.: Ражабов Қ. Қ., Мустақил Туркистон фикри учун мужодалалар, Т., 2000; Туркестан в начале XX века: К истории истоков национальной независимости, Т., 2000.

ЗИРА (*Bunium persicum*) — зира дошлар оиласига мансуб кўп йиллик хушбўй зиравор ўсимлик. Бўйи 40—60 см. Поясининг ярмидан юқориси шохланган. Илдизи тугунакли. Тупбарглари узун бандли, поядагилари бандсиз. Барги ипсимон бўлакларга бўлинган. Гуллари оқ, майда, ҳар бир соябончада 20—30 тадан. Июнда гуллайди, уруғи июлда пишади. Самарқанд, Қашқадарё ва Сурхондарё адирларида, тоғ ён бағирларида кўп ўсади. Уруғи майда, чўзиқ, қорамтирги гарранг, сирти тарамтарам, жуда хушбўй. Таркибида 2,753,0% эфир мойи бор. Ўрга Осиё ҳалклари гўшт тузлашда, қази ва б. овкатлар тайёрлашда кадимдан кенг фойдаланиб келади. Халқ табобатида меъда касалликларини даво-

лашда, сийдик хайдовчи дори сифатида ишлатилади.

ЗИРАБОЛДОҚ — исирға тури; к. Қашқарболдок.

ЗИРАБУЛОҚ ЖАНГИ Бухоро амирининг сарбозлари б-н амирлик худудига бостириб кирган подшо Россияси кўшинлари ўртасида бўлиб ўтган ҳал қилувчи жанг (1868 й., 2—3 июнь). Генерал Кауфман кўмондонлигидаги мустамлакачи кўшинлар Самарқандни эгаллагач (1868 й. 1—2 май), Бухоро томон юришни давом эттирган. Бухоро амири кўшинлари 6000 сарбоз ва 15 минг отлиқдан иборат бўлиб, ёмон куролланган эди. Рус кўшинлари 3000 нафар бўлиб, уларнинг 14 тўпи ва 6 замбараги ҳам бор эди. Амир Музаффар (1860—85) Самарқанддан Зирабулоқ қўрғони томон чекинган. З. ж. 2 июнь куни тонгда, рус пиёда аскарларининг ҳужуми б-н бошланган. Амир сарбозлари мардона жанг қилиб уларни чекинишга мажбур этган. Зиюнда генерал Кауфман амир кўшинини тўплардан ўкка тутиб, янгидан ҳужумга ўтган, натижада Ҳожи ва Усмон тўқсабо раҳбарлигидаги амир сарбозларини чекинишга мажбур этган. Ватан ҳимоячиларидан 1000 киши жангда ҳалок бўлган. З. ж. Бухоро амирлиги тақдирини узилкесил ҳал қилган. 1868 й. 23 июнда Самарқандда имзоланган РоссияБухоро сулҳ шартномасига кўра, Бухоро амирлиги Россияга тобе бўлиб қолган.

Ад.: Ўзбекистон ҳалқлари тарихи, 2ж., Т., 1993.

ЗИРАБУЛОҚ ТОҒЛАРИ Самарқанд вилоятидаги тоғлар. Геологик жиҳатдан Зарабшон тизмасининг шим.ғарбий давоми. Шарқда Жом чўли, ғарбда Зиёвуддин тоғлари б-н чегара дош. Жан.да Қарноб чўли текислигидан тик поғона б-н ажралган, шим.да Зарабшон дарёси водийсига туташган. Энг баланд жойи 1120 м. Шим. қисмининг бал. 930—1100 м, марказий қисми 830—890 м. Жан. қисмida Айрибел, Кўшдара, Жалқир, Алёмий (1054 м), Пиёзтоғ, Маҳмудтоғ (962 м), шим.да Бештоғ ва б. тоғ тизмалари.

ри мавжуд. Уларнинг жан. ва жан.ғарбий ён бағирлари тик кўтарилган қояли, туб жинслари яланғоч, турли нураш шакллари б-н мураккаблашган, чукур ва тор даралар ҳамда сойлар б-н кучли парчаланган. Шим. ва шим.шарқий ён бағирлари ётикроқ ва астасекин тоғ этаги текислигига кўшилиб кетади. Пролювиал шлейфлар тоғлардан бошланган сойларнинг конус ёйилмаларидан иборат. Шим. ён бағирларида тепаликлар ва улар оралиғида сойликлар мавжуд. Қуруқ сойлар (Жиничкасой, Кўксой, Устунгусой, Чалқудуксой ва б.) да эрта баҳор ва ёз бошида сел сувлари оқади.

З.т.нинг шим. тизмалари куйи силурнинг қумтошсланец ётқизиклари, барча қояли тоғ тизмалари юқори силурнинг оҳактошларидан ташкил топган. З.т.нинг марказий плато қисмida силур ётқизикларини интрузив жинслар (гранит) ёриб кирган. Тоғ этакларини бўр, палеоген ва неогеннинг чўқинди жинслари ташкил қилган. Марказий қисми платосимон рельеф шаклига эга, палеозойнинг интрузив қатламларидан иборат. Қисқа, лекин чукур водийлар (Дараитут, Тим, Сипки, Каттасой, Муллабурхон, Девонасой, Жузумлисой ва б.) қалин оҳактош қатламларини кесиб ўтган. Улар баҳорда тўлиб оқиб, ёзда деярли куриб қолади. Тоғларда типик бўз тупроқлар тарқалган. Шим. ён бағирларининг куйи қисмларида эфемерлар, ширач, марказида оккурай аралаш усади. Қад. денудация юзларидан трагантли астрагал, бодом, тоғ этакларида қўзикулօқ, оккурай, шувок ўсади. З.т.да қурилиш материаллари, оҳак ишлаб чикариш учун гипс ҳом ашёси конлари бор. Қдлай ва симоб конлари (Ингичка) ишлаб турибди. Тоғ этакларидан Оқтош ш., Ингичка шаҳарчаси, Карноб қишлоғи жойлашган.

ЗИРАВОР — таомларга лаззат киритадиган ва хушбўйлик берадиган, таомни минерал тузлар б-н бойитувчи ўсимлик ёки кимёвий (органик ва минерал) кўшимчалар. Кўпгина зираворлар овқатга кўшимча лаззат бериш б-н бирга

таомнинг тўйимлилигини ҳам оширади. Узбек пазандачилигига кўп ишлатиладиган З.ларга қалампирамунчоқ, занжабил, кардамон, дафна япроғи, мурч, қалампир, зира, заъфарон, зарчава, седана, кашнич дони, ваниль, туз, сирка, горчица (хантал), анор суви, лимон кислотаси ва ҳар хил соуслар киради. Шунингдек, сут, сметана, ёғ, тухум, зайдун меваси ва сабзи, петрушка, сельдерей, пастернакнинг илдизлари, хушбўй ўтлар ва қўкатлар, пиёз, хрен (еркалампир), саримсоқ каби озиқ-овқат маҳсулотлари ҳам З. бўлиб хизмат қиласди.

ЗИРАДОШЛАР, соябонгулдошлар (*Apiaceae*) — икки уруғпаллалилар ёки магнолиясимонлар синфиға мансуб ўсимликлар оиласи. Асосан, бир йиллик ёки кўп йиллик ўтлардан иборат. Тропик ва субтропик мамлакатларда ўсадиган айrim турлари бута. Пояси, асосан, тик усади. Кўпчилигининг барглари мураккаб, турли даражада киркилган. Гуллари майда, ок, кўкишсариқ ёки оч қизил рангли, кўпинча мураккаб соябонсимон тўпгулларга йигилган. Соябони оддий ёки мураккаб, уз. 1 м гача етади. Ҳар бир соябонда бир нечтадан гул ўрнашади. Пишган меваси 2 та мевачага ажралиб, мевабандда осилиб турадиган қўш пищачадан иборат. Асосан, Ер юзининг курук минтақаларида тарқалган. 300 га яқин туркуми, 3000 дан ортиқтури бор. Ўзбекистонда 69 туркуми ва 198 тури усади. З.нинг айrim турлари (мас, зира, кашнич, сабзи, сумбул, шивит, коврак, арпабодиён, алкор ва б.) таркибида (кўпинча, мева ва баргларида) хилмаҳил эфир мойлари бўлганлиги учун улардан қадимдан фойдаланиб келинади. З. тиббиёт, парфюмерия ва озиқовқат саноатида ишлатилади. Баъзи турлари (мас, сассиқалаф) захарли, баъзилари экинлар орасида бегона ўт сифатида усади

ЗИРАК — қулокқа тақиладиган безак буюми (қ. Исирга).

ЗИРАФКАНД, Зирофканд (форс. — пастга сакраш, тушиш) — қ. Ўн икки маком.

ЗИРВАК — паловнинг гуруч солишиндан олдин қовуриб, сув солиб қайнатиб қўйилган масаллиги. З. палов тайёрлашдаги энг муҳим жараёнлардан бири. Доғланган ёғда аввал пиёз, сўнг гўшт, сабзи қовурилади. Қовуриш меъёрига етгач, юзи б-н баробар сув қуйиб, олов пастиллади ва ҳилҳил пишгунча милдиратиб қайнатилади. Туз ва зираворлар ҳам З.га солинади (яна қ. Палов).

ЗИРК (*Berberis vulgaris* L.), қорақанд — зиркдошлар (зиркгуллилар оиласи)га мансуб буталар туркуми. Барглари қалин, қисқа бандли, кетмакет жойлашган. Гули сариқ, қўш гулкўргонли, шингилга тўпланган; меваси резавор. Шим. ярим шарда тарқалган. 194 тури бор. 45 тури икlimлаштирилган. Ўзбекистоннинг тоғ ён бағирларида қизил зирк б-н кора зирк тарқалган. З. барги таркибида берберин, оксионтин, бербамин ва б. алколоидлар бор. Уларнинг мевалари нордон, мазали бўлганлигидан турли хил таомларга, жумладан, паловга солинади, овқатни хуштаъм қиласди. Қора З. кенг истеъмол қилинганлиги учун унинг тулага нисбат бериб «корақанд» деб аталади. Табобатда жигар хасталикларини даволашда, иситмани пасайтирувчи, ич кетишини тўхтатувчи ва юракни мустаҳкамловчи восита сифатида қўлланилади.

ЗИРҚДОШЛАР (*Berberidaceae*) икки уруғпаллалилар ёки магнолиясимонлар синфиға мансуб ўсимликлар оиласи. Кўп йиллик ўт, бута ёки дараҳтлар. Гули икки жинсли, гулкўргони сариқ, бир неча (4—5) қатор бўлиб жойлашган, ҳар бир қаторда З тадан гултожбарг бор. Кўпчилик З.нинг гулида тожбарг б-н чангчиси орасида ширадон — стаминодий бўлади. Меваси резавор, баъзан кўсакча ёки ёнғоқча шаклида. Ер юзида 14 туркумча мансуб 650 тури бор. Асосан, Шим. ярим шарнинг мўътадил ҳудудларида усади. З.нинг барги таркибида алколоидлар, айникса, берберин кўп. Ўзбекистонда З туркумга мансуб 11 тури усади.

ЗИРО — кад. узунлик ўлчов бирлиги; кўпгина шарқ мамлакатларида кўлланилган. Форсийларнинг газига, туркийларнинг карисита тўғри келади; ўртача қиймати 54,04 см. Ишлатилиш жойига қараб ҳар хил қийматга эга бўлган. Эронда 3. = 1 газ бўлса, Туркияда (ҳоз. вақтда) 1 3. = 65 см. Бобурийлар давлатида шоҳ З.си мавжуд бўлиб, у 81,28 см га teng бўлган. Ақбаршоҳ 1 З.ни 83,31 см деб белгилаган. Агрода 1647 й.да расмий равишда 1 3. = 81,28 см деб кабул қилинган. Мусулмон мамлакатларида кўлланилган З.нинг яна 48,9 см дан 145,608 см гача қийматларга эга 20 дан ортиқ тури мавжуд бўлган.

ЗИРОАТ — к. Дехқончилик.

ЗИРХ — 1) одамларни, ҳарбий техникани, қуроляроғ, турли мудофаа иншотларини ўқ, снаряд, авиация бомбалари ва ядро портлашларнинг шикает берувчи таъсиrlаридан ҳимоя қилувчи восита. Асосан, зирх пўлатидан қилинади. З. ўқ ва снарядларнинг таъсирига қаршилик кўрсатадиган чидамли ва снарядлар кўп марталаб текканда емирилмайдиган бўлиши лозим. Бу хусусиятлар пўлатнинг кимёвий таркибини, эритиш технологиясини, термик ишлов беришини, улардан тайёрланадиган деталь ва буюмларнинг технологик жараёнларини танлаб таъминланади. Вазифасига кура, З. ўқка ва снаряд парчаларига карши, снарядга карши, тайёрлаш хусусиятига кўра прокатланган ва қўйма; тузилишига кура, монолит (яхлит), комбинациялашган; ички тузилишига кура, гомоген (бир жинсли), гетероген (кесими бўйича хоссалари бир хил бўлмаган) хилларига бўлинади. З. алюминий пластмасса ёки пўлаталюминий пластмасса аралашмасидан ҳам тайёрланиши мумкин. Қадим замонларда ҳам З.дан фойдаланишган (мас, ўқ ва килич зарбидан баданни ҳимоя қиласидиган воситалар). Ҳарбий автомобиль ва бронепоездлар, танк, кема, самолётлар З.ланган; 2) зирхли моллюскаларнинг чиганоғи ва зирхлиларнинг тери скелетини англатувчи тушунча.

ЗИРХ ПЎЛАТИ — ҳарбий машиналар ва объектларни ҳимоя қилиш учун ишлатиладиган пўлат. Легирланган пўлат жумласига киради. Таркибида 2,5% гача хром, 3% гача никель, 0,6% гача молибден, 0,2% гача ванадий, 1,5% гача марганиец ва 2% гача кремний бўлади. Ҳарбий объектлар учун кўпинча 20—200 мм қалинликдаги прокатланган, прокатланган болғаланган ёки қўйма плиталар кўринишидаги З. п.дан фойдаланилади. З. п. техника мақсадларида, мас, электр кабелларини турли зарблардан ҳимоя қилиш учун ҳам ишлатилади.

ЗИРХЛИЛАР (Dasypodidae) — чалатишиллар туркуми оиласи. Жан. Америкада юқори палеоцендан ва Шим. Америка плейстоцендан маълум. Танасининг уз. 12 см дан 100 см, думи 2,5 см дан 50 см, оғирлиги 0,3 дан 55 кг гача. Танасининг орқа томони камар бўлиб жойлашган сужу к ва мугуз пластинкалардан иборат зирх (қалқон) б-н қопланган. Олдинги панжаси 4 ёки 5 панжали, ўткир тирнокли. Тишлари бир хилда, цилиндрический, 28 дан 100 тагача. Улар сони бир тур индивидларида ҳам ўзгариб туради. З. ҳозирги чалатишиллар орасида энг кўп сонли хайвонлар, 9 уруги, 20—25 тури бор. АҚШнинг жан.дан Чили ва Аргентинагача бўлган худудларда тарқалган. Очиқ майдонларда яшайди. Айрим турлари хавф туғилганида буралиб, шарси-мон шаклга киради. 2 дан 12 тагача болалайди, одатда, болалари битта тухумдан ривожланади (полизибриония). З. тунгиги хайвон, майда умурткасизлар, баъзан хайвонлар мурдаси б-н озиқланади. Гўшти ва калкнон учун овланади. Сони камайиб кетган, 4 тури Халқаро Кизил китобга киритилган.

ЗИЧЛИК (р) — 1) модданинг асосий тафсилотларидан бири; сон жиҳатдан жисмнинг ҳажм бирлигидаги массасига teng: $r = f$, бунда r — жисм зичли ги, t — массаси, V — ҳажми. Бир жинсли модданинг З.и унинг барча нукталарида бир хил, бир жинсли бўлмаган моддаларда эса З. и жисм ҳажмининг турли

нұқталарыда ҳар хил бўлади. З.нинг СИ даги ўлчов бирлиги кг/м³, СГС да эса г/³ см³. Кўпинча тизимга кирмаган ўлчов бирликлари — кг/л, т/м³ ҳам ишлатилади. Модда З.и, одатда, тра ортиши б-н камаяди ва босим ортиши б-н ортади (сувнинг З.и транинг 4° гача пасайишида ортади, транинг кейинги пасайишида З.и ҳам камаяди). Модданинг бир агрегат ҳолатидан иккинчисига ўтишида З. сакрашсимон ўзгаради. Хусусан, каттиқ ҳолатдан суюқ ҳолатга ёки суюқ ҳолатдан газсимон ҳолатга ўтишида модда зичлиги тез камаяди (лекин чўян ва сув қаттиқ ҳолатдан суюқ ҳолатга ўтишида З. тез ортади. Суюқ ҳолатдан қаттиқ ҳолатга ўтишида эса, аксинча, З. аномал камаяди). Икки модда З.и нисбатига нисбий З. дейилади. Одатда, нисбий З. суюқлик ва газлар учун дистилланган сув З.ига нисбатан, газлар учун эса қуруқ ҳаво ва водород З.ига нисбатан аниқланади; мас, идеал газлар учун нисбий З.: $r' = \frac{r}{r_0}$ Ушбу ифода водород З.ига нисбатан ($r_0=2$) олинган З.ларни аниқлаш орқали газнинг молекуляр оғирликлари топилади; 2) электр токида — электр токининг асосий тафеилотларидан бири; ток йўналишига тик йўналишдаги юза бирлиги орқали 1 с да ўтадиган электр зарядига тенг.

ЗИЯТОВ Парда (1947.14.1, Жиззах тумани) — Ўзбекистон Қаҳрамони (1998). Самарқанд мевасабзавот техникиумини тутатган (1967). Мехнат фаолиятини 1958 й.да Жиззах туманидаги «Москва» (хоз. Ҳ. Носиров номли) жамоа хўжалигида колхозчи бўлиб бошлаган. 1972 й.дан шу хўжаликца пахтачилик бригадаси бошлиги. З. раҳбарлик қилган бригада дехқончиликда илгор технологияларни қўллаган ҳолда узоқ йиллар давомида пахтадан мўл ҳосил етишириб, юқори кўрсаткичларга эришди (1998 й.да 38 га мМдондан 43,5 ц/га ҳосил олинди). З. пахтачилик илмини ўз тажрабалари б-н бойитиб бормоқда. Ўзбекистон Республикаси Олий Кенгаши депутати (1990—94).

ЗИҚНАФАС — қ. Бронхиол астма.

ЗИГИР (Linum) — зигирдошларга мансуб бир йиллик ва кўп йиллик ўсимликлар туркуми, тола ва мой олиш учун экиладиган экин. Мўътадил ва субтропик минтақаларда тарқалган. Ер юзида 230 дан ортиқ тури мавжуд. Толаси ва мойи учун экиладиган маданий З. (*L.usitatissimum*) тури хўжалик аҳамиятига эга. З. қадимдан Шим. Испания, Хитой, Миср, Россияда маълум бўлган. Мойли З. Аргентина, Канада, Хитой, Ҳиндистон, Миср, қисман Ўрта Осиёда экилади. Жаҳон бўйича умумий З. майдонлари 3,4 млн.га дан ортиқ, уруги бўйича ялпи ҳосили 2,9 млн. т (1999). Толали З., асосан, Россиянинг Европа қисми, Украина, Польша, Руминия, Франция, Чехия, Словакияда экилади (жаҳон миқёсида толали З. майдонлари умумий экин майдонининг 1/4 қисмини ташкил этади). Толали зигир тола олиш учун экиладиган бир йиллик ўсимлик. Пояси ингичка, силлиқ, тик усади, оч яшил рангли, бўйи 60—120 см. Ўсимлик етилганда пояси сарғишишади рангли. Барги оддий, бандсиз, навбатманавбат жойлашади, ранги яшил. Гул тўплами поянинг учиди жойлашади, зангори рангда, ўзидан чангланади. Гуллаш даври 6—10 кун давом этади. Меваси кўсакча, уз. 6,1—8,3 мм, эни 5,7—6,8 мм, 5 уали, одатда, уяда 10 та уруг бўлади. Уруги ясси, силлиқ, серёғ (42—49%), 1000 та уругининг вазни 2,8—8,7 г. Толали З. ҳарорати мўътадил, баҳор ва ёзда тезз ёмғир ёғиб турадиган минтақада экилади. Уруги 5° иссиқда униб чиқади. Майсаси —3—5° совукқа чидайди. Майсаланиш даврида мукобил ҳарорат 9—12°, колган даврлар учун 16—18°. Ҳарорат 22° дан юқори булса толали зигирнинг ўсишига салбий таъсир қиласи, поя кўп шохланади, тола сифати пасаяди. Вегетация даври 75—90 кун, етилиши учун 1100—1500° самарали ҳарорат талаб қилинади. Толали зигир узун кунлик ўсимлик. Кун ёруғ бўлса шохланishi кўпаяди, аммо соя жойларда пояси ётиб қолади.

Мойли зигир иссиқликка талабчан, уруги 12° да униб чиқади. Гуллаш — етилиши даврида ҳарорат $20—22^{\circ}$ бўлгани мъйкул. Фойдали ҳарорат йиғиндиси $1600—1800^{\circ}$ талаб қилинади. Вегетация даври 150 кунгача бориши мумкин. Бўйи $40—70$ см. Уруғида 52% гача мой бор. Мойли зигир унумдор ва бегона ўтлардан тоза ерларга экилади, шўрланган, оғир тупроклар ярамайди.

З.дан юкори сифатли тола ва мой олинади. Толаси пишиқ, мустаҳкам, эгилувчан. З. толасидан кийимлик газламалар (батист), брезент, пахта ва кимёвий толага кўшиб декоратив газламалар, арконлар ишлаб чиқарилади. Озиқовқатда, локбўёқ саноатида, табобатда қўлланади. Кунжараси чорвачиликда сифатли озуқа ҳисобланади. Тола ҳосили $0,4—1,6$ т/га (поядан чиқиши $10—15\%$), уруғ ҳосили $2,5—21$ ц/га. Бир экилган далага зигир $5—7$ йилдан кейин экилади, яхши утмишдош — беда, нўхат, полиз экинлари, шудгор қилишдан олдин далага ҳар га ҳисобига $8—15$ т гўнг, $20—45$ кг N, $40—60$ кг P₂O₅, $40—60$ кг K₂O солинади. Азотли ўғит экишдан олдин, ўсув даврида ($20—30$ кг/га) берилади. Уруғлик касалликларга карши экишдан олдин дориланади.

З. эрта баҳорда ёппасига қаторлаб экилади. Лалми ерларда ҳар гектарга $20—22$ кг (мойли З. $50—60$ кг/га), тоғли минтакаларда $25—30$ кг (ёки $4—6$ млн. дона уруғ) сарфланади. $3—5$ см чукурликда сеялкаларда экилади.

Ўзбекистонда жуда кадимдан лалми ерларда факат мойли З. экиб келинган (толали З. экilmайди), З. мойи кадрланган. Ҳоз. даврда Бахмал 1056, Бахмал 2, Бухоро 32 ва б. навлари экилади.

Ад.: Ёрматова Д., Ўсимликшунослик, Т., 2000.

Ҳалима Отабоева.

ЗИГИР КОМБАЙНИ узун толали зигир поясини йиғадиган қ.х. машинаси. Асосий қисмлари: шкив, 4 секцияли поя сугуриш аппарати, пояларни бўлгич, кўндаланг транспортёр, уруғни поядан

сидириб олиш аппаратига узатувчи транспортёр, сидириш аппарати, панжарали сидириш барабани ва камераси, узатиш механизмлари ва боғ боғлагич. Машина фиддиракли рамага ўрнатилган. Тракторларга тиркаб ишлатилади. Машина юрганда поя ажраткич зигирпояни юлиш аппарати секцияларига йўналтиради. Юлинган поя игнали транспортёрга, ундан кисиши транспортёри ёрдамида сидириш камерасига тушади. Сидирувчи аппарат панжали барабан б-н поядаги уруғларни сидириб транспортёрга ташлайди, уруғ ундан қопга тушади, боғ боғлагич уруғи сидирилган пояни боғбоғ қилиб боғлади. Сидириш аппарати ишлатилмагандан З. к.дан зигирпоя юлгич сифатида фойдаланиш мумкин. Машина нинг иш унуми соатига $0,5—0,7$ га.

ЗИГИР МОЙИ — зигир уруғидан пресслаб ёки экстракция усулида олинадиган ёғ. Илгари жувозия олинган. Таркибида тўйинган ёғ кислоталари — пальмитин кислота 7% гача, тўйинмаган ёғ кислоталари — олеин кислота $5—20\%$, линол кислота $25—50\%$, линолен кислота $21—45\%$ ва оксикислоталар $6,5\%$ гача. Котиш траси — 18° 6н — 27° орасида, ранги сариқ, йод сони $174—183$, кислота сони $0,55—3,5$, зичлиги $0,933—0,935$. З.м. алиф тайёрлашда, линолеум, клеёнка ишлаб чиқаришда, озиқовқат тайёрлашда ишлатилади.

ЗИГИР ТОЛА САНОАТИ к, Тўқимачилик саноати.

ЗИГИР ТОЛАСИ — зигир поясидан олинадиган маҳсулот. Майнин, узун ($0,5—0,1$ м), пишиқтола; чиройли товланиб туради. Зигир поясидан ажратиб олиш учун поя ивитилади (қ. Ивитши). Ивитилган поя очик ҳавода ёки маҳсус қуригичда қуритилади. Сўнгра эзиш машинасининг тишли жўвалари (валецлари) орасидан ўтказилиб, ёғочлик қисми синдирилади. Саваш машинасида тола чиқиндилар (калта тола ва ёғочлик)дан тозаланади. Сўнгра тараш машиналарида тараалганда узун ва калта (таранди) толага ажралаади. Йигирив машиналарида узун З. т.дан

юкори рақамли ип, таранди толадан паст рақамли ип олинади. З. тни йигириб олинган ипдан турли буюмлар тўқилади. З. тдан мато тўқиш ип газлама тўқишдан фарқ қиласиди (к. Тўкувчилик).

ЗИГИР ТУНЛАМИ — к. Беда тушами.

ЗИФИРАК (*Salvia deserta*) — ялпиздошлар оиласига мансуб кўп йиллик ўт. Бўйи 60—80 см. Барги наштарсимон. Гули қиска бандчаларда 2—3 тадан жойлашган. Гултоҷбарглари бинафша рангли, уз. 11—12 мм. Меваси юмалоқчурчак, кора. Май—авг.да гуллаб, июнь—сент.да уруғлайди. Тошкент, Фарғона, Сурхондарё вилоятларининг боғларида, тоғ ён бағирларида, воҳаларида кўп тарқалган. Юкори сифатли қимматбахо эфир мойи олиш учун экилади.

ЗИФИРАК — заргарликция безак яратиш усули. Исирга (жумладан қашқарболдок) панжараси оралиғига, узук ва б.да безак ҳосил қилиб ўрнатиладиган тилла ёки кумушдан ишланган майда думалоқ доначалар.

ЗИФИРДОШЛАР (*Linaceae*) икки уруғпаллалилар ёки магнолиясимонлар синфига мансуб бир йиллик ёки кўп йиллик ўсимликлар оиласи. Ер юзида 6 туркумга мансуб 250, Ўзбекистонда 200 тури ўсади. Гуллари тўғри, икки жинсли. Гултоҷ барглари айри, баъзан учки қисми туташган. Тожбарглари, косабарглари, уруғчиси, чангчилари 4—5 тадан. Меваси думалоқ кўсакча. Барглари якка жойлашган. З. турлари поясининг узунлиги, гулларининг каттақичиклиги ва ранги, тукли ва туксиз бўлиши, тарқалиши б-н бирбиридан фарқ қиласиди. З. мой ва толаси учун ўстирилади. Ёввойи турлари Фарғона водийсида, Тошкент, Самарқанд, Кашқадарё ва Сурхондарё вилоятларидаги тоғларда усади.

ЗЛАТОУСТ — РФ Челябинск вилоятидаги шаҳар (1865 й.дан). Аи дарёси соҳилида. Жан. Урадда. Т. й. станцияси. Аҳолиси 205,5 минг киши (1990 й.лар ўргалари). Златоуст механикатемир зди курилиши муносабати б-н вужудга кел-

ган. Кора металлургия ва машинасозлик корхоналари, соатсозлик зди бор. 19-а. бошидан металл ўймакорлиги ривожланган. Театр, улкашунослик музейи бор. З.га 1754 й. асос солинган. Ўша даврдан З. ўзининг машхур пўлат қиличлари б-н ном қозонган.

ЗЛОБИН Евгений Константинович (1898.21.1, Саратов ш.— 1959.7.12, Тошкент) — Ўзбекистон халқ артисти (1955). Сахна фаолиятини 1918 й. Саратов театрида бошлиган. Тбилиси, Боку, Козон, Самара театрларида ишлаган. 1938 й.дан Горький номидаги Тошкент театри актёри. З. комедия жанридаги ва драматик ролларнинг моҳир ижрочиси сифатида танилган. Энг яхши роллари: Фирс («Олчазор»), Мамаев («Ҳар тўқисда бир айб»), Караполов («Бегона бола»), Земляника («Ревизор»), Шмага («Айбизиз айборлар»), Иван Иванович («Катта муҳаббат») ва б.

ЗЛОТИЙ (zloty) — Польша пул бирлиги. 1995 й. янв.да 10000:1 нисбатда деноминацияланган З. муюмалага киритилган. 1 З.=100 гроша. Халкаро ифодаси PLZ. Халқаро валюталар курси бўйича 1 АҚШ доллари = 4,14 З., 1 З.= 165,73 сўм (2002, 5 фев.).

ЗМАЙ (Zmai; асл исм шарифи Йованович, Jobanobuch) Йован (1833.24.11, НовиСад, 1904.3.6, Каменица, Воеводина) — серб шоири. Ижодида миллийватанпарварлик мавзуи асосий ўринни эгаллади («Вила», 1858; «Уч гайдук», 1866; «Бахтсиз она», 1871 ва б.). З. ҳажвий шеърлар устаси («Ёғоч касидаси», 1878; «Сербиядаги янги сайловлар», 1884 ва б.). Серб шеъриятида биринчилардан бўлиб серб дехқонлари ва шаҳар қашшоқларининг начор ҳаётини тасвирлаган («Учинчи улуш», 1880; «Судхўр», 1881 ва б.). З.нинг «Атиргуллар» (1864), «Сўлғин атиргуллар» (1882) тўпламларига кирган шеърлари серб романтик шеъриятининг энг яхши намуналари саналади. З.нинг айрим шеърлари Хуршид Даврон томонидан ўзбек тилига таржима қилинган (1989).

ЗМЕЕВИК (рус— илон пўстига ўхшаш) — силикатлар синфига мансуб минерал (қ. Серпентин).

ЗОБИТ (араб.) — 1) халкни ва ватанини омон сақдовчи, тартиб урнатувчи. Тарихий адабиётларда З. кўлланма ҳамда қоида маъноларида ҳам ишлатилган; 2) зabit этувчи, босқинчи; 3) қуролли кучлар тизимида хизмат қилувчи командир, офицер.

ЗОБУЛИЙ — Ўн икки маком тизимидағи Сегоҳ ва Дугоҳ шўйбалари асосида яратилган куй; 24 мураккаботнииг бири. Эроннинг Зобул ш.га нисбат бериб шундай аталган.

ЗОБУЛИСТОН — ўрта асрларда Афғонистоннинг жан. кисми б-н Балужистоннинг шим. кисмидан иборат ҳудуд номи. Кобулистон, Хурсон, Сейистон, Макрон ва Синд б-н чегарадош булган. З. тоғли, оқар сувлари кўп бир баҳаво ер бўлиб, аҳолиси шижаоткорлиги б-н донг чиқарганди. Ўша кезларда Газна, Майманд ва Калот унинг маъмурий марказларидан булган. «Шоҳнома» да жуда куп тилга олинган З. номи ҳоз. кунда истеъмолдан чиққан булиб, унинг ҳудуди Афғонистон б-н Балужистонга кўшиб юборилган.

ЗОВУР — ер ости ва сизот сувлари сатҳини пасайтириш, тўқайзор ва зах ерларни қуритиш максадларида зах сувларни чиқариб ташлаш учун касилган ариқ ёки канал. Коллектор ва дренажнинг мелиорация иншоотлари б-н жиҳозланмаган ибтидоий шакли. Ўрта Осиё дехкончилигида З. мил. ав. 2—1минг йилликларда курила бошланган.

ЗОДИАК, зодиакал айлана (юн. zodiakos, zoon — ҳайвон) — Қўёшнинг йиллик кўринма харакатида босиб ўтадиган йўли — эклиптикадаги 12 бурж: Ҳамал (Қўзи), Савр (Бузоқ), Жавзо (Эгизаклар), Саратон (Қисқичбака), Асад (Арслон), Сунбула (Буғдойбоши), Мезон (ТАРОЗИ), Ақраб (Чаён), Қавс (Ўқчи), Жадий (Тоғтака), Даљ (Сув-чи) ва Хут (Балиқ) жойлашган айлана. «З.» атамаси

жуда кадим замонларда ёки зодиакал юлдузларнинг кўпчилиги ҳайвонлар номлари б-н аталишига баглий. Зодиакал юлдуз туркумлари орқали Қўёш системасининг ҳамда Ойнинг кўринма харакат йўли ҳам ўтади. Қад. Юнонистонда зодиакал юлдуз туркумлари алоҳида гурӯхдарга ажратилиб, ҳар бири ўз белгисига эга эди (қ. Астрономик белгилар). Юлдуз туркумларининг белгилари б-н баҳорги (Ҳамал) ва кузги (Мезон) тенг кунликлар, ёзги (Саратон) ва қиши (Жадий) Қўёш туриши нуқталари ҳам белгиланган. Прецессия натижасида бу нуқталар ўтган 2 минг йил давомида юкоридаги юлдуз туркумларидан силжиб кетган бўлса ҳам юнонлар берган номлар сақланиб қолган. Зодиакал юлдуз туркумларининг ҳаммаси Ўзбекистонда тўлиқ кўринади (қ. Буржалар).

ЗОДИАК ЁРУҒЛИГИ - эклиптика бўйлаб жойлашган хира ёруғлик. Эклиптика уфққа тикроқ бўлган пайтларда кечкурун коронғилик тушиши б-н ғарбда ёки тонг отмасдан аввал шарқда кўринади. Бу ёруғлик аслида Қўёш атрофига айланаб юрган чангларни Қўёш нури ёритиши натижаси бўлиб, сент. — ноябр ойларида эрталаб, янв.— март ойларида кечкурун яхши кўринади. Ёзда уфқнинг шим. томонида диффуз нурланиш бўлиб кўринади. З. ё. экваторга яқин жойларда яхши кўринади ва умуман тунгги осмон ёруғлигининг 15° ни ташкил этади. У қисман кутбланган; кугбланиш даражаси Қўёш-дан бурчакли узоклигига боғлиқ. Спектри Қўёш спектрига яқин, ундаги каби ютилиш чизиклари ҳам бор. З. ё.ни кузатиши натижасида сайёрапларро чанг газ моддалари тақсимоти ўрганилади.

ЗОКИР ЭШОН (лақаби Зокиргов) Рустам Мехтар ўғли (1824, Қўқон — 1898, Ўш) — қад. ўзбек халқ театри нағояндларидан. Бидиёршумнинг шогирди. 19 а. 2 ярмида Қўқон ўзбек профессионал актёрлар тўдаси («Касабай созанд» уюшмаси)нинг корор фармони. Халқ оғзаки комедиялари ижодкори. «Хон

хажви», «Заркокил», «Мозор» («Авлиёй»), «Сиркатароқ азизлар», «Хожи кампир», «Фарзанд дуоси», «Қаландарлар», «Кигиз ўғриси», «Хатна», «Атторлик» каби 50 дан ортиқ оғзаки комедия яраттан. Комедияларида кучли ижтимоий мавзу күтарилиб, ҳаётнинг салбий жиҳатлари фош қилинган. Бош қаҳрамонлар образини кўпинча ўзи ижро этган. Я на қ. Зокир эшон тўдаси.

ЗОКИР ЭШОН ТЎДАСИ - 19 а 2 ярмида Кўёндана ижод қилган ўзбек профессионал актёрлар тўдаси («Касабай созанда»). Корфармони — Зокир эшон. Ризо қийик, Саъди маҳсум, Нормат қизик, Бойбува қизик, Мўмин кишлеки, Баҳром қизик, Усмон қизик, Рўзи гов, Давлат қизик, Кал сариқ қизик, Авлӣҳон қизик каби 30 дан ортиқ қизикчи актёр, хофиз, созанда ва раккослардан иборат бўлган. Актёрлик санъатидаги асосий бадиий ифода куроли импровизация, мъянили имо-ишора, ҳаракат ва ўткир сўзлик ҳамда таклидчиликка катта эътибор берилган. Кўён хонлигининг ҳамма шаҳарларида томошалар кўрсатган. Репертуари «Хон ҳажви», «Заркокил», «Сиркатароқ азизлар», «Фарзанд дуоси», «Кигиз ўғриси», «Атторлик» каби сатирик сахналар, ҳажвия, аския, мусика, ашула ва ракслардан иборат бўлган.

Ад.: Раҳмонов М., Ўзбек театри тарихи, Т., 1968.

Мамажон Раҳмонов.

ЗОКИРЖОН ҚИЗИҚ Оуволов (1886 Андижон — 1975) — ҳалқ қизиқчиси. 12 ёшидан Азим чўкиндининг қизиқчилар тўпида жарчилик, сўнг масҳарабозлик килган. М. Мансуровнинг цирк труппасида (1904—05) Юсуфжон қизик Шакаржоновдан сабоқ олган. Собир кори, Ортиқ, Рафиқ, Карим каби қизиқчилар б-н бирга «Бола ўқитиши», «Кетмон тиляш», «Ўлик сотди» каби ҳалқ комедияларида ўйнаган. 1918—25 й.ларда Майрамхон циркида, А. Макаров, Э. Холмирзаев тўпларида ишлаган. Кейинчалик турли созанда тўпларида, кўпинча Иброҳим қизик Тешабоев б-н қизиқчиллик қилган.

«Мамаюсупф», «Келин туширди», «Хожи кампир», «Тўрт жинни» каби қад. оғзаки комедияларни тиклаб, ҳалқ орасида на мойиш қилган.

Ад.: Қодиров М., Масҳарабоз ва қизиқчилар санъати, Т., 1971.

ЗОКИРКЎЛ — Қорақалпоғистон Республикаси Мўйнок туманидаги қуриб қолган кўл. Амударёning куйи оқимида, Қипчоқдарёдан ажралиб чиқадиган Мадалиўзак тармоғининг bogланишидан 3 км жан. гарбда бўлган. Майд. 50-й. ларнинг бошида 10 км², ўртача чук. 0,5 м бўлган. Шим.дан жан.га чўзилган бўлиб, Қипчоқдарёни Мўйнок қўлтиғи б-н туаштириб турган. З. дарё, коллекторзовур сувларидан тўйинган. Ўша даврларда кўл қирғоклари ясси, атрофи қалин тўқайзор бўлган. Кўлдан чўртсан, қизилқанот, зогора, лакқа баликлар овланган, кўплаб боқилган. Амударё сувининг камайиши натижасида кўл ҳам кичрая борган: майд. 1955 й.да 6,6 км², 1960 й.да 5 км², 1965 й.да эса қуриб қолган. Ёғин кўп бўлган 1969 й. З. ботиги яна сувга тўла бошланган: 1972 й. майд. 2,73 км² га етган. З. 1980 й.ларда бутунлай қуриб қолди.

ЗОКИРОВ Акмал Бокижонович (1971.7.5, Тошкент) — кикбоксинг бўйича жаҳон чемпиони, ҳалқаро тоифадаги спорт устаси (1996). 1993 й.дан Тошкентдаги «Биллур» спорт клубида кикбоксинг б-н шуғулана бошлади. Мурраббийси — Б. Ш. Зокиров. З. 1994 — 98 й.ларда Ўзбекистон чемпиони, 1994 й. Осиё чемпионатида 1-ўрин, 1995 й. жаҳон чемпионатида (Киев) 2-ўринни эгаллади. 9 жаҳон чемпионатида (Прага, 1996) 55 кг вазнда ғолиб бўлди. Бирмингем (Англия), Дубровник (Хорватия), Гданьск (Польша)да бўлиб ўтган жаҳон чемпионатлари совриндори. З. ёш кикбоксингчилар б-н мунта-зам машғулот олиб боради.

ЗОКИРОВ Дони (1914.28.12, Самарқанд — 1985.26.11, Тошкент) — композитор, созанда (ғижжак), дирижёр. Ўзбекистон ҳалқ артисти (1969). Тошкент консерваториясининг композиция син-

фини (Б. Надеждинда) тутатган (1953). 1930 й.дан Самарканд вилоят мусиқали драма те-атри халқ чолғулари оркестри да гижжакчи, 1933 й.дан мусиқа раҳбари. Ўзбек давлат мусиқали театрида созанда (1936—37), Узбек давлат филармониясида халқ чолғулари оркестрининг бош созандаси (1937—40), Муқимийномидаги театрда (1940—47), Узбек давлат филармонияси ашула ва ракс ансамблида (1953—57) бадиий раҳбар. Узбекистон телевидениеси ва радиоси ўзбек халқ чолғу асбоблари оркестрининг дирижёри (1948—53), 1957 й.дан бош дирижёри ва 1960 й.дан бадиий раҳбари (1989 й.дан оркестр З. номида). Ижоди ўзбек мусиқа меросига оҳангдош ва усулдош, лирик-драматик ва эпик образларга бой. «Ойнисса» балети (Т. Литвинова либреттоси, 1957, Б. Гиенко б-н ҳамкорлиқда), «Зайнаб ва Омон» операси, (Зулфия, 1958, Т. Содиков, Ю. Ражабий, Б. Зейдман б-н), «Далада байрам» мусиқали комедияси (Ш. Саъдулла, 1954, С. Бобоев б-н), «Ёшлиқда берган кўнгил» (З. Фатхулин, 1965), «Менинг Жаннатим» (С. Абдулла, 1970, К. Жабборов б-н), «Шаҳзода ва етим қиз» мусиқали драмалари, 2 та симфоник (1947—50) ва «Карши чўли гуллари» (1972) вокалсимфоник сюита-лари, «Даврим садоси» (Б. Умиджонов б-н, 1970) кантатаси, «Ҳамза» поэма-вертюраси, «Лирик поэма», «Кўрмадим», «Бўлмаса», «Айб этмангиз», «Урганур», «Эй, сабо» (Навоий газаллари) каби романслар, «Она диёр», «Кўчалар», «Бекиёс диёр», «Самарқандим» каби кўшиклар муаллифи. «Амирликнинг емирилиши», «Қутлуғ кон», «Улуғбек юлдузи» каби кино-фильмларга (ҳаммаси М. Зив б-н) мусиқа ёзган. З. ўнлаб халқ («Қайтарма», «Шароб», «Фарғонача» каби) ва мумтоз («Чўли Ирок», «Ёввойи Ушшок», «Насруллои», «Ражабий», «Наво», «Савти Наво» ва б.) куйларни ўзбек чолғу асбоблари оркестри учун юксак даражада мослаштирган. Шу боис, композиторнинг ижодий услуби ҳам ўзбек мусиқа мероси анъаналарини бадиий ишонарли

тарзда мужассам этган.

Ад.: Ахмедов М., Дони Зокиров, Т., 1995.

ЗОКИРОВ Ислом Зоҳидович (1928.27.1 — Самарканд — 2000.21.1) — акушер-гинеколог, Ўзбекистон ФА акад. (1995), Ўзбекистонда хизмат кўрсатган фан арбоби (1980), тиббиёт фанлари д-ри (1965), проф. (1967), СамТИни тутатган (1948), шу ин-тда клиник ординатор (1948—51), акушерлик ва гинекология кафедраси асистенти, доценти (1951—59), мудири (1959 й.дан). З.нинг илмий ишлари ҳомиладорлик ва экстрагенитал патология, гестозлар, перинатология, жинсий аъзолар ўсмаларининг клиникаси ва эпидемиологии; ҳомиладорлик, тургурк ва ҳомилага тегишли ноҳуш омилларни барвакт аниклаш, ҳомиладорликнинг муддатидан илгари барҳам топиш патогезида иммунологик, гормонал, фетоплацентар системалар етишмовчилигини замонавий усуллар б-н ўрганишга бағишиланган. «Нормал акушерлик», «Патологик акушерлик» ўқув кўлланмалари, «Акушерлик терминларининг русчачи ўзбекча изоҳи луғати» муаллифи. «Шухрат» медали (1994) б-н мукофотланган.

ЗОКИРОВ Марат (1939.21.3, Жиззах тумани) — илгор ўқитувчи, Ўзбекистон Каҳрамони (2002). Ўзбекистонда хизмат кўрсатган халқ таълими ходими (1990). СамДУ нинг физика-мат. ф-ти (1961), Самарқанд қишлоқ хўжалик ин-тининг агрономия ф-тини (1981, сиртдан) тутатган. 1961 й.дан Жиззах туманидаги 16-мактабда физика уқитувчиси, 1976—84 й.ларда партия ишларида ишлаган. 1984 й.дан Жиззах туманидаги 36-мактаб, 1995 й. сент.дан Жиззах пед. ин-ти қошидаги иқтидорли болалар лицейи директори. З. директорлик қилаётган лицейда ви-лоянтнинг энг иқтидорли болалари танлов асосида уқимоқда. Унинг тадбиркорлик қобилияти, ташаббускорлик фаолияти туфайли лицей хоналари замонавий кўргазмали воситалар б-н жиҳозланган. 2 та илмий методик рисола («Соғлом авлод — миллат кўрки», «Ҳеч

кимга бермаймиз сени, Ўзбекистон!»), 3 та кўлланма («Ўзлигини англаган халқ», «Маърифий сабоқлар», «Умумтаълим мактабларида ўқитувчиларнинг бўш вактини таъминлаш») муаллифи.

ЗОКИРОВ Пўлат Қодирович (1932.15.1, Жалолобод — 1993.21.10, Тошкент) — геоботаник, Ўзбекистон ФА мухбир аъзоси (1989), биол. фанлари д-ри (1971), проф. (1983), Қ. Зокировнинг ўғли. Урта Осиё ун-тини тугатган (1954). Ўзбекистон ФА Ботаника ин-тида илмий ходим (1957—68), лаб. мудири (1969—82), ТошДУ юксак ўсимликлар кафедраси проф. (1983—85), Ўзбекистон ФА Ботаника боғи директори (1985—93). Ўсимлик хом ашёлари, ўтлоқлардан оқилона фойдаланиш ва уларни муҳофаза килиш, геоботаник р-нлаштириш ва хариталар тузиш устида тадқиқот олиб борган.

ЗОКИРОВ Узув Бокиевич (1934.17.9, Тошкент) — фармаколог, Ўзбекистонда хизмат кўрсатган фан арбоби (1984), тиббиёт фанлари д-ри (1968), проф. (1970). ТошТИ ни тугатган (1958). Ўзбекистон ФА Усимлик моддалари кимёси ин-тида кичик ва катта илмий ходим (1961—69). ТошТИ фармакология кафедраси мудири (1978 й.дан). Тошкент фармацевтика ин-ти ректори (1985—88). Фармакология кўмитаси раиси (1995—98). Асосий илмий ишлари Урта Осиёда кенг тарқалган доривор ўсимликлардан ажратилган ҳамда синтез килинган моддаларни излаш, ўрганиш ва амалиётга татбиқ этишга ба-ғишланган. Иссиқ иқлим шароитида қ.х.да кўлланиладиган пестицидлар б-н заҳарланганда ҳазм ферментлари фаолигининг бузилиши ҳамда унинг оксил, ёғ, углеводлар парчаланиши ва сўрилишига салбий таъсирини илк бор илмий асослаб, олдини олиш йулларини ишлаб чиқкан.

ЗОКИРОВ Қодир Зокирович (1906.25.7, Жалолобод — 1992.9.8, Тошкент) — ботаник, Ўзбекистон ФА акад. (1956), Ўзбекистонда хизмат кўрсатган фан арбоби (1956), биол. фанлари д-ри (1951),

проф. (1951). СамДУни тутатган (1933). Ўрта Осиё ун-ти ўсимликлар систематикаси ва географияси кафедраси доценти (1941—43), Низомий номидаги Тошкент пед. ин-ти ботаника кафедраси мудири (1943—52), Ўзбекистон ФА Ботаника ин-ти директори (1952—56), Ўзбекистон қишлоқ хўжалиги ФА прези-денти (1957—61). Фаргона педагогика ин-ти ректори (1963—66), 1966 й.дан Ўзбекистон ФА Ботаника ин-ти ўсимликлар ресурслари бўлими мудири. Илмий ишлари ўсимликлар (таксономик бирликлар) системаси, флора, ўсимликлар қоплами ва ўсимликлар хом ашёларини ўрганишга оид. Ўсимликшунос-систематик сифатида кампирчопондошлар, торондошлар, кўкнордошлар, хилоладошлар ва б. оиласларни ўрганиб, янги туркум ва турларни кашф этди. Ўзбек тилида ботаника терминларини яратишга асос солди. 3. кўп жилдли «Ўзбекистон флораси»ни тузишда фаол қатнашди. «Русча-ўзбекча ботаника атамаларининг қисқача изоҳли луғати»ни (бошқа муаллифлар б-н бирга, 1963), кейинчалик «Ботаникадан русча-ўзбекча энциклопедик луғат»нинг I жилдини чоп этди (Х. Жамолхонов б-н ҳамкорлик-да). Беруний номидаги Ўзбекистон Давлат мукофоти лауреати (1968).

Ас: Зарафшон дарёси ҳавзаси флораси ва ўсимликлар қоплами [2 жилдли], Т., 1955, 1961.

ЗОКИРОВ Ғулом Шокирович (1938. 14.5, Тошкент) — механика ва бошқариш жараёнларини алгоритмлаш со-ҳасидаги олим. Ўзбекистонда хизмат кўрсатган фан арбоби (1994). Техника фанлари д-ри (1981), проф. (1983). Тошкент т. й. транспорти мухандислари ин-тини тутатган (1960). «Кибернетика» ИИЧБда катта илмий ходим (1964—71), «Ўзқишлоқтехника» бирлашмаси (1971—73), Ўзбекистон давлат режалаш кўмитасида (1974—86) ҳисоблаш маркази директори. Тошкент ирригация ва қ.х.ни ирригациялаш мухандислари ин-тида машина ва механизmlар назарияси

кафедраси мудири (1986—2000). Илмий ишлари машина ва механизмларни синтезлашга оид.

Ас: Машина ва механизмлар назарияси, Т., 2002.

ЗОКИРОВА Махфузахон (1952.19.10, Ёзёвон тумани) — Ўзбекистон Республикаси халқ ўқитувчиси (1995). Фарғона пед. ин-тини тутатган (1980). 1970 й.дан Ёзёвон туманиндағи 31-мактабда бошланғич синф ўқитувчиси, географ ўқитувчиси, 1987 й.дан директор. З. дарс жараённанда таълим ва тарбия беришининг ноанъанавий усулларидан самарали фойдаланади.

ЗОКИРОВА Ширмонхон Шокировна (1953.4.9, Жалолқудук тумани) — Ўзбекистон Республикаси халқ ўқитувчиси (1995). Андижон пед. ин-тининг бошланғич таълим методикаси ф-тини тутатган (1980). Педагогик фаолияти 1971 й.дан бошланган. У Жалолқудук туманиндағи 23-мактабда бошланғич синф ўқитувчиси. З. фаолияти даврида ўз ишининг устаси, ёш авлодга ўзидағи бор билимини сингдира оладиган меҳрибон устоз сифатида намоён бўлди. З. дарсларни кўргазмали куроллар ва техника воситалари асосида ташкил этади.

ЗОКИРОВЛАР - 20-а. Ўзбекистон мусиқа санъатига улкан хисса кўшган ўзбек санъаткорлари оиласи. Сулола бошлиғи опера хонандаси (лирик-драматик баритон), Ўзбекистон халқ артисти (1939) Карим Зокиров (1912.12.3 -Тошкент - 1977.19.2). Москвадаги Узбек опера студиясида таълим олган (1934—36). Ижодий фаолиятини 1928 и. драматик актёр сифатида бошлаб, дастлабки ролларини Узбек давлат драма театри (1928—29), Ишчи-ёшлар театри (1930—31)да ўйнаган. 1931—34 ва 1936—39 й.ларда Узбек давлат мусиқали театри, 1939—77 й.лар Навоий номидаги опера ва балет театрининг етакчи яккахон хонандаси. Мусиқали драмаларда Фарҳод (Хуршид; В. Успенский, «Фарҳод ва Ширин»), Неммат (F. Зафарий; Т. Жалилов, «Ҳалима»), Мажнун (Хуршид; Т. Содиков, «Лайли

ва Мажнун») каби; операларда Улугбек (А. Козловский, «Улугбек»), Торобий (О. Чишко, «Махмуд Торобий»), Тохир (Т. Жалилов, Б. Бровцин, «Тохир ва Зухра»), Иброҳим (Р. Глиэр, Т. Содиков, «Гулсара»), Шоҳ Бахром (М. Ашрафий, «Дилором») сингари образлар яратган. «Майсаранинг иши» (С. Юдаков) операсидаги Мулладўст образи К. З. талқинида ўзига хос бадиий ифодасини топган.

К. З. чет эл мумтоз асарлари асосида (Эскамильо, Ж. Бизе, «Кармен; Елецкий, П. Чайковский, «Мотка қарғаси» ва б.) ва Қозогистон, Озарбайжон композиторлари (Эр Тарғин, Е. Брусиловский, «Эр Тарғин»; Ҳасанхон, У. Ҳожибеков, «Кўр ўғли»; Қажар, А. Спендиаров, «Алмаст» каби) операларидағи ролларни ҳам маҳорат б-н ижро этган. К. З.нинг куйлаш услуби очиқ товуши, ўзбек миллий, шунингдек, замонавий ижрочилик анъаналари б-н узвий боғлиқ. Халқ ашулалари, ўзбек бастакорлари асарлари ва айрим мақом парчалари — «Истарман», «Эй нигорим», «Чоргоҳ I, II, III», «Навбаҳор», «Кўчабоги I — II», «Гиря», «Каримқулбеки I—II», «Дугоҳ» ва б. К. З. ижросида юксак бадиий ифодасини топган.

К. З.нинг рафиқаси Шоҳиста Саидова (1917 — Тошкент — 2000.7.2) — актриса, хонанда. Муқимий номидаги театрда ишлаган (1952—62). Энг яхши роллари: Моҳимбону («Тохир ва Зухра»), Гулрӯҳ («Равшан ва Зулхумор»), Бекачи («Алпомиши»), Ам-ма («Холисхон», «Нурхон»), Роҳатой («Офтобхон») ва б. У, шунингдек, моҳир лапар ижрочиси ҳам бўлган.

Ўғли Ботир Зокиров (1936. 26.4, Москва — 1985.23.1, Тошкент) — хонанда (лирик-драматик тенор), актёр, рассом. Ўзбекистон халқ артисти (1965). Узбек замонавий профессионал эстрада кўшикчи (ижрочи)лигининг асосчиси. Тошкент давлат консерваториясининг вокал ф-ти (1952—57), Тошкент давлат театр ва рассомлик санъати ин-тининг реж.лик ф-ти (1958—62)да таълим олган. «Ёшлик» ансамбли (1957), Узбек

давлат эстрада оркестри (1958—70) як-кахон хонандаси. Тошкент мюзикхоллининг ташкилотчиси, яккахони ва бадий раҳбари (1972—78). 1978 й.дан «Ўзбекконцерт»нинг яккахон хонандаси. Б.З. ўта таъсирчан тембрли, шидор овозга эга бўлган. Ижро этган қўшикларининг аксариятини тугал ва теран лирик-драматик асар даражасига кўтара олган. Репертуаридаги қатор қўшиклар композиторлар томонидан Б. З. ҳамкорлигига, унинг овозига мўлжаллаб яратилган. Ижодида ўзбек композиторларининг романс ва қўшиклари муҳим ўрин тутади: М. Бурхонов — «Мафтун бўлдим», «Намедонам, чи ном дорад»; И. Акбаров — «Ёр кел», «Райно», «Газли», «Сени эслайман»; Сайфи Жалил — «Мажнун монологи», «Кечалар юлдуз санаб» ва б. Шунингдек, эстрада услубида кайта ишланган ҳинд («Нечун хаёлга чўмдинг?», «Дил орзуси», «Мейчале»), эрон («Маро бебус», «Айрилик қўшиғи»), миср («Арабча танго», «Ўйкум ўғриси»), суря («Ўтмишимга йиглайман»), ливан («Гўзал қиз»), мексикан («Алвидо муҳаббат»), итальян («Яшасин муҳаббат») қўшиклини, чет эл муаллифларидан Э. Масиас, Ж. Брель (Франция), Чоудхури, Р. Шанкар (Хиндистон), Фатхулла Сулаймон (Сурия), Фарид ал-Атраш (Миср), aka-ука Рахбонийлар (Ливан), Д. Ристич (Югославия) асарларини оригинал (хар бирини ўз тилида) ижро этган. Б. З.нинг рассом сифатида яратган «Автопортрет», «Саратон», «Гумбазлар», «Болалик кўчаси», «Чор минор» каби асарлари маълум. Бир қанча ҳикоя, очерк ва шеърлар, шунингдек, «Сўғд элининг қоплони» операси (Ик. Акбаров)нинг либреттосини ёзган. «Кичик шахзода» (А. де Сент-Экзюпери), «Соя» (Е. Шварц) асарларини ўзбек тилига таржима қилган.

Киноактёр сифатида Ёш муҳандис («Гуллар очилганда»), Рабинранат Тагор («Оловли йўллар»), Абдулло («Даҳонинг ёшлиги») каби образлар яратган. «Ўзбектелефильм» студияси Б. З.га

багишланган «Менга кўшиқизиб бер» ва «Айтилмай қолган күшиқ» хужжатли фильмларни, ўғли Баҳодир Зокиров «Ўша, ўтган кунлар» фильмини суратга олган. Тошкент кўчаларидан би-рига Б. З. номи берилган. Шунингдек, Жиззахдаги санъат билим юрти, Самарқанддаги ёшлар санъат маркази унинг номи б-н юритилади. 1994 й. Б. З. номида эстрада оркестри ташкил этилди (ҳоз. «Ўзбекнаво» қошида). Франция, Австрия, Германия, Куба, шунингдек, Африка мамлакатларида гастролда бўлган. 1995 й. «Ботир Зокиров жамғар-маси» ташкил этидди. 1989 й. дан унинг номида замонавий эстрада қўшиклиари танлови ўтказилади.

Қизи Луиза Зокирова (1938.7.1, Тошкент) — эстрада хонандаси. Ўзбекистонда хизмат кўрсатган артист (1965). Энг яхши қўшиклари: «Наманганнинг олмаси», «Коралар-қопкоралар», «Эй, меҳрибоним», «Ёввойи танавор». Шунингдек, ҳинд, араб, индонезча қўшиклиари б-н танилган.

Ўғли Навфал Зокиров (1941.19.3 — Тошкент — 1976.9.11) — эстрада хонандаси. Тошкент давлат консерваториясининг опера синфини тутатган (1968). Бутуниттифок эстрада танлови лауреати (1969). Энг яхши қўшиклари: «Айт», «Кўрмадим», «Майсарапинг иши»дан Ҳожи Дарға арияси. Шунингдек, Америка ва Европа мамлакатлари қўшикларини ижро этган. Айниқса, гастрол-концерт фаолияти унинг ижодида алоҳида ўрин тутади.

Ўғли Фарруҳ Зокиров (1946.16.4, Тошкент) — эстрада хонандаси, бастакор. Ўзбекистон (1987), Қоракалпогистон (1993), Қозогистон (1995), Кирғизистон (1996), Тожикистон (2000) халқ артисти. Тошкент давлат консерваториясида таълим олган (1966-69), Тошкент давлат мада-ният ин-тини тутатган (1999). Узбек давлат эстрадасининг яккахон хонандаси (1969—71), 1971 й.дан Ўзбекистонда хизмат кўрсатган давлат «Ялла» ансамбли хонандаси, бадий раҳбари (1976 й.дан), 2002 й.дан Ўзбекистон

Республикаси Маданият ишлари вазири ўринбосари. Ф. З. майин ва ширали овоз сохиби, ўзбек миллий ва замонавий эстрада анъаналарига таянади. «Ялла» ансамбли репертуарини қай-та ишланган ўзбек халқ лапар, ялла ва б. кўшиклари («Йўл бўлсин», «Яллама ёрим», «Файрафайра», «Хандалак», «Қилпиллама», «Ганжа Қорабоғ» ва б.) б-н бойитган, шунингдек, замонавий ўзбек эстрадаси миллий анъаналарга асосланган оммабоп мусиқа («фолькпоп») услубининг юзага келишига муҳим ҳисса кўшган. «Майсаранинг иши» (С. Юдаев) операсидан Мулладўст, Ҳидоятхон, Ҳожи Дарға арияларини эстрада услубида айтган, шунингдек, кўргина фильмлар («Темир хотин», «Водиллик келин», «Орзулар оғуши-да», «Майсаранинг иши» ва б.) даги кўшикларнинг муаллифи ва ижрочиси. «Масҳарабоз», «Тунги юлдуз», «Сен бўлмасанг ёнимда», «Бойчечак», «Ғазал», «Рубоий», «Мусиқий чойхона», «Лайли», «Мажнунтол», «Лола», «Хаёлимда булдинг уззу кун», «Учкудуқ», «Шахрисабз», «Ўзбекистон ватаним» каби кушикларнинг муаллифи. Жаҳоннинг деярли барча минтақаларида ўзбек эстрада санъатини («Ялла» ансамбли б-н) тарғиб этган. Ўзбекистон Республикаси 1-чакириқ Олий Мажлисингининг депутати. Ҳамза номидаги Ўзбекистон Давлат мукофоти лауреати (1989). «Шуҳрат» медали б-н тақдирланган (1996).

Ўғли Жамшид Зокиров (1948.11.7, Тошкент) — Ўзбекистонда хизмат кўрсатган артист (1995). Тошкент давлат театр ва рассомлик санъати ин-тини тутагатган (1971). 1971 й.дан Ҳамза театри нинг актёри. Энг яхши роллари: Альберт («Оқшомдан тушгача»), Фарҳод («Кузнинг биринчи куни»), Ҳолмат («Бой или хизматчи»), Эркак («Тақдир эшиги»), Степан («Мардикор»), Эркак («Алдагани хотин яхши») ва б. Кинода Ота («Орзулар оғушида»), Ҳаким («Келинлар кўзғолони»), Олимтой («Темир хотин») каби ролларни ўйнаган ва видеофиль-

мларда суратга тушган: Декан («Домла»), милиционер («Тартиб»), Шариф Номозов («Шайтанат») ва б.

Ўғли Равшан Зокиров (1951.19.3, Тошкент) — хонанда, рассом. Тошкент давлат маданият ин-тини тутагатган (1990). Унинг репертуаридан «Лайли» [шу кўшиғи б-н «Асия даусы» (Қозогистон) фестивалида биринчи ўринни олган], «Барно», «Рубобим тори» каби кўшиклар ўрин олган. Лирик мавзуда раэм ва портретлар чизган. 1995 й.дан «Ботир Зокиров жамғармаси»нинг директори.

Келини Гавҳар Зокирова (1949.10.9, Тўйтепа) — Ўзбекистонда хизмат кўрсатган артист (1988). Тошкент давлат театр ва рассомлик санъа-ти ин-тини тутагатган (1971). 1971 й.дан Ҳамза театри актрисаси. Энг яхши роллари: Амалия («Қарокчилар»), Агафья («Ўйланиш»), Жамила, Гулбаҳор («Бой или хизматчи»), Дездемона («Отелло»), Аёл («Тақдир эшиги»), Гулнор («Кутлуг қон»), Бибиҳоним («Соҳибқирон Темур»), Фаришта («Шайтон ва фаришта») ва б. Кинода Нигора («Туйлар муборак»), Гули («Юлдузингни бер осмон!»); видеофильмларда Вазира («Олмос камар»), Ҳамшира («Абадият қонуни»), Гулираъно («Домла»), Насиба («Шайтанат») каби образлар яратган. Ҳамза номидаги Ўзбекистон Давлат мукофоти лауреати (1989).

Ботир Зокировнинг ўғли Баҳтиёр Зокиров (1962.9.8, Тошкент) — киноактёр. Ўзбекистонда хизмат кўрсатган артист (1997). ВГИКни тутагатган (1983). 1983 й.дан киноактёр студиясида ишлайди. Энг яхши роллари: Ибн Сино («Даҳонинг ёшлиги»), Ҳидоят-хон («Майсаранинг иши»), Ҳусайн («Амир Темур»), Хирург («Касалхона»), Бўрибай («Армон») ва б. «Илҳом» театр-студиясида ҳам роллар ижро этган: Иоканан («Саломея»), Демон («Тойбे-ле ва унинг Демони»), Охун («Оппоқ, оппоқ қора лайлак») кабилар шулар жумласидан.

Тўхтасин Faурбеков, Моҳина Аширова.

ЗОКОНИЙ Низомиддин Убайдулло

(1270/1280 - Эрон - тахм. 1370) -форс ёзувчиси ва шоири, форс адабиётида ҳажв (сатира жанри) асосчиси. Закон ва Бағдоддаги билим масканларида таълим олган. Араб ва форс тилларида ижод қылган. З.нинг «Наводир ул-амсол» («Нодир масаллар»), «Ахлоқ ул-ашроф» («Зодагонлар ахлоқи»), «Сад панд» («Юз насиҳат») каби асарлари форс адабиётининг нодир намуналари хисобланади. «Муш-у-гурба» («Мушук ила сичқон») кичик ҳажмли мажозий достони жаҳон ҳалқларининг кўплаб тилларига, шунингдек, ўзбек тилига ҳам таржима қилиниб, 1907—09 й.ларда бир неча бор чоп этилган.

ЗОЛОТАРЁВ Василий Андреевич (1872, Таганрог — 1964, Москва) — рус ком-позитори, мусиқашунос олим, педагог. Россияда хизмат кўрсатган артист (1932), проф. (1918). Белоруссия ҳалқ артисти (1949). Петербург консерваториясини тутгатган (1900). Ўзбекистон композиторлик ижодиёти, хусусан, вокал-симфоник мусика ривожига ҳисса кўшган. З.нинг «Оқ гул» операси, ўзбек ҳалқ куйлари («Ражабий» ва «Мирзадавлат») асосидаги «Фаргона марши», «Ўзбек рапсодияси» ва ракс сюитаси (1931), «Навоийнинг 6 фазали» вокал-симфоник сюитаси (1941), ўзбек шоирларининг шेърларига ёзган романслари бор. Опера, балет, камер асарлари, шунингдек, «Фуга. Амалий ўзлаштириш учун кўлланма» (3-нашри — 1965) ва б. китоблар муаллифи.

ЗОЛОТНИК (рус.) — 1) кад. рус оғирлик улчови; 1 золотник = 1/96 фунт = 4,266 г; 2) буғ машиналари ва турбиналари, пневматик механизmlар, гидравтоматика тизимлари ва ростловчи курилмаларда буғ, суюқлик ёки газ оқимини тақсимлаб берадиган кўзғалувчан клапан. З.нинг қутисимон, цилиндрик ва бурилма турлари бор. Қутисимон З. тункарилган кути / дан иборат. У тортқи 2 восита-сида З. сирти 3 буйлаб чап ёки унгга харакатланиб, туйнук 4 ва 5 ни очади ёки ёпади. З.нинг ҳолатига қараб, туйнук З.нинг иш суюқлиги ёки газли қисми 6

ёки бўшлиқ 7 б-н туташади.

Цилиндрик З.нинг иши қутисимон З.нига ўхшашиб У иккита поршень / ва 2, шток З ва туйнукли втулка 4 дан иборат. Бурилма З. қавариқ қисм /, втулка 2 (иккита З ва 4 туйнукли), кўзғалмас ўқ 5 дан иборат. З. ўқ атрофида айланганда туйнуклар, камералар б ёки 7 б-н туташади, иш суюқлиги ёки газ оқими керакли томонга йўналади.

ЗОЛЯ (Zola) Эмиль (1840.2.4 — Париж — 1902.29.9) — француз ёзувчиси. Илк ижоди романтизм руҳида: «Нинон эртаклари» (1864), «Клоднинг тавбаси» (1865), «Мархумнинг васияти» (1866) ва б. 60-й.ларда натуралистик руҳдаги «Ўликлар васияти» (1866), «Тереза Ракен» (1867), «Мадлен Фера» (1868) каби романлар езди. «Ругон-Маккарлар» 20 жилдли романлар туркумидаги (1871-93) Наполеон давридаги сиёсий тузум қоралангандаги («Ругонларнинг улғайиши», 1871; «Тор-мор», 1893), жамиятдаги молиявий ҳийла-найранглар фош этилган («Ўлжа», 1872; «Пул», 1891), киборларнинг ахлоқсизлиги кўрсатилган («Нана», 1880), амалпааст, маънавий қашшоқ кимсалар калака қилинган («Париж куртлари», 1873), насронийларнинг тескаричиллик ҳаракатлари фош этилган («Плассаннинг забт этилиши», 1874). З. бир қатор романларида оддий меҳнаткашларнинг олижаноб тимсолларини ёрқин бўёқларда тасвирлаган. Хусусан, «Қопқон» (1877) романидаги косиб ва хунармандлар ҳаёти, «Ҳамал» (1885) романидаги эса ишчиларнинг турмуш тарзи акс этирилган. «Тереза Ракен» (1873 й.да саҳналаштирилган) драмаси ва «Рубберден ворислари» комедияси ёзувчининг энг яхши саҳна асарларидир. З. ижодида ижтимоий мав-зулар устувор мавқега эга. «Уч шахар» трилогияси («Лурд», 1894; «Рим», 1896; «Париж», 1898), тугалланмай қолган «Тўрт инжил» тетрологияси («Ҳосилдорлик», 1899; «Мехнат», 1901; «Ҳакиқат», 1903) бунга мисол бўлади. З. ижтимоий ҳаётга ҳам фаол аралашган ва 19-а. охиirlарида Францияда жуда катта

шов-шувга сабаб бўлган «Дрейфус иши» (бошка миллат вакилининг сохта айб б-н қамалишига қарши) бўйича Франция Республикаси Президентига «Мен коралайман!» (1898) номли очик хат б-н мурожаат қилган. Республика ҳукумати 1898 й. 23 фев.да ёзувчini қамаш ҳақида ҳукм чиқаради. З. чет элга қочади (1899 й.да Ватанига қайтади). З. ҳалқ учун театр яра-тишни орзу қилган эди. «Франциянинг олға юриши» туркумидаги драмаларида инқолобий шиор остида мустабидлик руҳини яширган Учинчи республикага қарши курашни давом эттиришни мақсад қилган эди. Лекин бу мақсадини амалга оширолмади. З. ро-манларида гарчи қалтис ижтимоий зиддиятлар тасвирланган бўлса ҳам, у маълум сиёсий тузумга дастёrlик килишни ор деб билган. У ҳар доим ўзи танлаган тамойилга — ҳаққоният та-мойилига содик қолади. Унинг романларини ўқиб бутун бир давр ҳақида тасаввурга эга бўлиш мумкин. З. нинг «Ҳикоялар» (1937), «Тегирмон қамали» (1942) ва «Ҳамал» (1981, таржи-мон Хайрулла Эргашев) асарлари ўзбек тилида нашр этилган.

ЗОМАН — метилфтфорфосфонат кислотанинг пинаколил эфири, нервни фалажлайдиган заҳарловчи модда. Ранг-сиз, камфора хидли суюқлик. Суюқланиш т-раси — 80° , қайнаш т-раси 190° (ажралиш б-н); зичлиги 1013 кг/m^3 , 20°да учувчанлиги 3 мг/л . Сувда оз ($20^{\circ}\text{да} 1,5\%$), спирт, кетон, эфир ва алкилагенидларда яхши эрийди. З. организмга (кўпроқ тери орқали) кучли таъсир қиласди. Ундан заҳарланиш белгилари зя/шкдагига ўхшаш. З. сув таъсирида секин, аммиак ва аминларнинг сувдаги эритмаларида тез гидролизга учрайди. Шу сабабли бу реакциялардан З.ни дегазациялашда (зарарсизлантиришда) фойдаланиш мумкин. З.дан сакланиш учун противогазлар, танани ҳимоя қиласиган воситалар ва антидотлардан фойдаланилади. З. илк бор заҳарловчи модда сифатида 1944 й. Германияда синтез қилинган (яна к. Заҳарловчи моддалар).

ЗОМБА — Малавидаги шаҳар. Мамла-катнинг жанда, Зомба тогининг ўрмонли ён бағрида, 900 м баландлиқда жойлашган. Аҳолиси шаҳар атрофи б-н бирга $65,9$ минг киши (1998). З.га 1886 й.да асос солинган. 1891 — 1964 й.ларда Британиянинг Нъясаленд протектората (1953—63 й.ларда Родезия ва Нъясаленд Федерацияси)нинг маъмурӣ маркази. 1964—74 й.ларда мустакил Малави давлатининг пойтахти. Ун-т бор. Ёзги курорт. Шаҳар атрофида тамаки плантацилари бор.

ЗОМИН — Зомин туманидати шаҳарча (1986). Зомин туманинг маъмурӣ маркази. Вилоят маркази Жиззах ш.дан 68 км. Зоминсув сойидан сув ичади. Якин т. й. станцияси Дашибод (20 км). Аҳолиси $16,9$ минг киши (2000). З. тарихий шаҳар бўлиб, қадимда Сарсанда, Сусанда, Сабза номлари б-н ҳам юритилган. Унинг асос солинган йили номаълум. Лекин араб географ сайд ёх олимлари Ибн Ҳавкал, Муқаддасийлар (Ю-а.)нинг маълумотларига кўра, З. араблар келмасдан олдин ҳам бўлган ва Уструшонада йи-рик шаҳарлардан ҳисобланган. Шаҳар Зоминсувнинг ҳар иккала соҳилига жойлашган. 10-а.да З. ёнида кад., араблар келгунга қадар бўлган эски шаҳарнинг харобалари сакланганлиги манбаларда қайд этилган. Шаҳар ёнида жоме масжиди бўлган. З.нинг Самар-қанд, Бухоро, Шош (Тошкент) ва Фаргонга водийси ш.ларини бoggловчи катта карвон йўлида жойлашганлиги унинг равнақига ижобий таъсир этган. 15—17-а.ларда З. мустаҳкам қалъядан иборат вилоят маркази эди. 1868 й. рус подшо ҳукумати қўшинлари томонидан босиб олингунга қадар Бухоро амирлигига қарашли бўлган ва вақт ўтиши б-н аввалги мавқенини йўқотган. З.да автокорхона, туман қурилиш бошқармаси, маҳаллий саноат ва милий буюмлар и.ч. корхоналари, савдо ва майший хизмат қўрсатиш шоҳобчалари, йўл қурилиш ва таъмирлаш идо-раси, маданият уйи, алоқа бўлими, уму-мий таълим мактаблари, кутубхоналар, туман

марказий касалхонаси, санитария эпидемиология ст-яси, дорихона бор. Зомин — Тошкент, Зомин — Жиззах, Зомин — Гулистон йўналишларида автобус қатнови йўлга кўйилган.

ЗОМИН ТОҒ-ЎРМОН ДАВЛАТ КЎРИҚХОНАСИ - Жиззах вилоятида жойлашган. Туркистон тизма тоглари ғарбий қисмининг шим. ён бағрида, Кўлсой ва Фўралассой ҳавзаларини ишғол этган. Жан. Тожикистон б-н чегарадош. Майдони 15,5 минг га, шундан 11,2 минг га арча ўрмонзорлари. Даастлаб 1926 й.да Фўралас тоғ-арча кўриқхонаси номи б-н ташкил этилган. Кўриқхонада тоғ ўрмонларини ва арча биол.сини ўрганиш, арчазорларни кўпайтириш, ҳайвон ва ўсимлик турларини саклаб колиш ишлари олиб борилади. Рельефининг мураккаблиги ва турли иклиматупроқ шароитларига кўра, кўриқхонада 3 ўсимлик минтақаси (дашт, ўрмон, субальп) мавжуд. Кўриқхона худуди типик тоғли ўлка бўлиб, денгиз сатҳидан 1760—3500 м баландликда (энг юқори нуқта — Турагас тоғи 3560,5 м баландликда). Йиллик ўртача у ёғин микдори 400 мм дан ортиқ. Иклими кескин континентал, максимал ҳарорат ёзда 33°, қишида —35—38°. Кўриқхона худудида арчазорларнинг куйи қисмida (1900—2700 м) Зарафшон арчаси ва қора арча, ўрта қисмida (2100—2800 м) совур арча, юқори қисмida (2100—3200 м) ўрик арча усади. Булардан энг кўп учрайдигани совур арчадир. У қора арча ва ўрик арча орасида ҳам ўсаверади. Кўриқхонада 180, ҳатто 400 ёшга кирган арчалар бор. Арчадан ташкари Тяньшан четани, Туркистон қайнини; буталардан зирк, наъматак, учқат, иргай, тобулғи ўсади. Кўриқхона ҳайвонот дунёси хилма-хил. Кўриқхонада Республика Қизил китобига киритилган туркистон силовсини, оқ тирноқли айик, арҳар, барс шунингдек, бўри, бўрсик, тулки, жайра, тўнғиз ва б. яшайди. Кўриқхона худудида ўсимликларнинг 720, турли қушларнинг 130, сут эмизувчиларнинг 37 тури, судра-

либ юрувчилардан 8, баликнинг бир тури тавсифланган.

Паррандалардан пушти шак-шак, тўрғай, миққий, зағча, зағизон, каклиқ, бедана, болтатумшук, говқаптар, ғуррак, туркистон уккиси, бойқуш ва б. бор. Кўриқхонада унинг ҳайвонот ва ўсимликлар дунёсини ўрганиш бўйича илмий ва амалий аҳамиятга эга бўлган тадқиқот ишлари олиб борилади.

Борис Дъякин.

ЗОМИН ТУМАНИ - Жиззах вилотидаги туман. 1926 й. 29 сент.да ташкил этилган (1962 й. 24 дек.да Жиззах тумани б-н бирлаштирилган, 1964 й. 31 дек. да қайта тузилган). Шим.да вилоятнинг Зарбдор тумани, гарбда Бахмал ва Жиззах туманлари, шарқда, шим.-шарқда Янгиобод тумани, жан.-шарқда Тожикистон Республикаси б-н чегарадош. Майд. 2,87 минг км². Аҳолиси 120 минг киши (2001). З. т. да 2 шаҳарча (Даштобод, Зомин) ва 11 қишлоқ фу-каролари йигини (Бешкуби, Гулшан, Дуоба, Навоий, Обиҳаёт, Тинчлик, Тошкеслан, Чорвадор, Ширин, Янги-ҳаёт, Фаллакор) бор. Маркази — Зомин шаҳарчаси.

Табииати. З. т. нинг шим., марказий ва шаркий қисми пасттекислик, жан.-ғарби қир, адир ва тоғлардан иборат. Ер юзаси шим. дан жан.га томон кўта-рилиб боради. Икдими кескин континентал, ёзи иссиқ, қуруқ, қиши бир оз совук. Янв.нинг ўртача т-раси — 1,5°, июлники 32°. Йиллик ёғин 350—360 мм. Вегетация даври 240 кун. Адир қисми қумтош, кум, мергель, лёсслардан тузилган, усти чақиртошлар б-н қопланган. Жарлар ва езда қуриб қоладиган сойлар бор. Баҳорда сойлар тўлиб оқади. Шим. ва марказий адирларнинг тупроги лёсс устида ҳосил бўлган бўз, оч бўз, типик бўз тупроклардан, жан. қисмидаги адирлар гипсли оч бўз тупроклардан таркиб топган. Текисликларда бўз, кўнғир тупрок. Туман худудидаги Зо-минсой дарёси, Аччисой, Пешағарсой, Уволсой, Туркман, Жалоир, Хўжамушкентсойдан сугоришида фойдаланилади. Экин экил-

майдиган ерларда шўра, шувоқ, янтоқ, коврак, оқкурай ва б. ўсади. Жан. тоғлиқисми (Туркистон тоги)да қалин арчазорлар, табиий ўрмонлар бор. З. т.да Зомин тог-ўрмон давлат қўриқхонаси, Зомин халқ боти жойлашган. Ёввойи ҳайвонлардан айик, бури, силовсин, чиябўри, тулки, кийик, архар, қушлардан бургут, лочин, кирғовул, каклик, ўрдак яшайди. Сув ҳавзаларида балиқ тури кўп.

Аҳолиси, асосан, ўзбеклар. Шунингдек, кирғиз, рус, татар, тожик ва б. миллат вакиллари ҳам яшайди. 1 км² га 42 киши тўғри келади. Шаҳарликлар 23 минг киши.

Хўжалиги. К. ҳ.да ғаллачилик ва чорвачилик асосий ўринни эгаллайди. Туманда ширкат, фермер, жамоа хўжаликлари, 2 ўрмон хўжалиги мавжуд. 197 минг га ерда дехкончилик килинади. Ғалла, полиз, сабзавот, ем-хашиб экинлари, картошка етиширилади. Пичанзорлар, яйловлар, токзорлар ва кўчатзорлар бор. Қорамол, кўй-эчки (шу жумладан коракўл кўйлари), от, парранда бокилади. 40 дан зиёд хусу-сий, 14 кичик корхона, 40 дан ортиқ тижорат дўйонлари фаолият кўрсатади. 70 дан ортиқ умумий таълим мактаби бўлиб 30 мингга якин ўкувчи таълим олмокца. Лицей, гимназия бор. 11 клуб, 34 кутубхона, 385 ўринли 3 ши-фохона, 8 қишлоқ даволаш амбулато-рияси, 6 қишлоқ врачлик пункти, 5 до-рихона, 94 маишӣ хизмат кўрсатиш шо-хобчаси, ўлкашунослик музейи ишлаб ту-рибди. Туман худудидан қад. Буюк ипак йўли ўтган. Уструшо-на, Зомин, Пешагар каби тарихий жойлар, кўхна қалъа қолдиклари, қад. қабристонлар сакланган. 1932 й.дан «Шарқтонги» газ. чиқади (адади 2000). Туман худудидан Тошкент — Самарқанд т.й. ўтган. Зомин — Тошкент, Зомин—Жиззах, Зомин — Гулистон каби йўналишларда автобус ва такси қатнови йўлга кўйилган.

ЗОМИН ХАЛҚ БОГИ, Зомин миллий боти — Зомин тоғ-ўрмон миңтакасида кишки спорт турлари маркази, соғломлаштириш спорт мажмуаси

тарзида 1976 й.да ташкил этилган. 1978 й.да «Ўзбекистон халқ боти» номи берилган. 1993 й.дан ҳоз. номда. Таркибиға Зомин ўрмон хўжалигининг Зомин участкаси, ўрмон хўжалиги ин-тининг Кўлсой таянч пункти, Зомин тоғ-ўрмон давлат қўриқхонаси кирган. Умумий майд. 24,1 минг га (2002).

З.х.б. Зомин туманирия, асосан, Туркистон тоги, кисман Молгузар тогининг 1000—4030 м гача бўлган баландликларида жойлашган. Унинг геоморфологик ландшафти ҳар хил бўлиб, табиий шароитлари тоғ баландлик поясларига боғлиқ. Ҳудудининг геологик тузилишида энг юқори табақани ҳар хил палеозой (сланец, оҳак, кум-тошлар) ётқизиқлари ташкил қиласи. Палеоген ва неоген ётқизиқлари ҳам кенг ривожланган. Айникса кенглиги 500 м ва чукурлиги 450 м тенг бўлган Чўртанг жарлигидаги шаршара, Супа текислиги туристик жиҳатдан катта эътиборга эга.

Бу боғ худудида асосан Санѓзор ва Зоминсув дарёси ҳавзалари жойлашган. Умуман ботнинг гидрографик тармоқлари унчалик қалин эмас. Халқ ботининг умумий иклими континентал ва қурғокчил. Боғхудудида Санѓзор — 1307 м, Кўлсой — 2100 м, Гуралаш — 2260 м ва Шахристон — 3200 м метеорологик ст-ялари жойлашган. Тоғоди ерларида йиллик ёғин миқдори 353 мм, баланд тоғларда 348 мм, ўрта тоғларда эса 405 мм га тенг, уларнинг 50—6 баҳор фаслига тўғри келади. Ҳавонинг йиллик ўртacha нисбий намлиги 30—35% ташкил қиласи, ўртacha йиллик ҳарорат кўрсаткичи 21,7°—26,3° га тенг. Кўлсой, Шахристон пунктларида июнь ойининг ўртacha ҳарорати 21,9°—9,9° га тенг.

Боғда тўқ кулранг, оч жигарранг, арча ўрмонзор тупроқлари, юқори тоғ яйлов, ўтлоқи-ботқоқи, ўтлоқи туп-роқлар турлари учрайди. Ўсимликлар дунёси дашт, арча ўрмонзорлари, тоғ ксерофитлари ва субальп поясларидан иборат. Арчазорлар боғ майдонининг 55% ташкил қилиб, 2000—3000 м баландликларда жойлаш-

ган. Бу ерда арчанинг зарафшон (кора арча), совур-арча ва туркистон арчалари турлари тарқалган. Бое минтақаларида 400 ёшли ва ундан катта арчаларни учратиш мум-кин. Айниқса боғ худудида доривор ўсимликларнинг 30 дан ортиқ тури, лолаларнинг кўплиги, мевали буталарнинг кенг тарқалиши эътиборга сазовор. Умумий ўсимликлар турлари сони 100 дан ортиқ. Боғда дараҳтларнинг 8, буталарнинг 15 ва ўт-ўланларнинг 220 дан кўпроқ турлари учрайди.

Хайвонот дунёси боғнинг ландшафтига қараб мослашган, аммо уларнинг тарқалишида алоҳида чегара йўқ. Пастки тоғ ландшафтларида (400—2000 м) тулки, қуён, чўл бўриси, бўрсик, туркистон сассик кузани; ўрта тоғ ландшафтларида оқ тирнокли айик, ёввойи тўнғиз, тулки, қуён, бўри, баланд тоғларда айик, тўнғиз, ўрта осиё тоғ эч-киси, Северцев қўйи, оқ сувсар, си-ловсин; уй сичқони, ўрмон сичқони, арчазор сичқони, олмахон; кушлардан — чуғурчуқ, бургут, майна, сава, кўк қарға, загизғон, сарик чумчук, бул-бул, чуғурчуқ, бургут, улар, кирғий, укки, саъва, лойхўрак, кабутар бор. Зоминсув ва Санѓзор ирмоклари бўлган сойларда маринка ва шоҳ балиқлар кўп; илонлардан сариқ илон, сув илони, чипор илон, қалқонтум-шук илон, туркистон агамаси ва сув бақалари учрайди.

Абдушукур Хоназаров.

ЗОМИНСУВ — Зомин туманидаги сой. Юқори оқимида Еттикечув, Дуоба қишлоғи яқинида Санѓанаксой, Зомин шахарчаси яқинида З. деб аталади. Туркистон тизма тоғининг қарийб 2500 м баландлиқдаги шим.-ғарбий ён бағирларидан бошланувчи Ўриклисой, Гал-диравўт, Еттикечув ва б. сойларнинг кўшилишидан ҳосил бўлади. З. Сирдарё Ховос — Жиззах т.й.га етмасдан Кўштамғали қишлоғидан 3,5 км жан-, шарқда тугайди. Уз. 58 км, ҳавзасининг майд. 704 км². З. кўпроқ кор, ёмғир ва булоқ сувларидан тўйинади. Ўртача ийллик сув сарфи 1,83 м³/сек. (Дуоба

қишлоғи яқинида), энг катта сув сарфи 16,8 м³/сек (1969. 28. 05). Тўлинсув даври (апр. — авг.)да ийллик сарфи нинг 60—65% оқиб ўтади, қишида баъзан қуриб колади. Энг серсув ой — июнда ўртача сув сарфи 4,56 м³/сек га тенг. З.дан Зомин шаҳарчаси, Дуоба, Еттикечув, Кушчи ва б. қишлоқлар сув ича-ди, экин майдонлари суғорилади.

ЗОММЕРФЕЛЬД (Sommerfeld)

Арнольд (1868.5.12, Кенигсберг — 1951.26.4, Мюнхен) — немис физиги ва математиги. Кенигсберг ун-тини таомомлаган (1891). Илмий ишлари атом назарияси, металлар назарияси ва математик физикага оид. Дифракциянинг аник, математик назариясини ишлаб чиқди (1895), Зоммерфельд интеграли тушунчасини фанга киритди (1896), икки муҳит чегарасига жойлаштирилган вертикал диполнинг нурланиш масаласини ҳал этди (1909). Н. Боринг атом моделига аниқдик киритди ва релятивистик механика назариясини атом назариясига татбиқ қилиб, водород спектрининг нозик структураси назариясини яратди (1916). З. металларнинг квант назариясига асос соглган (1928). У электронларнинг тормоз нурланиши назариясини ишлаб чиқди (1931). Фаннинг бошқа соҳаларига доир ишлар муаллифи.

ЗОНА (юн. Zone — минтақа) — Ер юзининг бошқа жойлардан бир қанча хусусиятлари б-н фарқ қиласидиган ва қўшни икки параллел ёки меридиан орасида жойлашган қисми, минтақаси (к. Табиий географик зоналар).

ЗОНА (муsicада) — муайян товушнинг тебраниш доираси. З. назариясини рус акустик олим Н. Гарбузов (1880—1955) асослаб берган. Мусиқа товушларининг умумий хусусияти сакланган ҳолда микдорий ифодаси (тебраниш тезлиги, таркиби, кучи, давомийлиги ва б.) ўзгариб туради. Мусиқа товушқаторининг ҳар бир поғонасига бир хил тебранишлар эмас, маълум тебранишлар доираси тўғри келади. Мае, биринчи октава «ля» товушининг уму-

мий ифодаси 440 Гц тебранишга тенг деб хисобланса ҳам аслида унинг тебраниш доираси, яъни З.си 435—445 тебранишларни ўз ичига олади. Мусиқа товушнинг бу хусусиятларини Шарқда илк бор Форбий ва Ибн Синолар таъкидлашган. Ўзбек халқ мусиқасининг З. хусусиятларини мусиқашунос Л. Коваль тадқиқ этган.

Ад.: Коваль Л. Г., Интонационный строй ўзбекской народной музыки, Т., 1990.

ЗОНА (харбий ишда) — 1) уруш пайтларида — куролли кучлар (куруқликда, денгизда, ҳавода) ҳаракат қиласидиган ва ҳаракатдаги армиянинг фронт 1 орқаси муассасалари жойлашган, тинчлик пайтларида — харбий мақсадлар учун махсус ажратилган ҳудуд (мустахкамлаб қўйилган р-н, харбий порт); 2) мудофаа зонаси — мудофаа жангиди, харбий қисм, бирлашма ва бўлинмалар (бригада, корпус) турган жой, уларнинг ҳаракат доираси. Мудофаа З.си тактик З. ва тезкор З.ларга ажратилади. Тактик мудофаа З.си фронт б-н душман турган жой оралиги; тезкор мудофаа З.си тактик З.дан бошлиниб, ҳозирлаб қўйилган мудофаа линияларини тезкор заҳира қисмлар турган р-н ва харбий аэро-дромларни ўз ичига олади.

ЗОНАВИЙ НАЗАРИЯ — кристалл панжаранинг даврий майдонида ҳаракатланаётган валент электронлар тўғри-сидаги назария; қаттиқ жисм квант механикасининг асосий бўлимларидан бири. З. н. асосини Ф. Блох (1928) ва француз физиги Л. Бриллюэн (1930) яратди.

Қаттиқ жилемнинг электр, оптик, механик, иссиклик ва магнит хоссалари валент электронларга боғлиқ бўлади. Маълумки, атомда электрон бир неча муайян энергетик ҳолатга эга, шунга мое равишда бир неча энергия зонаси вужудга келади. Аммо баъзи зоналар устма-уст тушиши ҳам мумкин. Ҳар бир зонадаги сатхлар сони кристалл панжарадаги атомлар сони N га тенг. Бу сатхларда электронлар

Паули принци-пита мувофиқойлашади. Энди электронлар айрим атомга эмас, балки бутун кристаллга тегишили бўлиб қолади. Металларда тегишили атомнинг валент электрони энергетик сатҳидан ҳосил бўлган энергиялар зонаси электронлар б-н чала тўлади. Ташки электр майдони таъсирида бу зонадаги электронлар юкорироқдаги бўш сатхларга ўтади ва электр токини ўтказища иштирок этади. Кристаллдаги бутунлай тўлган зоналар валент з о нал ар, чалатўлган ва бўш зоналар ўтказувчанлик зоналари деб аталади.

Т-ра мутлақ нолдан юкори бўлганда иссиклик ҳаракати оқибатвда валент зонадаги электронларнинг бир қисми бўш зонага (ўтказувчанлик зонасига) ўтади ва ташки электр майдони таъсирида тезлашиб, электр токи ҳосил килишда иштирок этади. Электронлардан бўшаган жойлар («коваклар») ҳам ток ўтказища қатнашади. Т-ра мутлақ нолга тенг бўлганда валент зонада бўш ўринлар бўлмагани учун ташки электр майдони бундаги электронларни тезлаштира олмайди (тартибли ҳаракатга келтира олмайди) ва ток ҳосил бўлмайди.

З. н. натижалари қаттиқ жисмнинг кўпгина мухим қонуниятлари ва хоссаларини тушунтиришга имкон беради ҳамда хоз. замон металлар, ярим-ўтказгичлар ва дизэлектриклар физикасининг ривожланишига асос бўлади.

ЗОНД (франц. zonde — сезиш асбоби) — одамнинг табиий ёки патологик каналларига ва гавда бўшликларига диагностика ҳамда даволаш мақсадида киритиладиган тиббий асбоб. Пўлат, кумуш, резина ва бошқалардан ясалади. Нима мақсадда қўлланишига қараб меъда зонди, дуоденал З., кўз З.и, тиш З.и, бачадон З.и, ичак З.и бўлади.

«ЗОНД» — космик фазони ўрганиш ва узок комсик масофаларга ггарвоз қилиш техникасини такомиллаштириш мақсадида учирилган сайёralараро автоматик ст-ялар (САС) номи. Астроориентация тизими ва коррекция (ту-затиш ки-

ритиши) двигатель курилмаси б-н таъминланган. Борт аппаратлари Куёш энергияси ёрдамида ишлайди. Кема ичиди т-ра ва босим автоматик тарзда бир хил ушлаб турилади. Оғирлиги 960 кг ча. 1966 й. 2 апр.дан 1970 й. 20 окт.гача 8 «З.» учирилган. «З.»ларни учиринати жасида Ер — Марс орасидаги космик фазо ўрганилди, сифатли фотосуратлар ёрдамида Ойнинг тескари томони рельефи ўрганилди, унинг тўлиқ харитасини тузиш ва ой глобусини ясашга имкон туғилди. Ерга кўндириш системаси синалди, Ой ва Ернинг фотосуратлари олинди ва х. к.

ЗОНД ОРОЛЛАРИ (Ява о.да яшовчи зунда қабиласи номидан) — Малай ар-хипелагининг асосий қисми. Икки киемга бўлинади: 1) Катта З. о. — Суматра, Ява, Калимантан ва Сулавеси; 2) Кичик З.о. — Ява о.дан шарққа Тимор о.гача бўлган ороллар (Бали, Ломбок, Сумбава, Флорес ва б.). Майд. 1,5 млн. км². Рельефи тогли, вулкан ҳаракатлари кучли, тез-тез зилзила бўлиб туради. Ботқоқлашган паэттекислик куп. Қалай, вольфрам, нефть, боксит ва б. фойдали қазилмалар бор. Иклими нам экваториал иқлим, ёғин йилига текисликларда 2000 мм, тоғларда 5000 мм гача ёғади. Экваториал ўрмонлар б-н қопланган, жануби муссон ўрмонлари ва саванналаридан иборат. Эндемик ўсимлик кўп. Худудининг катта қисми Индонезия, қисман Бруней ва Шарқий Тимор таркибида.

ЗОО... (юн. zoon — жонивор, тирик мавжудот) — кўшма сўз бўлаги. Ҳайвонот оламига даҳлдорликни билдиради (мас, зоология, зоогеография).

ЗООАНТРОПОНОЗЛАР (зоо..., антро-по... ва nosos — касаллик), антропозоонозлар — ҳайвонлар ва одамлар учун умумий бўлган юқумли ва инвазион касалликлар. Уларга куйдирги, оқсили, бруцеллэз, туберкулэз, листериоз, лептоспироз, туялар ўлати, кутуриш, бир қатор гельминтозлар (финноз, эхинококкоз, трихинеллэз) киради. З. ҳайвондан ҳайвонга, ҳайвондан одамга, одамдан ҳайвонга юқади. Касаллик

кўзгатувчисининг ҳайвонга ва одамга ўтишида (юқишида) одамнинг роли юқори эмас (к. Зоонозлар).

ЗООГАМИЯ (зоо... ва юн. gamos — никоҳ) — гулли ўсимликларнинг ҳашаротлар ёрдамида чангланиши. Мас, гулдан гулшира (нектар) йигаётган ҳашаротлар танасига гул чанглари илашиб колади ва ҳашарот орқали бошқа гулга тушиб, ўсимликнинг четдан чангланишига сабаб бўлади.

ЗООГЕОГРАФИЯ, ҳайвонлар географияси — ҳайвонларнинг ҳоз. даврда ва ўтишида Ер юзида тарқалиши, тақсимланишини ўрганадиган биогеография фанларидан бири. З. ҳайвонлар тарқалиши ва таксимланиши, улар таксономик ва экологик гурухларининг Ер юзида жойланишининг замонавий ва тарихий сабаблари ҳамда конуниятларини тадқиқ қиласди. З. айни вақтда биол. ҳамда геогр. фанлари қаторига киради. Текшириш объектига кўра, З. биол. нинг систематика, палеонтология, экология, ўсимликлар географияси ва б. фанлари, табиий геогр. нинг палеогеография, ландшафтшунослик, тарихий геол. фанлари ҳамда тарих, археология, этнография каби баъзи ижтимоий фанлар б-н узвий боғланган. З. га қизиқиши Ч. Дарвиннинг «Турларнинг пайдо бўлиши» (1859) асари яратилганидан кейин кучайди. Дарвин асарининг 12- ва 13-боблари организмларнинг Ер юзида тарқалишига бағишланган. З. нинг ривожланишида инглиз табииётшуноси Ф. Склетеранинг ишлари (1858) дикқатга сазовордир. У кушларнинг тарқалишини батафсил тадқиқ қилиш асосида Ер юзида тарихий тараққиёт давомида таркиби жиҳатидан бир-биридан фарқ қиласидиган, ўз тарихига ва ўзига хос фаунистик комплексига эга бўлган ҳайвонларнинг худудий комплекси шаклланганлигини кўрсатиб берди. Бундай комплекслар кейинроқ зоогеографик областлар деб аталаидиган бўлди. З. даги тарихий йўналишни инглиз олими А. Г. Уоллес бошлаб берган. Унинг «Ҳайвонларнинг географик тарқалиши»

(1876) асари эволюцион З.га асос соглан асар хисобланади. Тури мамлакатларда ҳайвонларнинг тарқалишини ўрганиш соҳасидаги тадқиқотлар бундан бир неча юз йил илгари бошланган. Бу борада Европа ва Осиёning тури минтақаларига саёҳат қилган рус табииётшунослари С. П. Крашенинников, aka-ука И. Г. ва С. Г. Гмелинлар, П. С. Паллас ва И. И. Лепехиннинг хизматлари катта бўлди. 19-а. га келиб К. М. Бэр, А. Ф. Миддендорф, Э. А. Эверсман, Ю. И. Семашко, А. П. Семенов — Тянь-Шанский ва б. томо-нидан З. га оид жуда кўп материаллар йифилди ва умумлаштирилди. Сув фау-насини ўрганиш бўйича Л. С. Берг, Н. М. Дерюгин, Н. М. Книпович, Л. А. Зенкевич ва б. ийрик тадқиқотлар олиб боришли.

Хоз. Туркистон ўлкаси ҳайвонларининг географик тарқалишини урганиш ишларини Н. А. Северцов бошлаб берган. Бу соҳада Д. Н. Кащковининг хизматлари ҳам катта бўлди. Ўтра Осиё худуди ҳайвонларини урганиш ва зоографик р-нлаштиришда М. А. Мензбир, Н. А. Зарудний, П. А. Кузнецов, А. П. Кузякин, С. А. Чернов, Т. З. Заходов, Р. Н. Мекленбурцев, О. Н. Богданов ва б. ҳам катнашди.

З.нинг асосий методларидан бири зоологик хариталарни тузиш, яъни гео-график харита орқали айrim турлар ва бутун бир фаунистик комплекснинг ареалини ва уларнинг географик мухит б-н алоқасини кўрсатиб беришдан иборат. Ареал энг асосий зоографик тушунча бўлиб, зоографик тадқиқотларнинг бош объекти хисобланади. Бирор мамлакат ёки физик-географик худуд (орол, тоғ, чўл ёки сув экосис-темаси) фаунаси турларининг таркиби ва уларнинг тарқалишини; экологик жамоалар (биогеоценозлар)нинг таркиби, уларнинг Ер юзида тарқалиши конуниятларини урганиш ҳам З. нинг вазифасига киради. Замонавий З. ривожланишининг асосий йўналишлари куйидагилардан иборат: а) айrim турлар ва таксонлар ареалини урганиш; улар ареали чегарасини ва таркибини, йўқолиб

бораётган, ноёб ва хўжалик жихатдан кимматли турлар таркиби, улар сонининг ўзгариши сабаблари ва қонуниятларини аниқлаш; б) алоҳида майдонларда ҳайвонларнинг бирга яшовчи гурухларининг шаклланиши, уларнинг таркиби ва ҳаёт кечириши хусусиятларини ўрганиш; в) фаунистик комплексларнинг худудий тақсимланиши, уларнинг шаклланиши йуллари динамикаси ва таркибининг ўзгариб туриши сабаблари, уларга инсон фаолияти таъсирини аниқлаш; г) табиат таркибий қисмларининг ҳайвонларнинг тарқалишига, айrim турлар ва фаунистик комплексларнинг мос-ланиш хусусиятига ёки аксинча ҳайвонларнинг ландшафтга таъсирини ўрганиш.

З. тур хосил бўлиши омиллари ва усусларини тушуниб олишда катта ахамиятга эга. Кўпчилик биологларнинг фикрича, популяцияларнинг худудий алоҳидаланиши б-н боғлик географик тур хосил бўлиши бу жараённи эволюцион нуктаи назардан ҳал этишда муҳим аҳамиятга эга. З. тадқиқотларидан тарихий геол. ва геог.ни ўрганишда фойдаланиш мумкин. З. далиллари қитъалар ўртасида мавжуд бўлган геологик боғланишларни, Австралия, Антарктида ва Ер юзи океанлари тарихини ўрганишда муҳим аҳамият касб этади. З. овчилик ва мўйначиликда, ден-гизларда балиқ овлашни йўлга кўйишда амалий аҳамиятга эга. З. маълумотлари қ.х. экинлари ва чорва моллари зааркундаларини ўрганиш ва уларга қарши кураш тадбирларини ишлаб чиқишида, ҳайвонларни иклимлаштириш ва табиатни муҳофаза килиш б-н боғлик бўлган масалаларни ҳал этишда катта аҳамиятга эга.

Ад.: Дарлингтон Ф., Современные проблемы зоогеографии, М., 1980. Кобышев Н. М., География животных с основами зоологии, М., 1988.

ЗООГИГИЕНА, ҳайвонлар гигиенаси — ҳайвонлар соғлигини сақ-лаш тўғрисидаги фан. Ҳайвон организми б-н ташки мухитнинг ўзаро таъсирини, ҳайвонлар соғлигини ҳимоя қилиш, улар-

ни бокиш ва парвариш этиш, улардан фойдаланиш, соғлом насл олиш шароитларини ҳамда чорва маҳсулдорлигини ошириш йўлларини ўрганади. Ташки муҳитнинг нокулай таъсирини камайтириш ёки йўқотиш усулларини ишлаб чиқиши, юқори санитария сифатларига эга бўлган чорвачилик маҳсулотлари олиш, ташки муҳитни оқова сувлар, ферма ва чорвачилик комплексларининг и.ч. чикиндилари б-н ифлосланишидан муҳофаза килиш ҳам 3. вазифаларига киради. 3. одамни зооантропонозлардан ва касб касалликларидан муҳофаза қилишга ҳам бевосита алоқадор. 3. касалликларнинг олдини олиш тўғрисидаги фан сифатида ветеринария фанларига киради ва ҳайвонлар физиологияси, зоотехния, токсикология, микробиология, к.х. иқтисодиёти ва б. фанлар б-н боғлик.

3. умумий ва хусусий З.га бўлинади. У муммий З. ҳаво ва тупроқ муҳити, сув ва сугориш, озукалар ва озиқлан-тириш гигиенаси, чорвачилик бинолари миқроиклими масалаларини, шунингдек, молларни яратиш, ёз ва қишида бокиш, саклаш режимларини ўрганади; чорвачилик бинолари, ветеринария ва ветеринария-санитария объектларини лойихалаш, куриш ва улардан фойдаланиш, ферма ва чорвачилик комплексларida инфекцион касалликлар тарқалмаслиги талабларини белгилайди. Хусусий З. умумий З. вазифалари ва талабларини мамла-катнинг иқлим зоналарини хисобга олган ҳолда ҳайвонларни саклаш ва озиқлантириш шароитлари масалаларини ҳайвонларнинг тури, ёши, жин-си, йўналишига қараб ўрганади. З. ўз вазифаларини бажаришда статистик, санитария текшируви, клиник физиология тадқиқот усулларидан фойдаланади.

Ўзбекистонда чорва молларини бокиш ва парваришлаш, даволаш ва касалликлардан ҳимоя қилиш ишлари узоқ тарихга эга бўлса-да, З. фан сифатида 20-а. бошларидан ривожлана бошлади. З. соҳасида иқдим ва бинолар мик-роиклимининг ҳайвонлар ор-

ганизмига таъсири, фермада молларни жой-лаштириш меъёрлари, фермаларни сифатли ичимлик суви б-н таъминлаш, сифатли озуқа тайёрлаш, турли хил моддалардан заҳарланишнинг олдини олиш, молларни яйловларда бокиш ва уларни турли зарарли ҳашаротлар таъ-сиридан саклаш ва б. масалалар ўрга-нилди. З. бўйича и.т. ишлари Ўзбекистон ветеринария институтия., Самарқанд қишлоқ хўжалиги ин-тининг ветеринария ф-ти ва Тошкент аграр ун-ти зоотехния ф-тлари кафедраларида олиб борилади.

З. тавсиялари ва талаблари барча хўжаликларда ҳайвонларни парваришлаш, бокиш, саклаш ва кўпайтириш бўйича мажбурий бўлган зоотехника ва ветеринария қоидаларига киради.

Ад.: Сувонқулов Й. А., Қишлоқ хўжалиги ҳайвонлари гигиенаси, Т., 1994; Шопӯлатов Ж., Ветеринария асослари, Т., 1994.

Эрмуҳаммад Тошпӯлатов.

ЗООЛОГИЯ (зоо... ва ...логия) — ҳайвонлар тўғрисидаги фан, биологиянн бир соҳаси. З. ҳайвонот оламининг хилма-хиллиги ва тарихий тараққиётини, ҳайвонларнинг тузилиши, ҳаёт кечириши, тарқалиши, ривожланиши, шунингдек, уларнинг яшаш муҳити б-н муносабатларини ўрганади. З. кенг тармоқли комплекс фан бўлиб, бир қанча мустақил ғанларни ўз ичига олади. Систематика турларнинг хилма-хиллиги, уларнинг ўзаро ўхшашлиги ёки бир-биридан фарқ қилувчи белгилари асосида ҳайвонларни системага солиш б-н шугулланади. Ҳайвонларнинг ташки тузилишини морфология, ички тузилишини анатомия ўрганади. Солиширма ва эволюцион морфология турли систематик гурхуларга мансуб бўлган ҳайвонларнинг тузилиши ва тарихий ривожланишини, эмбриология эмбрионал ривожланишини, этология хулқ-атворини текширади. Фи-логенетика ҳайвонот дунёсининг тарихий тараққиётини, палеозоология кад. геологик даврда яшаб кирилиб кетган ҳайвонларни, экология ҳайвонларнинг

ташки мухит б-н ва ўзаро муносабатларини, физиология хайвонлар организми функциясини, биокимё хайвонлар организ-мининг кимёвий таркибини ўрганади.

Текшириш объектларига биноан ҳам 3. бир канча фанларга ажратилади. Мае, бир хужайралиларни протозоология, яъни протистология, паразит чу-валчангларни гельмитология, моллюскаларни макалология, қис-қичбакасимонларни карционология, ўргимчаксимонларни арахнология, каналарни акарология, ҳашаротларни энтомология, баликларни ихтиология, күшларни орнитология, сут эмизувчиларни териология ўрганади.

3. бошқа биол. фанлари ҳамда тиббиёт, ветеринария ва қ.х. б-н узвий бөгликтарни күпгина бўлимлари эса паразитология, гидробиология, эпизоотология, эпидемиология каби комплекс фанлар таркибига киради. Одам ва хайвонларнинг паразитларини ўрганиш тиббиёт ва ветеринария паразитологи-яси учун мухим аҳамиятга эга. Тупроқда яшовчи хайвонларни ўрганиш эса тупроқ ҳосил бўлиши жараёнларини тушуниб олиб, тупроқ унумдорлигини ошириш тадбирларини ишлаб чикиш имконини беради. Эколо-зоологик тадқиқотлар чорвачилик, ипакчилик, балиқчилик каби қ.х. тармоқларини ривожлантириш, овланадиган хайвонлар сонини тартибга солиш, фойдали хайвонларни иклимлаштириш ва кўпайтириш, шунингдек, қ.х. зааркунандаларига қарши курашни тўғри ташкил этишга ёрдам беради. Турли хайвонлар ўртасидаги ўзаро муносабатларни, шунингдек, хайвонлар организмидаги биокимёвий ўзгаришларни тадқиқ этиш паразит ва зааркунанда хайвонларга қарши биологик кураш чораларини ишлаб чиқиша мухим ўрин тутади. Зоологик тадқиқотларда тўпланган илмий маълумотлар органик оламнинг ривожланиши тўғрисидаги эволюцион таълимотни яратиш учун асос бўлиб хизмат қилган.

Хайвонлар ҳақидаги ilk ёзма маъ-

лумотлар мил. ав. 5—4 а.га оид Миср, Хитой ва Юнон адабиётларида учрайди. З.ни ривожлантиришда Аристотель асарлари мухим роль ўйнайди. У 452 тур хайвоннинг тузилиши, ҳаёт кечириши ва тарқалиши ҳақида маълумот берган. Қад. Рим табиатшуносларидан Гай Плинний (мил. 23—79 й.лар) ўзининг 37 китобдан иборат «Табиат тарихи» асарида ўша даврда маълум бўлган барча хайвонларни таърифлаб берган. Бошқа табииёт фанлари қатори З.нинг бундан кейинги ривожланиши Уйғониш давридан бошланади. Бу даврда Христофор Колумб, Марко Поло, Магеллан каби сайёхларнинг денигизлар оша саргузаштлари натижасида илгари но-маълум бўлган янги хайвон турлари кашф этилди. Айни шу даврда швейцариялик врач ва натуралист К. Геснернинг (1516—1565) 17 жилдли «Хайвонлар тарихи» энциклопедик асари пай-до бўлади.

З.нинг тараққиётида 17-а.да микроскопнинг кашф этилиши катта аҳамиятга эга бўлди. Голланд олими А. Ле-венгук «Микроскоп ёрдамида очилган табиат сирлари» асари орқали микрос-копик хайвонот дунёсини очиб берди. Италиялик олим М. Мальпиги умурт-кали хайвонлар қон айланиш, айриш системаси ва терисининг тузилишини тушунтириб берди. 17-а. охири ва 18-а.нинг 1-ярмидаги Ж. Рей ва айниқса К. Линнейнинг ишлари туфайли хайвонот дунёсининг замонавий системасига за-мин яратилди. Айнан ўша даврдан З. айрим мустақил тармоқларга ажrala бошлади. К. Линней тур, уруг (авлод), туркум, синф деб номланган систематик категорияларни умумлаб берди. Линней хайвонот дунёсини сут эмизувчилар, күшлар, судралиб юрувчилар (сувда ва қуруклиқда яшовчилар б-н бирга), баликлар, ҳашаротлар ва чу-валчанглар синфларига ажратади. У турни икки ном б-н аташ (бинар номенклатурщик таклиф этади. Француз Ж. Бюффон З. соҳасидаги барча маълумотларни тўплаб, 36 жилдли «Табиат тарихи» асарини ёзди. Француз олими Ж. Кювье кад. хайвонларнинг

казнима қолдикларини ўрганади ва организ-минг бир бутунлиги, органларнинг ўзаро боғликлиги тўғрисидаги органлар корреляцияси таълимотини яратди. У фанга «тип» тушунчасини киритди ва ҳайвонот оламини умуртқалилар, юмшок танлилар, бўғимоёклилар, иннатерилалар типларига ҳамда 19 син-фга ажратади. 19-а.да биол.да тирик табиатнинг мураккаб формалари оддий формалардан келиб чиққанлигидаги эволюцион гояларнинг ривожланишида Т. Шван ва М. Шлейден томонидан ҳужайра назариясининг илгари сури-лиши катта аҳамиятга эга бўлди. Турларнинг ўзгариши ва оддий формаларнинг келиб чиқишини биринчи бўлиб Ж. Б. Ламарк тушунтириб берди. У Линней систематикасини такомиллашти-риб, ҳайвонларни 14 синфга ажратади.

Органик дунё эволюцияси ҳқидаги материалистик таълимот асосчиси Ч. Дарвин З.нинг ривожланишига ҳам бе-восита ўз ҳиссасини кўшган, унинг «Бигль» кемасида саёҳатлари тўғрисидаги «Иzlанишлар кундалиги» (1839) асарида Жан. Америка ва унга яқин ороллардаги кемирувчилар, кушлар, калтакесаклар, тошбакалар ва б. ҳай-вонлар тўғрисида илк бор маълумот берилади. Айниқса, унинг бошчилигига тайёрланган «Зоология» асари, «Мўйловоёкли қисқичбақасимонлар» монографияси (1851—54) катта аҳамиятга эга бўлди. З.да эволюцион гоялар фақат Ч. Дарвингиннинг «Табиий танланни йўли б-н турларнинг пайдо бўли-ши» асари нашр этилгандан сўнг тўла-тўқис ўз асосини топди. Олимнинг таълимоти З.га қизиқишини янада кучай-тириб, бир қанча мамлакатларда З. жамиятлари ташкил этилди. 1889 й.дан бошлаб зоологларнинг халқаро съезди, энтомологлар ва орнитологларнинг ха-лқаро конгресслари чақирила бошланди. Денгиз, океан ва қуруқлик ҳай-вонларини ўрганиш мақсадида жуда кўплаб экспедициялар ташкил этилади.

20-а.нинг 2-ярмидан бошлаб систематика соҳасидаги тадқиқотларда

анъ-анавий усууллар б-н бир қаторда тобо-ра кўпроқ биокимёвий, серологик, ка-риологик, молекуляр ва генетик усууллар кенг тадбиқ қилина бошлади. Бу борада ДНК молекуласи структурасининг аникланиши (А. Н. Белозерский), тупроқ ҳосил бўлишида ҳайвонлар аҳамиятининг кўрсатиб берилиши (Гиляров), заараркунанда ҳашаротларга қар-ши курашнинг генетик усулига асос солиниши (А. С Серебровский) катта аҳамиятга эга бўлди.

Ўзбекистонда З.нинг ривожланиши Шарқнинг буюк алломалари номи б-н боғлик. Абу Райхон Беруний 101 ҳай-вон ва улардан олинадиган доридар-монлар тўғрисида ёзил қолдиран. Унинг «Ҳиндистон» асарида (1030) бу ўлка ҳайвонлари тўғрисида қизиқарли маълумотлар келтирилади. Абу Али ибн Сияонинг «Китоб аш-шифо» асарида одамда паразитлик қилувчи гельминтлар тўғрисида маълумот берилади. Бу асардаги айрим гельминтлар номи (қовоксимон курт, митти курт) хрзир-гача сақланиб қолган.

Ўрта Осиё, жумладан Ўзбекистон ҳайвонот дунёсини ўрганиш бўйича маҳсус илмий тадқиқотлар 19-а.нинг 2-ярмидан бошланди. Рус олими Н.А. Северцов Орол денгизи, Устюрт, Қи-зилкум, Сирдарё, Помир, Тяньшан ҳайвонларини; А. П. Федченко Олай ва Зарафшон водийси ҳайвонларини ўрганиди. В. Ф. Ошанин «Туркистон ярим каттиқ қанотлилари фаунаси» асарида ҳашаротларнинг 700 дан ортик тури тўғрисида маълумот берган. Унинг та-шаббуси б-н 1876 й.да Тошкентда табиат музейи очилади. 20-а.нинг бошларида олиб борилган зоологик тадқиқотлар, асосан, маҳаллий аҳоли ўрта-сида кенг тарқалган паразит ва қасаллик тарқатувчи ҳайвонларни ўрганиш, уларга қарши кураш чораларини ишлаб чиқиш б-н боғлик. Ўрта Осиёнинг турли худудларига бир қанча экспедициялар уюштирилиб, безгак чивини ва риштанинг биол.си батафсил ўрганилди (Л. М. Исаев, Н. И. Ходукин). Бир қанча

худудларда безгакни тадқиқ қиладиган ст-ялар ва Тропик касалликлар ин-ти (хоз. Тиббиёт паразитология ин-ти) ташкил этилди. Бу тадбирлар туфайли 20-а. нинг ўрганига келиб безгак ва ришта батамом тугатилди.

Ўзбекистон ҳайвонот дунёсини ўрганиш, айникса, Туркистон давлат унти ташкил этилгандан сўнг жадаллашиди. Бу даврдаги зоологик тадқиқотлар ҳайвонларнинг деярли барча таксономик гурухларини ўз ичига олади. Унтнинг зоология ва гидробиология кафедраларида тупроқ ҳайвонлари (бир хужайралилар, нематодалар, ёмғир чу-валчанглари), сув ҳавзалари планктон таркиби ва ҳашаротлар ўрганилди (А. Л. Бродский, Е. С. Кирьянова, С. Д. Муравейский, Н. А. Кейзер, В. Ф. Гурвич, В. П. Невский). Зоологик тадқиқотлар миқёси Ўзбекистоннинг тури шаҳарларида олий ўкув юртлари ва, ай-никса, Ўзбекистон ФА Зоология инс-ти тути ташкил қилиниши туфайли янада кенгайди. 20-а.нинг ўрганилари ва 2-ярмидаги асосий тадқиқотлардан тупроқ бир хужайралилари (А. Л. Бродский, В. Ф. Николюк ва б.), ўсимлик нематодалари (А. Тўлаганов, Ш. Хурра-мов, З. Норбоев, О. Мавлонов ва б.), ёввойи ва қ.х. ҳайвонлари гельминтлари (М. Султонов, И. Эргашев, Ж. Азимов, Т. Крболов, Н. Матжонов, Ш. Азимов, С. Дадаев ва б.), ўргимчаксимонлар (Н. Эргашев) ва зараркунанда ҳашаротларни (В. Яхонтов, С. Алиму-хамедов, Р. Олимжонов, А. Мухаммадиев, А. Ҳамроев, М. Ахмедов, Г. Ду-бовский, Б. Алламуродов ва б.) ўрганиш соҳасида олиб борилган тадқиқотлар айникса салмокли бўлди. Паразит икки қанотлилар ва бир хужайралиларни ўрганиш ва уларга қарши кураш чораларини ишлаб чиқиш бўйича ҳам кенг миқёса тадқиқот ишлари олиб борилди (Э. Ган, М. Қодирова, А. Обиджонов, О. Давронов ва б.). Ўзбекистонда гидробиологик тадқиқотлар сув ҳав-заларининг биологик маҳсулдорлигини ошириш, янги тур ҳайвонларни иқлимлаштириш

б-н боғлиқ бўлди (А. Л. Бродский, С. Д. Муравейский, Н. Кайзер, Г. Булгаков, В. Гурвич, А. Мухаммадиев, Ф. Комилов, М. Абдуллаев, И. Мирабдулаев, А. Омонов ва б.). Ўзбекистон худудида умуртқали ҳайвонлар тўғрисидаги айрим маълумотлар 19-а.нинг 1-ярмида пайдо бўлган. Лекин уларни кенг миқёса ўрганиш фақат 20-а.нинг бошларида бошланди. 20-а.нинг ўрганилари ва охирида сут эмизувчилар (Д. Кашкаров, Т. Зохидов, О. Митропольский, И. Колесников, Я. Довлатов), кушлар (Д. Кашкаров, Р. Мекленбурцев, А. Сагитов, О. Богданов, С. Бақоев, Э. Шерназаров), суд-ралиб юрувчилар ўрганилди (Т. Зоҳи-дов, О. Богданов), ҳайвонлар қазилма қолдиклари (Б. Ботиров ва б.) тадқиқ қилинди.

Сўнгти йилларда З. соҳасидаги тадқиқотларда экология, биокимё, биофизика б-н боғлиқ изланишларга кенг ўрин берилди. З. соҳасидаги асосий му-аммолар ҳайвонот дунёси биологик хилма-хиллигини ҳамда эндемик, ноёб ва сони камайиб кетаётган турларни саклаб қолиш ва кўпайтириш б-н боғ-лиқ. Ўзбекистонда З. соҳасидаги тадқиқотлар Ўзбекистон ФА Зоология, Чорвачилик, Ветеринария, Қ.х. экинларини химоя қилиш интларида, де-ярли барча ун-лар, тиббиёт ва педагогика ин-лари кафедраларида олиб борилади.

Ад.: Захидов Т. З., Природа и животный мир Средней Азии, том 1—2, Т. 1969— 71; Ўзбекистон Республикаси биологик хилма-хиллигини саклаш режаси ва ҳаракатлари дастури, Т., 1998; Богданов О. П., Ред-

кие животные Узбекистана: Т.: 1992; Мавлонов О.:Хуррамов Ш.: Умуртқасизлар зоологияси, Т., 1998.

Жалолиддин Азимов, Элмурод Шерназаров, Очил Мавлонов.

ЗООЛОГИЯ ИНСТИТУТИ,
Ўзбекистон ФА Зоология институти — ҳайвонот оламининг хилма-хиллиги, экологияси, биологияси, аҳамиятини ўрганиб, улардан оқилона фойдаланиш, ноёб, йўқолиб кетиш ҳавфи

туғилған турларни мұхофаза килиш, за-
раркунандаларга карши кураш чоралары-
ни ишлаб чиқиши бўйича илмий асослар
яратувчи ва мувофиқдаштирувчи марка-
зий илмий муассасаса.

Ўзбекистон ФА Ботаника ва зоология ин-тидан 1950 й.да мустакил бўлиб ажралиб чиққан. Ин-тда Ўзбекистон ҳайвонот оламининг биологик хилма-хиллиги, систематикаси, экологияси, хўжалик аҳамиятига молик умуртқали ва умуртқасиз ҳайвонлар биологияси ҳамда ривожланиш цикли тадқиқ этилади; республикадаги биологик ресурслардан оқилона фойдаланиш, овчилик ва балиқчиликни ривожлантиришга оид тавсияномалар; ёввойи ҳайвонларнинг ноёб ва камайиб бораётган турларни тутқинликда кўпайтириш усууллари ишлаб чиқилади; инсон фаолияти туфайли табиатда рўй берадиган ўзгаришларнинг ҳайвонот оламига таъсири ўрганилади ҳамда ҳайвонларнинг биологик хилма-хиллигини саклаб қолиш б-н шугулланилади; турли худудларда чорва ҳамда ёввойи ҳайвонларда учрайдиган экто-ва эндопаразитлар экологияси ҳамда биологияси, уларнинг зарари ўрганилади; қ.х. ҳайвонлари ва экинлари зараркунандалари ҳамда уларга карши курашнинг назарий ва амалий асослари ва б. масалалар ишлаб чиқилади.

Ин-тда 5 бўлим (умумий энтомология ва арахнология, умумий паразитология, сув зоологияси, куруклиқда яшовчи умуртқали ҳайвонлар, эволю-цион морфология ва хужайра биологияси), 11 лаб. (ҳашаротлар экологияси ва систематикаси, ҳашаротларни биологик назорат қилиш, арахнология ва тупроқ зоологияси, паразитология, гельминтология, ихтиология ва сув умуртқасизлари, герпетология, орнитология, териология, экологик физиология ва хужайра биологияси, мор-фологик қиёслаш ва ҳайвонлар токси-кологияси) ҳамда инсектарий ва заҳарли илонлар питомниги фаолият кўрсатади. Ин-тнинг фондида 34 мингга якин ҳайвонлар коллекцияси тўпланган.

60 дан ортиқ монография, 60 га яқин илмий тўплам, 100 га яқин тақдимнома ва методик кўлланмалар, 40 дан ортиқ илмий оммабоп рисолалар нашр этилган. Булар орасида Т. З. Зоҳидовнинг 4 жилди «Зоология энциклопедияси» Беруний номидаги Ўзбекистон Давлат мукофотига сазовор бўлган.

Жалолиддин Азимов. Элмурод Шерназаров.

ЗООНОЗЛАР (зоо... ва юн. nosos — касаллик) — факат ҳайвонлар учун хос бўлган, лекин ҳайвонлардан одамларга юқиши мумкин бўлган инфекцион ва инвазион касалликлар гурухи. З.га ўлат, куйдирги, кутуриш, бруцеллэз ва б. киради. З.нинг кўзгатувчилари эволюция жараёнида айрим ҳайвонлар организмида танлаб ривожланиш хусусиятига эга бўлиб, З. одамлар жамоаларида тарқал-майди, чунки одам организмидаги З. кўзгатувчилари ўз ривожланиш циклини тамомлай олмайди. Тиббиёт адабиётларида баъзан ҳайвонларнинг одамларга ўтадиган юкумли ва инвазион касалликлари хам З. деб юритилади.

ЗООПСИХОЛОГИЯ, ҳайвонлар психологияси — психологиянинг ҳайвонлар психикаси, унинг намоён бўлиши ҳамда онтогенез ва филогенездаги тараққиётини ўрганадиган бўлими. З. далилларидан бир қанча фанлар, жумладан, бионика ва биокибернети-када фойдаланилади. З. солиштирма психология ва этология якин туради. З. экология, нейрофизиология, сезги органлари физиологияси ва б. соҳалар б-н узвий боғланган. З. 18-а охири — 19-а. бошлирида мустакил фан сифа-тида шаклланган. З. тарихида 2 қарама-қарши йўналиш бўлган. Механик йўналиш бўйича ҳайвонлар автомат машинага ўхшатилади (Р. Декарт, Ж.Лёб ва б.)- Антропоморфик йўналиш бўйича инсон психикаси б-н ҳайвон психикаси ўртасидаги фарқ инкор этилади (Ж.Л. Бюффон, Ж.Б. Ламарк, Ч. Дарвин ва б.). З.да эволюцион йўналишнинг бошланиши рус олимлари К. Ф. Рулье ва В. А. Вагнер ишлари б-н

боғлиқ. З.нинг фан сифатида ривожланишида И. П. Павловнчт олий нерв фаолияши тўғрисидаги таълимоти муҳим аҳамият касб этади. Бу таълимот инсон психикаси ҳатто энг юксак тузилган ҳайвон психикасидан сифат жиҳатдан кескин фарқ қилишини кўрсатадаи. Бу фарқ инсоннинг ижтимоий ҳаёти, и.ч. фао-лияти ва нутки б-н боғлиқ.

ЗООСПОРАЛАР (зоо... ва юн. spora — уруғ) — кўпчилик сув ўтлари ва тубан замбурургларнинг жинссиз кўпайиши ва тарқалиши вазифасини бажарувчи ҳаракатчан ҳужайраси. З. хивчинлар ёрдамида ҳаракатланади. Хивчинлар сони ҳар хил турларда турича (кўпинча 2, бაъзан 4 ёки кўпроқ) бўлади. З.да цеплюзоза қобиги бўлмайди. Кўпчилик сув ўтлари З.сининг кўзчаси, кискарувчи вакуоли (қ. Вакуолалар) ва кўгтинча хроматофорлари бўлади. З. она ҳужайрадан бўлиниш орқали кўпаяди. Она ҳужайра пўсти ёрилгач, ташқарига чикали ва сузаб юради. Бир оздан сўнг З. ҳаракатдан тўхтайди; хивчинини ташлаб, янги ўсимлик ёки замбурурга айланади.

ЗООТЕХНИЯ (зоо... ва юн. techne — санъат, маҳорат) — қ.х. ҳайвонларини урчиши, озиқлантириш, саклаш ва улардан мақсадга мувофиқ фойдаланиш ҳақидаги фан. Ҳайвонларни пар-варишлиш ва улардан фойдаланиш бўйича тавсиялар жуда қадимда пайдо бўлган. Одам ҳайвонларни кўлга ўргатиб, хонакилаштирган ва улардан хўжалик эҳтиёжлари учун фойдалана бошлаган даврдан бошлаб З. ҳақидаги содда тасаввурлар шакллана бошлади. Бундан 2700 йил муқаддам яратилган «Авесто»нинг Готлар ва Вендиат кисмларида ёзилишича, «инсоннинг асосий вазифаси чорва молларини кўпайтириш ва саклашдан иборатdir». «З.» атамасини фанга 1848 й. француз олими Ж. Бодеман киритган. З. 18-а.нинг 2-ярмидан фан сифатида шаклланган. Ҳоз. замон З. фани бир қатор биология, кимё, физика, математика ва б. фанлар ютуклари ва тадқикот усуулларига таянган ҳолда ҳайвонларни урчи-

тиш, озиқлантириш, бокиши усуулларини такомиллаштириш асосида чорва-чилик маҳсулотлари етиширишнинг энг тежамли технологияларини ишлаб чиқади. З. агрономия, ветеринария, қ.х. ишлаб чиқаришни ташкил қилиш б-н узвий боғлиқ.

З. 2 қисмга: умумий ва хусусий З.га бўлинади: Умумий З. чорва молларининг камма тури ва зотларини урчиши, озиқлантириш, сакдаш, насл-чилик иши, маҳсулдор подалар ҳамда зотлар яратиш, улардан самарали фойдаланиш асосларини ишлаб чиқади. Унинг асосий бўлимлари: қ.х. ҳайвонларини урчиши, озиқлантириш ва саклаш. Хусусий З. чорвачиликнинг айрим тармоқлари (корамолчилик, кўйчилик, чўчқачилик, йилқачилик, паррандачилик, куёнчилик, асалари-чилик, пиллачилик ва б.)ни юритиш технологияси б-н шугулланади.

З. ривожига 19-а. да француз олимларидан К. Буржел, Ж.Л. Бюффон, 20-а. нинг 1-ярмидан немис олимни К. Корнахер, швейцариялик олим У. Дюрст, инглиз олими Ж. Хаммонд, америка-

лик олим С. Райт, Ж. Лаш, рус олимларидан Н. Н. Чирвинский, П. Н. Кулешов, Е. А. Богданов, М. Ф. Иванов, М. И. Придорогин ва б. катта хисса кўшдилар.

Ўзбекистонда З. муаммолари 1910 й.дан бошлаб ўрганила бошлади. 1932 й.да чорвачилик тажриба ст-яси, 1939 й.да Ўзбекистон чорвачилик и.т. ин-ти ташкил этилди. Бу даврда В. И. Громова, К. К. Саковский, В. В. Зюзкин, З. И. Савицкая, З. С. Соколова, Т. Ф. Та-видарова, Е. М. Ершова, П. М. Пушка-рев, В. А. Шчекин, П. Ф. Кияткин ва б.нинг илмий изланишларида умумий ва хусусий З. масалалари ўрганилди. 1950-й.ларда республиканинг биринчи чорвадор олимлари етишиб чиқди (А. Рахимов, И. Мавлонов, Й. Курбонов ва б.). 1960—90 й.ларда Ш. Акмалхонов, У. Носиров, профессорлар Э. Карчевс-кий, И. Хидиров, З. Тўракулов, Т. Ик-ромов, М. Ашировлар (крамолчиликнинг сут ва гўшт йўналишларида З. муаммолари), М. Зокиров, Р. Валиев,

С. Юсупов (кўйчилик), С. Азимов (парандачилик), П. Собиров (урчитиши), К. Карабаев (оziклантириш), У. Наси-риллаев (ипакчилик) ва б.нинг наза-рий ва амалий масалаларга бағишланган илмий тадқиқотларида З. муаммолари ўз аксини топди. З. бўйича илмий мактаблар шакланади.

Ўзбекистонда З. бўйича и.т. ишлари Ўзбекистон чорвачилик, коракўлчалик, ипакчилик и.т. ин-тларида олиб борилади. Тошкент давлат аграр ун-ти ва Самарқанд к.х. ин-тида З. соҳаси бўйича малакали мутахассислар тайёр-ланади. З. ютуклари ва илфор тажрибалар «Ўзбекистон кишлок хўжалиги» жур.да ёритилади.

Ад.: Акмалханов Ш., Биологические и зоотехнические основы ведения молочного скота в Ўзбекистоне, Т., 1993; Носиров У. Қорамолчилик, Т., 2001; Карчевский Э., Теория и практика разведения черно-пестрого скота в Ўзбекистоне, Т., 1994; Тўракулов ва б., Йилқиличилик, Т., 1990; Зокиров М. ва б., Қоракўлчилик, Т., 1983; Ҳамроқулов Р., Карабаев К., Қишлоқ хўжалиги ҳайвонларини озиқлантириш, Т., 1999.

Убайдулла Носиров.

ЗООФИЛИЯ (зоо... ва юн. *philio* — ёқтираман) — ўсимликларнинг ҳайвонлар иштирокида четдан чангланниш усули. Эволюция жараёнида зоофил ўсимликлар ва уларни чанглантирувчи ҳайвонлар ўргасида ўзаро мосланиш юзага келган. Бундай мосланмалар туфайли ўсимлик гулларининг муайян тузилиши, ранги, ҳиди ва нектар ажратиши, ҳайвонлар танасининг муайян шакли, гулдан нектар ва чанг йигиш учун за-рур бўлган маҳсус мосланмалар пайдо бўлган. З.да ҳашаротлар (энтомофилия), кушлар (орнитофилия), моллюскалар (малакофилия), айрим сут эмизувчилар, мас, кўршапалаклар (хиронтерофилия), кемирувчилар ёки б. ҳайвонлар иштирок этиши мумкин.

ЗООХЛОРЕЛЛАЛАР (*Zoochlorella*) — турли умуртқасиз ҳайвонлар (инфу-

зориялар, гидралар, ғовактаниллар ва б.) танасида симбиоз яшайдиган бир ҳужайрали яшил сувўтларнинг умумий номи. З.нинг ҳайвонлар б-н бирга яша-ши ҳар иккала организм учун ҳам фой-дали; фотосинтез жараёнида З. ишлаб чиқарган углеводларни ҳайвон истеъмол қиласа, ўз навбатида, З. ҳайвон ҳужайрасида яшаш ва қўпайиш учун зарур шароит топади.

ЗООХОРИЯ (зоо... ва юн. *choreo* — тарқатаман) — ўсимликлар мева-си, уруги, спораси ва б.нинг ҳайвонлар ёрдамида тарқалиши. З. бир неча хилга бўлинади: эпизоохория — мева ва уруғларнинг ҳайвонлар танаси сиртига ёпишиб тарқалиши; эндозоохория — ўсимликлар меваси ва уругини ҳайвонлар еганида уларнинг экскременти орқали тарқалиши; синзоохория — мева ва уруғларнинг қишида озиқ тўплайдиган ҳайвонлар орқали тарқалиши; мirmеко-зоохория — мева ва уруғларнинг чумолилар орқали тарқалиши; синзоохориянинг бир хили. Мева ва уруғларнинг тузилишида З.нинг муайян усулига мосланиши пайдо бўлади. Мае, эпизоохорияда мева уруғлар сирти ёпишқօн модда ёки турли хил илмоқчалар б-н қопланган; эндозоохорияда мевалар этли ва серсув бўлади.

ЗООЦЕНОЗ (зоо... ва юн. *koinos* — умумий) — биоценоз таркибига кирадиган ҳайвонлар жамоаси. Одатда, З. тушунчаси Ер юзининг бир хил экологик шароитга эга бўлган қисмида хаёт кечирадиган ҳайвонлар мажмуасига нисбатан кўлланилади. З. таркиби муайян шароитда ўзаро боғланган ҳайвонларнинг ҳар хил турларидан иборат. З. биоценоз таркибига мансуб бошқа турлар (яшил ўсимликлар, микроорганизмлар ва б.) ва анерганик мухит б-н боғлиқ. З. биоценозга хос хусусиятларга эга. Шунинг учун биоценозни тадқиқ қилишда З. далилларидан фойдаланилади.

ЗООЦИДЛАР (зоо... ва лот. *caeda* — ўлдираман, йўқотаман) — қ. х. зараркунандалари, асосан, кемирувчилар (родентицидлар), каламушлар (рати-цидлар) ва кушлар — каптарлар, чумчуқлар,

ғурраклар (авицидлар)га қарши курашда күлланиладиган кимёвий препаратлар. Пестицидлар гурухига киради. Аксарият ҳолларда ичдан таъсир кўрсатадиган пестицидлар заҳарли хўрак тарзида кўлланилади.

ЗОРГЕ Рихард (1895. 22. 9, Боку - 1944. 7. 11, Токио) — машхур разведка-ми, 2-жаҳон уруши қаҳрамони (1964 й., ўлимидан сўнг). 30—40-й.ларда немис журналисти сифатида Германия, Хитой ва Японияда бўлиб, қимматли разведка маълумотларини кўлга киритган. СССРга немис-фашист кўшинларининг мўлжалдаги бостириб кириш вактини, дивизиялар сони ва уларнинг ҳарбий харакатлари режасининг умумий схемаси ҳақида аҳборот берган. 1941 й.да япон полицияси томонидан кўлга олиниб, 1944 й. нояб.да катл килинган.

ЗОРОАСТР — зардуштийлик динининг асосчиси Зардуннинг юонча номи.

ЗОРОАСТРИЗМ — к. Зардуштийлик.

ЗОТ (чорвачиликда) — келиб чиқиши (ажоди) маълум, биологик ва фойдалари хусусиятлари бир хил ўхшашликда ҳамда авлодларига ўз белгиларини тўлиқ ўtkаза оладиган, муайян табиий-иклим шароитида яратилган ҳайвонлар гурухи. З. факат инсон меҳнати — изчил олиб бориладиган наслчилик ишлари б-н яратилиди ва З.нинг тако-миллашиб боришида сунъий танлаш, турли табиий-иклим шароитлари, чор-ва маҳсулотларига бўлган эҳтиёжлар, ижтимоий-иқтисодий омиллар муҳим ўринда туради. З.лар яратилиш услугига караб ибтидоий (дастлабки), яъни жайдари (маҳаллий), оралиқ (ўткинчи) ва маданий (завод) З.ларига бўлинади. Ибтидоий З.лар энг қад. хисобланади. Тарқалиш ҳудудининг чекланлиги, табиий яшаш шароитига яхши мослашганлиги, жуссасининг кичикиклиги, фи-зиологик кеч етилувчанлиги, маҳсул-дорлигининг юкори бўлмаслиги бу З.ларга хос хусусиятdir. Оралиқ З.лар маҳаллий ва завод (маданий) З.лар оралиғидаги ҳайвонлар гурухи бўлиб,

улар ўзининг фойдали хўжалик ва муҳим белгиларини муким сақлаб кола олмаган ва жамиятда товар айир-бошлиш даври ривожланиши б-н маҳсулдорлик кўрсаткичларига қўйилган юкори талабларга жавоб бера олмаган. Завод З.лари интенсив усулда хўжалик юритиши, ҳайвонларни яхши ас-раб, парваришлар натижасида вужудга келтирилган, уларга мансуб ҳайвонлар йирик, тез етилувчан, сермаҳсул ва муайян максадларда фойдаланила-ди (мас, қорамолчиликда гўшт, сут йўналишидаги, йилқичиликда салт миниладиган, оғир юқ тортадиган З.лар).

Ҳоз. даврда жаҳонда к.х. ҳайвонларининг 3800 дан ортик З.лари, шу жум-ладан, қорамолларининг 400 дан ортик, кўйларнинг 250 га, отларнинг 150 га яқин, асаларининг 400 дан кўп ва паррандаларнинг юзлаб З.лари маълум.

Ўзбекистоннинг табиий иклим шароитида ҳалқ селекцияси йўли б-н қорамолнинг маҳаллий зебусимон, кўйларнинг қоракўл, жайдари, отларнинг қорабайир, парранда ва асаларининг маҳаллий З.лари яратилган бўлса, селекционер олимлар ва чорвадорларнинг кўп йиллик изланишлари натижасида Сирдарё вилоятида қорамолнинг бушуев зоти, Наманган вилоятида эчкининг майин жун берувчи З.и ва товукларнинг куланги (уришқоқ да-канг) З.и, ипак қуртининг сермаҳсул З.лари яратилди.

К.х. ҳайвонлари нусхаларини 3. деб тасдиқлаш учун маълум бир йўналиш бўйича шакллантирилган ҳайвонлар гурухи сон ва сифат кўрсаткичлари бўйича З. андозаси ҳамда тасдиқланаётган ҳайвонлар селекция ютуғининг янгиликлigi, фарқланиш, ўхшашлик ва барқарорлик мезонларига мос келиши керак.

Ҳар бир З. таркибида сифат томонидан ўзаро фарқланадиган турли гурухлари ва хиллари бўлади. З. ичida ўзаро фарқланадиган гурухларнинг бўлиши З.нинг биологик хусусиятлари, наел ва маҳсулдорлик сифатларини

такомил-лаштиришда катта имконият яратади. З. нинг таркибий тузилишини белги-ловчи хусусиятларидан бири, мас, қорамолчиликда буқалар тизими ва сигирлар оиласидир. Улар генеологик тизимларга, яъни қариндошлик гуруҳларга ажратилиди. Биргина қоракўл З. қўйларининг ичидаги ўнлаб хиллари ва юзлаб тизимлари мавжуд.

Мамлакатимиз чорвачилигига корамолларнинг бушуев, кора-ола, кизил чўл, швиц, санта гертруда, қозоқи оқбош, aberдин ангус З.лари, қўйларнинг қоракўл, ҳисори, жайдари, Ўзбе-қистон гўшт ва ярим дағал жун берувчи, отларнинг маҳаллий ва қорабайир З.лари, туяларнинг қозоқи, чўчқаларнинг йирик оқ чўчқа З., паррандаларнинг ўнлаб З.лари ва асаларининг ма-ҳаллий, карпат, итальян ва б. З.лари урчитилмокда, олимлар томонидан янги З. хиллари ва З.ларни та-комиллаштириш борасида илмий ишлар олиб борилмокца.

Ад.: Амирор А. Қ., Попова В. М., Авизов А. Г. Абдурашитов А. А., Чорвачилик, Т., 1980; Носиров У. Н., Қорамолчилик, Т., 2001.

Изатулла Эшматов.

ЗОТИЛЖАМ, пневмония — ўпка яллигланиши, ўпканинг инфекцион қасаллиги, мустакил қасаллик ёки бош-қа қасалликларнинг асорати қисобланади. З.ни турли бактериялар (пневмококк, стрептококк, стафилококклар) ва вируслар қўзгатади. Қасалликнинг юзага келиши ва ривожланишига одамнинг каттиқ совук қотиши, жисмоний ва руҳий ўта толикиши, организмнинг ички заҳарланиши — интоксикация ҳамда организмнинг қасалликка қарши қурашиби қобилиятини сусайтирувчи бошқа омиллар сабаб бўлади, на-тижада юқори нафас йўлларига мик-роблар ўткир ва сурункали, жойига караб чегараланган соҳалардаги ёки пневмония (ўпканинг бутун бир бўла-ги заарланади) ва ўчокли бронхопневмония фарқ қилинади.

Крупоз пневмонияни пневмо-коклар қўзгатади. Микроблардан ташқари

организмни қасалликка мойил килиб қўювчи баъзи омиллар (мас, шамоллаш) ҳам таъсир этгандагина З. пайдо бўлади. Шунинг учун крупоз пневмония қишида кўпроқ учрайди. Иччиликка муккасидан кетган қишилар (алкоголиклар) З.га кўпроқ мойил бўлади. Крупоз пневмония, одатда, тўсатдан бошланади: т-ра бирдан $39.5 - 40^{\circ}$ гача қўтарилади, бемор каттиқ қалтирайди, тез-тез йўталади, биқини, кўкраги оғрийди, нафас олганда, йўталганда ва акса урганида оғриқ (санчик) кучаяди. Сабаби шуки, ўпканинг яллигланган бўлагини қоплаган плевра ҳам яллигланган бўлиши мумкин. Бемор тез-тез, юза нафас олади (халлослайди), лунжи қизаради. Лаби, бурун катакларининг атрофига учук то-шади, ўткир юрак-томир етишмовчи-лиги кузатилади, беморнинг ақволи оғирлашади. Гўдакларда, айниқса, ним-жон, чала туғилган, рахит, анемия, гипотрофия б-н оғриган болаларда З. жуда оғир кечиши, агар ўз вақтида тиб-бий ёрдам кўрсатилмаса, кўпинча ноҳуш ҳолатларга сабаб бўлиши мумкин.

Сульфаниламид препаратлари ва антибиотиклар қашф этилгунча З. (айниқса болалар ва кексаларда) оғир ўтиб, кўпинча ўлимга олиб келар эди. Замонавий даволаш усуслари қўлланила бошлагач, қасаллик узоққа чўзилмай бемор тез тузалдиган бўлди. З.дан ўлиш деярли ҳамиша врачга кеч мурожаат қилишда ўз вақтида тўғри даволан-маслик оқибати хисобланади.

Давоси. Қасаллик зўриқиб кетган бўлса, бемор қасалхонада даволанади. Беморни тўғри парвариш қилишнинг, шунингдек, антибиотиклардан тўғри фойдаланишнинг аҳамияти катта. Салқин, тоза ҳаво уйқуни ва нафас олишни яхшилайди, шунинг учун бемор ётган хонани тез-тез шамоллатиб туриш мухим. Ичимлик (чой, мева суви), суюқ овқат (шурва, илитилган тухум, ширгрурч, сут, сариёғ, қатиқ, кефир, кисель ва х.к.) тез-тез бериб турилади. Бемор терлаганда қуруқ сочик, арак ёки тенг

баравар сув қўшилган одеколон б-н артилади. Ичи юришишига, сийдиги келишига қараб туриш зарур. Юрак-томир системаси яхши ишламаганда унинг фаолиятини кучайтирувчи дорилар бу-юрилади, кислороддан нафас олдирилади ва ҳ.к. Орқага горчичник кўйилади, юрак-томир фаолиятини яхшиловчи (мас, корглюкон, строфантин) ва балғам кўчирувчи дорилар тавсия этилади ва б. Ҳарсиллаш пайдо бўлса, беморнинг бошини баландроқ килиб ётқизиб кўйиш керак. Бемор ги-гиеник режимга риоя қилиши, очик ҳавода сайр этиши, даво гимнастикаси б-н шугулланиши лозим. Касалликнинг олдини олиш, асосан, организмнинг умумий ҳолатини яхшилашга (чини-қиши, бадан тарбия ва б.), ёмон одатлар (чекиш, спиртли ичимликлар ичиш)ни тарк этишга, инфекция манбаларини йўқотишга ва турмуш шароитини яхшилашга қаратилмоғи лозим.

Ад.: Шамсиев А. М., Острые деструктивные пневмонии у детей, Т., 1966; Убайдуллаев А. М., Гинзбург В. С., Клиникада ўпка функциясини текшириш, Т., 1991.

ЗОШЧЕНКО Михаил Михайлович [1895.29.7 (10.8), Петербург -1958.22.7, Ленинград] — рус ёзувчи-си, ҳожвчи, «Оға-ини Серапионовлар» адабий гурухининг аъзоси. 1921 й.дан вактли матбуотда кичик асарлар б-н муентазам катнаша бошлаган. «Назар Ильич, жаноб Синебрюховнинг ҳико-ялари» тўплами (1922) ва ундан кейин ёзган ҳикоялари З.ни машхур қилди. З. илк асарлари («Хурматли фукаролар», 1926; «Кимнинг устидан куляпсиз?», 1928)да янги иктисадий сиёсат (НЭП) давридаги мешчанлар устидан кулади. «Қора шахзода» (1936), «Қасос» (1937), «Тарас Шевченко» (1939) ва б. қиссалар муаллифи. З. асарлари ВКП (б) МК нинг «Звезда» ва «Ленинград» жу-р.лари тўғрисида» ги (1946) қарорида шўро воқелиигига тухмат сифатида аёвсиз танқидга учраган.

З. ҳикоялар тўплами ўзбек тилида Н. Аминов таржимасида нашр қилинган

(1992).

ЗОФ — к. Қарға, кузгун.

ЗОҒНУЛ (форс, зог — қарға ва нул — тумшук) — қад. уруш куроли. Ҳар хил металлдан ясалган; зўғатаси қарға бошига, учи қарға тумшугига ўхшаш, дастаси ёғочдан бўлган. Ҳиндистонда, айниқса, Бобирийлар хукмронлиги даврларида кўпроқ ишлатилган. Айрим маълумотларга қараганда З.дан дехқончиликда ҳам фойдаланилган. Баъзан уни чўкич деб ҳам юритишган.

ЗОФОЗА, қизилча, эфедра (*Ephedra*) — қизилчадошлар оиласига мансуб икки уйли буталар туркуми. 40 тури бўлиб, Ўрта денгиз мамлакатларида, Ҳиндистон, Хитой, Шим. ва Жан. Америкада, Россиянинг жан.-шарқий Европа қисмида ва Сибирда, Кавказ ва Ўрта Осиёда таркалган. Кўпинча куруқ чўл ва ярим чўл минтақаларда, куруқ тошлоқли тоғ ён бағирларида ўсади. З.нинг барглари майда, кипик-симон, тезда тўклиб кетади. Чангчи ва уруғчи куббалари поя бўғимларида жойлашган. З.нинг 10 га яқин тури Ўзбекистонда учрайди. З. таркибидаги эфедрин алкалоидидан тибиётда фой-даланилади. Эфедрин юрак ва кон томирлари фаолиятига адреналинга ўхшаш таъсир кўрсатади.

ЗОФОРА, зогора нон — маккажӯхори, окжӯхори, кўқонжӯхори, тарик, кўноқ унидан ёпиладиган нон. Эланган унга хамиртуруш б-н туз кўшиб, ошқовокнинг селида хамир корилади. Бунинг учун ошқовокни кириб, сели олиниади. Хамир кориб бўлингач, қовоқ турпи муштлаб едириб юборилади. Хамир ошгач, 200—250 г ли зувалалар ясалади, урвоқ учун бугдой уни ишлатилади. Ҳар бир зувала яссиланиб, нон ясалади (баъзан ўртасини кўрсаткич бармоқ б-н бир марта чекилади). З.ларнинг юзига дастурхон ёпиб, 10—15 мин. тиндиргач, қизиган тандирга ёпиб пиширилади. Ҳалқ табобатида қанд диабети, қон босими, жигар ва ўт пуфаги касалликларида парҳез сифатида тавсия этилади.

ЗОФОРА БАЛИК (*Cyprinus carpio*)

(сазан) — карпсимонлар оиласига мансуб тур. Уз. 50—60 см (баъзан 1 м гача), вазни 1,8—4,5 кг (баъзан 16 кг ва ундан ортиқроқ). Оғзи бошининг пастки томонида. Сузгич қанотлари қизгиш товланиб туради. Орка ва анал сузгичларида биттадан тишли сүяк нурлари, юқори лаби ва оғзи четларида бир жуфтдан мўйловлари бўлади. Ўрта, Қора, Азов, Каспий ва Орол дengizлари хамда Тинч океан ҳавзаларига қарашли даре ва кўлларда, шунингдек, Сирдарё, Амурдарё, Зарафшон ва Мурғоб дарёларида тарқалган. Ареал чегарасида Европа зогора балифи (C. c. carpio), орол зогора балифи (C. c. aralensis), амур-хитой зогора балифи (C. c. haematopterus) ва Вьетнам зогора балифи (C. c. viridiviolaceus) деб аталадиган 4 кенжадан турдан иборат. Жан. дengizларга куйиладиган дарёларда ярим ўткинчи гурухларни ҳосил қиласди; дengизнинг даре куйиладиган жойларида яшайди. Тухум қўйиш учун дарёга кўтарилади. 2—5 ёшида жинсий вояга етади. 98 мингдан 1,8 млн. гача увилдириқ ташлайди. Апр.—июль ойларида тухум қўяди. Елимсиз мон тухумлари ўсимликларга ёпишиб туради. Ёш балиқчалар, зоопланктон, вояга етган даврида бентосдати ўсимликлар ва ҳашаротлар личинкаси б-н озикланади. Гўшти ширин ва серёғлигидан кўплаб овланади, сув ҳавзаларида бокилади. Хонакилаштирилган 3. б. карп дейилади.

ЗОХИДЛИК, аскетизм — тарки дунёчилик, сакланиш. Худонинг марҳаматига мушарраф бўлиш учун тарки дунё қилиш зарурлиги ҳақидаги диний тасаввур. З. христианлиқда монахликда кўринса, исломда дарвишилик, чилла ўтириш, рўза тутиш, зикр тушиш қабиларда намоён бўлади. Тасаввуда З. Аллоҳнинг зикрига ҳалал берувчи барча нарсаларни тарк этиш демакдир. Бунда Аллоҳга ширк келтиришдан сакланиш ва ибодатда риёдан холи бўлиш; барча гунохлардан ва ҳаром нарсалардан сакланиш ва ниҳоят ортиқча дунёвий ашёларга меҳр кўймаслик назарда тутилади. Шариат ва тарикат одобларига бу хилда риоя этишни Баҳоуддин

Накшбанд, Аҳмад Яссавий, Хўжа Ахрор, Нажмиддин Кубро ва б. тарғиб этганлар.

ЗОХИДОВ Абдулла Зоҳидович (1910. 12. 7 — Тошкент — 1977.9.3) — гигиенист, Ўзбекистонда (1963) ва Коракал-поғис-тонда (1965) хизмат кўрсатган фан ва техника арбоби. Ўзбекистонда хизмат кўрсатган врач (1958). Тиббиёт ФА мухбир аъзоси (1971), тиббиёт фанлари д-ри (1967), проф. (1967). ТошТИ ни тугатган (1933). Ҳарбий врач (1939—47), ТошТИ коммунал гигиена кафедраси мудири (1949—59), айни вақтда Ўзбекистон Санитария ва гигиена илмий тадқиқот ин-ти директори (1950—67), 1967 й.дан ТошТИ умумий ва радиацион гигиена кафедраси мудири. Коммунал ва умумий гигиенанинг турли соҳаларига оид кўпгина илмий асарлар муаллифи.

ЗОХИДОВ Воҳид Йўлдошевич — (1914. 14. 12 — Тошкент — 1983. 19. 7) — адабиётшунос олим, файласуф, публицист. Ўзбекистон ФА акад. (1966), Ўзбекистонда хизмат кўрсатган фан арбоби (1964), фалсафа фанлари д-ри (1946), проф. (1949). Озарбайжон педагогика ин-тини тугатган (1933). Ўзбекистоннинг турли олий ўқув юртларида даре берган (1933—35; 1938—66), Ўзбекистон ФА илмий ходим, акад.-котиб (1943—48), Ўзбекистон ФА Шарқшунослик ин-ти директори ва бўлим мудири (1949—53), Тошкент давлат педагогика ин-ти проф. (1953—57), «Шарқсолдузи» жур. (1949), «Ўзбекистон маданияти» газ. бош муҳаррири (1959—62), Ўзбекистон ФА Тил ва адабиёт ин-тида бўлим мудири (1957—64), Ҳамза номидаги Санъатшунослик ин-ти директори (1964—67; 1970—83), Ўзбекистон Маданият вазири (1967—70). Илмий ишлари ўргаосиёлик мута-факкир ва шоир (Беруний, Навоий, Бобур, Оғаҳий, Фурқат ва б.)лар хамда қардош туркий ҳалқдар адабиёти вакиллари (Низомий, Абай ва б.) ижо-дига бағишиланган. Маданий мерос ва адабий ҳаётнинг муҳим масалаларига оид монографиялар («Узбек адабиёти тарихидан», 1961; «Донолар давраси», 1973; «Нафо-

сат ижодкори», 1980 ва б.), публицистик асарлар («Йнсон ва замон садоси», 1961; «Шарқни шарафлаб», 1973 ва б.) муаллифи. З.нинг илмий раҳбарлиги ва таҳрири остида «Узбек адабиёти» (5 жилд, 7 китоб) нашр этилган, «Навоий асарлари»ни ўзбек (15 жилд, 1961—68) ва рус тилларида (10 жилд, 1968—70) нашрға тайёрлашда қатнашган. Ҳамза номидаги Ўзбекистон Давлат мукофоти лауреати (1973). Тошкент кўчаларидан бирига З. номи қўйилган.

Ас: Танланган асарлар, [3 жилдли], Т., 1976-78.

Ад.: Мамажонов С, Воҳид Зоҳидов, Т., 1976.

ЗОҲИДОВ Иброҳимжон (1936.15.9, Олтинкўл тумани) — Ўзбекистон Республикаси халқ ўқитувчиси (1997). Фар-гона пед. ин-тининг ўзбек тили ва адабиёти ф-тини тутатган (1960). 1957 й.дан Андижон вилоятининг Олтинкўл тума-нидаги 6-ўрта мактабда ўзбек тили ва адабиёти ўқитувчиси. З. ҳар бир дарсни пухта тайёргарлик б-н кўргазмали куроллар ва техника воситаларидан кенг фойдаланган ҳолда ўтади. Ўқувчилар билимини баҳолашда биринчилар қаторида тест ва рейтинг усуулларини татбик этди. Унинг иш тажрибаси туман ўзбек тили ва адабиёти ўқитувчилари семинарида юқсак баҳоланиб, оммалаштиришга тавсия этилди.

ЗОҲИДОВ Пўлат Шоҳидович (1932.16.12, Тошкент) — Ўзбекистонда хизмат кўрсатган меъмор (1976). Меъморлик д-ри (1990), Тошкент политехника ин-тини тутатган (1956). Махсус илмий таъмиглаш устахонасида (1956—58; 1980—93) илмий ишлар бўйича директор ўринбосари, Тасвирий санъ-ат ва ёдгорликларни сақлаш бош бош-қармаси бошлиғи (1966—73; 1993—95), санъатшунослик ин-тида меъморлик бўлими[^] бошлиғи (1958-80 ва 1995 й.дан). Ўзбекистон меъморлиги тарихи, назарияси ва таъмири бўйича етакчи мутахассислардан. «Шуҳрат» медали б-н тақдирланган (1998).

Ас: Традиции народных зодчих Узбекистана, М., 1964; Самарқандская школа зодчих, Т., 1965; Узбек меъморчилиги усталари, Т., 1967; Меъмор санъати, Т., 1978; Меъмор одами, Т., 1996; Темур даврининг меъморий қаҳқашони, Т., 1996.

ЗОҲИДОВ Ромэн Абдуллаевич (1937— 17.12, Тошкент) — гелиотехник олим, Ўзбекистон ФА акад. (2000), техника фанлари д-ри (1984), проф. (1986). Москва энергетика ин-тини тутатган (1961). Шу ин-тда катта илмий ходим (1966—69), Ўзбекистон ФА Физика-техника ин-тида катта илмий ходим (1969—71), Илмий асбобсозлик лойи-ха- конструкторлик ва технология Мар-казий бюроси директори (1971 — 86), Энергетика ва автоматика ин-ти директори (1986 й.дан). Илмий ишлари, асосан, юкори т-рали гелиотехни-канинг долзарб масалалари-га, юкори потенциалли жамловчи тизимлар на-зариясини хисоблаш, лойиҳалаш ва яратиш технологияси ҳамда уларни ма-териалларни синашда, маҳсулотлар ва энергетик курилмаларда кўллашга ба-гишланган. З.нинг илмий ишларидан қуёш электр ст-ясиши (Крим), юкори т-рали иссиқлик физикаси комплекси-ни (Махачқала ш.), Куёш печини (Ереван), юкори т-рали стендларни («Квант» ИИЧБ) яратишида фойдаланилган.

Ас: Технология и испытания гомотехнических концентрирующих систем, Т., 1978. Нурли энергия концентрацияси-нинг кўзгули тизимлари, Т., 1986; Саноатда энерготежкамкорлик, Т., 1993.

ЗОҲИДОВ Теша Зоҳидович (1906.10.5, Кўкон — 1981.22.8, Тошкент) — Ўзбекистонда зоология фани ташкилотчиларидан бири, Ўзбекистон ФА акад. (1952), Ўзбекистонда хизмат кўрсатган фан ва техника арбоби (1947), биология фанлари д-ри (1948), проф. (1949). Урта Осиё ун-тини тутатган (1931). Шу ун-т ректори (1932, 1941, 1950-51). Ўзбекистон ФА Зоология ва паразитология ин-ти директори (1946-50), Ўзбекистон ФА президенти (1952— 56). Асосий ишлари умуртқали ҳайвонларни

ўрганишга, зоология фанини тарғибот килишга багишланган. Кизил-күм умуртқали ҳайвонларининг фау-нистик таркиби ва экологиясини ўрганганд. «Зоология энциклопедияси» (1—4-жиллар, Т., 1957—79) асари учун Беруний номидаги Ўзбекистон Давлат мукофоти лауреати унвонига сазовор бўлган (1971).

Ас: Зоология энциклопедияси (Кушлар, Т., 1957, Сут эмизувчилар, Т., 1960; Амфи-биялар ва рептилиялар, Т., 1969; Баликлар ва тубан хордалилар, Т., 1979); Биоценозы пустыни Кызылкум, Т., 1971.

ЗОХИДОВ Шер (1906 — Тошкент — 1971.16.8) — ҳужжатли кино оператори. Ўзбекистонда хизмат кўрсатган санъат арбоби (1967). «Узбекфильм»да (1928—33), Тошкент хроника студия-сида оператор ёрдамчиси (1934—35), 1936 й.дан оператор. Ўзбекистон ил-мий-оммабоп ва ҳужжатли фильмлар киностудиясида оператор (1946—69). Энг яхши фильмлари: «Тинчлик ва дўстлик учун», «Ценуроз ва эхинокок-козга қарши курашинг», «Тошкент кўчаларида» ва б.

ЗОХИДОВ Ҳаким Зоҳидович (1912. 18. 9 — Тошкент — 1978.7.10) — анатом, Ўзбекистонда хизмат кўрсатган фан арбоби (1973), тиббиёт фанлари д-ри (1959), проф. (1961), СамТИ ни тугатган (1935). СамТИ (1942—45), ТошТИ (1945—47) ректори, Ўзбекистон Соғ-лиқни сақлаш вазири (1947—51). ТошТИ анатомия кафедраси мудири (1956—61), проф. 1972 й.дан Урга Осиё Тиббиёт педиатрия интида нормал анатомия кафедраси мудири. Марказий нерв системасининг айрим соҳалари-ни, одамнинг ёшига хос тузилишини ўрганганд. Лотинча-ўзбекча-русча нормал анатомия лугати (Т., 1964; А.А. Аскаров б-н биргаликда); Русча-ўзбекчалотинча нормал анатомия лугатини (Т., 1971; А. А. Аскаров б-н биргаликда) тузган. Газ. ва жур.ларда очерк, хикоя, фельетон, шеърлари б-н қатнашган.

ЗОХИДОВА Лутфи (1925.6.11, Кони-бодом) — 1-тоҷик балеринаси. 1941 й.дан С. Айний номидаги опера ва балет

театрида. Энг яхши партиялари: Мария («Боқчасарой фавораси»), Лайли («Лайли ва Мажнун»), Золушка («Золушка») ва б. Шунингдек, тоҷик ва б. ҳалқлар рақсларининг ҳам моҳир ижроҳиси сифатида танилган.

ЗОХИДОН — Эроннинг жан-шарқидаги шаҳар. Сейистон ва Балужистон останининг маъмурий маркази. Аҳоли-си кариб 420 минг киши (1997). Т. й. орқали Покистоннинг т. й. тармокларига туташган. Здан Машҳад ва Кер-мон ш.лари орқали Техронга ва Хўр-муз кўлтиғидаги Бандар-Аббос портига автомобиль йўли ўтган. Аэропорт бор. Тўқимачилик, озиқ-овқат саноати кор-хоналари мавжуд. Бодом ва қуритилган мевалар б-н савдо қилинади. Ўсимлик мойи ишлаб чиқарилади. Гилам тўқилади.

ЗОХИР (Зойир) Аҳмад (1947.6.4, Афғонистон, Лагмон вилояти — 1980.6.4, Кобул) — афғон хонандаси, бастакор ва шоир, афғон мусикий эстрадаси асосчиларидан. Ижодий фаолияти асо-сан Афғонистон давлат радиоси б-н боғлиқ бўлган (1961—80). Мусиқа услубида Шарқ (айниқса, Ҳиндистон) ва Европа эстрада мусиқа йўналишлари ўзига хос тарзда уйғунлашиб кетган. Шу жумладан, З. ўзининг ансамбли таркибида ҳинд анъанавий созларидан сетор, танпурা, саруд, tabla, Европа созларидан труба, гитара ва электрон клавиши чолғуларни моҳирона қўллаган. Бастакор сифатида 100 дан ортиқ кўшик яратган. З.нинг дилрабо асарлари ўзбек санъаткорлари ижодига ҳам катта таъсир этган. Х. Лутфуллаев, Б. Ҳамдамов, Ш. Жўраев, Н. Абдуллаева, Ҳ. Исроилова, С. Қозисева, М. Сатторова, У. Отажонов ва б. З. кўшиклари («Лайли, Лайли, Лайлижон», «Кажа-ке», «Боз омади», «Мара, мара, май бидех», «Ёракиман», «Гули сангам» ва б.)ни ўзига хос услубда ижро этганлар.

ЗОХИР Кўчкор ўғли (1920, Бухоро вилояти) — ўзбек баҳшиси. Достон ва термалар куйлашни боболари Раҳмон ва Кувват баҳши (19—20-а.) лардан

ўрганган. Ислом шоирнинт шогирди. «Эрназархон», «Нурали», «Гўрўғли» туркум достонлари, «Тилло қиз» ва б. достонларни маҳорат б-н куйлаган. Ундан «Гўрўғлининг туғилиши», «Ҳасанхон», «Авазнинг Юлдузкўз парига бориши», «Ойтўра билан Маствура», «Кунларим» каби 20 дан ортиқ достон ва кўпгина термалар ёзиб олинган. Ўзбекистон ФА Кўллэзмалар ин-ти чиқарган «Ўзбек халқ достонлари катологи» (1986)да З.нинг 21 достони (ва-риантлари б-н) тавсифи бор.

Ас: Ҳасанхон [нашрга тайёрловчи М. Мир-заева]. Т., 1969.

ЗОҲИРИЙЛАР (араб, зоҳир — ташки, ошкор) — Довуд ибн Али ал-Исафахоний аз-Зоҳирий (883 й.в.э.) асос соглан ислом хукукий мактаби (мазҳаби) издошлари. Довуд ибн Али хукукий амалиётда Қуръон ва суннани айнан тушуниш ва талқин қилишнигина тан олган биринчи фақиҳ эди. Унинг та-рафдорлари Қуръон матнидаги яширин (ботиний) маънени рад этиб, уни ма-жоз.ий талқин этиб бўлмайди, деб хисоблаганлар. З. хукуқ услуби масалаларида мантиқий усуллар (раъй, истих-сон ва б.)дан фойдаланишга кескин қарши эдилар. Кейинчалик, киёс ва ижмони жуда чекланган даражада кўллашга рози бўлгандар. З. мазҳаби 10—13-а.ларда мусулмонлар оламида кенг тарқалди. Ирокда З. ўз мазҳабларини ўрганишини ташкил қилдилар ва бу таълимотни Ироқдан ташкарида ҳам фаол тарғиб қилдилар. З. 15-а.дан аста йўқ бўла бошлади.

ЗОҲИРШОХ Мухаммад (191* 15.10. Кобул) — Афғонистон шохи (1933.8.11—1973.24.8). Мухаммад Нодиршоҳнинг ўғли. Францияда таҳсил олган (1924—30). Афғонистонга қайтган ва ҳарбий офицерлар билим юртини тутатган (1931). 1932—33 й.ларда миллий мудо-фаа вазири ўринбосари, 1933 й.да ма-ориф вазири вазифасини бажарувчи. 1933 й. 8 ноябрда отасининг ўлимидан кейин таҳтга ўтирган. Шоҳлик даврида мамлакат мустақиллигини мустаҳкам-лаш ва бетарафлик сиёсатини олиб борган, ҳарбий

блокларга қўшилмаслика харакат килган. Миллий икти-сад, маданият ва маорифнинг ривож-ланишига кўп хисса қўшган. З. хорижда даволанаётганда жиояни Мухаммад Довуд ҳокимиятни кўлга олди ва унга тазик кўрсатди. 1973 й. 17 июлда монархия тутатилиб, Афғонистон республика деб эълон қилингач, 24 авг. да таҳтдан воз кечган. Оиласи б-н Рим яқинидаги шахарчада яшаган. Мамлакатда толиблар хукмронлиги барҳам топгач, Ҳамид Карзай бошчилигидаги Афғонистон мувакқат хукумати таклифига кўра Афғонистонга қайтиб келган (2002 й. 18 апр.).

ЗУБАЙДА (762—831) — Ҳорун ар-Рашидининг хотини, амакисининг кизи, аббосийлар халифаси Амин (? — 813) нинг онаси. У ҳалқпарвар, камбагалпарвар, хайру эҳсон борасида беҳад қўли очик бўлиб, ўз маблағига кўплаб шаҳар, қалъя, работ, масжид, Мадраса, кўпприк, йўл, ариқ, кудук, ховуз, сардоба, кориз курдирган, гозийлар учун қурол-аслаҳа ва отлар ҳарид қилган, еру мулклар сотиб олиб, уларни қалъаларга вакф этган. Чунончи, З. Қуфадан Макка ва Мадинагача бўлган йўлларда қудулар ва Макка ахлини оқар сув б-н таъминлаш учун уз. 16 км келадиган бир ариқ қаздирган. Маккаликлар ҳанузгача мазкур ариқни «Айну Зубайдада» («Зубайдада ҷашмаси») деб атайди. Шош каналини (Тошкентдаги Бўйсув) тикилашга 2 млн. дирҳам аж-ратган. Низомулмумснинг «Сиёсатнома» асарида айтилишича, Эрондаги Кошон ва Табриз, Қашқар ва Балур чегарасидаги Бадаҳшон, Исфижобдаги Ҳусан ш.ларини ҳамда Эрондаги Жилон, Хоразмдаги Афрофа ва б. кўпгина қалъаларни З. курдирган. Ад.: Низомулмулк, Сиёсатнома, Т., 1997.

ЗУБИЛО (рус.) — металларни йўниш, кесиб тушириш, ариқчалар очиш ва б. учун мўлжалланган пона шаклидаги металл кесиши асбоби. Ишлов бериладиган металлнинг юмшоқ-қаттиклигига қараб З. тифининг бурчаги ҳам ўзгариб боради. Темирчилик (совуқ металлар

га ишлов беришда) З.си, зарб бериш ме-ханизми пневматик (ҳаво ёрдамида) харакатлантириладиган механик З. ҳам бор.

ЗУБР (*Bison bonasus*) — кувушохлиларга мансуб сут эмизувчи ҳайвон. Танасининг уз. 3,5 м гача, бўйининг ягринидан баландлиги 1,9 м гача, вазни 900 кг гача. Танаси йўғон, боши катта, кўзи косасидан чиқкан, елкасида қалин, жингалак ёли бор. Мўйнаси корамтири. Иягода соқоли, бошида кокили, бўйнида шокиласи, думининг учида бир тутам попуги бор. Жуни қалин, танасининг олдинги қисмida узун, кейинги қисмida калта. 2 кенжада тури: текислик зубри (*B. b. bonasus*) ва Кавказ зубри (*B. b. Caucasus*) тарқалган. Қадимда З. Европа ўрмонлари, Кавказ ва Россиянинг Европа қисмida тарқалган. Авг.—сент. да урчиди. Подасида 1 эркаги ва 2—6 ургочиси бўлади. Бўғозлик даври 9 ой. Битта бола туғади, бир йилгача эмизади. 2—3 ёшда жинсий етилади. З. 30—40 йил яшайди. 20-а.нинг 20-й.ларига келиб дунё бўйи-ча ҳаммаси бўлиб 48 та 3. кўрикхоналарда сакланиб қолган. Мухофаза чоралари кўрилиши туфайли сони хозир бирмунча кўпайган (к. Белая Везия пушчаси).

ЗУБТУРУМ (*Plantago*) — зубтурум дошлар оиласига мансуб 1—2 ва кўп йиллик ўтлар туркуми. 260 тача тури маълум. Ўзбекистонда 6 тури учрайди. 4 туридан доривор ўсимлик сифатида фойдаланилади. Барглари илдиз бўғзида тўп бўлиб жойлашган, бандли, кенг тухумсимон ёки кенг эллипссимон, наштарсимон ва тасмасимон. Гуллари поя ва шохлари учида оддий бошқ ҳосил қиласи. Ме-васи икки ёки кўп уругли. Барги ва уруғи таркибида С ва К витамин, каротин, шилимшиқ ошловчи ва б. мод-далар бор. Баргидан тайёрланган дамлама меъда-ичак касалликларини, яраларни даволашда, ургининг шилимшиқ эритмаси эса кучсиз сурғи сифатида ишлатилади.

ЗУБТУРУМДОШЛАР (*Plantaginaceae*) — икки уруғпаллали ёки

магно-лиясимонлар синфида мансуб кўп йиллик ва бир йиллик ўсимликлар оиласи. 260 турни ўз ичига олган З туркумдан иборат. Оиладаги энг катта туркум зубтурум (*Plantago*) мўътадил иқ-лимли минтақаларда ўсади. Бир неча турдан ташкил топган литорелла (*Litorella*) туркуми фақат Европа, Азор ороллари ва Жан. Америкада учрайди. Битта турдан иборат боугуерия (*Bougueria*) туркуми эса Жан. Америка учун эндемик ҳисобланади. Ўзбекистонда З.нинг 6 тури ўсади. Уларнинг гуллари майда, рангсиз, гулдор поя учи-даги бошоқсимон тўпгулга жойлашган. Гул бўлаклари тўртта (косабарги тўртта, тожбарги тўртта, чангчиси тўртта, уругчиси иккита), тожбарлари рангсиз юпқа пардачадан иборат. меваси қопқокчали кўсакча, чорва моллари учун озиклик қиймати кам, баъзи турлари доривор ҳисобланади.

ЗУГДИДИ — Грузиядаги шаҳар (1918 й. дан). Колхидада пасттекислигига. Т. й. станцияси. Аҳолиси 50,6 минг киши (1990-й. лар ўрталари). Целлюоза-қоғоз к-ти, чинни-фаянс з-ди, ипакчилик ф-каси, озиқ-овқат саноати корхоналари, драма театри, тарих-этнография музейи бор.

ЗУДМУРОД МАСЖИДИ — Самарканндаги меъморий ёдгорлик (19-а.). Хўјжа Зудмурод қабристонида, З томони айвонли хонақоҳ ва минорадан иборат. Учала томоннинг ҳар бирида 2 тадан эшик бор. Ана шу 6 эшикдан ай-вонлар орқали хонақоҳга кирилади. Хонақоҳ 4 (ёғоч) устунли. Фарбий девор ўртасида меҳроб бор. Айвоннинг шарқ ва жан. қисмida устунлар бир қаторли, шим. да икки қаторли килиб жойлашган. Уларнинг турли даврларда курилганлиги безагида ҳам кўзга ташланади. Шим. айвонда Хушкомилбой маблагига курилгани (1896) ҳақида маълумот сақланган. З. м. қурилишида усталардан: нажжор (Мухтор ва Абдурауф), наққош (Махмуд, Наим, Шариф), гилкор (Саъдулла ва Камол) лар қатнашган.

ЗУЕВ Владимир Ильич (1930.27.7,

РФ Оренбург вилояти) — сабзавотшунос олим, Ўзбекистонда хизмат кўрсатган фан арбоби (1990), к. х. фанлари д-ри (1971), проф. (1972), РФ Аграр таълим академияси акад. (1995). Тошкент қишлоқ хўжалиги ин-тини тутатган (1955). Тошкент қишлоқ хўжалиги ин-тида сабзавотчилик кафедраси ассистенти, доцент (1955—69), ўкув ишлари бўйича (1969—76) ва илмий ишлар бўйича проректор (1980—86), сабзавотчилик кафедраси мудири (1977—1992). 1992 й. дан Тошкент аграр ун-ти сабзавотчилик кафедрасида проф. Илмий ишлари Ўзбекистонда сабзавот-полиз ва картошка етишириш, сабзавот ва полиз экинлари селекцияси ва уруучилиги масалаларига бағишиланган. Олий ўкув юрглари учун сабзавотчилик бўйича дарслерлар яратган. Республикада р-н-лаштирилган 1 тарвуз, 1 ковун, 4 бод-ринг навини (2 таси иссикхоналарда етиширишга мўлжалланган) яратган. Ас: Шўр ерларда сабзавот ва картошка етишириш, Т., 1961; Овошеводство, Т., 1980.

ЗУЛАЙХО — Шарқ халқлари оғзаки ва ёзма адабиётида кенг таркалган афсонавий қаҳрамон. Фирдавсий (10-а.), Али (13-а.) гурбек (14-а.) ва б. шоирларнинг машҳур афсона, ривоятлар ва мукаддас китоблар (Таврот, Куръон) таъсирида яратилган «Юсуф ва Зулайҳо» достонларида оли-жаноб образ сифатида гавдаланади. Бу ишқий-саргузашт характеридаги асарларда З. ислом дини заминида талқин этилади. Қизнинг хар бир хаттиҳара-кати, нутки, кишилар б-н муносабатида одоб-ахлоқнинг юксак намуналари ўз ифодасини топган. З. матонатли, катъияти, кучли иродали аёлларнинг умумлашма образи, чин севги-садоқатнинг ёркин тимсоли сифатида куйланиб келинган.

ЗУЛКИФЛ — Куръонда номи зикр этилган пайғамбарлардан бири. Асл исми Бишр. Айюб (ас) нинг ўғли. Кайси қавмга пайғамбар этиб юборилгани ҳакида Куръонда аниқ оят йўқ. Лекин баъзи ривоятларда руммилклар иймон кел-

тириб унга эргашганликлари накл этилади. Бу қавм З. дан узокумр куришни Аллоҳдан сўрашни илтимос килган, Парвардигор З.нинг дуосини кабул этиб, улар «ўзлари хоҳламагунча ўлмаслар, бунга сен ҳам кафил бўлгин» деган ваҳий келади. Бишр ўз қавмига бу башоратни етказди. Илоҳий ваҳийга ўзи кафил бўлди. Шу сабабли уни Зулкифл (кафолат соҳиби) деб атай бошлаганлар. Ироқда ал-Хилла яқинида одамлар З. нинг қабри деб хисоблайдиган зиёратгоҳ бор. Бошқа жойларда ҳам З. мақба-раси мавжудлиги, жумладан у Термиз яқинида дағн этилганлиги ҳакида ривоят киладилар (қ. Зулкифл мақбарамаси).

ЗУЛКИФЛ МАҚБАРАСИ — Термиз яқинидаги меъморий ёдгорлик (11 — 12-а. лар). Ривоят қилинишича, бу ерга пайғамбар Зулкифл дағн этилган. Тарихий манбаларда аббосийларнинг атоқли лашкарбошларидан Исҳоқ ибн Кунажа (992/3 й. ларда вафот этган) ҳам шу ерда дағн этилгани қайд қилинган. Амударёдаги Пайғамбар о. нинг жан. қисмida жойлашган масжид, гўрхона ва уларга туташ 2 хонадан иборат. Би-нолар турли даврларда бунёд этилган. Масжид мурабба тарҳли (6,95x6,95), гумбазли, олди пештоқли. Мехробига ганчкори гири нақш ишланган. Гўрхона (6x4 м) масжид сатҳидан 1 м ча баланд қилиб қурилган, унда сағана сақланган. Гўрхонанинг икки эшиги орқали туташ қурилган икки хонага ўтилади. Хоналар деворига гиштлар мавжли шаклда терилган.

Ад.: Термиз — Буюк йўллар чорраҳасидаги кўхна ва янги шаҳар, Т., 2001.

ЗУЛЛИСОНАЙНЛИК (араб.) - қ. Икки тиллилик.

ЗУЛУ (зулуслар; ўзларини амазулу деб аташади) — халқ. Жан. Африка Республикаси (ЖАР) да, шунингдек, Лесото, Мозамбик ва Свазилендда яшайдилар. Умумий сони 8,3 млн. киши, шундан ЖАР да 7,9 млн. киши (1990-й. лар ўрталари). Зулу тилида сўзлашадилар. Анъанавий диний эътиқодларга риоя

қилишади, шунингдек, турли табиат кучлари, нарсаларга топинувчилар ҳам учрайди.

ЗУЛУК СОЛИШ — даволаш чораларидан бири. Айниқса Шарқ табобатида кенг кўлланилган. Жағли зулукларцо тибиёт зулуғи солинади. У чучук сув хавзаларида яшайди, шунингдек, лабда урчитилади. Тибиёт зулугининг бўйи 8—12 см, вазни 2 г, яшил рангли, орқасида узунасига кетган зар-ғалдоқ йўллари, оғзида тишчали учта жаги ва сўлак безлари бор. Зулук терини тишлари б-н тешиб, сўлак безларидан гирудин деган модда чиқаради, бу модда коннинг ивишига тўскинлик киласди. Оч зулук 30—60 мин. да 10—15 мл кон сўра олади. Ҳар бир зулук озгина кон сўради, шунинг учун зулук кон сўриб тушгандан кейин жароҳат пича қонаб тургани маъкуя. Сўнфа жа-роҳат ва унинг атрофига стерил материал ёпилади. Гипертония касаллигининг баъзи шакллари, тромбофлебит, миокард инфаркта, стенокардия, неврит, радикулит, чипқон чиқканда ва б. касалликларда врач зулук солишини буюради. Зулук чаккага (яхиси қулоқ супрасининг орқасига), бўйиннинг энса остидаги қисмига, юрак ва жигар устидаги терига ва б. аъзоларга солинади.

ЗУЛУКЛАР (*Hirudinea*) — ҳалқали чу-валчанглар типининг синфи. Танасининг уз. бир неча см дан 15 см гача, баъзан ундан ҳам узунроқ. Танаси орка ва корин томондан яссилашган, баъзан цилиндрический, 33 та ташки ҳал-қадан иборат. З. танасининг ташки ҳал-қалари сони ички ҳалқалари сонига тенг бўлмайди, одатда, ҳар бир ички ҳалқага 3—5 та ташки (иккиласмичи) ҳалқа тўғри келади. 400 га яқин тури чучук сув хавзалари ва денгизларда тар-қалган. Кўпчилик З. нинг 2 сўргичи бўлиб, улардан бири танасининг ол-динги, иккинчиси кейинги қисмida жойлашган. Оғиз тешиги сўргич ёки Хартум б-н ўралган. З. йиртқич (хартумли З.) ёки паразит (жағли З.) хаёт ке-чиради. Йиртқич З. майда умуртқасиз ҳайвонлар б-н озикланади, паразит З.

турли умуртқали ҳайвонлар ва одам қонини сўради. Жағли З. ичагининг ён томонидаги жуда кенг халталарига қўп кон сўриб олади. З. сўлаги таркибидаги гирудин қонни ивитмайди. З. териси орқали нафас олади. Айириш система-си — метанефрийлар. Жағли З. нинг кон айланиш системаси кон томирлари девори эпителийси бўлмаслиги б-н бошқа ҳалқали чувалчанглардан фарқ қиласди, кон томири тана бўшлиғи қол-дигидан ҳосил бўлади. З. гермафрорит, уруғланган тухумларини пилла ичига қўяди. Личинкаси пилла ичига ўзга-ришсиз ривожланади. 2 кенжা синф: қад. (*Archihirudinea*) ва ҳакиқий З. (*Euhiru-dinea*) га бўлинади. Ҳакиқий З. хартумли (*Rhynchobdellida*) ва жағли З. (*Gna-tobdellida*) туркumlariга бўлинади. Тибиёт З. (*Hiruda medicinalis*) дан тромб ҳосил бўлиши б-н боғлик кон томирлари касалликлари (гипертония, склерознинг бошлангич даврлари, инсульт ва б.) ни даволашда фойдаланилади. Тибиёт З. маҳсус з-ларда кўпайтирилади. Айрим З. баликларга жиддий зарар етказади. Ўрта Осиё сув хавзалирида чифанокли З. (*Glossiphonia complanata*), соҳта от З. (*Naemopis sanguisida*), туркистон З. и (*Limnatus turkistanica*) учрайди. Цейлон ва Зонд архипелаги тропик ўрмонларида куруклиқда яшов-чи З. (*Naemodipsaceylomca*) одам ва сут эмизувчилар қонини сўради.

Ад.: Мавлонов О., Хуррамов Ш., Умуртқасизлар зоологияси, Т., 1995.

ЗУЛФ — 1) аёлларнинг икки чаккасидан тушириб қўйилган соч тутами, жамалаги; 2) аёлларнинг зийнат буюми; гажак каби чаккага тақилади. Тилла ёки тилла суви югуртирилган кумуш пластинкадан ясалган тақинчоқ. Уз. 8—9 см, нақшланган найчадан иборат бўлиб, икки учига қуббача, пластинка кирғогига шокила (симларга ўтказилган марварид) лар ўрнатилади. Қизлар, келинчаклар икки чаккадаги бир тутам соchlарини (баъзан киркиб) З. дан ўтказиб, илмоғидан соchlарига осиб қўядилар.

ЗУЛФИ ТИЛЛА, зулфизар (тилла

соҳ тутами, жингаласи) — зийнат буюми, аёллар сочига тақиладиган безак. Марказий турунж шаклидаги тўғноғич ва ундан ён томонларига қора ипак идан чикарилган икки қатор шокиладан иборат. Тўғноғич кисми юпқа кумуш япроқчаларидан иборат бўлиб, гажаксимон учли шакл ва тана қисмдан иборат, юзаси босма накш, кесма чизиклар (бъязан ўсимликсимон нақшлар) б-н безатилган, йирик рангли шиша кўзлар ўрнатилган, куйи қисмига шокилалар осилган. Икки қатор ипак шокиласига кўплаб куббачали (қўнғироқча шаклида) попуклар биритирилган, унинг учи банд («баҳт банди») б-н якунланган. Юрганда ва ҳаракатланганда улар товуш чикариб жаранглаган.

ЗУЛФИН — занжирили илмоқ; дарваза, эшик, сандик кабиларда кулф осиш учун мўлжалланган ҳалқасимон мосла-ма. Темир ва мисдан каллакли ва думли қилиб ишланади. Думи кесакига қоқилади. Эшик, дарваза, сандиқни кулфлашда З. каллагига занжир илиниб, устидан кулф урилади.

ЗУЛФИЯ (тахаллуси; тўлиқ исм-шарифи Зулфия Истроилова) (1915.1.3—Тошкент — 1996.1.8) — шоира, журналист, таржимон, жамоат арбоби. Ўзбекистон ҳалқ шоираси (1965). Мехнат Қаҳрамони (1984). Шоир Ҳамид Олимжоннит рафиқаси. Хотин-қизлар пед. билим юртини тутгатгач (1931—34), Ўзбекистон Фанлар қўмитаси қошидаги Тил ва адабиёт инти аспирантурасига ўқишига кирган (1935). Сўнг Ёшлилар ва ўсмирлар адабиёти нашриётида мухаррир (1938—40), Ўзбекистон давлат нашриётида бўлим мудири (1941—50), «Ўзбекистон хотин-қизлари» (к. «Саодат») журда бўлим мудири (1950—53), бош мухаррир (1954—85) бўлиб ишланган.

З. нинг илк шеъри 1931 й. да «Ишчи» газ. да босилган. Дастреб 1932 й. «Ҳаёт ва рақалари» шеърлар тўплами нашр этилган. Шундан кейин унинг «Темирий» (1934), «Шеърлар», «Кизлар

қўшиғи» (1939) шеърий китоблари эълон қилинган. З. шеърий ижодининг нурланиши «Уни Фарҳод дер эдилар» (1943), «Хижрон кунларида» (1944) ва «Хулкар» (1947) тўпламлари б-н boglik. Айниска, X. Олимжоннинг бевакт вафотидан кейин (1944) ёзилган, ру-хий силсилаар ва қалб изтироблари б-н тўла шеърлар З. ижодида жиддий ўзгаришлар содир бўлганидан дарак берди. З. шахсий фожиаси тасвири орқали 2-жаҳон урушидан катта талафот ва йўқотишлар б-н чиқсан ҳалқнинг дард ва аламларини ифодалади.

40-й. лар охирида эълон қилинган Совет давлатининг санъат ва адабиёт тўғрисидаги қарорлари ўзбек адабиётiga ҳам катта зарар келтириди. З. бад-бин кайфиятлар — пессимистик кечин-малар куйчиси сифатида таъна тошлари остида қолди. Шундан кейин у, бош-қа қаламкаш биродарлари сингари, «давр гоялари» ни ифодаловчи шеърлар ёзишига ўтди. Лекин кўп ўтмай, ўзбек аёллари ҳаётини яхши билувчи шоира ва журналист сифатида дугоналари ҳақида шеър ва публицистик ма-қолалар ёзди, уларни ижтимоий фаолликка чакирди, инсоний ҳақ-хукукларининг поймол бўлмаслиги учун курашди.

50-й.ларнинг 2-ярмида З. Осиёва Африка ёзувчиларининг тинчлик ва ҳалқаро бирдамлик шиори остида ўтган ҳаракатида фаол қатнашиб, жаҳоннинг кўпгина мамлакатларида бўлди. Ҳиндистон, Миср, Япония ва қўшни республикаларга қылган сафари шоира ижодида чукур из қолдириди. «Мушонира», «Ўғлим, сира бўлмайди уруш», «Қозогистон ўланлари», «Мен чизолмаган сурат» сингари шеърлари З. га шуҳрат келтириди. З. шеърларида тасвир этилаётган ҳаёт кўлами кенгай-иб, унинг ижодига хорижий ҳалқлар ҳаёти манзаралари ҳам кириб келди. 70-й. лардан бошлаб З. ижодидаги мил-лий ҳаёт тасвирида янги ранглар ка-малаги пайдо бўлди, ҳаққонийлик ва хис-хаяжон кучайди. «Ўйлар» (1965) шеърий гулдастаси б-н бошланган во-қеликни фалсафий

идрок этиш тамойили «Висол» (1972), «Йиллар, йиллар...» (1975) шеърий китобларида да-вом этиб, З. ижодида чинакам бадий юксалиш даври бошланганини намой-иш этди. У яна достон жанрига қай-тиб, устоз Ойбекнинг сўнгги сафарига бағишиланган «Қуёшли қалам» (1970) достонини яратди. Айни пайтда шоира болаларга бағишиланган тур-кум шеърлар хам ёзди («Лолақизғал-док», 1975).

З. ҳаётининг муҳим бир қисмини Ҳамид Олимжоннинг адабий меросини ўрганиш ва нашр этиш ишига бағишилади. Ана шу жараённинг узвий қисми сифатида у шоирнинг «Семурғ ёки Паризод ва Бунёд» достони асосида қўғирчоқ театри учун «Семурғ» пьесаси (С. Сомова б-н ҳамкорликда) хамда «Зайнаб ва Омон» операси либ-реттосини ёзди.

А. С. Пушкин, М. Ю. Лермонтов. Н. А. Некрасов, М. Вокиф, Л. Украинка, М. Дилбозий, С. Капутикян, Э. Огненцвет, Мустай Карим, Амрита Притам, Е. Багряна ва б. нинг асарларини ўзбек тилига таржима қилган.

З. асарлари кўплаб чет тилларда, шунингдек, қардош туркӣ халқлар тилларида нашр этилган. З. халқаро Жаваҳарлал Неру (1968), «Нилуфар» (1971) мукофотлари хамда Ҳамза номидаги Ўзбекистон Давлат мукофоти (1970)

лауреати. Шунингдек, у Болгариянинг «Кирилл ва Мефодий» (1972) орденига сазовор бўлган.

Ўзбекистон ҳукумати атоқли шоирнинг маданиятимиз тараққиётидаги катта хизматларини эътиборга олиб, Зулфия номидаги Давлат мукофотинц таъсис этди. Тошкентдаги кўчалардан бирига З. номи берилган.

Ас: Танланган асарлар [З жилдли], Т., 1985.

Ад.: Султонова М., Ижод сахифалари, Т., 1975; Зулфия [библиография], Т., 1977; Султонова М., Зулфия, Т., 1985; Иброхимов М., Қуёшли шеърият ижодкори, Т., 1986; Эҳтиром [нашрға тайёрлов-чилар: Раҳима Шомансурова, Раъно

Раҳмо-нова], Т., 1995.

Наим Каримов.

ЗУЛФИЯ НОМИДАГИ ДАВЛАТ МУКОФОТИ — Ўзбекистон Республикасининг Давлат мукофотларидан бири. Ўзбекистон Республикаси Президентининг «Зулфия номидаги Давлат мукофотини таъсис этиш бўйича таклифларни кўллаб-куватлаш тўғрисида» 1999 й. 10 июндаги фармонига биноан таъсис қилинган. Мактаб, лицей, коллеж ва олий ўқув юртларида аъло хулки, зук-колиги, донолиги, ташаббускорлиги, ўқишидаги муваффақиятлари б-н алоҳида истеъодини намоён қилиб таълим ола-ётган, истиқлол ғояларини амалга ошириш йўлида астойдил меҳнат қилаётган 25 ёшгача бўлган иқтидорли қизларга адабиёт, маданият, санъат, фан, таълим соҳаларидаги алоҳида ютуклари учун берилади. Мукофот Қорақалпоғи-стон Республикаси, вилоятлар ва Тошкент ш.нинг биттадан вакилларига жами 14 та берилади. Мукофотнинг ҳар бири энг кам ойлик иш ҳақининг 50 баравари миқдорида тайинланган. З. н. Д. м. соҳибалари бўлган мактаб, лицей, коллеж ўқувчилари танлаган йўналишлари бўйича олий ўқув юртларига имтиҳонсиз қабул қилинади, уларга кўкрак нишони ва дипломи топширилади. Мукофот Ўзбекистон Республикаси Хотин-қизлар қўмитасининг раиси раҳбарлик қиласидаги комиссия хуносалари асосида Вазирлар Маҳкамаси карори б-н ҳар йили 8 март — Хотин-қизлар куни байрами арафасида берилади.

ЗУЛФИҚОР (араб. — тешиб ўтувчи, ўткир) — Мухаммад (ас) нинг икки учли қиличи. Бадр жангидаги кўлга ту-ширған. Арабистонда машҳур қилич бўлган. У Мухаммад (ас) дан олдин маккаларик Мунабиҳ ибн Ҳажжожга тегишили эди. Мухаммад (ас) вафотидан кейин ҳазрат Алига, сўнгра эса халифаларга ўтган. Ислом анъанасида З. сеҳрли деб хисобланади. Хусусан уузайиши ёки кисқариши мумкин эди.

ЗУЛФИҚОР, Зулфикор йўлаги —

Херируд (Тажан) дарёси водийсидағи дара, Эрон төглигининг шим. тармокларида. Паропамиз тоғлари б-н Туркманистан-Хурросон тоғлари орасыда. Уз. 14 км чамасида. З. Туркманистаннинг жан. қисмлари б-н Эрон ва Афғонистоннинг чегарага яқин вилоятларини боғлади.

ЗУЛҚАРНАЙН(араб.—икки шохли) — мусулмонлар орасыда тарқалған кадривоятларга кура, дунёнинг Чин (Хитой) га қадар ерларини забт этиб, у ерда яъжуқ ва маъжүжүк йўлига улкан тўсик курган подшоҳ. Айни вақтда ҳам Шарқ, ҳам Фарб ҳукмдори эканлиги ёки тожининг икки чети шоҳсимон бўлғанлигидан шундай деб аталган, деб тахмин қилинади. Куръонда З. нинг ер юзида ҳақни қарор топтириш учун қилган сайдыхаракатлари баён этилган (18:83—102). Баъзи ислом тадқиғатлари (мас, Ибн ал-Асир) Куръони ка-римда зикр қилинган З. ни македониялик Александрнинг ўзи деб ва баъзилари Ҳазрат Иброҳим (ас) дан илгари яшаб ўтган бутунлай бошқа бир шахс деб талқин этишади.

Ўрга асрларда мусулмон шарқи адабиётида З. сиймоси Искандар (Александр) ҳақидаги бошқа туркум хикоятлар б-н кўшилиб кўп сонли насрый ва шеърий асарлар учун асос бўлди. Бу борада Низомий Ганжавий, Абдураҳмон Жомий ва Алишер Навоий достонларини алоҳида кўрсатиш мумкин.

ЗУЛҚАЛЬДА (араб.) — қамария йил ҳисобида, яъни Ой тақвимида, шунингдек мусулмонларнинг хижрий-қамарий йил ҳисобида ўн иккичи ойнинг арабча номи; 30 кунга teng.

ЗУЛХИЖЖА (араб.) — қамария йил ҳисобида, яъни Ой тақвимида, шунингдек мусулмонларнинг хижрий-қамарий йил ҳисобида ўн иккичи ойнинг арабча номи; 29 кунга teng.

ЗУМРАД (юн. smaradgos) — минерал, бершынгт тўқ яшил тури. Таркибида оз миқдорда (2% ча) хром оксиди бўлди. Чиройли товланиши, яхши жило-ланishi, шаффофлиги, кристалл шаклининг

чиройлилиги б-н қимматбаҳо тошлар ичида биринчи даражали хисобланади. З. нинг дарз кетмаган шаф-фоф, массаси 5 каратдан ортиқ бўлган хили, шунга тенг бўлган олмосдан қимматроқ туради. З. нинг йирик конлари гранитли пегматитларнинг магнезиал сланецлар, амфиболитлар ва змеевикларга таъсир этилишидан ҳосил бўлади. Шунингдек, З. кварцдала шпатли томирларда ва ўзгарган сланец карбонатли жинсларда ҳам учрайди. З. нинг конлари кам. Асосий конлари Россия (Урал), ЖАР (Трансвааль), Колумбия (Мусо) да бор. З. дан қимматбаҳо тақинчоқлар ва безаклар тайёрланади. Сунъий З. квант механикасида ишлатилиди.

ЗУМРАД — кечишиш ширин қалампир нави. Ўзбекистон сабзавот, полиз экинлари ва картошкачилик и.т. ин-тида Калифорния Вондер (АКШ) популациясидан кўп марта якка танлаш йўли б-н чиқарилган (1988). Тупи ихчам, яхши баргланган, бал. 40—54 см. Барги яшил, ўртача катталиқда. Меваси призмасимон, юзаси силлиқ, учи бир оз киррали, этининг қалинлиги 5,2 мм, уз. 8 см, эни 7,5 см. Тўқ яшил, пишиб етилгандан сўнг қизил рангга киради, хушбўй. Таркибида С витамин (134 мг %), 10—11 % куруқ мод-да, 2—6% қанд, 1,5% крахмал, оқсили, ёғ, клетчатка, витамин В, ва В2, каротин бор. Бир дона мевасининг оғирли-ги 100 г. Уруглари эркин жойлашган, уруғдонлар сони 3—4 та. Ниҳоллар тўлиқ униб чиққанидан кейин меваси етилгунча ўсув даври 153 кун. Ҳосилдорлиги 30—35 т/га га боради. Меваси овқатга ишлатилиди, турли консервалар тайёрланади. (қ. Болгар қалампир).

ЗУННОР (араб. — чилвир) — чармдан ясалган маҳсус камар, белбоғ. Араб ха-лифаилиги даврида мусулмон давлати худудида яшаб, бошқа динга эътиқод қилувчилар — зиммий (асосан яхудий ва христиан) лар мусулмон эмаслигининг белгиси сифатида З. ни мажбуран тақишиган. Бу ҳолат шариат-

да қонунлаширилган. Бу коида Бухоро амирлигига яхудийларга нисбатан ҳам қўлланилган. 19-а. нинг 60-й. ларидан барҳам топди.

ЗУННУН ҚОДИРИЙ (1912.17.6 -Шинжон — 1989.22.9) — уйғур ёзувчи, драматург, янги давр уйғур адабиёти асосчиси. «Жаҳолатнинг жафоси» (1937), «Фунчам» (1939), «Кучукка хужум» (1946), «Икки бармогим» (1947), «Мадор кетганд» (1948), «Шафқат ҳамшираси» (1948) каби ҳикояларида Гоминдон давридаги уйғур ха-лқининг ачинарли ҳаёти ифодаланган бўлса, «Чиникиши» (1956), «Гумон» (1957), «Рахмат» (1958), «Бахтихоннинг ҳаёти» (1960), «Кизил гул» (1962) каби ҳикояларида Гоминдон зулмидан қутулгандан кейинги ҳаёт тасвирланади. «Жаҳолатнинг жафоси» (1937), «Уч-рашганда» (1942), «Гулнисо» (1946), «Тўй» (1956) каби драмалари, «Кўшчи б-н сичқон», «Булбул б-н синчалак», «Капалак б-н ари» каби масалларида ижтимоий ҳаётдаги зиддиятлар, ёшларнинг янгилик сари интилишлари акс этган.

Асарлари хитой, рус, инглиз, немис, япон, француз тилларига таржима килинган. З. Қ. Осиё ва Африка ёзувчилари Тошкент конференцияси (1958) қатнашчиси.

ЗУННУНОВ Аскар (1915.17.1, Тошкент) — педагог-методист олим, пед. фанлари д-ри (1975), проф. (1978). Ўзбекистонда хизмат кўрсатган ўқитувчи (1968). Тошкент кечки пед. ин-тининг филол. ф-тини тугатган (1943). 1933 й.дан Тошкент ш., Тошкент ва Фарғона вилоятлари мактабларида ўқитувчи, илмий мудир, директор, Шаҳрисабз туман ҳалқ маорифи бўлими мудири. 1961 й.дан Ўзбекистон Пед. фанлари и.т. интида илмий ходим, бўлим мудири, илмий котиб, директор ўринбосари, директор, 1994 й.дан бўлим мудири. З. мактабларда ўзбек адабиёти ва адабиёт назарияси, миллий пед. тарихини урга-нишга дойр 30 дан ортиқ дарслик ҳамда қўлланмалар муаллифи. «Педагогика тарихи» дарелиги ҳаммуаллифи. «Эл-юрт хурмати» ор-

дени б-н мукофотланган (1998).

ЗУННУНОВА Саида (1926.15.2, Андижон — 1977.20.3, Тошкент) — шоира. Ёзувчи Сайд Ахмаднинг рафиқаси. Андижон ўқитувчилар ин-тини (1943) ва Ўрта Осиё ун-тининг филол. ф-тини (1947—52) тугатган. «Гулхан» жур. (1953—56), «Ўзбекистон маданияти» газ. да адабий ходим (1956—57), Бадиий адабиёт нашириётида муҳаррир (1957—58) ҳамда Ўзбекистон Ёзувчилар уюшмасида адабий маслаҳатчи (1962—67) бўлиб ишлаган. З. нинг илк шеъри 1945 й. Андижон вилояти «Пахта фронти» газ. да босилган. «Қизингиз ези» номли илк шеърлар тўплами эса талабалик йиллари (1948) нашр этилиб, шеърият муҳлислари эътиборини қозонди. Шундан кейин унинг «Янги шеърлар» (1950), «Гуллар водийси» (1954), «Қизларжон» (1962), «Шеърлар» (1964), «Бир йил уйлари» (1967), «Нилуфар» (1972) шеърий тўпламлари эълон килинди. Шоира гўзал лирик шеърлар б-н бир вактда «Содик ва Анор»(1947), «Хай-рихон» (1949), «Сурат б-н сухбат» (1966), «Қўшниларим» (1968) сингари достонлар ҳам яратди. З. бу шеърий асарларида инсон руҳий ҳаётининг нозик қирралари ва тебранишлари, туйғу ва кечинмаларнинг мураккаб ҳаракати, дарду ҳасрат ва орзу-армонларнинг камалак рангларини маҳорат б-н ифодалай оловчи шоира сифатида шаклланганини намойиш этди. Бу ҳол унинг, айниқса, «Сурат б-н сухбат» достонида ёрқин кўринди.

З. ўзбек хотин-кизлари ҳаётини ўрганиш, улар турмушидаги машаккатли жиҳатлар ва мураккабликларга жамо-атчилик эътиборини жалб этиш ниятида оила ва муҳаббат мавзууда бир қанча ҳикоя ва қиссалар ёзди. Унинг «Гулбаҳор» (1956), «Повесть ва ҳикоялар» (1957), «Гулхан» (1959), «Дўстлик» (1960), «Қанот» (1961), «Олов» (1962), «Кўчалар чароғон» (1965), «Бўйларингдан ўргилай» (1972) сингари насрий китобларида хотин-кизлар ҳаёти ҳақконий бадиий тажассумини топди. Айниқса, «Янги

директор», «Олов», «Одамлар орасида» киссаларида З. эскилик саркитларини фош этиш нико-би остида совет жамиятидаги иллатларни кескин фош этди. З. нинг «Она» (1966) ва «Кўзлар» (1968) номли пье-салари ҳам бор. Тошкентдаги кўчалардан бири ва 224-сонли мактабга, шунингдек, Андикон шахридаги кўча ва мактаблардан бирига ҳамда Бўз туманидаги академик лицейга З. номи берилган.

Ас: Танланган асарлар [З жилдли], Т., 1976.

Ад.: Ҳасanova X., Saиda Зуннунова, Т., 1975; Сайд Аҳмад, Йўқотгандарим ва топгандарим, Т., 1998.

Наим Каримов.

ЗУРМАЛА МИНОРАСИ - Термиздаги меъморий ёдгорлик (мил. ав. 2-а.) Кушонлар даврига оид будда иншооти. А. Стрелков уни ступа деб хисоблаган. Археологик тадқиқотлар натижасида З. м. ҳаробасининг бал. 14,5 м гача бўлган. Асосан тўғри тўртбурчак тарҳли (22 x 16 м), цилиндрисимон минора шаклида ҳом ғиштдан қурилган, тепасига қубба — гумбаз ишланган, оқиш оҳақтош б-н қопланган, асосида бўртма горельеф ҳайкаллар бўлган. Тоштахталар ҳамда тарошланган бўлак парчалари кўплаб тошилиши З. м. ни ташқаридан ҳам тош б-н қопланган деб тахмин қилинади.

Ад.: Термиз — Буюк йўллар чорраҳасидаги кўхна ва янги шаҳар, Т., 2001.

ЗУТНЕР (Suttner) Берта фон (асл фам. Кинская) (1843.9.6, Прага — 1914.21.6, Вена) — Австрия адабиаси, жамоат арбоби. Ҳарбий ойлада туғилган. Грузияда яшаган (1876—85). Шу ерда адабий фаолияти бошланган. «Бир қалб комуси» (1883) асарини Onlot тахаллуси б-н эълон қилади. З. Венага қайтгач, Тинчлик жамоати тузади (1891), замонаси-нинг кўзга кўринган жамоат арబоблари, машҳур ёзувчилари б-н алоқа ўрнатади. «Ваффен нудер!» («Die Watten nieder!», 1892—99) жур. нашр этган. «Йўколсин курол» (1889), «Мартанинг болала-ри» (1902) роман ларини, «Ёзувчининг

ишикий саргузаштлари» (1888), «Азобкор шоҳ» (1899) асарлари ҳамда «Уруш ва унга қарши кураш» (1904), «Хотиралар» (1908) тўпламларининг муаллифи. Урушга қарши фаолияти учун Нобель мукофоти лауреати (1905) бўлган.

ЗУФАРОВ Комилжон Аҳмаджонович (1925.1.5 - Тошкент - 2002.30.7) -гистолог олим, Ўзбекистон ФА акад. (1968), Ўзбекистонда хизмат кўрсатган фан арбоби (1968). ТошТИ ни тутатган (1951). 2-жаҳон уруши қатнашчиси, Андикон тиббиёт ин-ти гистология кафедраси мудири ва ф-т декани (1955—57), Ўлка тиббиёт ин-ти ва Ўзбекистон ФА ядро физикаси ин-тида лаб. мудири (1957—65), ТошТИ ректо-ри (1956—71), Ўлка тиббиёт ин-ти директори (1971 — 72). Ўзбек совет энциклопедияси бош мухаррири (1977—86), «Фан ва тур-муш» жур. бош мухаррири (1988— 1992). ТошТИ гистология кафедраси (1962 й. дан) ва биофизика лаб. (1966 й. дан) мудири. Асосий илмий ишлари ҳужайралар ичида секреция ва сўрилиш жараёнлари ҳамда уларнинг бошқарилиш механизмини ўрганишга оид. Ўзбекистонда биринчи бўлиб электрон микроскопия лаб. га асос соглан. Ингичка ичақдан сўрилган экзоген оқсилларнинг буйракларда парчаланиши тўғрисидаги илмий кашфиёт муаллифи (1987). Бе-руний номидаги Ўзбекистон Давлат мукофоти лауреати (1981).

Ас: Ультраструктурные основы системной организации органов и тканей, Т., 1983; Влияние некоторых химических факторов внешней среды на действие лекарственных веществ, метаболизирующихся в печени, Т., 1979; Гистология, Т., 1991; Гистология (руководство), (ҳамкорлика), Санкт-Петербург, 2001.

ЗУФАРОВ Усмон, Уста Усмон (1892 — Тошкент — 1981.7.8) — шарқ мусиқа асбоблари устаси, ўймакор нақ-қош. Ўзбекистонда хизмат кўрсатган санъат арбоби (1942). 1906—12 й. ларда уста Тошдан хунар ўрганганди. 1912 й. дан мустақил уста. 1927 й. дан Ўзбекистон

радио кўмитасида, 1929 й. дан Тошкент хунармандлик уюшмаси қошида-ги артеда, Санъатшунослик ин-ти миллий мусиқа асбобларини мукаммаллаштириш тажриба лаб. да (1934—36 ва 1943—46), Ўзбек давлат филар-мониясида (1936—43) ишлаган. З. ўзбек чолғу асбобларни ясаш, такомиллаш-тириш ва безашда ўзига хос услугуб яратган. У ясаган ва безаган миллий чолғу асбоблари (танбур, дутор, сато ва б.) маҳсус кўргазмаларда намойиш этилган (1937, 1959). 60-й. лардан З бўлакли (йигма) танбур, дутор ва сатолари кенг тарқалган, шунингдек, уд, скрипка, қозок ва кирғиз кўбизи (қил кўбиз), қозок дўмбираси, аффон рубоби, испан банжоси ва б. ни хам ясаган хамда қадама нақшлар б-н безаган. Ижодидан намуналар республика музейларида сакланади. Кўплаб шогирдлар тайёрланган. З. ижоди ҳакида «Кўйловчи ёғоч» телефильми яратилган (1978). Тошкентдаги З. яшаган кучага унинг номи берилган.

ЗУФО (Nereta cataria) — ялпиздошлар (лабгулдошлар) оиласига мансуб кўп йиллик серпоя ўт. Бўйи 80 см ча. Барглари тухумсимон, орқаси тукли, қарамакарши жойлашган. Гуллари оч бинафша поя ва шохлари учдида ярим соябон ҳолида тўпланган. Меваси 4 та ёнғокча. З. таркибида эфир мойи ва б. моддалар бор. Барг қайнатмаси халқ табобатида иштаҳа очиш, йўтални босиш учун, шунингдек, нафас йўллари ва меъда касалликларини даволашда кўлланилади.

ЗУҲАЛ (араб.) — Сатурннинг арабча номи.

ЗУҲРА (араб.) — Венеранинг арабча номи.

ЗУҲРО КАМАРИ (*Cestus veneris*) — пайпаслагичлар туркумига мансуб; та-роқлилар тури. Танаси тасмасимон, тиник тусли; рангини ўзгартириш хусусиятига эга. Уз. 1,5 м гача. Оғиз тешиги танасининг ўртасида жойлашган. Тана-сида 8 та меридиан қатордан иборат тароқсимон пластинкаси бор. Улардан 4 таси бошқаларига нисбатан узун бўлиб, тана бўйлаб чўзилган. Пайпаслагичлари

ёрдамида сузib юради. Қоронғида ёруғ нур тарқатади. Тропик ва субтропик денгизларда тарқалган.

ЗЮСС (Suess) Эдуард (1831.20.8, Лондон — 1914.24.4, Вена) — австрийлик геолог. Вена ун-тида геология проф. (1857—1901). Вена ФА президенти (1898—1911). Рейхстрат аъзоси (1873 й. дан). Альп тоғлари, Ломбардия ботиқлиги, Апеннин тоғларининг геологик тузилиши ва тектоникасини ўрганганд. «Альп тоғларининг ҳосил бўлиши» (1875) илмий асарида тоғликларнинг ҳосил бўлиши тўғрисидаги фикрларни контракция назарияси асосида ривожлантириди. З жилдли «Лик Земли» («Ернинг кўриниши»; 1883—1909) асарида 20-а. бошларигача турли мамлакатлarda олиб борилган барча регионал тадқиқотларни тўплаган ва Ер пўстикл материк қисмларидаги тузилиши ва ривожланиши тўғрисидаги фикрларни умумлаштирган. З. нинг бу асари геол. нинг турли соҳаларини ривожланишида муҳим роль ўйнаган. З. нинг назарий фикрлари ҳозиргача геол. да сакланиб қолган.

ЗЎРКЎЛ — Тоҷикистон Республика-сининг Тоғли Бадаҳшон муҳтор вило-ятидаги кўл. Помирнинг Жан. Аличур ва Ваҳон тизмалари оралиғида, денгиз сатҳидан 4126 м баландликда. З. тоғ кулаб тушиб, Панж дарёсининг ўнг ирмоғи — Помир дарёси ўзанида тўғон ҳосил бўлиши натижасида вужудга келган. Уз. 20 км, эни 3,5 км, чук. 5 м гача, майд. 38,9 км². Суви июль—авг. да кўпаяди. Нояб. дан майгача музлаб ётади. З. дан Помирдарё оқиб чикади. Кўл суви чучук ва тиник.

ЗЎРЛИК — жиноят хуқуқида кўлланиладиган тушунча; Ўзбекистон Конституциясида кафолатланган шахсий даҳлсизликнинг бузилишига сабаб бўладиган, бир шахснинг 2-шахсга нисбатан жисмоний ёки руҳий таъсир ўтказиши. Жиноят қонунига биноан тегишли жазо кўзда тутилган бир қанча жиноятлар (мас, қасдан одам ўлдириш,

касдан баданга шикает етказиш, номусга те-гиш, босқинчиллик, талончилик ва х. к.) З. ишлатиш орқали содир этилади. Жисмоний З. киши баданига бевосита таъсир этишда, руҳий З. баданга муайян таъсир қилиш б-н қўрқитишда ифодаланади. З. фақат жабрланувчининг ўзига нисбатан эмас, якин кишиларига нисбатан ҳам ишлатилиши ёки З. ишлатиш б-н қўрқитиб, содир этилиши мумкин. Ўта шафқатсизлик б-н содир этилган З. жазоҳни оғирлаштирувчи ҳолат ҳисобланади, айрим ҳолларда жиноятни квалификация қилишнинг зарурый белгиси саналади (мас, ўта шафқатсизлик б-н одам ўлдириш (Ўзбекистон Республикаси ЖК, 97-модда) ёки ўта шафқатсизлик б-н баданга оғир шикает етказиш (104-модда).

ЗЎРЧА (*Silena conica* L.) — чинни гулдошлар оиласига мансуб бир йиллик ўт, бўйи 10-25 см, пояси оддий, юқори қисмидан шохлайди. Барглари наштар-симон. Гуллари пушти. Тожбарги 17—20 мм. Шохча учларига 1—2 тадан ўрнашган. Ўзбекистоннинг ҳамма ви-лояларида адир ва тоғ этакларида тарқалган. Апр.—июлда гуллаб мева беради. Илдизида заҳарли гликозид — сапонин бор.